

唐 李延壽 撰





中華書局

卷 第 四

中四 (傳)

北史卷四十五

列傳第三十三

裴叔業 夏侯道遷 李元護 席法友 王世弼

江悅之 淳于誕 沈文秀 張讜 李苗 劉藻

傅永 傅竪眼 張烈 李 叔彪 路恃慶

房亮 曹世表 潘永基 朱元旭

裴叔業,河東聞喜人,魏冀州刺史徽之後也。 五世祖苞,晉秦州刺史。 祖邕,自河東居

于襄陽。父順宗,兄叔寶,仕宋、齊,並有名位。

命,累遷爲寧蠻長史、廣平太守。 叔業少有氣幹,頗以將略自許。 叔業早與齊明帝共事,明帝輔政,以爲心腹, 朱元徽末,歷官爲羽林監、齊高帝驃騎行參軍。 使領軍奄襲 齊受

列傳第三十三 裴叔棠

諸蕃 鎭, 盡 心 用 及卽位,以爲給事黃門侍郎,封武昌縣伯。

盛飾 孝 文 南 次 以夸之。 鐘離,齊拜叔業爲徐州刺史,[1]以水軍入淮。 |津日:「伯父儀服誠爲美麗,但恨不畫游耳。」 帝令郎中裴津往與之語,叔業

若 堅據 李元 之等疑其 沉 安慰之,自然 懼 旣 等欲富貴 不 疑 欲 在 已。 未 襄陽, 護應之,及顯達 北 齊帝崩 疆場,且欲羈縻之,白齊主,遣中書舍人裴穆慰誘之,許不須回換。 左右服 決,遣 向,彼 時梁武帝為雍州 有異,去來 乎,我言富貴 輒當 廢帝 翫 心必遣 無患。 信詣豫州 勠力自保。 即位,誅大臣,都下屢有 人相代,以河 若意外 敗 者並云叔業北 /亦可 而還。 刺史薛眞度,訪入北之宜。 刺史,叔業遣親 相逼 若不 ·辦耳。」未幾,見徙南亮州刺史。 叔業 北 爾, 當勒 入。 慮內難未已,不願爲南兗州。 地 回 相 馬 面 叔業兄子植、颺、瑜、粲等棄母奔壽陽。 處, 二萬, 變發。 向 人馬文範以自安之計訪之梁武帝曰:「雍州若能 北, 河 南 直 不失河南公。」梁武 叔業 真度答書,盛陳朝廷風化,叔業乃遣子芬 公 出 寧復 横江,以斷 登壽春城,北望肥水,謂部下曰:「 可得? 會陳顯達圍建鄴,叔業遣 其後,則天下事一舉可定。 如 齊廢主嬖臣茹法珍、 此 報曰:「唯應送家還都以 則南歸望絕矣。」叔業 叔業雖得停, 法珍等以 司馬 而 其 卿

景明元年正月,宣武詔授叔業使持節、散騎常侍、都督、豫州刺史、征南將軍,封蘭陵郡

之

兄女夫韋伯昕奉表

內附。

推叔業兄子植監州事。詔贈叔業驃騎大將軍、開府儀同三司、諡忠武公、給東園溫明秘器。 公,又賜叔業璽書,遣彭城王勰、尚書令王肅赴接。軍未度淮,叔業病卒,李元護、席法友等

子構之,字文德,仕齊,隨郡王左常侍,先卒。

子譚紹封。譚粗險好殺,所乘牛馬爲小驚逸,手自殺之。 然孝事諸叔、盡於子道,

歲入,每以分贍,世以此稱之。位輔國將軍、中散大夫。卒,贈南豫州刺史,諡曰敬。

子測,字伯源,襲。歷通直散騎侍郎,天平中,走於關中。

蒨之弟芬之,字文馥,長者好施,篤愛諸弟。仕齊,位羽林監。入魏,以父勳封上蔡伯。

事,為<u>莫折</u>念生所害,贈青州刺史。 爲東秦州刺史,在州有淸靜稱。後徙封山在縣。遷岐州刺史,爲隴賊所圍,城陷,賊以送上

|芬之弟||萬之,字均重,性輕率。 好琴書,其內弟柳諧善鼓琴,藹之師而微不及也。 位汝

陽太守。

叔業長兄子彦先,少有志尙。叔業以壽春入魏,彦先封雍丘縣子,位勃海相。

惠恭。

彦先子約,字元儉,性頗剛鯁,後襲爵。冀州大乘賊起,敕爲別將,行勃海郡事,城陷

見害。

長子 英起 武定末,洛州刺史。 英起弟威起,卒於齊王府中兵參軍 ,贈鴻臚 少卿

人 製千 彦先 家 弟絢 汎 舟南 揚州 走高 中從事。 原, 謂崇還北, 時揚州霖雨,水入城,刺史李崇居城上,繫船憑焉。 遂與別駕鄭祖起等送子十四人於梁。 崇勒水軍討之, 絢 率城南

衆潰

見

獲

一,投水

而

詔特 納魏 恕 軍 叔業卒,席法友、柳玄達等共舉植監州。 植字文遠,叔業兄叔寶子也。少而好學,覽綜經史,尤長釋典,善談理義。 其 罪, 詔 以植 以表 為竞州 勳誠。 刺史、崇義 尋除授揚州大中正, 縣侯、入爲 秘叔業 大鴻臚卿。 出爲瀛州刺史,再遷度支尚書,加 喪問,教命處分,皆出於植。 後以長子昕南叛,有司 隨叔業在壽 '處之大辟, 於是 金紫光祿 開門

侍中于忠、黄門元昭覽之切齒,寢而 毁。 私集 大夫。 日 一,非 論 叉 植 表 性 ,自言人 毁征 我須 非 柱石,所爲無恒。兗州之還也,表請解官,隱於嵩山,宣武不許,深以爲怪。然公 南將軍 尙 門不 書, 後王 尙 田 書亦 益宗, 肅 須 怪朝 言 我。」辭氣激揚, 華 廷處之不 不奏。 夷 異類,不應在 高。 韋伯昕告植欲謀廢黜。 見於言色。 及 爲 百世 尙 書, 衣冠之上。 及 志意 入參議 頗滿, 尚書又奏羊祉告植姑子 論, 率 欲 多 時 以 一侵侮, 對 政 衆 事 官, 皆 爲 己任 此 面 類 有 也。

門禮葬于嵩高之陰。 皇甫仲達,云受植旨,三 又矯詔殺之,朝野稱寃。 逐詐稱被詔,率合部曲, 臨終,神志自若,遺令子弟,命盡之後,剪落鬚髮,被以法服,以沙 欲圖領軍于忠。 時忠專權,旣構成其禍,

植故吏勃海刁沖上疏訟之,於是贈尚書僕射、揚州刺史,乃改葬。 初 ,植與僕射郭祚、都水使者韋儁等同時見害,後祚、儁事雪加贈,而植追復封爵而已。

嵩高 衍並 也, 束帶伏門,經五三日乃引見之,督以嚴訓。唯少子衙得以常服見之,旦夕溫 諸弟,而各別 其母年踰七十,以身爲婢,自施三寶,布衣麻菲,手執箕帚於沙門寺掃酒。 積歲,乃還家。 一亦奴僕之服,泣涕而從,有感道俗。 植母,夏侯道遷姊也。性甚剛峻,於諸子皆如嚴君。長成後,非衣幍不見,小有罪過,必 資財,同居異爨,一門數竈,蓋亦染江南之俗也。 植旣長嫡,母又年老,其在州數歲,以妻子自隨。 諸子各以布帛數百贖冤其母,於是出 論 者 . 譏焉。 雖自 l 州 送 禄 凊。 家為 植 植 弟瑜 奉 比丘,入 在瀛州 母 及贍

韶 命未至,爲賊所殺 植 弟颺,壯果 有謀略。在齊,以軍功位驍騎將軍。 ,進爵爲侯。 宣武以颺勳効未立而卒,其子烱不得襲封。 入魏,爲 南司 州刺 史,封義陽 明帝 初, 縣伯,言 烱行

貨於執事,乃封城平縣伯。

烱 字 列 休光 傳 第 Ξ 小小 + 字 三 黄 頭,頗 裴 叔 業 有文學,善事權門。 領軍元叉納其金帛, 除鎭遠將軍、 一六四九 散騎常

侍、揚州 大中正,進臂爲侯,改封高城。 尋兼尚書右丞, 出爲東郡太守, 爲城人所害。 贈散

六五〇

騎常侍、靑州刺史,諡曰簡。

海太守,贈豫州刺史,諡曰定。

就家急召之,須臾間,使者相屬,合家恇懼,不測所以,燥更恬然,神色不變。 爲一行。」緊便下席爲行,從容而出。 牧,粲修謁,雍含怒待之。粲神情閑邁,舉止抑揚,雍目而不覺解顏。及坐定,謂粲曰 僕射高峰以外戚之貴,勢傾一時,朝士見者,咸望塵 以 未精,而 霑濡 王雍曾以事屬桑,桑不從,確甚爲恨。後因九日馬射,敕畿內太守皆赴京師,確 之,燥曰:「何可自同凡俗也。」又曾詣淸河王懌,下車始進,便屬暴雨, 瑜弟粲,字文亮,封舒縣子。沉重善風儀,頗以驕豪爲失。歷正平、恒農二郡太守。 改節。 風 韻 可重。 但不 涉經史,終爲知音所 坐事免。後宣武聞聚善自標置,欲觀其 輕 拜謁,粲侯肇,唯長揖而 | 粲 容 己。 帝歎異之。 風 度, 步 及還,家人 舒雅,不 [一] 令 傳 時爲州 時

後爲揚州大中正、中書令。 明帝釋奠,以爲侍講,轉金紫光祿大夫。 元顥入洛,以粲爲

今欲我飲,何異於往情?」粲曰:「北海志在沈湎,故諫其所失,陛下齊聖溫克,臣敢獻微誠。」 晦,帝出臨洛濱,粲起御前再拜上壽酒。 西兗州刺史,尋爲濮陽太守崔巨倫所逐,棄州入嵩高山。 帝曰:「昔北海入朝,暫竊神器,爾日卿戒之以酒, 節閔帝初,復爲中書令。 後正月

帝曰:「甚愧水譽。」仍爲命酌。

粲乃徐云。「耿王可引 爲祈請,直據胡床,舉盃曰:「僕白君。」左右云:「前後例皆拜謁。」「桑曰:「五岳視三公,四瀆 禦之術。 視諸侯,安有方伯致禮海神。」卒不肯拜。時靑州叛賊耿翔寇亂三齊,粲唯高譚虛論,不 孝武 子含,字文若,員外散騎侍郎 翔 初,出爲驃騎大將軍、膠州刺史。屬時亢旱,土人勸令禱於海神。 乘其無備,掩襲州城,左右白言賊至,燦云:「豈有此理!」左右又言「已入州門」。 上廳事,自餘部衆,且付城人。」不達時變如此。 尋爲翔害,送首於梁。 **繁憚違衆人,乃** 事

防

宗寇 從歷 守。 荆州。 建興、河內二郡太守。 歸魏,授通 韶附 直郎,衍堅辭朝命,上表請隱嵩高,詔從之。 爲別將,與恒農太守王羆救荆州。 歷二郡,廉貞寡欲,善撫百姓, 事親以孝聞,兼有將略。 衍大破之,荆州圍解。 人吏追思之。 宣武末, 稍以 孝昌初,梁將曹敬 出 除北道都督,鎮 仕齊, 位陰平太 Щ, 干祿執 事

列

傅

第

鄴 西之武城 ,封安陽 縣子。 時 相州刺史安樂王鑒潛圖叛逆。 **衍覺其有異,密表陳之。** 尋而

大都 鑒所部別將嵇宗馳驛告變,乃詔衍與都督源子邕、李神軌等討鑒,平之。 督,進封臨汝縣公。 韶衍與子邕北討葛榮,軍敗見害。 贈車騎大將軍、司空、相州刺 除相州刺史、 北

子嵩襲。

叔 業之歸魏,又有尹挺、柳玄達、韋伯昕、皇甫光、 梁祐、 崔高容、 閻慶胤、 柳僧習並預

其功。

尹挺,天水冀人,仕齊,位陳郡太守。與叔業參謀歸誠,歷南司州刺史。

柳玄達,河東解人,頗涉經史,仕齊,諸王參軍。 與叔業姻婭周旋,叔業獻款,玄達贊成

粗放無拘檢,時人或謂之柳癲。好彈琴耽酒,時有文詠。孝武初,除儀同、開府參軍事。 其計。入魏,除司徒諮議參軍,封南頓縣子。卒,改封夏陽縣,子絳襲。絳弟遠,字季雲,性

情琴酒之間,每出行返,家人或問消息,答云「無所聞,縱聞亦不解」。後客遊卒。

玄達弟玄瑜,位陰平太守,卒。子諧,頗有文學,善鼓琴,以新聲手勢,京師士子翕然從

字。除著作佐郎,於河陰遇害。

韋伯昕,京兆杜陵人,學尙有壯氣。自以才智優於裴植,常輕之,植嫉之如讎。 即彦先

之妹夫也。 後拜員外散騎常侍,加中壘將軍。告裴植謀爲廢黜,植坐死。 叔業以其有大志,故遣送子芬之爲質。四入魏,封零陵縣男,歷南陽太守,坐事 後百餘日,伯昕亦病卒。

臨亡,見植爲祟,口云:「裴尙書死,不獨見由,何以見怒?」

官,皆有定價。後以丞相、高陽王雍之壻,爲豫州刺史。爲政殘暴,百姓患之。卒於安南將 軍、光祿大夫,贈尙書左僕射。子長卿,太尉司馬。 附,四除岐州刺史。椿齡子璋,鄉郡相。璋弟陽,位吏部郎。性貪婪,多所受納,鬻賣吏 皇甫光,安定人,美鬚髯,善言笑。入魏,卒於勃海太守。兄椿齡,從薛安都於彭城內

朝廷名賢,泛舟洛水,以詩酒自娛。遷光祿大夫,端然養志,不歷權門,卒於京兆內史。 **爵山桑子。出爲北地太守,淸身率下,甚有聲稱。歷太中大夫。從容風雅,好爲談詠,常與** 梁祐,北地人,叔業從姑子也。好學,便弓馬,隨叔業征伐,身被五十餘創。景明初,賜

崔高容,淸河人,博學善文辭,美風彩。景明初,位散騎侍郎,出爲揚州開府掾,帶陳留

太守,卒官。

閻慶胤,天水人,博識洽聞,善於談論,聽其言說,不覺忘疲。卒於敷城太守。

柳僧習見其子虯傳。

不願取婦。」家人咸謂戲言,及婚,求覓不知所在,訪問,乃云逃入益州。 夏侯道遷,譙國人也。少有志操。年十七,父母爲結婚韋氏,道遷云:「欲懷四方之志,

後隨襲叔業於壽春,爲南譙太守。二家雖爲姻好,親情不協,遂單騎歸魏。拜驍騎將

軍,隨王肅至壽春。肅薨,道遷棄戍南叛。

尚書邢巒指授節度。道遷表受平南、常侍,而辭豫州、豐縣侯,引裴叔業公爵爲例。宣武 刺史。道遷遣表歸闕,詔璽書慰勉,授持節、散騎常侍、平南將軍、豫州刺史,封豐縣侯,遣 黑死,而道遷陰圖歸順。先是,仇池鎭將楊靈珍反叛南奔,「以」梁以靈珍爲征虜將軍,假武都 王,[t] 助戍漢中。道遷乃擊靈珍,斬其父子,送首於京師。 會梁以莊丘黑爲征虜將軍、梁秦二州刺史,鎭南鄭。黑請道遷爲長史, 江悦之等推道遷爲梁、秦二州 帶漢中郡。

也。」道遷以賞報爲微,逡巡不拜,尋改封濮陽縣侯。 無所,致此猖狂。 道遷自南鄭來朝京師,引見於太極東堂,免冠徒跣謝日,「比在壽春,遭韋續之酷,申控 是段之來,公希酬昔遇。」宣武曰:「卿建爲山之功,一簣之玷,何足謝 歲餘,頻表解州,宣武許之。除南兗州

大中正,不拜。

京城 歲入三千餘匹,專供酒饌,不營家產。每誦孔融語曰:「坐上客恒滿,罇中酒不空,餘非吾事 西水次市地,大起園池,殖列蔬果,延致秀彦,時往遊適。妓妾十餘,常自娛樂,國秩 道遷雖學不深洽,而歷覽書史,閑習尺牘。好言宴,務口實,京師珍羞,罔不畢有。於

奇之,議欲更以三百戶封潁興,會卒,遂寢。道遷不聘正室,唯有庶子數人。行 歸 (誠本由王潁興之計,求分邑戶五百封之,宣武不許。靈太后臨朝,道遷重求分封,太后大 歷華、

瀛二州刺史、

爲政清嚴、善禁盜賊。

卒、贈雍州刺史、

諡明侯。初,

道遷以拔漢中 也。」識者多之。

発飢寒。 口,沽買飮噉,多所費用,父時田園,貨賣略盡,人間債猶數千餘匹。 穀食至常不足,弟妹不 長子夬,字元廷,歷鎭遠將軍、南兗州大中正。夬性好酒,居喪不戚,醇醪肥鮮,不離於

城太守趙卓詣之、「二見其衣濕、謂內曰:「卿昨夜當大飲、溺衣如此。」」內具陳所夢。 旬餘,秘書監鄭道昭暴病卒,決聞,謂卓曰:「人生何常,唯當縱飮。」於是昏酣逡甚。 郎」,隨召卽去,遣左右杖之二百,不勝楚痛,大叫。良久乃悟,流汗徹於寢具。 其父坐,屏人密言。 初 ,道遷知夬好酒,不欲傳授國封。 决心驚懼,謂人曰:「世寶至,官少問必擊我也。」[10]尋有人至,云「官呼 央未亡前,忽夢見征廣將軍房世寶至其家廳事,與 至明,前京

六五五

列

二日不能言,針之乃得語,而猶虛劣,俄而心悶而死。 洗浴者視其尸體,大有杖處,青赤隱

起,二百下許。贈鉅鹿太守。

及决亡後,三月上巳,諸人相率至决靈前,仍共酌飲。 殊 罪,而被嗔責。」僧明便悟。 便即僵仆,狀若被毆。 衣服形容,不異平昔,時執盃酒,似若獻酬,但無語耳。決家客雍僧明心有畏恐,披簾欲出, 有 朝露,坐上相看,先後間耳。脫有先亡者,於良辰美景,靈前飲宴,儻或有知,庶共歆饗。」 次緒 初,夬與南人辛諶、庾遵、二三江文遙等終日遊聚。 决從兄欣宗云:「今是節日,諸人憶弟疇昔之言,故來共飲。 而欣宗鬼語如夬平生,并怒家人,皆得其罪,又發陰私竊盜,咸 時日晚天陰,室中微闇,咸見決在坐, 酣飲之際,恒相謂曰:「人生局促,何 僧明何

而 决妻,裴植之女也,與道遷諸妾不睦,訟閱徹于公庭。子籍,年十餘歲,襲祖封已數年,

道遷兄子奠,口三位咸陽太守。

州東平原相,有能名。 道遷 之謀,又襄陽羅道珍、北海王安世、潁川辛諶、漢中姜永等皆參其勳末。 安世,苻堅丞相王猛玄孫也。 歷涉書傳,位北華州刺史。 謎,魏衞尉 道 珍

辛毗 善士,性至孝。 後也。 有文學,位濮陽、上黨二郡太守。 |永善彈琴,有文學,位|漢中太守。 永弟漾,亦

饒安縣令,罷,卒。 重義。 時潁川庾道者,亦與道遷俱入國,雖不參勳謀,亦爲奇士。 仕梁,右中郎將。及至洛陽,環堵弊廬,多與儁秀交舊,積二十餘歲,殊無宦情。 歷覽史傳, 善草隸書, 後爲 輕財

輕之。 根,仕慕容寶爲中書監。根子後智等隨慕容德南渡河,居靑州。 李元護,遼東襄平人,晉司徒胤之八世孫也。 胤子順、蹯及孫沉、 數世 無名,三齊豪門多 志皆有名宦。 沉 孫

同其謀。叔業疾病,元護督率上下以俟援軍。 以將用自達,然亦頗覽文史,習於簡牘。 元 護以魏平齊後隨父懷慶南奔。身長八尺,美鬚髯,少有武力。 後爲裴叔業司馬,帶汝陰太守。 壽春剋定,元護頗有力焉。 仕齊,位馬頭太守,雖 叔業歸順,元護贊

加,微爲濫酷。 景明初,以元護 州內 飢 爲齊州刺史、廣饒縣伯。 儉,表請振貸,獨其賦役。 尋以 但多有部曲,時爲侵擾,城邑苦之,故不得 州 人柳世明圖爲不軌,自己元護誅戮所

列

及將亡,謂左右曰:「吾嘗以方伯簿伍至靑州,士女屬目。若喪過東陽,不可不好設儀衞,哭 爲良刺史也。三年卒。 長二尺,一時落盡。贈靑州刺史。元護爲齊州,經拜舊墓,巡省故宅,饗賜村老,莫不欣暢。 死」,綱佐餞別者見而拭之,後復如此。一一護妾伎十餘,聲色自縱,情慾旣甚,支骨稍消,鬢 病前月餘,京師無故傳其凶問,又城外送客亭柱有人書曰「李齊州

衰,乃更婚娶。 不答之。房乃通其弟機,因會醉,殺之。子景宣襲。機與房遂如夫婦,積十餘年,房氏色 子會襲,正始中降爵爲子。會頑騃好酒,其妻南陽太守淸河房伯玉女也,甚有姿色,會 **泣盡哀,令觀者改容也。」家人遵其誡。**

元護弟靜,性貪忍,兄亡未斂,便剝妓服玩及餘物。 歷齊郡內史。

朐山敗沒,遂停十年。恬靜自安,不競世利。宣武末,除濟州刺史,廉和著稱。又徙封乘氏 剋定,

法友有力焉。歷華、

持二州刺史。後爲別將出淮南、

欲解朐山之圍。

法友始渡淮而 後與裴叔業同謀歸魏,拜豫州刺史、苞信縣伯。叔業卒後,法友與裴植追成業志,淮南 席法友,安定人也,祖、父南奔。法友仕齊,以膂力自効,任安豐新蔡二郡太守、建安戍

後卒於光祿大夫,贈秦州刺史,諡襄侯。

子景通襲,善事元叉,兼賂叉父繼。 繼爲司空,口巴引景通爲掾。

卒,贈衞尉少卿。

鄽襲,走關西。

王世朔,京兆霸城人也。 姚泓之滅,其祖、父南遷。 世弼身長七尺八寸,魁岸有壯氣,

善草隸書,好愛墳典。仕齊爲軍主,助戍壽春,遂與裴叔業同謀歸誠。 除南徐州刺史,封慎

縣伯。後除東秦州刺史,政任於刑,爲人所怨,有受納之響,爲御史中尉李平所彈,會赦免。

山、謂曰:「二州刺史、翻復爲郡、當恨恨耳。」世弱曰:「儀同之號、起自鄧騭、平北爲郡、始在 後為河北太守,有清稱。再遷中山內史,加平北將軍。直閤元羅,領軍元叉弟也,會過中

下官。」卒,贈豫州刺史,諡曰康。

長子會,汝陽太守。

次子由,字茂道,好學有文才,尤善草隸書,性方厚,有名士風,又工摹書,爲時人所服。

位東萊太守,罷郡寓居潁川。天平初,元洪威構逆,大軍攻討,爲亂兵所害。名流悼惜之。

江悦之字彦和,濟陽考城人也。 七世祖統,晉散騎常侍,避劉、石之亂,南渡。 祖興之,

父範之,並爲宋武所誅。

將軍 圖南鄭 悦之晝夜督戰,會武興軍至,天寶敗。 尋卒,贈梁州刺史,追封安平縣子,諡曰莊。 主李忻榮、張元亮、土孫天與等謀以梁州內附。 部曲 悦之少孤,仕宋,歷諸王參軍。 , 悦之大破氐衆, 還復白馬。 一稱衆,千有餘人。梁初,以討滅劉季連功,進號冠軍將軍。武興氐攻破白馬,進 好兵書,有將略,善待士,有部曲數百人。仕齊,爲後軍 梁、秦二州刺史莊丘黑死,夏侯道遷與悅之及龐樹,軍 道遷克全勳款,悅之實有力焉。日以與道遷俱至洛陽。 悦之二子,文遙、文遠。 梁華陽太守尹天寶率衆向州城,遂圍南鄭。

苦,大 之外 復推其子果行州事、旣攝州事、乃遣使奉表。 襲父封,拜咸陽太守。 刺史,善 文遙少有大度,輕財好士,士多歸之。 盜 孤 於 姓名,奸猾吏長,無不 城獨守,鳩集荒 一級納, 甚得物情。 勤於禮接,終日坐廳 餘,且耕且戰,百姓皆樂爲用。 時杜洛周、葛榮等相繼叛逆,幽、燕已南悉沒,唯文遙介在羣賊 知悉。 郡中震肅,奸劫息止,政爲雍州諸郡之最。 事,至者見之,假以恩顏,屛人密問,於是人所疾 道遷之圖楊靈珍,文遙奮劍請行,遂手斬靈珍。 莊帝嘉之,除果通直散騎侍郎,行安州事。 卒官,長史許思祖等以文遙有遺愛, 後 爲 安州

而 賊勢轉盛,救援不接,果乃攜諸弟幷率城人東奔高麗。 天平中,詔高麗送果等。 元象中,

乃得還朝。

文遠善騎射,勇於攻戰,以軍功位中散大夫、龍驤將軍。

淳于誕字靈遠,其先太山博人也,後世居蜀漢,或家安固之桓陵縣。[1+〕父興宗,齊南安

太守、

誕年十二,隨父向揚州。 **父於路爲羣盜所害,誕雖幼而哀感奮發,傾資結客,旬朔之**

內,遂得復讎。州里之間,無不稱嘆。

剋成都,即以益州許之。 督、別部司馬、領鄉導統軍。 景明 中,自漢中歸魏。日日陳伐蜀計,宣武嘉納之。 師次晉壽,蜀人大震。 誕不願先受榮爵,乃固讓實官,止參戎號。 屬宣武晏駕,不果而還。 延昌末、王旅大舉、除驃騎將軍、都 及奉辭之日、詔若 後以客例,起家羽

林監。

史蕭深猷如道將樊文熾蕭世澄等率衆數萬圍小劍戍。 正 光 中, 秦、 隴反叛,詔誕爲西南道軍司馬,口亞與行臺魏子建共參經略。 子建遣誕勒兵馳赴, 大敗之,禽世 時梁益 州刺

澄等十一 人,文熾 先走獲免。 孝昌初,子建以誕行華陽郡,帶白馬戍。 後卒於東梁州刺史,

贈益州刺史、諡曰莊。

沈文秀字仲遠,吳興武康人也。伯父慶之,三三南史有傳。

相拜禮。」白曜念之,因至撾撻。 師,面縛數罪,宥死,待爲下客,給以粗衣蔬食。 旣下歷城,乃幷力攻討,自夏至春始剋。 史如故。後慕容白曜長驅至東陽,文秀始欲降,以軍人虜掠,遂有悔心,乃嬰城固守。 子勛敗,皇興初,文秀與崔道固俱以州降魏。宋遣其弟文景來論之,曰三文秀復歸宋 文秀何在」文秀厲擊曰:「身是」、執而裸送于白曜。 文秀仕宋,位青州刺史。 和平六年,宋明帝殺其主子業,文秀與諸州推立子業弟子勛 後還其衣,爲之設饌,與長史房天樂、司馬沈嵩等鎖送京 文秀取所持節,衣冠儼然,坐於齋內。 左右令拜,文秀曰:「各二國大臣,無 亂兵入曰:

其國 政寬,不能禁止盜賊。 ,賜絹綵二百匹。 獻文重其節義,稍亦嘉禮之,拜外都下大夫。太和三年,遷外都大官。 後爲南征都將,臨發,賜以戎服。 大興水田,於公私頗有利益。 卒官。 除懷州刺史,假吳郡公。守清貧而 孝文嘉其忠於

子保沖,後爲徐州冠軍長史,坐據連口退敗,三三有司處之死刑。 孝文詔「保沖,文秀

之子,可特原命,配洛陽作部終身。」宣武時,卒於下邳太守。

房天樂者,清河人,滑稽多智。文秀板爲長史,督齊郡,州府事一以委之。卒于京師。

弟子嘉慶,漁陽太守。

郎高閭與讜對爲刺史。 齊之士、雖疏族末姻,咸相敬視。。李敷、李訢等寵要勢家,亦推懷陳款,無所顧避。畢衆敬 後至京師、禮遇亞於薜、畢、賜爵平陸侯。 讜性開通、篤於接恤、青、

等皆敬重之,高允之徒亦相器待。卒,贈靑州刺史,諡康侯。

以隨父歸國功,賜爵昌安侯,出爲樂陵太守。敬叔,武邑太守。父喪得葬舊墓,還屬淸河。 在徐州,初聞父喪,不欲奔赴,而規南叛,爲徐州所勒送。至乃自理,後得襲父爵。 子敬伯、求致父喪出葬冀州淸河舊墓,久不被許,停柩在家積五六年。第四子敬叔,先 敬伯自

初,臟兄弟十人,兄忠,字處順,在南爲合鄉令。歸降,賜爵新昌侯。卒於新興太守,贈

冀州刺史。

室家之義。此老母復何所任,乃能如此致費也。」皇甫氏歸,讜令諸妾境上奉迎。 匹,購求皇甫。 職妻皇甫氏被掠,賜中官爲婢,皇甫遂詐癡,不能梳沐。 後 臟爲宋冀州長史,因貨千餘 文成怪其納財之多,引見之,時皇甫年垂六十矣。 文成曰:「南人奇好,能 數年卒。 重

後十年

而讜

入

魏

威名。 李苗字子宣,梓潼涪人也。父膺,梁太僕卿。 王足之伐蜀,梁武命畎拒足於涪,許其益州。 苗出後叔父畎。畎爲梁州刺史、言己大著 及足退,梁武遂改授。 **畎怒**,將有異

圖、三哥子發被害。

就, 軍 郷導。 家耻未雪,常懷慷慨,乃上書陳平定江南之計,其文理甚切於時。 苗年十五,有報雪志。 次晉壽,宣武晏駕,班師。 延昌中歸魏,仍陳圖蜀計。 後以客例,除員外散騎侍郎。 大將軍高肇西伐、三己詔假苗龍 苗有文武才幹,以 明帝幼沖,無遠略之 大 功不 驤將

意,竟不能納。

資,乃上書以爲:「食少兵精,利於速戰,糧多卒衆,事宜持久。 卒數千出麥積崖以襲其後,則汧、岐之下,羣妖自散。」於是詔苗爲統軍,與別將淳于誕出 萬一之功,高壁深壘,王師有全制之策。今且宜勒大將,深溝高 兩城 ,本無德義,其勢在於疾攻,日有降納,遲則人情離阻,坐受崩潰。 正光末,三秦反叛,云引侵及三輔。 時承平旣久, 人不習戰。 今隴賊猖狂,非有 壘,堅守勿戰。 苗以隴兵强悍, 夫飊至風 別 起,逆者求 命偏師,精 素蓄,雖 且羣聚無

|梁、盆,隸行臺魏子建。|子建以苗爲郎中,仍領統軍,深見知待

莊帝壯而許焉。 爍, 爍、 榮從弟世隆擁部曲還逼都邑。 CICJ 孝莊幸大夏門, 集羣臣博議, 都督、梁州刺史、車騎大將軍、儀同三司、河陽縣侯,諡忠烈 水死者甚衆。 衣起曰:「今朝廷有不測之危,正是忠臣烈士效節之時,請以一旅之衆,爲陛下徑斷 孝昌中,兼尚書左丞,爲西北道行臺,與大都督宗正珍孫討汾、絳蜀賊平之。 官軍不至,賊乃涉水與苗死鬭,衆寡不敵,苗浮河而沒。 苗乃募人於馬渚上流,以師夜下,三五去橋數里,放火燒舡,俄然橋絕,賊沒 百僚計 帝聞,哀傷久之。 無所出 及殺介朱 河梁。」 苗 [獨奮

諫責。 覽周瑜傳,未會不嗟咨絕倒。太保城陽王徽、 苗 徽龍勢隆極,猜忌彌甚,苗謂人曰:「城陽蜂目,豺聲今轉彰矣。」解鼓琴,善屬文詠, 少有節操,志尙功名,每讀蜀書,見魏延請出長安,諸葛不許,歎息謂亮無奇計。 司徒臨淮王彧並重之。 二王頗或不穆,苗毎 及

列傳

獲全。

天下之善一也,不宜追之。」子曇襲爵

白世隆。 工尺牘之敏,當世罕及。〔言〕死之日,朝野悲壯之。及帝幽崩,世隆入洛,主者追苗贈封,以 世隆曰:「吾爾時羣議,更一二日便欲大縱兵士,燒燔都邑,任其採掠。 賴苗、京師

劉藻字彦先,廣平易陽人也。六世祖遐,從晉元帝南渡。父宗之,朱廬江太守。 藻涉獵羣籍,美談笑,善與人交,飲酒至一石不亂。 太安中,與姊夫李嶷俱來歸魏,賜

爵易陽子。擢拜南部主書,號爲稱職。

史。 平梁州,奉韶還軍,乃不果克。 諸羌咸來歸款,朝廷嘉之。 道都督。 人,藻有惠政,自宜他敍。」在任八年,遷雍城鎭將。 轉秦州刺史。 藻開示 時北地諸羌,恃險作亂,前後宰守不能制。 秦 恩信,誅戮豪横,羌、氐憚之,守宰於是始得居其舊所。 人紛擾,詔藻還州,人情乃定。仍與安南元英征漢中,破賊軍,長驅至南鄭,垂 秦人恃險,率多粗暴,或拒課輸,或害吏長,自前守宰,皆遙領,不入郡 雍州人王叔保等三百人表乞藻為騃奴戍主,詔曰:「選 朝廷患之,以藻爲北地太守。 太和中改鎭爲岐州、「三」以藻爲 遇車駕南伐,以藻爲 藻推誠布信, 曹已用 岐州 刺

酒以待百官。」帝大笑曰:「今未至曲阿, 日 與卿 後 車駕南伐,以藻爲征虜將軍,督統軍高聰等四軍爲東道別將。 石頭 相見。」藻對曰: 「臣雖才非古人,庶亦不留賊虜而遺陛下。〔三〕輒當釃曲 且以河 東數石賜卿。」後與高聰等戰敗,俱徙平州。 辭於洛水之南,孝文 阿之

景明初,宣武追錄舊功,拜藻爲太尉司馬。卒。

河北、黎陽二郡太守,所在無政績。 子紹珍,無他才用,善附會,好飲酒。 |天平中,坐子洪業入於關中,率衆侵擾,伏法 結託 劉騰,啓爲其國郎中令,襲子爵。 永安中,歷

過人 百姓。 拜文明太后父燕宣王廟,賜爵貝丘男,除中書博士 不爲報。 能 傅永字脩期,清河 父母並老,飢寒十數年,賴其强 手執鞍橋,倒立 永乃發憤讀書,涉獵經史,兼有才幹。 人也。 一馳騁。 幼隨叔父洪仲與張幸自青州 年二十餘,有友 於 、人事, 人與之書而 戮 爲崔道 力傭 丐, 固城局參軍,與道固 得以存立。 入魏,尋復南奔。 不能答, 請洪 晚爲 仲, 奉 俱降,入爲平齊 洪仲深讓之 有氣 禮郎、詣 幹 拳勇

脩期爲其長史、〔三〕雖威儀不足,而文武有餘矣。」肅以永宿士,禮之甚厚, 王 |肅之爲豫州,又以永爲王 肅平南長 史。 咸陽 王 禧慮肅難信,言於孝文。 永亦以肅爲 日二 已選傅 帝眷

遇,盡心事之。情義至穆。

級、生禽公政。康祖人馬墜淮,曉而獲其尸,斬首幷公政送京師。 康祖等奔趣淮水。火既競起,不能記其本濟,遂望永所置火爭渡。 之,教云:「若有火起,即亦燃之。」其夜,康祖、公政等果親率領來斫營。 若夜來,必於渡淮之所以火記其淺處。永旣設伏,仍密令人以瓠盛火,渡南岸,當深處置 齊將魯康祖、趙公政侵豫州之太倉口、肅令永擊之。永量吳、楚兵好以斫營爲事,又賊 水深溺死,斬首者數千 東西二伏夾擊之,

史、汝南太守、貝丘縣男。帝每歎曰:「上馬能擊賊,下馬作露布,唯傅脩期耳。」 鼓幕甲仗萬餘。兩月之中,遂獻再捷。帝嘉之,遣謁者就豫州策拜永安遠將軍、鎭南府長 時裴叔業率王茂先、李定等東侵楚王戍,肅復令永將伏兵擊其後軍破之,獲叔業傘扇

曰:「深溝固壘,然後圖之。」聰等不從,一戰而敗。聰等棄甲奔懸瓠,永獨收散卒徐還,賊追 至,又設伏擊之,挫其銳。藻徙邊,水觅官爵而已。不經旬,詔水爲汝陰鎭將,帶汝陰太守。 裴叔業又圍渦陽,時帝在豫州,遣永爲統軍,與高聰、劉藻、成道益、任莫問等救之。永

等諸軍俱入壽春。同日而永在後,故康生、大眼二人並賞列土,永唯淸河男。 景明初,裴叔業將以壽春歸魏,密通於永。及將迎納,詔永爲統軍,與楊大眼、奚康生

齊將陳伯之逼壽春,沿潍爲寇。時司徒彭城王勰、廣陵侯元衍同鎮壽春,以九江初附,

軍入城。 人情未洽,兼臺援不至,深以爲憂。 |永曰:「若如教旨,便共殿下同被圍守,豈是救援之意。」 逐孤軍城外,與 鰓 幷勢以 韶遣水爲統軍,領汝陰三千人先援之。 冰至, 勰令泳引

擊伯之,頻有剋捷。

捫足, 返。 股,水出箭復入,遂大破之,仙碑燒營卷甲而遁。 解城圍。 時年七十餘矣,三軍莫不壯之。 中 不欲人知。下官雖微, Щ 泳乃分兵付長 王英之征義陽,永爲寧朔將軍、統軍,當長圍遏其南門。 史賈思祖,令守營壘,自將馬步千人,南逆仙碑。 國家一帥、「圖」奈何使虜有傷將之名!」遂與諸軍追之,極夜而 英曰:「公傷矣!且還營。」永曰:「昔漢祖 齊將馬仙碑連營稍進,規 賊俯射冰,洞其左

陳列 義陽 軍儀,處置形要,而英深賞之。 旣 平,英使司馬陸希道爲露布,意謂不可,令永改之。 還京,除太中大夫。 永亦不增文采,直與之改,

南兗州 馬援、充國 後 刺史。 除 恒農太守,非心所樂。 ,竟何人哉? 年踰 八十,猶能馳射,盤馬奮矟,常諱言老,每自稱六十九。 吾獨白首見拘此郡!然於御人非其 時英東征 鐘離,表請水,求以爲將,朝廷不聽。 所長,故在任 無多 還京, 拜光祿大 |聲稱。 冰毎言日 後為

大。卒,贈齊州刺史。

|永嘗登北芒,於平坦處奮矛躍馬,盤旋瞻望,有終焉之志。遠慕杜預,近好李沖、王肅,

欲葬附墓,遂買左右地數頃,遺勑子叔偉:「此吾之永宅也。」永妻賈氏留本鄉,永至代都,要 數十年矣,棺爲桑棗根所遶束,去地尺餘,甚爲周固,以斧斫,出之於坎,時人咸 賈常忿之。 馮先永卒,叔偉稱父命欲葬北芒, 賈疑叔偉將以馮合葬,遂求歸葬永於所封貝 妾馮氏,生叔偉及數女。 賈後歸巫城,無男,唯一女。 馮恃子,事賈無禮,叔偉亦奉賈不順, 於東淸河。又泳昔營宅兆,葬父母於舊鄉,賈於此强徙之,與永同處,永宗親不能抑。 丘縣。事經司徒,司徒胡國珍感其所慕,許叔偉葬焉。賈乃邀訴靈太后,太后從賈意,乃葬 怪

叔偉膂力過人,彎弓三百斤,左右馳射,能立馬上與人角騁,見者以爲得永武而不得永

交。

傅竪眼,本淸河人也。七世祖伷。伷子遘,石季龍太常。

得人乘』,有一人曰『唯傳靈慶堪乘此馬』,又有弓一張,亦無人堪引,人曰『唯有傳靈根 此弓』,又有數紙文書,人皆讀不能解,人曰『唯有傳靈越能解此文』。」融謂其三子文武才幹 融以自負,謂足爲一時之雄。嘗謂人曰:「吾昨夜夢:有一駿馬,無堪乘者,人曰『何由 祖父融,南徙度河,家于磐陽,爲鄕閭所重。性豪俠,有三子,靈慶、靈根、靈越,並有才 可彎

足以駕馭當世,〔三〕常從容謂鄉人曰:「汝聞之不。鬲虫之子有三靈,此圖讖文也。」好事者

然之,故豪勇士多相歸附。

軍,斌遣乾愛誘呼之,以腰刀爲信,密令壯健者隨之。而乾愛不知斌之欲圖靈慶。旣至,斌 發,不可逼也。」玄謨乃止。 諫曰:「靈慶兄弟並有雄才,兼其部曲多是壯勇,如彭超、尸生之徒,皆一當數十人,援不虛 所遣壯 靈慶懼軍法,詐云傷重,令左右輿還營,遂與壯士數十騎遁還。斌、玄謨命追之。 宋將蕭斌、王玄謨寇碻磝、「云〕時融始死,玄謨强引靈慶爲軍主。將攻城,攻車爲城內所 士執靈慶殺之。 靈慶將死,與母崔氏訣,言:「法曹殺人,不可忘也。」 靈慶至家,遂與二弟匿山澤間。時靈慶從叔乾愛爲斌法曹參

袴褶, 對,命琰遣其 史、貝丘子,鎭羊蘭城,靈根爲臨齊副將,鎭明潛壘。 越與羊蘭 |越在邊擾三齊,乃以靈越叔父琰爲冀州 中從 事,乾愛爲樂陵太守。 樂陵 乾愛出郡 靈 令靈越代所常服 根、靈越奔河北。 奮兵相擊,乾愛出遣舡迎之,同司得免。 門生與 迎靈越,問 、<u>靈越婢詐爲夫婦投化以招之。</u>靈越與母分離思積,遂與靈根南 靈越言「不須」。乾愛云:「汝可着體上衣服見垣公也?」時垣護之爲 靈越至京師,因說齊人慕化,靑州可平。文成大悅,拜靈越靑州刺 靈根愆期狀,靈越殊不應答。 靈根差期,不得俱渡,臨齊 靈越北入之後,母崔氏遇赦免。宋恐 乾愛不以爲惡,勑 左 與羊蘭隔河相 右出匣 人知,剉斬殺 中鳥皮 靈

列傳

第

三

+ =

傅

堅眼

刺史。 恒欲爲兄復讎,而乾愛初不疑防,知乾愛嗜鷄肉葵菜食,乃爲作之,下以毒藥,乾愛飯還而 宋孝武見而禮之,拜兗州司馬,而乾愛亦遷青、冀司馬,帶魏郡。 靈越奮聲言:「垣公!垣公!着此當見南方國主,豈垣公也!」竟不肯着。 後二人俱還建鄴。 及至丹楊, 靈越意

其意,送詣建康。宋明帝欲加原宥,靈越辭對如一,乃殺之。 殺」廣之生送詣宋輔國司馬劉勔,勔躬自慰勞。靈越曰:「人生歸於死,實無面求活。」勔壯 子勛敗,靈越軍衆散亡,爲明帝將王廣之軍人所擒,厲聲曰:「我傅靈越也,汝得賊何不卽 後數年,靈越爲太原太守,戍升城。〔三〕後舉兵同孝武子子勛,子勛以靈越爲前軍將軍。

勒部下,守宰肅然。 遠近雜夷相率款謁,仰其德化,思爲魏人矣。 宣武甚嘉之。 恤士卒。撫蜀人以恩信爲本,保境安人,不以小利侵竊。有掠蜀人入境者,皆移送還本。檢 先討巴北,至司所至剋捷。、堅眼性既清素,不營產業,衣食之外,俸祿粟帛皆以饗賜夷首,振 禮敬,表爲參軍。以軍功累遷益州刺史。高肇伐蜀,假竪眼征虜將軍、持節,領步兵三萬, 堅眼卽靈越子也,沉毅壯烈,少有父風。入魏,鎭南王肅見而異之,且奇其父節,傾身

鎭南將軍崔亮討之,以竪眼爲持節、鎭南軍司。 明帝初,屢請解州,乃以元法僧代之,益州人追隨戀泣者數百里。梁將趙祖悅逼壽春,

銅印 憂,乃驛徵 百 餘 千 法 餘 僧旣至,大失人和。 里 須 堅眼 甲不 有假 於 去身、四分頻致九捷。 職者 淮南 '', 以 ,聽六品已下 爲益 梁遣其衡州刺史張齊因人心怨入寇 州 刺 板之。 史。 蜀人聞竪眼 尋加散騎常侍、西 堅眼旣出梁州,梁軍所在拒塞,堅眼 復 (為刺史,人人喜悅,迎於路者 征 都 近進圍 督,率步騎三千以討 川城 朝 三日 廷 H 辺 有百數 中 西南 轉 戰 給

堅眼 其軍 至 齊 州 被重 白水已東, 創 ",奔而 人皆寧業。 退,小劍大劍賊 張 齊仍 亦捐城西走,益州平。 阻白水 屯, 寇葭 前, 堅眼 靈太后璽 分遣 書慰勞,賜驊騮 諸將水 陸討之,大破

匹,寶劍一口。

赴擊, 史,留己孝 合, 圖,欲杜 益、 不堪 巴三州 綜 後 大破 理 轉 一,在 絕 一,其子 武 岐州 四方 之。 諸 城 帝 軍 兵執 初 刺 ′,擅據 敬紹 敬紹險暴 事 史, ,贈司空公、相州 敬紹, 梁遣其 頗覽書 仍轉梁州 南 鄭。 不仁,聚貨耽色,甚 白 傳 北 堅眼 令 微有 梁州 刺史。 其 妾 而 刺 長史錫 殺之。 兄 史。 膽 梁州 唐 力, 崐 休儒 堅眼 人旣得堅眼爲牧, 而 崘 爲 奢淫 扇攪 等十 志, 人害,遠近 倜 於外 發疾卒。 軍 爣 率 聚 輕 衆三萬 怨 衆 爲 望。 永安 童 殘 人咸自賀。 害, 城 人寇直城 尋假鎭 中 敬 叉 , 紹 見 贈 謀 南 吏部 天 、、堅眼 而堅眼 將 爲 下 軍 內 尙 多 都 應。 遣 書、 事 至 敬紹 ٠, 州 賊 陰 梁、 遇 懷 州 總 重 患 旣 異 衆 西 刺

長子 敬和 , 次 敬 伸, 並 一好酒薄行,傾側勢家。 敬和 孝莊時以其父有遺 惠於益州 復

刺史。 北 史 卷 至州,聚斂無已,好酒嗜色,遠近失望。仍爲梁將樊文熾攻圍,城降,送於江南。 四 + 五. 六七四

後以齊神武 威德日廣,令敬和還北,以申和通之意。除北徐州刺史,復以耽酒爲土賊掩襲,

棄城走。遂廢棄,卒於家。

益州

張烈字徽之,清河東武城人也,孝文帝賜名曰烈,仍以本名爲字焉。 高祖烯,為慕容儁

尚書右僕射。曾祖恂,散騎常侍,隨慕容德南度,因居齊郡之臨淄 縣。

徽」。 孝文時,入官代都,歷侍御、主文中散,遷洛。爲太子步兵校尉。 烈少孤貧,涉獵經史,有氣概,時靑州有崔徽伯、房徽叔、與烈並有令譽,時人號「三

慧景攻,圍之七十餘日,烈撫厲將士,甚得軍人之和。 異,回三表請代之。詔侍臣各舉所知,互有申薦者。帝曰:「太子步兵張烈,每論軍 有會人意處,脫欲用之如何。」彭城王勰稱讚之,遂除順陽太守。 齊將陳顯達謀將入寇,時順陽太守王青石,世官江南,荆州刺史、廣陽王嘉慮 會車駕南討,慧景遁走。帝親勞之曰: 烈到郡二日,便爲齊將崔 國事,時 其有

「卿果能不負所寄。」烈謝曰:「不遇鑾輿親駕,臣不免困於犬羊。 自是陛下不負臣,非臣能

不負陛下。」帝善其對。

宣武即位,追錄先勳,封淸河縣子。 尋以母老歸養,積十餘年。 頻遇凶儉,烈爲粥以食

飢人,蒙濟者甚衆,鄉黨以此稱之。

以烈家產畜殖,家僮甚多,慮其有異,恐不宜出爲本州,改瀛州刺史。爲政淸靜,吏人安之。 懷,遂相諂附。 明帝卽位,爲司空長史。先是元叉父江陽王繼曾爲靑州刺史,及叉當權, 歷給事黃門侍郎、光祿大夫。 靈太后反政,以叉黨出為青州刺 史。 烈託故義之 時議者

後因辭老還鄉,兄弟同居怡然,爲親類所慕。 |烈先爲家誡千餘言,并自敍志行及所歷之官。 卒於家。 臨終,勅子姪不聽求贈,但勒家誠立碣

而已。其子質奉行焉。

質博學有才藝,位諫議大夫。

祖螭舉兵攻東陽城,僧皓與同事,事敗,死於獄中。 馬瘦弊,身服布裳,而婢妾紈綺。僧皓尤好蒲弈,戲不擇人,是以獲譏於世。 郎徵,並不起,世號徵君焉。好營產業,孜孜不已,藏鏹巨萬,他資稱是。 烈弟僧皓,字山容,歷涉羣書,工於談說,有名於當世。 以諫議大夫、國子博士、散騎侍 兄弟自供儉約,車 節閔帝時,崔

李叔彪,四司勃海蓨人也。從祖金,神廳中,與高允俱徵,位征南從事中郎。

相親 太尉 友。「图〕三遷國子博士、本國中正,攝樂陵中正。 性清直,甚有公平之稱。 、高陽王瘫以其器操重之。 叔彪好學博聞,有識度,爲鄉閭所稱。 尋除假節,行華州事,爲吏人所稱。卒,贈南靑州刺 太和中,拜中書博士,與淸河崔亮、河間邢巒並 歷中書侍郎。 史、諡

叔彪子述,字道興,有學識,州舉秀才,拜太常博士。 使詣長安册祭燕宜王廟。 還,除

儀曹郎,賜爵<u>蓨縣男。稍遷興平太守,卒。</u>

日穆。

使梁。 子像,字孟則,淸簡有風概,博涉羣書,初襲爵,稍遷中書侍郎、光祿大夫,兼散騎常侍, 卒,贈驃騎大將軍、儀同三司,冀州刺史。 像從容風素,有名於時,喪妻無子,終竟不

娶,論者非之。

路恃慶字伯瑞,陽平淸泉人也。晉祖綽,陽平太守。

才望,因推讓之,孝文遂並拜焉。 恃慶有幹用,與廣平宋翻俱知名,爲鄉閭 累遷定州河間王琛長史。區立琛貪暴肆意,恃慶每進苦言。 所稱。 太和 中,除奉朝請,恃慶以從兄文舉有

卒,贈左將軍、安州刺史,諡曰襄。子祖璧,給事中。

恃慶弟仲信、思令,並有令名官位。

房亮字景高,清河人也。父法延,譙郡太守。

拜,以亮辱命,坐白衣守郎中。 心撫納,夷夏安之。時邊州刺史例得一 卒於光祿大夫,贈撫軍將軍、齊州刺史。 亮好學有節操,太和中,舉秀才,爲奉朝請。 歷濟北、平原二郡太守,以清嚴稱。 子出身,亮不言其子而啓弟子起爲奉朝請,議者稱 後兼員外常侍,使高麗。 後為東荆州 高麗王託疾不 刺史,亮留

弟詮、悅等,並歷位清顯。

曹世 表字景昇、四边魏大司馬休九世孫也。 祖謨,父慶,並有學問。

相友善。 世表性雅 侍中崔光,鄕里貴達,每 正,工尺牘,涉獵羣 書。 稱美之。 爲司徒記室,與武威賈思伯、 延昌中,除淸河太守,臨官省約,百姓安之。 范陽 盧同、 隴 西辛雄並 孝

列傳

第

三 十

Ξ

李叔彪

路侍慶

房亮

曹世表

昌中,爲尙書左丞,出行康豫州刺史,四○遷東南道行臺。 卒,贈齊州刺史。

潘永基字紹業,長樂廣宗人也。父靈乾,中書侍郎。

窮城陷,際欲害字,永基請以身代字死。永安二年,除潁川太守,遷東徐州刺史。 爲車騎將軍、左光祿大夫,尋加衞大將軍。復除東徐州刺史,前後在州,爲吏人所愛。卒, 永基性通率,輕財好施。爲長樂太守。時萬榮攻信都, 永基與刺史元字同心防捍。 永熙中, 力

贈尚書右僕射、司徒公、冀州刺史。

子子義、子智。子義學涉有父風,仕隋至尚書右丞。

明帝大怒,詔問所由,錄、令已下皆推罪元旭。 留。日記尋兼尚書右丞,仍郎中、本州中正。時關西都督蕭寶夤啓云所統十萬,食唯一月。 郎 選不精,大加沙汰,元旭與隴西辛雄、范陽祖瑩、太山羊深、西平源子恭並以才用見 朱元旭字君昇,本樂陵人也。頗涉子史,開解几案。稍遷尚書度支郎中。神龜末,以 入見御坐前,屈指校計,寶夤兵糧乃踰一年,

機數,自容而已。 事乃得釋。 後遷衞將軍、左光祿大夫。天平中,復拜尚書左丞。旣無風操,俛仰隨俗,性多 於時朝廷分汲郡河內二界挾河之地立義州,置關西歸款戶,「惡」除元旭義

州

刺史,卒官。

之士。 路器尚所 藻、傳水,堅眼文武器幹,知名於時。 抑 幹局,沉 免刑戮,在我欲其爲人,忠義可不勉也。張讜觀機委質,篤恤流離,亦仁智矣。李苗 大,斯所以顚覆也。 翻 又魏 然鵲起,舉地而來,功誠兩茂,其以大啓茅賦,兼列旄旟,固其宜矣。植不恒其德,器小志 論 世 淳于誕好立功名,有志竟不遂也。 文秀不回,有死節之氣,非直身蒙嘉禮,遂乃子 曰:壽春形勝,南鄭要險,乃建鄴之肩髀,成都之喉嗌。裴叔業、夏侯道遷體運知機, 毅過人,臨難慨然,奮斯大節,蹈忠履義,沒而後已,仁必有勇,其斯人之謂 及,俱 良牧。 可觀者。 張烈 術才行將略,不遂其終,情哉!j本、席、王、江雖復因人成事,亦爲果決 早 有氣尚,名輩 象 風 彩 詞涉,亦當年之俊乂。 堅眼 見知 ,越捨沉浮,俱 加以撫 邊導俗,風化尤美,方之二子,固已優乎, 房亮、曹世表、潘永基、 至顯達,雅道 〕正路,其殆病諸。 朱元旭拔萃 乎!劉 以文武

從官,咸享名器

各

有

由

也。

列

傳第

Ξ

+

Ξ

潘

永

基

朱元

旭

校勘記

- 齊拜叔業爲徐州刺史 諸本脫「齊」字,魏書卷七一裴叔業傳有「鸞」指齊明帝字, 通志卷一五〇
- 下裴叔業傳有「齊」字。今從通志補。
- 云受植旨 諸本「植」下有「子」字,魏書卷七一裴植傳無。 按魏書下文載尚書奏議云:「皆言

仲達爲植所使。」「子」字衍,今據删。

封義陽縣伯 南、北、汲、殿四本及魏書「義陽」作「義安」,百衲本及通志作「義陽」。 按魏書地

(形志中)南司州、南朔州並有義陽郡義陽縣,西楚州汝陽郡亦有義陽縣。「義安縣」不見地形志。

今從百衲本。

Z ب 故遣送子芬之爲質 諸本脫「送」字,據魏書裴叔業傳補。 本卷裴叔業傳云:「叔業乃遣子芬之

及兄女夫革伯昕奉表內附。」可証。

- 五 從薛安都於彭城內附 椿齡,薛安都婿也。 隨安都於彭城內附。」今從通志補。 諸本無「從」字, 通志有。 按魏書卷七一裴叔業傳附皇甫光傳云:
- ハベン 改。 仇池鎭將楊靈珍反叛南奔 楊靈珍見本書卷九六氏傳。 諸本「楊」訛作「陽」,據魏書卷七一、通志卷一五○下夏侯道遷傳

- 梁以靈珍爲征虜將軍假武都王 按南齊書卷五九氐傳, 靈珍入南, 是在南齊時。 此官亦是南
- 齊所授,非授于梁。
- 是段之來 諸本「段」訛作「改」,據魏書改。
- 唯有庶子數人 諸本脫「庶」字,據魏書、通志補
- 世寶至官少間必擊我也 諸本「至」作「爲」、魏書、通志作「至」。按作「爲」不可通,今從魏書、
- 通志改。 前京城太守趙卓詣之 魏書、通志「京」作「涼」。按地形志無京城郡、司州東郡有涼城縣,但
- 不改。 庾遵 魏書作「庾道」。按下文見「潁川庾道」,魏書作「導」。疑「遵」、「道」都是「導」之訛,今魏書作「庾道」。按下文見「潁川庾道」,魏書作「導」。疑「遵」、「道」都是「導」之訛,今

不見涼城

郡。

- 夬」,張森楷以爲「抱夬」是刻誤分爲二字,是。 道遷兄子奠 諸本「奠」作「抱夬」,魏書、通志作「奠」。 今據改。 按道遷長子名「夬」,不應兄子又名「抱
- 尋以州 卷八世宗紀、景明元年九月稱:「齊州民柳世明聚衆反。」作「柳」是、今從殿本。 人 柳 世明圖爲不軌 諸本「柳」作「聊」,殿本從魏書卷七一李元護傳改作「柳」。按魏書
- 二吾 兼賂 列 傳 叉父繼 第 Ξ + 繼爲 = 司 空 校 勘 諸本不 記 重「繼」字,據魏書卷七一、通志卷一五〇下席法友傳補。

悦之實有力馬 諸本「實」作「天寶」二字,魏書卷七一、通志卷一五〇下江悦之傳作「實」。 按

尹天寶是攻圍道遷、悅之的梁將,作「天寶」不通,今據改。

或家安固之桓陵縣 書卷三八州郡志四益州有安固郡桓陵縣。注云:「張氏於凉州立。晉哀帝時,民流入蜀,僑立 本屬南秦, 文帝元嘉十六年度益州。」蔣齊書卷十五州郡志下、益州亦有安固郡桓陵縣。 諸本及魏書卷七一淳于誕傳「固」作「國」。 按魏書地形志無「安國郡」。宋

淳于誕 世居蜀漢,其爲益州之安固恒陵人無疑。「國」乃形似致訛,今據改。

此郡。

自漢中歸 魏 諸本「漢」下脫「中」字,據魏書卷七一、通志卷一五〇下淳于誕傳補。

韶誕爲西南道軍司馬 魏書無「馬」字。 「馬」字疑行。

蕭深猷 魏書「深」作「淵」、北史避唐諱改。

伯父慶之 諸本無「伯」字, 魏書卷六一沈文秀傳有。 張森楷云:據宋書卷八八,文秀是慶之弟

砌之子。」 按張說是,今據補。

宋遣其弟文景來諭之 魏書、宋書「景」並作「炳」、北史避唐諱改。

坐據 連 口退敗 魏書「據」作「援」「連」作「漣」。 按「據」當是「援」之訛。

苗出 五月作「畋」、卷六五邢巒傳作「畎」、未知孰是。 後叔父畎畎為梁州刺史 魏書卷七一李苗傳「畎」作「略」。 又魏書李苗傳作「略爲蕭衍寧州刺史」。 按魏書卷八世宗紀正始二年 張森楷

云:「北史例改『蕭衍』爲『梁』,此『梁』下當有『寧』字。」

[三] **畎怒將有異圖** 諸本誤叠「畎」字,據魏書李苗傳删

公司 大將軍高肇西伐 諸本脫「大」字,據魏書補。 警爲大將軍征蜀,見本書卷八○本傳。

三秦反叛 魏書「三」作「二」。按「三秦」指秦州及南秦州、「三」字疑誤。

及殺尒朱榮榮從弟世隆擁部曲還逼都邑 諸本不叠「樂」字,據魏書卷七一、通志卷一五〇下

李苗傳補。

[1元] 以師夜下 魏書「師」上有「舟」字,不當省。

善屬文詠工尺牘之敏當世罕及 張森楷云:「魏書作『好文詠,尺牘之敏, 當世罕及』。此改作

『善屬文』,亦通。但『詠工』二字無所施,疑誤衍文。」按「工」字衍,「詠」從上讀。

遷雜城鎭將太和中改鎭爲岐州 諸本及魏書卷七○劉藻傳「雍」作「離」。 錢氏考異卷三九云:

「『離』當作『雍』,字相涉而譌。」 按魏書地形志下岐州注云:「太和十一年置,治雍城鎮。」 錢說

是,今據改。

庶亦不留賊虜而遺陛下 諸本脫「遺」字,據魏書卷七〇、通志卷一五〇下劉藻傳補。

言於孝文曰已選傅脩期爲其長史 魏書卷七〇傅永傳「孝文」作「高祖」,並重文。按此亦當重

「孝文」二字,否則易致誤會。

列

傳

- 下官雖 微國 |家一帥 諸本脫「微」字,據魏書卷七〇、通志卷一五〇下傳永傳
- 融謂其三子文武才幹足以駕馭當世 諸本無「足」字,魏書卷七○傅堅眼傳作「堪」, 通志卷
- 五〇下傅竪眼傳作「足」。 按文義應脫一字,今從通志補
- 中濟州 宋將蕭 斌王玄謨寇碻敬 諸本 「碻傲」 誤倒, 據魏書卷七〇傅竪眼傳乙。
- 宣出 字衍。 乾愛出遣紅迎之 魏書卷七〇傅竪眼傳無「出」字。 按「出」、「遣」二字, 文義重複, 疑「出」
- [天] 靈越爲太原太守戍升城 諸本脫「戌」字,據魏書補。
- ○元∪ 先討巴北 内縣 注云「梁置北巴郡。 魏書「巴北」 作「北巴」。 後魏平蜀、置盤龍郡。」此「巴北」當是「北巴」州或郡誤倒 按隋書地理志上巴西郡注云:「梁置南梁、北巴州。」又閬
- 甲不去身 各本「去」作「出」、殿本據魏書改「去」、是、今從之。
- 贈吏部 尚書齊 州刺史 諸本「書」下行「左」字,據魏書**删**。
- 荆州 書卷七六張烈傳作「嘉」,今據改。 刺 史 廣 陽 王嘉 慮其 有異 諸本 「嘉」作「禧」。錢氏考異卷三九云:「『禧』當作『嘉』。」按魏
- [BI] 李叔彪 魏書卷七二作「李叔虎」。北史避唐諱改。

- 太和· 中拜中書博士與淸河崔亮河間形巒並相親友 魏書卷七二李叔虎傳 「亮」作「光」。 按本
- 書卷 四四崔光傳,光於太和六年任中書博士,崔亮年位較晚。 疑當作光。
- に登り 陽平清 泉 人也 魏書卷七二路恃慶傳「泉」作「淵」。 按清淵見魏書地形志上司州陽平郡。 北史
- (是) 累遷定州 河 間王琛長史 諸本「琛」訛作「深」,據魏書卷七二改。 河間王琛傳見本書卷十九。

避唐

諱改

品出 曹世 魏郡 所謂。 表字景昇 東魏縣、魏書「郡」下脫「東」字。北史亦當有此七字。 崔光東淸河人,亦屬齊州,故傳文云云。 魏書卷七二曹世表傳「昇」下有「東魏郡魏人也」。按魏書地形志中, 且前後各傳皆書籍貫,不應此傳 否則下文「侍中崔光、鄉里貴達」語便 獨省。 齊州有東

不

知

- 劉獲、鄭辯反於州界,爲之內應。 出行東豫州 東豫州。 此「東」字衍文。 刺史 按魏書卷七二曹世表傳言世表行豫州 所謂「州民」「州界」都是指豫州 刺 史。 時梁將湛僧珍陷東 則世表是為豫州 豫州 刺 史, 而非 州民
- 西平源子恭並以才用見留 諸本「源子」作「淳于」、魏書卷七二朱元旭傳作「源子」。 按源子恭,
- 源賀之子,秃髮利鹿孤之後。 利鹿孤會都西平,故子孫稱西平人。「淳于」乃形似致訛,今據改
- 金 遠不 於時朝廷 相及,今據魏書朱元旭傳改。 分汲郡河內二界挾河之地立義州 義州見魏書地形志中。 諸本 「挾河」 訛作「扶風」。 按扶風與汲郡、河內

北史卷四十六

列傳第三十四

孫紹 張普惠 成淹 范紹 劉桃符 鹿念

張燿 劉道斌 董紹 馮元興

事,好言得失,與常景共修律令。 延昌中,紹表日:

孫紹字世慶,昌黎人也。少好學,通涉經史。

初爲校書郎,稍遷給事中,後爲門下錄

臣聞建國有計,雖危必安,施化能和,雖寡必盛,政乖人理,雖合必離,作用失機,

徵兵儲栗之要,舟車水陸之資,山河要害之權,緩急去來之用,持平赴救之方,節用應 守。長安、鄴城,股肱之寄,穰城、上黨,腹背所馮。 雖成必敗。此乃古今同然,百王之定法也。今二號京門,了無嚴防,南北二中,復闕固 四軍、五校之軌,領、護分事之式,

列 傳 第 Ξ + 四 孫 紹 時之法,特宜修置,以固堂堂之基。持盈之體,何得而忽?

之人也。 寄命衣食。又應遷之戶,逐樂諸州,應留之徒,避寒歸暖。職人子弟,隨榮浮游,南北 望於下里,主案舞筆於上臺,眞僞混淆,知而不糾,得者不欣,失者倍怨。 使門齊身等 時,邊黎伺隙,內人不平,日〕久戍懷怨。戰國之勢,竊謂危矣。必造禍源者,北邊鎭戍 棄其業。混一之計,事實闕如;考課之方,責辦無日。流浪之徒,決須精校。今强敵窺 東西,卜居莫定。關禁不修,任意取適,如此之徒,不可勝數。 爪牙不復爲用,百工爭 有競棄本生,飄藏他土,或詭名託養,散沒人間;或亡命山藪,漁獵爲命;或投杖强豪, 而涇、渭奄殊,類應同役而苦樂縣異。 士人居職,不以爲榮,兵士役苦,心不忘亂。 故 且法開淸濁,而淸濁不平,申滯理望,而卑寒亦免,士庶同悲,兵徒懷怨。中正賣

權勢亦濟。然則王者計法之趣,化物之規,圓方務得其境,人物不失其地。 道不可久,須文質以換情;權不可恒,隨汚隆以牧物。 文質應世,道形自安,汚隆獲衷, 若夫一統之年,持平用之者,大道之計也,亂離之期,縱橫作之者,行權之勢也。故

身,分處百揆之儀,安置九服之節,乃是有爲之樞機,世法之大本也。然修令之人,亦 皆博古,依古撰置,大體可觀,比之前令,精粗有在。但主議之家,大用古制。若令依 又先帝時,律、令並議,律尋施行,令獨不出,十餘年矣。臣以令之爲體,卽帝王之

律,非無勤止,署下之日,臣乃無名,是謂農夫盡力,他食其秋,功名之所,實懷於悒。 古,高祖之法,復須升降,誰敢措意有是非哉?以是爭故,久廢不理。然律、令相須,不 可偏用,今律班令止,於事甚滯。 若令不班,是無典法,臣下執事,何依而行。臣等修

高下,時人輕之,不見採覽。 後爲太府少卿,曾因朝見,靈太后謂曰:「卿年稍老矣。」紹曰:「臣年雖老,臣卿乃少。」太后 正光初,兼中書侍郎。 紹性抗直,每上封事,常至懇切,不憚犯忤。 紹兄世元善彈筝,早卒,紹後閉筝聲,便涕泗嗚咽,捨之而去。 但天性疏脱,言乍

笑之。 遷右將軍、太中大夫。

「此中諸人,尋當死盡,唯吾與卿,猶享富貴。」未幾,有河陰之難。 知者異之。 紹曾與百僚赴朝,東掖未開,守門候旦。 紹於衆中引吏部郎中辛雄於衆外,竊謂曰: 紹善推祿命,事驗甚多,

永安中,拜太府卿,以前參議正光壬子曆,賜爵新昌子。 後卒於右光祿大夫,贈尚書左

僕射,諡曰宣。子伯元襲爵。

張普惠字洪賑,常山九門人也。 身長八尺,容貌魁偉,精於三禮,兼善春秋、百家之說。

一六九〇

太和十九年,爲主書,帶制局監,頗爲孝文所知。轉尙書都令史。 任城王澄重其學業,爲其

聲價。 澄為雍州刺史,啓普惠爲府錄事參軍,尋行馮翊郡事。

澄功衰在身,欲七月七日集文武北園馬射。 普惠奏記於澄日

樂。捨此二事,何用射爲! 德、視子孫者也。案射儀,射者以禮樂爲本,忘而從事,不可謂禮;鐘鼓弗設,不可謂 殿下功衰仍襲,釋而爲樂,以訓百姓,便是易先王之典敎,忘哀戚之情,恐非所以昭令 中文武肄武藝於北園,行揖讓於中否。時非大閱之秋,景涉妨農之節,國家縞禪甫除, 其黨不食。」食猶擇人,於馬射爲或非宜。伏見明敎,立射會之限,將以二七令辰,集城 奠,小功之內,其可觀射乎。雜記云:「大功以下,旣葬適人,人食之。 其黨也食之,非 饋奠之事乎。]]子曰:「脫衰與奠,非禮也。」注云:「謂其忘哀疾。」愚謂除喪之始,不與饋 孔子曰:「總不祭,又何助於人。」祭旣不與,疑無宴食之道。又曰:「廢喪服,可以與於 以上,非虞祔練除不沐浴,此拘之以制也。曾子問曰:「相識有喪服,可以與於祭乎。」 以三年,內者不可遂除,故敦之以日月。況禮,大練之日,鼓素琴,蓋推以卽吉也,小功 也。 然則莫大之痛,深於終身之外,書策之哀,除於喪紀之內。外者不可無節,故斷之 竊聞三殺九親,別疏昵之敍,五服六術,等衰麻之心。皆因事飾情,不易之道者

叉七日之戲,令制無之,班勞所施,慮違事體,府庫空虛,宜待新調。乞至九月,備

飾盡行,然後奏狸首之章,宣矍相之命,聲軒縣,建雲鉦,神人忻暢於斯時也。

澄意納其言,託辭自罷,乃答曰:「今雖非公制,而此州承前已有斯式。 且纂文習武,人之常 藝,豈可於常藝之間,要須令制乎?禮,兄弟內除,明哀已殺,小功,客至主不絕樂,聽樂則

可,觀武豈傷?直自事緣須罷,先以令停,方獲此請,深具來意。」

澄轉揚州,啓普惠以羽林監領鎭南大將軍開府主簿。普惠旣爲澄知,歷佐二藩,甚有

聲譽。還朝,仍羽林監。

容於定名之重,而不稱『烈懿』乎。」澄從之。 襚』,皆以諡配姓。 古者婦人從夫諡,今<u>烈懿太妃德冠一世,故特蒙褒錫,乃萬代之高事,豈</u> 春秋『夫人姜氏至自齊』;旣葬,以諡配姓,故經書『葬我小君文姜』,又曰『來歸夫人成風之 配先王,更無聲子、仲子之嫌,竊謂不假元字以別名位。 朝典,但有王妃,而無元字。 澄遭太妃憂,臣僚爲立碑頌,題碑欲云「康王元妃之碑」。澄訪於普惠,普惠答曰:「謹尋 魯夫人孟子稱元妃者,欲下與繼室聲子相對。今烈懿太妃作 且以氏配姓,愚以爲在生之稱,故

者,三載之後,降一階而敍,若才優擢授,不拘此限。熙平中,吏部尚書李韶奏普惠有文學, 後爲步兵校尉,以本官領河南尹丞。 宣武崩,坐與甄楷等飲酒游從,觅官。故事,觅官

敕除寧遠將軍、司空倉曹參軍。 朝議以不降階爲榮。 時任城王澄爲司空,表

議書記多出 「普惠。 依才優之例,

廣陵王恭、北海王顥疑爲所生祖母服期與三年,詔羣僚會議。 普惠議曰:

||蔡失位,亦不是過。 服問曰:「有從輕而重,公子之妻,爲其皇姑。」公子雖厭, 源曰:「始封之君,不臣諸父昆弟。」則當服其親服。若魯、衞列國,相爲服期,判無疑矣。 申,況廣陵、北海,論封君則封君之子,「三語妃則命妃之孫,承妃纂重,遠別先皇,更以 受命先帝,光昭一國,二王胙土茅社,顯錫大邦,舍尊同之高據,附不禰之公子,雖許、 之子以厭降,名例不同,何可亂也。禮,大夫之妾子,以父命慈己,申其三年。太妃旣 尊同,得相爲服,不可還準公子,遠厭天王。 故降有四品,君、大夫以尊降,公子、大夫 則得服其親服。諸侯之子稱公子,公子不得禰先君。」然則兄弟一體,位列諸侯,自以 年,況天子命其子爲列國王,命其所生母爲國太妃,反自同公子爲母練冠之與大功乎。 之妾子爲母期。父卒,則皆得伸。」此大夫命其妾子,以爲母所慈,猶曰貴父命,爲之三 何以明之?喪服:「君爲姑姊妹女子子嫁於國君者。」孫曰:「何以大功?尊同也。尊同, 「慈母如母」,在三年章,傳曰:「貴父命也。」鄭注云:「大夫之妾子,父在爲母大功,則士 **謹案:二王祖母皆受命先朝,爲二國太妃,可謂受命於天子,爲始封之母矣。** 妻尙獲

祖之。 比之慈母,不亦爽歟。經曰「爲君之祖父母、父母、妻、長子」,傳曰:「何以期。父母 先后之正統,厭其所生之祖嫡,方之皇姑,不以遙乎。今旣許其申服,而復限之以期, 生,則屬從之服,於何所施。若以諸王入爲公卿,便同大夫者,則當今之議皆不須以國 從亡則已。」又曰:「不爲君母之黨服,則爲其母之黨服。」今所從旣亡,不以親服服其所 長子君 爲言也。 且天子尊則配天,莫非臣妾,何爲命之爲國母,而不聽子服其親乎。記曰:「從服者,所 服斬。 母爲太妃,蓋二王三年之證。 今之諸王,自同列國,雖不之國,別置臣僚,玉食一方,<<a>三 得不以諸侯言之。 妻則小君。父卒,然後爲祖後者,服斬。」今祖乃獻文皇帝,諸侯不得 議者近背正經,以附非類,差之毫毛,所失或遠。

敢據周禮、輒同三年。

當時議者,亦有同異。 議 逐屈 國子博士李郁於議罷之後,書難普惠,普惠據禮還答,鄭重三反,郁

轉諫 議大夫,澄謂普惠曰:「不喜君得諫議,唯喜諫議得君。」

徒胡公,懷道含靈,實誕聖后,近樞克惟允之寄,居槐體論道之明。 疏,陳其不可,左右畏懼,莫敢爲通。會聞胡家穿壙下墳有盤石。乃密表曰:「竊 靈太后父司徒胡國珍薨,贈相國、太上秦公。 普惠以前世后父無太上之號,詣闕上 故以功餘九錫,褒假鸞 見故侍中、司

列

纛,深聖上之加隆,極慈后之至愛,憲章天下,不亦可乎!而太上之號,竊謂未衷。 則司徒爲太上,恐乖繫敕之意。爲曰:『困於上者,必反於下。』比剋吉定兆,而以淺改卜,率 太上皇,此因上上而生名也。皇太后稱令以繫敕下,蓋取三從之道,遠同文母,列於十亂, 禮記曰:『天無二日,上無二王,嘗禘郊社,尊無二上。』竊謂高祖受禪於獻文皇帝,故仰尊爲 心悲惋,亦或天地神靈所以垂至戒,啓聖情。伏願停司徒逼同之號,從卑下不踰之稱,則天 何者?

遂奏曰:「張普惠辭雖不屈,然非臣等所同。渙汗已流,請依前詔。」太后復遣元叉、賈璨宣 微或相許,至於此處,豈卿所及「」翻甚有慚色,默不復言。 議者咸以太后當朝,志相黨順, 渓:上公九命,上大夫四命,命數雖殊,同名爲上,何必上者皆是極尊。」 普惠厲聲呵翻曰: 光、御史中尉元匡、尚書崔亮並同有難,普惠並以理正之,無所屈。廷尉少卿袁翻曰:「周 令謂·曹惠曰:「朕之所行,孝子之志,卿之所陳,忠臣之道。 羣公已有成議,卿不得苦奪**朕** 「禮有下卿、上士,何止大夫與公。但今所行,以太加上,二名雙舉,不得非極。雕虫小藝, 後有所見,勿得難言。」 太后覽表,親至國珍宅,召集五品已上博議其事。任城王澄、太傅清河王懌、侍中崔

初,普惠被召,傳詔馳驊騮馬來,甚迅速,佇立催去。普惠諸子憂怖涕泗。普惠謂曰:

「我當休明之朝,掌諫議之任,若不言所難言,諫所難諫,便是唯唯,曠官尸祿。人生有死, 死得其所,夫復何恨。 然朝廷有道,汝輩勿憂。」及議罷,旨勞還宅,親故賀其幸甚

諤諤 如也。 之析裁警,終使羣后逡巡,庶僚拱默,雖不見用於一時,固已傳美於百代。 時中山杜弼遺書普惠曰:「明侯深儒碩學,身負大才,執此公方,來居諫職,謇譽如也, 一昨承在胡司徒第,當庭面諍,雖問難鋒至,而應對響出。宋城之帶始縈,魯門 聞風快然,敬裁

此白。」普惠美其此書,每爲口實。

此謂悅之不以道,愚臣所以未悅者也。」「图 麻,不察其幅廣、度長、秤重、斗大,革其所弊,存其可存,而特放綿麻之調,以悅天下之心。 嗟怨,聞於朝野。伏惟皇太后未臨朝之前,陛下居諒闇之日,宰輔不尋其本,知天下之怨綿 歌舞以供其賦,奔走以役其勤。夫信行於上,則億兆樂輸於下。自茲已降,漸漸長闊,百姓 愛萬姓,從薄賦。 復綿麻之調,遵先皇之軌。夙宵惟度,欣戰交集。仰惟高祖廢大斗,去長尺,改重秤,所以 兩,布上稅麻十五斤。萬姓得廢大斗,去長尺,改重秤,荷輕賦之饒,不適於綿麻 普惠以天下人調,幅度長廣,尚書計奏,復徵綿麻,恐人不堪命。上疏曰:「伏聞尙書奏 知軍國須綿麻之用,故云幅度之間,億兆應有綿麻之利,故絹上稅綿八 而已。故

普惠又表乞朝直之日,時聽奉見。自此之後,月一陛見。又以孝明不親視朝,過崇佛

第三

岸可登。 停息。但仍舊貫,亦何必改作。庶節用愛人,法俗俱賴。」尋別敕付外,議釋奠之禮 明,德教可以光四海。然後精進三寶,信心如來。 願躬致郊廟之虔,親紆朔望之澤,釋奠成均,竭心千畝,明發不寐,潔誠禋祼,孝弟可以通 法,郊廟之事,多委有司,上疏曰:「伏惟陛下重暉纂統,欽明文思,天地屬心,百神佇望。 量撤僧寺不急之華,還復百官久折之秩。至已興之構,務從簡成,將來之造,權令 道由化深,故諸漏可盡,法隨禮積,故彼 伏

收敍。 改。三曰進忠謇,退不肖,任賢勿貮,去邪勿疑。四曰興滅國,繼絕世,勳親之胤,所宜 度,平斗尺,租調務輕,賦役務省。一曰聽輿言,察怨訟,先皇舊事有不便於政者,請悉追 時史官剋日蝕,豫敕罷朝。 普惠以逆廢非禮,上疏陳之。又表論時政得失:一 日審法

所以重陳者,凡如此枉,乞垂聖察。」太后曰:「卿云興滅繼絕,意復誰是。」普惠曰:「昔淮南 封其三子,何足復言。」普惠曰:「聖后封彭城之三子,天下莫不忻至德,知慈母之在上。臣 親懿,莫重於太師彭城王,然遂不免枉死。微細之苦,何可得無。」太后曰:「彭城之苦,吾已 以煩勞而不救,豈赤子所望於慈母!」太后曰:「天下蒼生,寧有如此苦事。」普惠曰:「天下之 翻 [動,更成煩擾。」 普惠曰:「聖上之養庶物,若慈母之養赤子,今赤子幾臨危壑,將赴水火, 書奏,孝明、靈太后引普惠於宣光殿,隨事難詰。延對移時,太后曰:「小小細務,一一

逆終, 漢文封其四子, 蓋骨肉之不可棄, 親親故也。 虧,自貽悔戾,沈淪幽壤,緬焉弗收,豈是興滅繼絕之意。][k] 太后曰:「卿言有理,當命公卿 竊見咸陽、京兆,乃皇子皇孫,一德之

賞普惠,臨薨啓爲尚書右丞。 寒,不應便居管轄,相與爲約,並欲不放上省,紛紜多日乃息。 及任城王澄薨,普惠荷其恩待,朔望奔赴,至於禪除,雖寒暑風雨,無不必至。 靈太后旣深悼澄,覽啓從之。詔行之後,尚書諸郎以普惠地 初,澄嘉

梁西豐侯正德詐稱降款,朝廷頗事當迎。普惠請付揚州,移還蕭氏,不從。俄而正德果逃 表奏不從。 後除光祿大夫,右丞如故。 正光二年,韶遣楊鈞送蠕蠕主阿那褒還國。普惠謂遣之將貽後患,上疏極言其不可, 魏子建爲益州刺史,有贓罪,普惠被使驗之,事遂得釋,故子建父子甚德之。時

部將統,聽於關西牧守之中隨機召遣。軍資板印之屬,悉以自隨。事訖還朝,賜絹布一百 岐、涇、華、雍、豳、東秦七州兵武三萬人,任其召發,送南秦、東益二州兵租,分付諸戍。其所 時韶訪冤屈,普惠上疏,多所陳論 先是仇池武興郡民數反,西垂郡戍,租運久絕,詔普惠以本官爲持節、西道行臺,給秦、

出除東豫州刺史。 列 傳 第 Ξ 十 四 淮南九戍十三郡,猶因梁前弊,別郡異縣之人錯雜居止。 張 普 惠 普惠乃依

一六九七

次括比,省減郡縣,上表陳狀,詔許之。宰守因此,綰攝有方,奸盜不起,人以爲便。

普惠每於四時請祿,無不減贍,給其衣食。 普惠不營財業,好有進舉,敦於故舊。 冀州人侯堅固少時與其游學,早終,其子長瑜, 及爲豫州,啓長瑜解褐,攜其合門拯給之。在州

卒,諡曰宣恭。

皇興中,降慕容白曜,赴闕,授兼著作佐郎。時獻文於仲冬月欲巡漠北,朝臣以寒甚固諫, 並不納。 成淹字季文,上谷居庸人也。好文學,有氣尙。仕宋爲員外郎,領軍主,援東陽、歷城。 淹上接輿釋游論,帝覽之,韶尙書字前曰:「卿諸人不如成淹論,通釋人意。」乃敕

服,齊朝亦不爲疑。」淹言:「彪通弔之日,朝命以弔服自隨。 之下,猶共稱之。 主客不許,昭明等執志不移。孝文敕尚書李沖選一學識者更與論執。沖奏遣淹。 「不聽朝服行禮,義出何典。」淹言:「玄冠不弔,童孺共聞。 昔季孫將行,請遭喪之禮,千載 太和中,文明太后崩,齊遣其散騎常侍裴昭明、散騎侍郎謝竣等來弔,欲以朝服行事。 卿方謂義出何典,何其異哉!昭明言:「齊高帝崩,魏遣李彪通弔,初不素 彼不遵高宗追遠之慕,乃踰月 昭明言:

譽,雖非理 朝。」淹言:「彼有君子也,卿將命折中,行过還南日 言:「若如來談,卿以虞舜、高宗爲非也。」昭明相顧笑曰:「非孝者,宜尼有成責,行人亦 使人 於家 齊之君臣,皆已鳴玉盈庭,彪行人,何容獨以襄服間衣冠之中?我皇處諒闇以來,百 唯齎袴褶, 宰,卿豈得以此方彼也。」昭明乃搖膝 得罪,亦復 不可以弔,幸借衣餡,以申國 何 嫌。 南史、董狐,自當直筆。」旣而敕送衣餡給昭明等,明旦引入,皆 而言曰:"「三皇不同禮,亦安知得失 1,應有 命。 高賞。 今爲魏朝所逼, 還南日, 若無君子也,但令有光國之 所 必 》歸。 」淹 得罪· 7 弗敢

者皆相 拾逆効順 者不拘小 慶語淹言:「南北 其後 顧 失色。 ,欲追蹤陳、韓,何于禁之有」。憲亦不 節,豈得眷眷守尾生之信 齊遣其散騎常侍庾蓽、散騎侍郎何憲、主書邢宗慶等來聘,孝文敕淹接於外館。宗 何憲知淹昔從南入,以手掩目曰:「卿何不作于禁而作魯肅。」 云 淹言:「我 連和旣外,而比棄信絕好,爲利而動,豈是大國善隣之義。」淹言:「夫爲王 !且齊先主歷事宋朝,當應便爾欺奪。」宗慶、庾蓽及從

令文武

盡哀。

後正

佐

鄓

因劉、石亂華,仍隨司馬東度。」肅知淹寓靑州,乃笑謂曰:「靑州何必無其餘種。」淹以肅本 是何城了淹言:「紂都朝歌城。」肅言:「故應有殷之頑人。」淹言:「昔武王滅紂,悉居河洛,中 王肅之至,變輿行幸,肅多扈從,敕淹將引,若有古跡,皆使知之。 行到朝歌,肅問:「此

列

欲求屈己之名,復於卿大優。」肅言:「淹旣蒙進,臣得屈己申人,此所謂陛下惠而不費。」遂 言:「若因此進淹,恐辱卿轉甚。」」肅言:「臣屈己達人,正可顯臣之美。」帝曰:「卿爲人所屈, 敍之。」肅言:「臣於朝歌失言,一之已甚,豈宜再說。」遂大笑。肅又言淹才詞,宜應敍進。 帝 足爲制勝。」輿駕至洛,肅因侍宴,帝戲肅曰:「近者行次朝歌,聞成淹共卿殊有往復,卿試重 史張思寧曰:「向聊因戲言,遂致辭溺。」思寧馳馬以聞,孝文大悅,謂彭城王勰曰:「淹此段

酣笑而止。賜淹龍廐上馬一疋,幷鞍勒宛具,朝服一襲。轉謁者僕射。

路左請見,曰:「敵不可小,願聖明保萬全之策。伏聞發洛已來,諸有諫者,解官奪職,恐非 邑人貧。今移都伊、洛,欲通運四方。黃河急浚,人皆難涉,我因此行乘流,所以開百姓之 聖明納下之義。」帝優而容之。帝幸徐州,敕淹與閭龍駒專主舟楫,將汎泗入河,泝流還洛。 軍次隔磝,淹以黃河浚急,慮有傾危,乃上疏陳諫。帝敕淹曰:「朕以恒、代無運漕之路,故京 知卿誠至而不得相納。」賜驊騮馬一疋,衣冠一襲。 除羽林監、主客令。 時遷都,帝以淹家貧,敕給事力,送至洛陽,使與家累相隨。及車駕濟淮,敕徵淹,淹於

納之,意欲榮淹於衆,朔旦受朝,百官在位,乃賜帛百疋,知左右二都水事。景明三年,出除 于時宮殿初構,運材日有萬計,伊、洛流澌,苦於厲涉。淹遂啓求敕都水造浮航。帝賞

平陽太守。還朝,病卒,贈光州刺史,諡曰定。

共嗤笑。卒於書侍御史。 子霄,字景鸞,好爲文詠,坦率多鄙俗,與河東姜質等朋游相好,詩賦間起,知音之士所

初,充太學生,轉算生,頗涉經史。 爲侍中李沖、黃門崔光所知。帝曾謂近臣曰:「崔光從容,范紹之力。」 又誡之曰:「汝父卒日,令汝遠就崔生,希有成立。今已過期,宜遵成命。」紹還赴學。 范紹字始孫,燉煌龍勒人也。少聰敏,年十二,父命就學,師事崔光。 孝文選爲門下通事令史,遷錄事,掌奏文案。帝善之,又 以父憂廢業,母 太和

紹觀其城隍,恐不可陷,勸令班師,英不從。 史、太常卿。 道六州營田大使,加步兵校尉。 後朝廷有南討計,發河北數州田兵,通緣淮戍兵合五萬餘人,廣開屯田,八座奏紹爲西 莊帝初,遇害河陰。 紹動於勸課,頻歲大獲。 紹還,具以狀奏聞,俄而英敗。 又韶與都督、中山王英論攻鐘離, 後歷位幷州刺

此任始十年,不足辭也。」

碎職,累遷中書舍人,以勤明見知。 久不遷職,宣武謂曰:「揚子雲爲黃門,頓歷三世。 劉桃符,中山盧奴人也。 生不識父,九歲喪母。 性恭謹,好學。 舉孝廉,射策甲科。 卿居 歷

非理 在益宗傳。 虚物。 東豫州刺史田益宗居邊貪穢,宣武頻詔桃符慰喩之。 宣武後欲代之,恐其背叛,拜桃符東豫州刺史,與後將軍李世哲領衆襲益宗。語 桃符善恤蠻左,爲人吏所懷。久之,徵還。 病卒,贈洛州刺史。 桃符還,具稱益宗老耄,而諸子

鹿念字永吉,濟陰乘氏人也。祖壽興,沮渠氏庫部郎。

其廉潔。時三齊始附,人懷苟且,蕭博終朝,頗廢農業。」生立制斷之,聞者嗟善。後卒於潍 <u>父</u>,再爲濟南太守,有政績。 獻文嘉其能,特徵赴季秋馬射,賜以驄馬,加以靑服,彰

陽太守,追贈兗州刺史。

睡,從者上岸,竊禾四束飼馬。船行數里,念覺,卽停船至取禾處,以縑三丈置禾束下而反。 念好兵書、陰陽、釋氏之學,彭城王勰召爲館客。嘗詣徐州,馬疲,附船而至大梁。夜 初爲眞定公元子直國中尉,恒勸以忠廉之節。嘗賦五言詩曰:「嶧山萬丈樹,雕鏤作琵

琶, 絕 一一子直 由此材高遠, 少有令問,念 絃響藹中華。」又曰: 欲 其善終,故以 、諷焉。 「援琴起何調? 後隨子直鎭梁州 幽蘭與白雪, ,州有兵粮 絲管韻未成, 和糴,和 糴 莫使絃 者靡不

潤屋

一、念獨

不

取。

子直

强之,終不

潤遣 日二 答。 出,徑 何 謂 狀 且遺 弱 信 卒 日 ,呼使戶 元元 歸 當 引念詣 左 人白龍牙 規復 趣 梁國 右 時 如 彭城。 (卿言。) 徐州 爲御 為元 法 、外,令人傳 此 欲 龍 ?」念答曰:「法僧 僧 城 歸 史中 等。 始陷, 魏 略 牙 容容 未至 款。 復詣景 所 使, 之微子,拔城歸梁,梁主 綜旣有 尉, 可 之間,爲 衆議謂 邊方 入魏 語。」 得乎。」念 龍 念 偽住 牙 兼殿中侍御史, 軍 騷 語 時 誠 擾, 不然,念遂請行,日:「綜若誠 中喚彼 一萬僕 所 念 略始被梁武 رنار ر 綜 ,停念外門,久而 日、「元中 軍主程兵潤所止 曰:「彭城 綜部將成景儁、 聞念被執 之流,而梁納之,無乃有愧於季孫也! 一人, 待 追還。 魏之東鄙, Щ 監臨淮王彧軍。 其使果至。 ,語景儁等曰:「我每疑元 甚欲 物 有 道。 一,問 未 相 綜 胡龍 入。 見,故令喚卿。」 又遣腹 其來 乃上指曰:「今歲星在斗,吳 勢在 牙 可令人詐作略 時夜已 並 狀。 心,與之盟約,如 心爭 心人梁話 總强兵, 時梁遣其豫章王綜據徐州 念 可可 人,有綜軍 日:「[否在 叉曰 略規 迎念, 內外嚴固。 身, 我爲 一天,非人 欲叛 在 主姜桃 其 今月建鶉首,斗牛 密語意 「安豐、臨淮 臨淮 詐 城,將驗虛實, 深室 也、豈 王所 念 所測。」 來與 狀 之 逐單 分 令善 使。」 託 惜 念言 野,君 將 爲 綜 馬 人 兵 患 密 酬 間

列

傳

第

Ξ

儁。景儁良久謂曰:「卿不爲刺客也。」答曰:「今者爲使,欲反命本朝,相刺之事,更**卜**後圖。」 受破,歲星木也,逆而剋之,吳國敗喪不久。且衣錦夜游,有識不許。」言未盡,乃引入見景

外散騎常侍。 北朝士馬多少,愈陳士馬之盛。尋而與梁話盟契訖。未旬,綜降。詔封愈定陶縣子,除員 事。「亞晚來患動,不獲相見。」」愈遂辭而退。須臾天曉,綜軍主范勗、景儁司馬楊嘌等競問 戶,指牀令坐。一人別在室中出,謂念曰:「中山王有教:『我昔有以向南,且遣相喚,欲問 爲設食,念强飲多食,向敵數人,微自夸矜。諸人相謂曰:「壯哉!」乃引向元略所,一 人引入 卿

疇昔。 道 州大使,與行臺樊子鵠討破之。 三徐行臺。 永安中,爲右將軍、給事黃門侍郎,進爵爲侯。雖任居通顯,志在謙退,迎送親賓,加於 及東徐城人呂文欣殺刺史元大賓,南引梁人,詔念以使持節、散騎常侍、安東將軍爲六 而自無屋宅,常假賃居止,布衣糲食,寒暑不變。 與都督賀拔勝等拒尒朱仲遠,軍敗還京。 念又購斬文欣。 還,拜金紫光祿大夫,兼尚書右僕射、東南 孝莊嘉其淸潔,時復賜以錢帛

天平中,除梁州刺史。 時榮陽人鄭榮業反,圍州城,城降,榮業送念於關西。

靈太后會幸作所,凡有顧問,燿敷 張燿字景世,[10]自云南陽西鄂人也。 陳指畫,無所遺闕,太后善之。 仕魏、累遷步兵校尉。永寧寺塔大興、經營務廣。 後爲別將,以軍功封長平

男。 歷岐、東荆州刺 史。

河 時,臣等輒舉爲大將。」詔從之。 殿成、除東徐州 `首尾大至,自非賢明一人,專委受納,則恐材木耗損,有闕經構。〔三〕燿淸直素著,有 天平初,遷鄴草創,右僕射高隆之、吏部尚書元世儁奏曰:「南京宮殿毀撤送都,連筏 刺史。 卒於州,贈司空公,諡曰懿。 燿勤於其事, 尋轉營構左都將。 興和 初, 加衞大將軍。 稱 宮

文所 孔像之西 宣武 知。 道斌 劉 道 從征 在 即位,遷謁者僕射 斌,武邑灌津人 而 拜謁 恒農,修立學館, 南陽, 焉。 還, 也。 加積 建 射將軍 有器幹,腰帶十圍 後 孔子 歷 恒農太守、 廟堂,圖 給事 中。 畫形像。 岐州刺 一鬚髯 帝謂黃門郞 甚美。 去郡後, 史,所在有淸貞稱。 邢巒 初拜校 故吏追思之,復立道斌形於 日 「道斌 書郎, 卒於州 轉主 是行, 書,頗爲 諡 便異儕流 日康。

洛,無復方寸,旣奉恩貸,實若更生。」乃引見之,謂曰:「戰爭多年,人物塗炭,是以不恥先 言,欲與魏朝通好,卿宜備申此意。若欲通好,今以宿豫還彼,彼當以漢中見歸。」及紹還, 宣武所賞。豫州城人白早生以城南叛,詔紹慰勞,爲賊鎖禁送江東。梁領軍呂僧珍暫與紹 言,便相器重。 |梁武聞之,使勞紹云:「忠臣孝子不可無之,今當聽卿還國。」|紹曰:「老母在 董紹字興遠,新蔡鮦陽人也。少好學,頗有文義。起家四門博士,累遷兼中書舍人,爲

勇,見敵無所畏,非實瞎也。」帝大笑,敕紹速行。以拒實夤功,賞新蔡縣男。 瞎巴三千,生噉燭子。」孝明謂黃門徐紇曰:「此巴眞瞎也。」 紇答:「此紹之壯辭,云巴人勁 後除洛州刺史。紹好行小惠,頗得人情。蕭寶夤反於長安,紹上書求擊之,云:「臣當出 雖陳說和計,朝廷不許。

開府 關下,復聞楚客歌!岳死,周文帝亦重之。 諮議參軍。 岳後攜紹於高平牧馬,紹悲而賦詩曰:「走馬山之阿,馬渴飮黃河。 寧謂胡

持,頗類失性。孝武崩,周文與百官推奉文帝,上表勸進,令呂思禮、薛憕作表,前後再奏, 及孝武西遷,除御史中丞,非其好也,鬱鬱不得志,或行戲街衢,或與少年游聚,不自拘

周文曰:「開進人意,不當如此也。」及登阼,方任用之,而紹議論朝廷,賜死。 帝尚執謙沖不許。 周文曰:「爲文能動至尊,唯董公耳。」乃命紹爲第三表,操筆便成。表奏, 孫嗣

州 爲擿句,儒者榮之。叉旣賜死,元興亦被廢。乃爲浮萍詩以自喻曰:「有草生碧池,無根水 書舍人,仍御史,預聞時事,卑身克己,人無恨焉。家素貧約,食客恒數十人,同其飢飽, 中御史。司徒、江陽王繼召爲記室參軍,遂爲元叉所知。叉執朝政,引爲尚書殿中郎,領中 上蕩,脆弱惡風波,危微苦驚浪。」普泰初,爲光祿大夫,領中書舍人。太昌初,卒於家,贈齊 人歎尚之。太保崔光臨薨,薦元興爲侍讀,尚書賈思伯爲侍講,授孝明杜氏春秋,元興常 刺史。元興世寒,因元叉之勢,託其交道,相用爲州主簿,自己論者以爲非倫。 馮元興字子盛,東魏郡肥鄕人也。少有操尙。舉秀才,中尉王顯召爲檢校御史,遷殿 時

示凊貧,忽遇盜,大失綾縑,時人鄙其矯詐。 時有齊那曹昂,自己有學識,舉秀才,永安中,除太學博士,兼尚書郎。常徒步上省,以

論 曰:孫紹關左之士,又能指論時務。 張普惠明達典故,强直從官,侃然不撓, 其有王

臣之風矣。 成淹、范紹、劉桃符、鹿念、張燿、劉道斌、董紹、馮元興等身遭際會,俱得効其所

能,苟曰非才,亦何能致於此也。

校勘記

內人不平 魏書卷七八孫紹傳「人」作「民」,北史避唐諱改。內民,指代京畿內之拓拔部民。

論封 君則 封君之子 魏書卷七八張普惠傳無上「君」字。按此與下句「語妃則命妃之孫」相對,

疑「君」字行。

= 玉食一 方 諸本「玉」訛「王」、據魏書及通志卷一五一張普惠傳改。

PY 此謂悅之不以道愚臣 所以未悅者也 按魏書此疏下文尚有大段文字, 論不改長尺、 重秤、大

斗 而 欲恢復 綿 麻 之調 之非。 張普惠此疏主要是反對恢復綿 麻 之調, 北史只錄前半, 尚未轉入

本題,删節殊爲不當。

[五]還復百官久折之秩 諸本「官」訛作「宮」、據魏書改。

ベ 豈是興滅繼 絕 之意 諸本「豈」下衍「不」字、與上文文意不符、今據魏書删。

〔4〕卿將命折中 諸本脫「命」字、據魏書卷七九成淹傳補

- ガヘ 卿何不作于禁而作鲁肅 諸本「魯」作「王」。 魏書作「魯」。按庾華、何憲等使魏在太和十六年,
- 王肅 降魏在太和十七年,何憲豈能預知其降而爲此語。若指曹魏時之王肅,則事迹不類。三國
- 時于禁 爲魏將,降於關羽,羽敗入吳,後仍歸魏。 魯肅北人,而仕於吳。 故何憲以此二人爲喻
- 作「王肅」當是涉下文而誤。今從魏書改。
- Уъ 欲問 卿事 魏書卷九七鹿念傳、 通鑑卷一五〇四七〇二頁作「欲聞鄉事」。 按「鄉事」指北魏事、
- 元略北魏宗室,故云。「卿」當是「鄕」之訛。
- 711】肓娛巠冓 者Þ「煛」化「閼」-寡骢書及通志卷一五一【10】張燿字景世 魏書卷七九本傳「燿」作「熠」。
- 有闕 經 構 諸本「闕」訛「關」、據魏書及通志卷一五一張耀傳改。
- 元興 元叉之時,已官殿中御史、司徒記室參軍,不會再爲州主簿。 世 [寒因元叉之勢託其交道相 用 爲 州主 簿 按上文不言馮元興曾爲州主簿, 疑是託元叉用其子爲州主簿,「元 且元興結託
- 時有齊郡曹昂 無「濟郡」,靑州有齊郡,今據改。 諸本「齊」作「濟」、魏書卷七九、通志卷一五一馮元興傳作「齊」。 按魏書地形志

興」上當有

脱文。

北史卷四十七

列傳第三十五

袁翻 弟躍 躍子 聿脩 陽尼 從孫 固 固子休之 固從 兄藻 藻子斐

固從弟元景 賈思伯 祖瑩 子珽

官顯,與濟子洸、演遂各陵競,洸等乃經公府,以相排斥。 軍劉昶言是其外祖淑近親 袁翻字景翔,陳郡項人也。 ,令與其府諮議參軍袁濟爲宗。 父宣,爲宋青州刺史沈文秀府主簿,隨文秀入魏。 宣時孤寒,甚相依附。 及翻兄弟 m 大將

堅固 尚書門下於金墉中書外省考論律令,翻與門下錄事常景、 員外郎李琰之、太樂令公孫崇等並在議限。 、書侍御史高綽、前將軍邢苗、 翻 少入東觀,爲徐紇所薦,李彪引兼著作佐郎,參史事。 奉車都尉程 又詔太師彭城王勰、司州牧高陽王雍、中書監 靈蚪、羽林監王元龜、尚書郎祖瑩、宋世景、 孫紹、廷尉監張彪、〔〕律博士侯 後拜尚書殿中郎。 正始初,詔

列

傳第三

十五

袁

翻

京兆王腧、靑州刺史劉芳、左衞將軍元麗、兼將作大匠李韶、國子祭酒鄭道昭、廷尉少卿王

顯等入豫其事。後除豫州中正。

是時,修明堂辟雍,翻議曰:

同焉 ,配帝像行,義則明矣。及淮南、呂氏與月令同文,雖布政班時,有堂个之別,然推 按周官考工所記,皆記其時事,具論夏、殷名制,豈其紕繆?是知明堂五室,三代 謹按明堂之義,今古諸儒論之備矣。蓋唐、虞以上,事難該悉,夏、殷以降,校可知

能通 矣。[三]但就其此制,猶有懵焉。何者。張衡東京賦云:「乃營三宮,布敎班常,複廟重 依數,以爲之室。」本制著存,是周五室也。於今不同,是漢異周也。 其體,則無九室之證。 復拘於載籍。 室之制,非巨異乎。裴頠又云:「漢氏作四維之个,不能令各據其辰,就使其像可圖,莫 屋,八達九房。」此乃明堂之文也。而薜綜注云:「房,室也。謂堂後有九室。」堂後有九]其居用之禮,此爲設虛器也。」甚知漢世徒欲削滅周典,捐棄舊章,改物創制,故不 旣 而正義殘隱,妄說斐然。明堂九室,著自戴禮,探緒求源,罔知所出,而漢氏因 且鄭玄之詁訓三禮及釋五經異義,並盡思窮神,不墜周公之舊法也。 漢爲九室,略可知

據,何用經通。晉朝亦以鑽鑿難明,故有一屋之論,並非經典正義,皆以意妄作,茲爲 頗與戴禮不同,何得以意抑心,便謂九室可明。且三雍異所,復乖虛、蔡之義,進退無 伯喈損益漢制,章句繁雜,旣達古背新,又不能易玄之妙矣。。魏、晉書紀,亦有明堂祀 五帝之文,而不記其經始之制,又無坦然可準。 觀夫今之基趾,猶或髣髴,高卑廣狹,

豈容虛追子氏放篇之浮說,徒損經紀雅誥之遺訓,而欲以支離横義,指畫妄圖,儀刑宇 宙而貽來葉者也? 皇代旣乘乾統曆,得一御宸,自宜稽古則天,憲章文、武,追蹤周、孔,述而不作。

不典。學家常談,不足以範時軌世

所,庶有會經誥,無失典刑。 之辰,復未可知矣。 宜革,何必仍舊。且遷都之始,日不遑給,先朝規度,每事循古,是以數年之中,悛換非 ,良以永法爲難,數改爲易。何爲宮室府庫多因故迹,而明堂辟雍獨遵此制?建立 又北京制置,未皆允帖,回繕修草創,以意良多。事移化變,回存者無幾,理苟 旣猥班訪逮,輒輕率瞽言,明堂五室,請同周制,郊建三雍,求依故

後議選邊戍事,翻議曰:

臣 聞 兩漢警於西北,魏、晉備在東南。是以鎭邊守塞,必寄威重;伐叛柔服,實賴

盛德。 序,連城革面,比屋歸仁。 溫 良。 故田叔、魏尚、聲高於沙漠、當陽、鉅平績流於江、漢。紀籍用爲美談,今古以爲 自皇上以叡明纂御,風淸化遠,威厲秋霜,惠霑春露,故能使淮海輸誠,華陽即 縣車劍閣,豈伊爨載,鼓譟金陵,復在茲日。然荆、楊之牧,

深,一 祿旣 夏,加之疾苦,死於溝瀆者常十七八焉。是以吳、楚間伺,審此虛實,皆云糧匱兵疲,易 敵,卽爲奴虜,如有執獲,奪爲己富。其羸弱老小之輩,微解金鐵之工,少閑草木之作, 宜盡一時才望,梁、郢之君,尤須當今秀異。 無不搜營窮壘,苦役百端。 人貨財請屬,皆無防寇禦賊之心,唯有通商聚斂之意。 其勇力之兵,驅令抄掠,若遇强 不識字人溫恤之方,唯知重役殘忍之法。 可乘擾,故驅率犬羊,屢犯疆場。 不多,資亦有限,皆收其實絹,給其虛粟,窮其力,薄其衣,用其工,節其食,綿冬歷 自比緣邊州郡,官至便登,疆場統成,階當卽用。或逢穢德凡人,或遇貪家惡子, 至於此!皆由邊任不得其人,故延若斯之患。賈生所以痛哭,良有以 自餘或伐木高山,或芸草平陸,販貿往還,相望道路。 頻年已來,甲胄生蟣, 廣開戍邏,多置帥領,或用其左右姻親,或受 十萬在郊,千金日費,爲弊之 也。 此等

荆、揚、徐、豫、梁、益諸蕃及所統郡縣府佐統軍至于戍主,皆令朝臣王公已下各舉所 夫 潔其流者清其源,理其末者正其本, 旣失之在始, 庸可止乎。 愚謂自今已後,

舉之人,亦垂優異,獎其得士,嘉其誠節。若不能一心奉公,才非捍禦,貪惏日富,經略 得其忻心,不營私潤,專修公利者,則就加爵賞,使久於其任,以時褒賚,厲其忠款。 所 罰其偽薄。如此則舉人不得挾其私,受任不得孤其舉。 無聞,人不見德,兵厭其勞者,卽加顯戮,用章其罪。 所舉之人,隨事免降,責其謬薦, 知,必選其才,不拘階級。 若能駕御有方,清高獨著,威足臨戎,信能懷遠,撫循將士, 善惡旣審,沮勸亦明。 庶邊患

遭母憂去職。熈平初、除廷司永消、機議攸息矣。

遭母憂去職。熙平初,除廷尉少卿,頗有不平之論,爲靈太后所責。出爲平陽太守,[六]

甚不自得,遂作思歸賦。

神龜末,遷凉州刺史。時蠕蠕主阿那瓌、後主婆羅門並以國亂來降,朝廷問安置之計。

翻表日:

州、敦煌而已。 衆,主甚愚弱,上不制下,下不奉上,唯以掠盜爲資,陵奪爲業。而河西捍禦强敵,唯凉 人散於下,而餘黨實繁,部落猶衆,高車亦未能一時幷兼,盡令率附。又高車士馬雖 相屬。然夷不亂華,前鑒無遠,覆車在於劉、石,毀轍固不可尋。今蠕蠕雖主奔於上, 个蠕蠕內爲高車所討滅,外憑大國之威靈,兩主投身,一期而至,百姓歸誠,萬里 凉州土廣人稀,糧仗素闕,敦煌、酒泉,空虛尤甚。若蠕蠕無復竪立,令

列

局車獨擅北垂,則西顧之憂,匪旦伊夕。

河,公 海郡 終,日遊臍 便,即 屬。 者,乃漸令北轉,徙度流沙,卽是我之外藩,高車之勍敵,西北之虞,可無過慮。 足兵,斯固安邊保塞之長計也。 是北虜往來之衝要,漢家行軍之舊道,土地沃衍,大宜耕殖。 回反覆,孤恩背德者,此不過為逋逃之寇,於我何損? 本屬涼州 那瓌住所 愚 可永爲重戍,鎭防西北。 謂 奪我險要,則酒泉、張掖,自然孤危,長河已西,終非國有。 蠕蠕二主,並宜存之,居阿那瓌於東偏,處婆羅門於西裔,分其降人,各有攸 之恨,悔將何及。 了。今在酒泉,直抵張掖西北千二百里,[P] 去高車所住<u>金山一千餘里</u>。 ,非所經見,其中事勢, 雖外爲署蠕蠕之聲,內實防高車之策。 若婆羅門能自克厲,使餘燼歸心,收離聚散,復興其 不可輒陳。 婆羅門請修西海故城以安處之。 今不早圖, 戎心一啓, 脫先據 非但今處婆羅門,於事 不圖厥始,而 一二年後,足食 成是其 如 其奸 國 爲 西 西 正

宜,商量士馬,校練糧仗,部分見定,處置得所。 蠕蠕射獵之處。 年之食,使不復勞轉輸之功也。 愚見 如允,乞遣大使往凉州敦煌及於西海,躬行山谷要害之所,親閱亭障遠近之 殖田以自供,籍獸以自給,彼此相資,足以自固。 且西徼北垂,即是大磧,5103野獸所聚,千百 入春,西海之間, 即令播種, 今之豫度, 似如小 爲羣,正是 至秋收一

損 ,歲終大計,其利實多。 高車豺狼之心,何可專信?假令稱臣致款,正可外加優納,

而復內備彌深,所謂先人有奪人之心者也。

時 ,朝議是之。還,拜吏部郎中。 遷齊州刺史,無多政績

朕之|杜預,欲以此杯敬屬|元凱,今爲盡之。」 侍坐者莫不羡仰 書,尋轉都官。 學名重,又善附會,亦爲靈太后所信待。 進之心,識者怪之。 蕭寶夤 孝昌中,除安南將軍、中書令,領給事黃門侍郎,與徐紇俱在門下,並掌文翰。 大敗於關西、翻上表,請爲西軍死亡將士舉哀,存而還者,幷加 翻上表,願以安南、尚書換一金紫。 時天下多事,翻雖外請閑 於是加撫軍將軍。 是時蠻賊充斥,六軍將親討之,翻乃上表 明帝、靈太后曾燕華林園,舉觴 、賑賚。 謂羣臣曰:「袁尙書 秩,而 後拜度支尚 諫 止 翻旣才 內 . 有求 後

初, 遇害 嫡 翻名位俱 子寶首,武定中,司徒記室參軍 河陰。 重 所著文筆百餘篇,行於世。 ,當時賢達咸推與之。 事。 然獨善其身,無所獎拔,排抑後進,論者鄙之。 翻 贈 弟躍 使持節、 侍中、車騎將軍、儀同三司、青 州刺 建義

位尙 書都 躍 字 景騰,博學儁才, 兵 郞 中 加 員 外散騎常侍。 性不矯俗, 篤於交友。 將立明堂, 躍乃上議,當時稱其博洽。 翻每謂人曰:「躍 可謂我家千里駒也。」歷 蠕蠕主阿那褒

列

傳

福, 卒,贈冠軍將軍、吏部郎中。 言辭甚美。 來奔,朝廷矜之,送復其國。旣而每使朝貢,辭旨頗不盡禮。 後遷車騎將軍太傅淸河王懌文學,雅爲懌所愛賞。 所制文集行於世。 無子,兄翻以子津脩繼。 躍爲朝臣書與壤,陳以禍 懌之文表,多出於躍。

中丞。 保初,除太子庶子,以本官行博陵太守,大有聲績,遠近稱之。 欲,與物無競。 聿脩字叔德。 司徒錄事參軍盧思道私貸庫錢三十萬,娉太原王乂女爲妻,而王氏以先納陸孔文禮 **聿脩爲首僚,又國之司憲,知而不劾,免中丞。尋遷祕書監** 姨丈人尚書崔休深所知賞。 七歲遭喪,居處禮若成人。 年十八,領本州中正,兼尙書度支郎中。 九歲,州辟主簿。 累遷司徒左長史,領兼御史 性深沈,有鑒識, 清靖寡 齊天

諸州 時旣盛暑,恐其勞敝,往往爲之駐馬,隨舉一酌,示領其意,辭謝令去。 七百餘人請爲立碑,斂縑布數百匹,託中書侍郎李德林爲文,以記 悉有舉劾,唯不到信州。 爲政淸靖,不言而化,自長史以下,爰逮鰥寡孤幼,皆得其歡心。 |天統中,詔與趙郡王||叡等議定五禮。[11]出爲信||州刺史,卽其本鄕也,時久無例,莫不榮 。及還都,人庶道俗追列滿道,或將酒脯,涕泣留連,競欲遠送。 功德。 武平初,御史普出,過 還後,州人鄭播宗等 敕許之。

尋除都官尙書。[lil]<u>聿</u>脩少年平和溫潤,素流之中,最爲規檢,以名家子歷任淸華,時望

被沙汰停私,口司門生藜藿,津脩猶以故情,音問來往。 多相器待,許其風鑒。 亦由彥深接引。爲吏部尚書以後,自以物望得之。 在郞署之日,時趙彥深爲水部郞中,同在一院,因成交友。 **彦深任用,銘戢甚深,雖人才無愧,**

若違忤要勢,禍不旋踵,雖以清白自守,猶不免請謁之累。 津脩舊款,每省中語戲,常呼津脩爲淸郎。 魏、齊世,臺郎多不免交通餉饋。初,聿脩爲尚書郎十年,未曾受升酒之遺。曰曰尚書邢即與 意不及此,敬承來旨,吾無間然。弟昔爲淸郎,今日復作淸卿矣。」及在吏部,屬政衰道喪, 有異常行,瓜田李下,古人所愼,願得此心,不貽厚責。」即亦欣然領解,報書云:「老夫忽忽, 人得失。經兗州,時邢即為刺史,別後,送白紬爲信。 津脩不受,與邢即書云:「今日傾過, 自居選曹,亦不能免,時論以爲地勢然也。 初,馮子琮以僕射攝選,婚姻相尋,聿脩常非笑之,語人云:「馮公營婚,日不暇給。」及 、大寧初,津脩以太常少卿出使巡省,仍令考校官 素品孤官,頗有怨響。然在官廉謹,當時少匹。

官尙書。 入周,位儀同大將軍、吏部下大夫、東京司宗中大夫。隋開皇初,加上儀同,遷東京都 東京廢,入朝,除都官尙書。二年,出爲熊州刺史,卒。子知禮,大業初卒於太子

|曜弟||颺,卒於豫|||冠軍府司馬。||颺弟||昇,位正員郎。||颺死後,||昇通其妻,||翻恚,爲之發

內舍人。

病,昇終不止,時人鄙穢之。 亦於河陰見害。 贈左將軍、齊州刺史。

來牒。」 舉所知 監高 頓丘 李彪同志齊名。 間、侍中李沖等以尼碩學,舉爲國子祭酒。 陽尼字景文,北平無終人也。 ,尼與齊州大中正房千秋各舉其子。 幽州刺史胡泥表薦之,徵拜秘書著作郎。 累世仕於慕容氏。尼少好學,博通羣籍,與上谷侯天護、 帝曰:「昔有一祁,名垂往史,今有二溪,當 後兼幽州中正。 及改中書學爲國子,時中書 孝文臨軒, 令諸州中正各 聞

卷。 昔未仕,不曾羡人,今日失官,與本何異?然非吾宿志,命也如何!旣而還家。 所造字釋數十篇,未就而卒。 出爲幽州平北府長史,帶漁陽太守,未拜,坐爲中正時受鄕人貨覓官。 其從孫太學博士承慶撰爲字統二十卷,行於世。 每自傷日:「吾 有書數千 承慶從

弟固。

覽篇籍,有文才。太和中,從大將軍、宋王劉昶征義陽,板府法曹行參軍。昶性嚴暴,三軍戰 固字敬安,性俶儻,不拘小節,少任俠,好劍客,弗事生產。 年二十六,始折節好學,博

雅,了 慄, 無敢言者。固啓諫,幷面陳事宜。 無懼色,昶甚奇之。 軍還,言之孝文。 昶大怒,欲斬之,使監當攻道。 年三十餘,始辟大將軍府參軍事,累遷書侍御 固在軍勇決,意志閑

史,多所劾奏。

貴農桑,賤工賈,絕談虛窮微之論,簡桑門無用之費,以救飢寒之苦。 才,朝無素飡。 衞,以係蒼生之心。 習水戰,滅吳會,撰封禪之禮,襲軒、唐之軌,豈不茂哉! 宣武 廣訪得失, 孜孜萬機,躬勤庶政,使人無謗讟之響。 攬權衡,親宗室,强幹弱枝,以立萬世之計。 固上讜言表曰:「當今之務,宜早正東儲,立師傅以保護,立官司以防 省徭役,薄賦 舉賢良,黜不肖,使野 然後備器械,修甲兵, 斂,修學官,遵舊章, 無遺

禧等並有釁,故宗室大臣相 漁聲樂侈靡之事,節以中京禮儀之式,因以諷 初,帝委任羣下,不甚親覽,好桑門之法;尚書令高肇以外戚權寵,專決朝事,又咸陽王 見疏薄,而王畿人庶勞弊益甚。 諫 固乃作南北二都賦 ,稱恒 代田

郡 隘,流稱于今,豐屋生災,著於周易。 日 又謂固曰:「吾作太府卿,府庫充實,卿 贓贖悉入京藏,以此充府,未足爲多。 宣武末,中尉王顯起宅旣成,集僚屬饗宴。 此蓋 且有聚斂之臣,寧有盜臣,豈不戒歟!顯大不悅, 以 同傳舍耳,唯有德能卒,願公勉之。」顯默 爲 何 酒酣,問屆曰:「此宅何如。」屆曰:「晏嬰湫 如___? 固 對曰:「公收百官之祿 匹 分 之 州 他

列

以此衡固,又有人間固於顯,因奏固剩請米麥,免固官。

遂闔門自守,著演賾賦以明幽徼通塞之事。 又作刺讒疾嬖幸詩二首曰

理,毁與行俱,言與釁起。我其懲矣,我其悔矣,豈求人兮,忠恕在己。 無妄之禍,行將及矣。泛泛遊鳧,弗制弗拘,行藏之徒,或智或愚。維余小子,未明茲 實無罪,何騁汝言。番番緝緝,讒言側入,君子好讒,如或弗及。天疾讒說,汝其至矣, 譖,傾人墉矣。成人之美,君子貴焉。攻人之惡,君子耻焉。汝何人斯,譖毁日繁?予 何厚兮?巧巧佞佞,一何工矣。司間司忿,言必從矣。朋黨噂喈,自相同矣。浸潤之 巧佞巧佞,讒言興兮。營營習習,似靑蠅兮。以白爲黑,在汝口兮。汝非蝮蠆,毒

嗟爾中下,其親其昵,不謂其非,不覺其失,好之有年,寵之有日,我思古人,心焉苦 · 充、趙高,甘言似直,堅刁、上官,擅生羽翼,乃如之人,僭爽其德,豈徒喪邦,又亦覆國。 容兮。志行編小,好習不道。朝挾其車,夕承其輿,或騎或徒,載奔載趨。或言或笑, 行,有佞其音,邃篨戚施,邪媚是欽,旣讒且妬,以逞其心。 是信是任, 敗其以多,不始 曲事親要,正路不由,邪徑是蹈。不識大猷,不知話言,其朋其黨,其徒實繁。有詭其 不慎,末如之何。習習宰嚭,營營無極,梁丘寡智,王鮒淺識,伊戾、息夫,異世同力,江 彼諂諛兮,人之蠹兮,刺促昔栗,罔顧恥辱,以求媚兮。邪干側入,如恐弗及,以自

疾。口哥凡百君子,宜其愼矣,覆車其鑒,近可信矣。言旣備矣,事旣至矣,反是不思,維

塵及矣。

乘賊 李平行臺七兵郎。平奇固勇敢,軍中大事,悉與謀之。又命固節度水軍。 憂,號慕毁疾,杖而能起,練禪之後,酒肉不進。時固年踰五十,而喪過於哀,鄕黨親族咸歎 ,固上疏諫悅,悅甚敬憚之。懌大悅,以爲舉得其人。除洛陽令,在縣甚有威風。 ,獲其外城。後太傅、清河王懌舉固、除步兵校尉、領汝南王悅郎中令。時悅年少,行多 明帝卽位,除尚書考功郎中,奏諸秀孝考中第者聽敍,自固始。 大軍征硤石,敕爲僕射 固設奇計,先期 丁母

僕射 諸子及門生僚吏,莫不慮禍,隱避不出。固以嘗被辟命,遂獨詣喪所,盡哀慟哭,良久乃還。 游肇聞 清 河王懌領太尉,辟固從事中郎,屬懌被害,不奏。懌之遇害,元叉執政,朝野震悚,懌 而歎曰·「雖<u>欒布、王脩,何以尚也。</u>君子哉若人」

府解 諫,事在悅傳。 尚書令李崇訟勳 除 及汝 前 南王 軍 ·將軍,又典科揚州勳賞。 |悦爲太尉,選舉多非其人,又輕肆撾撻。|固以前爲元卿,雖離國,猶上疏切 後脫辟固爲從事中郎,不就。 ",更相 表。 崇雖貴盛、固據理不撓、談者稱焉。 初,陝石之役,固有先登之功,而朝賞未及,至是,與 京兆王繼爲司徒,高選官僚,辟固從事 卒,贈輔國將軍、太常少卿, 中郎。

列

傳

一七二

諡曰文。

其棺斂。初,固著終制一篇,務從儉約。 固 剛 直雅正,不畏强禦,居官淸潔,家無餘財,終沒之日,室徒四壁,無以供喪,親故爲 臨終,又敕諸子一遵先制。五子,長子休之。

青州。 · 操作亂,「ED伯彥等咸爲土人所殺,諸陽死者數十人,唯休之兄弟兒。 孝昌中,杜洛周陷滅城,休之與宗室南奔章武,轉至靑州。葛榮寇亂,河北流人,多湊 休之知將有變,請其族叔伯彥等潛歸京師避之。多不能從,休之垂涕別去。俄而那

伯、日刊河間邢子明日召俱入撰次。普泰中,爲太保長孫承業府屬。尋敕與魏收、李同軌等 修國史。後行臺賀拔勝經略樊沔,請爲南道軍司。俄而魏武帝入關,江弘勝令休之奉表詣 奉靜帝,乃白勝啓梁武求還,文襄以爲大行臺郎中。 長安參謁。時齊神武亦啓除休之太常少卿。尋屬勝南奔,仍隨勝至江南。休之聞神武推 莊帝立,累遷太尉記室參軍。李神儁監起居注,啓休之與河東裴伯茂、范陽盧元

義。]對曰:「『六』者,大王字。 河、洛、伊爲三川,大王若受天命,終應統有關右。」神武曰: 神武幸汾陽之|天池,池邊得一石,上有隱起字,文曰「六王三川」,問休之曰:「此文字何

「世人常道我欲反,今若聞此,更致紛紜,愼莫妄言也。」元象初,錄荆州軍功,封新泰縣伯。

休之云:「有觸藩之羝羊,乘連錢之驄馬,從晉陽而向鄴,懷屬書而盈把。」 左丞盧斐以其文 任 書請謁、啓神武禁止、會赦不問。歷尚食典御、太子中庶子、給事黃門侍郎、中軍將軍、幽州 題甚顯。時魏收爲散騎常侍,領兼侍郎,與休之參掌詔命,世論以爲中興。有人士戲嘲 武定二年,除中書侍郎。 先是中書專主綸言,魏宣武已來,事移門下,至是發詔依舊,

大中正。

誤,左遷驍騎將軍,積其前事也。文宣郊天,百僚咸從,休之衣兩襠甲,手持白棓。時魏收 郡,公司爲人心未一,且還幷州,恐漏泄,仍斷行人。休之性疏放,使還,遂說其事,鄴中悉 爲中書令,嘲之曰:「義眞服未。」休之曰:「我昔爲常伯,首戴蟬冕,今處驍游,身被衫甲。 知。後高德正以聞,文宣忿之而未發。齊受禪,除散騎常侍,監修起居注。頃之,坐詔書脫 文允武,何必減卿。」談笑晏然,議者服其夷曠。以禪讓之際,參定禮儀,別封始平縣男。 兼侍中,持節奉璽書詣幷州,敦喻文宣爲相國、齊王。時將受魏禪, 發晉陽至平陽

|休之日:「吾昔非之者,爲其失仁義;今日行之者,自欲避嫌疑。 豈是夙心,直是處世難耳。」 不得過百姓飲食。 後除 中山太守。先是章道建、宋欽道代為定州長史帶中山太守,並立制,監臨之官出 有者,即數錢酬之。休之常以爲非,及至郡,復相因循。 或問其故,

列

在郡三年,再致甘露之瑞。

卿 書省,言及喪事,收掩淚失聲,休之嚬眉而已。他日遵彦謂曰:「昨聞諱,魏少傅悲不自勝, 何容都不流涕。」休之曰:「天保之世,魏侯時遇甚深,鄙夫以衆人見待,佞哀詐泣,實非 文宣崩,徵休之至晉陽,經紀喪禮,與魏收俱至。尚書令楊遵彦與休之等款狎,相遇中

煩劇 博士、儒 用 州刺史。 人 三年,加位特進,與朝士撰聖壽堂御覽。 患 ,莫不才地俱允。 ,妨吾賞適 ,爲政敎之先。 皇建初,兼度支尙書。昭帝留心政道,訪以政術,休之答以明賞罰,愼官方,禁淫侈,恤 者以 天統初、徵爲光祿卿、監國史。 此歸之。 ,真是樊籠矣。」武成崩後,頻乞就閒。

武平初,除中書監、尚書右僕射。

三三 帝深納之。 前國子助敎熊安生,當時碩儒,因喪解職,久而不見調,休之引爲國子 簡率不樂煩職,典選稍久,非其所好,每謂人曰:「此官實自淸華,但 大寧中,歷都官、七兵、祠部三尚書。 六年,正除尚書右僕射,自己領中書監 尋除吏部尚書。休之多識故事,諳悉氏族,凡所選 河清三年,出爲西克

之始爲行臺郎,便坦然投分,文酒會同,相得甚款,鄉曲人士莫不企羨焉。 見稱。 休之早得才名,爲人物所傾服,外如疏放,內實謹厚。 重衿期,好游賞。 太常卿盧元明,人地華重,罕所交接,非一時名士,不得與之游,休 少 年頗 以峻急爲累,晚節 太子中庶子平原 以通美

明少遐 欲示梁客。 敏,年十餘,已作五言詩。 恤,恩分 可以示遠人。」其方直 甚 風流名士也,梁亡奔鄴,昔因通聘,與休之同游。 厚。 餘人畏暹,皆隨宜應對,休之獨 尚書僕射崔暹爲文襄所親任, 如此。 時梁國 元景每云:「當今直諫,陽子烈其有焉 通和,聘使在館,暹持達拏數首詩示諸朝士有才學者,又 正言:「郎子聰明,方成偉器。 勢傾 朝列,休之未嘗請謁。 及少遐卒,其妻窮敝,休之經 但小兒文藻,恐未 **暹子達拏幼** 紀 而 聰 振

年朝 非奴,何忽此授。」凡此 爲限 元。 云先 我已三爲中書監,用此何爲。」隆化還鄴, 有隙。 斷。 請、參軍之徒,同入待詔。 晚節 收在齊州,恐史官改奪其志, 魏收 ,說祖珽撰御覽,書成加特進, 及鄧長顒、顏之推 存日, 猶兩議未決, 諸事,爲 奏立文林館,之推 時論貶焉。 識者所 上表論之。 收死, 令其子辟彊預修御覽書。 便諷 舉朝多有遷授,對休之燕郡王,乃謂 魏收監史之日,立神武本紀,取平四胡之歲 及收還朝,敕集朝賢議 動 本意不欲令耆舊貴人居之,便相附會, 內外, 發詔從其議。 及斑黝,便布言於朝廷, 其事,休之立 後領 中書監 所親曰:「我 謂謂 議從天保 與少 爲 齊

達 見推 好學不倦,博綜經 位 望 雖高,虛 |懷接物,爲搢紳 史,文章雖不 ·華靡,亦爲 所 愛 重 典正。 魏收在日,深爲收所輕,魏殂後,以先

周 武 帝 平齊,與吏部尚書袁聿脩、衞尉卿李祖欽、 度支尚書元脩伯、大理 卿 司馬幼之、

並行於世。 位上開府,除和州刺史。隋開皇二年罷任,終於洛陽。所著文集四十卷,又撰幽州人物志, 人同徵,令隨駕後赴長安。尋除開府儀同,依例封臨澤縣男。歷納言中大夫、太子少保,進 散騎常侍兼中書舍人陸乂、中書侍郎薛道衡、中書舍人元行恭、辛德源、王劭、陸開明十八 孝貞、給事黃門侍郎盧思道、給事黃門侍郎顏之推、通直散騎常侍兼中書侍郎李德林、通直 司農卿崔達拏、祕書監源文宗、自己散騎常侍兼中書侍郎李若、散騎常侍兼給事黃門侍郎李

登冢頭,見一銅柱,趺爲蓮花形。休之從西北登一柱礎上,以手捉一柱,柱遂右轉。休之呪 日「柱轉三匝、吾至三公」、柱遂三匝而止。休之尋寤、意如在鄴城東南者、其夢竟驗云 初,休之在洛,將仕,夜夢見黃河北驛道上行,從東向西。道南有一冢,極高大。休之步

子辟彊,字君大,性疏脱,又無藝,〔三〕休之亦引入文林館,爲時人所嗤鄙。武平末,爲

尙 書水部郎中。

休之弟綝之,天平中入關。

傳,名爲陽五伴侶,寫而賣之,在市不絕。 俊之嘗過市,取而改之,言其字誤。 賣書者曰: 「陽五,古之賢人,作此伴侶,君何所知,輕敢議論!」俊之大喜。後待詔文林館,自言:「有文 次俊之,位兼通直常侍,聘陳副,尚書郎。當文襄時,多作六言歌辭,淫蕩而拙,世俗流

於長安,還,賜爵魏昌男。 固從兄藻。 藻字景德,少孤,有雅志,涉獵經史。 累遷瀛州安東府長史,以年老歸家,爲賊杜洛周所囚,發病卒。 位中書博士、詔兼禮官、拜燕宣王廟

永熙中,贈幽州刺史。子變。

步始康、 關城 此。 日: 居注。 累遷殿 至宅,三致書,斐不答。 「柳下惠則 斐終辭焉。 ,累年乃就。 斐字叔鸞,魏孝莊時,於西兗州督護流人有功,賜爵方城伯。歷廣平王開府中郎,修起 中 除起部郎中,兼通直散騎常侍,聘梁。 ,人勞未息,誠宜輕徭薄賦,勤恤 尚書,以本官監瀛州事,拜儀同三司。卒,贈中書監、北豫州刺史,諡曰簡。 可,吾不可。」梁武帝又親謂遽曰:「侃極願相見,今二國和好, 還,除廷尉少卿。 東郡太守陸士佩以黎陽關河形勝,欲因山壑以爲公家苑囿。 石濟河溢、自己橋壞、變移津於白馬,中河起石潭,兩岸造 人隱,不從。 梁尚書羊侃,魏之叛人也,與斐舊故,欲召斐 天保中、除都水使者。 詔斐監築長城 安得復 斐書答以國 論 彼

子師孝,中書舍人。

列

告而順旨。初,文裏擇日將受處禪,令元景等定儀注,草詔册幷授官,未畢而文裏殂,罷府。 康、崔暹等參謀機密。及崔陵爲崔暹所告,元景劾成其獄,賴邢子才證白以免,時以元景爲 天保初,除給事黃門侍郎。後以風氣彌留,不堪近侍,出除靑州高陽內史,卒於郡。文集 固從弟昭。 昭字元景,學涉史傳,尤閑案牘。爲齊文襄府墨曹參軍,甚見親委,與陳元

子靜立,性淳孝,操履淸方,美詞令,善尺牘。仕齊,位三公郎中。隋開皇初,州主簿。

賈思伯字仕休,齊郡益都人也,其先自武威徙焉。世父元壽,中書侍郎,有學行,見稱

於時。

虚談,今於軍司見之矣。」思伯託以失道,不伐其功,時論稱其長者。 軍司。及燈失利,思伯爲後殿。燈以其儒者,謂之必死。及至,大喜曰:「仁者必有勇,常謂 思伯自奉朝請累遷中書侍郎,頗爲孝文所知。任城王澄之圍鐘離也,以思伯持節爲其

人爲之語曰:「陰生讀書不免癡,不識雙鳳脫人衣。」及思伯之部,送練百匹遺鳳,因具車 累遷南靑州刺史。初,思伯與弟思同師事北海陰鳳,業竟,無資酬之,鳳遂質其衣物。

婚,靈太后不許,因舍人徐統言乞得停。後除廷尉卿,自以儒素爲業,不好法律,希言事。 馬迎之, 鳳慚不往。時人稱歎焉。明帝時,拜凉州刺史,自己思伯以邊遠不願,辭以男女未

俄轉衞尉卿。

'時議建明堂',多有同異。思伯上議曰:

王 寢,或舉明堂,互言之以明其制同也。」若然,則夏、殷之世已有明堂矣。唐、虞以前, 案周禮,夏后氏世室,殷重屋,周明堂,皆五室。鄭注云:「此三者或舉宗廟,或舉

其事未聞。

之制 子云齊宣 難 學、選士皆於其中,九室十二堂。」案戲德撰記,世所不行,且九室十二堂,其於規制,恐 膠。」鄭注云:「東膠卽辟雍,在王宮之東。」又詩大雅云:「邕邕在宮,肅 四堂及太室皆謂之廟者,當以天子暫配享五帝故耳。又王制云:「周人養 云"「宮謂辟雍宮也,所以助王,養老則尙 得厥夷。 云「堂 戴德禮記云:「明堂凡九室十二堂。」蔡邕云:「明堂者,天子太廟,饗功、養老、敎 王 一方百四十尺,象坤之策,屋圓徑二百一十六尺,象乾之策,方六丈,徑九丈, 謂孟子曰:「吾欲毁明堂。」 周禮:營國,左祖右社,明堂在國之陽。則非天子太廟明矣。然則禮記月冷 若明堂是廟,則不應有毀之問。 和,助祭則尙敬。」又不在明堂之驗矣。 肅在 且蔡邕論 廟。 國 老於東 案孟 明堂 鄭注

以象五行,豈不快也?如此,蔡邕之論,非爲通典,九室之言,或未可從。 外廣二十四丈以象氣。」案此皆以天地陰陽氣數爲法,而室獨象九州,何也。若立五室 象陰陽九六之數,九室以象九州,屋高八十一尺,象黃鐘九九之數,二十八柱以象宿,

此,則室猶是五,而布政十二。五室之理,謂爲可按。其方圓高廣自依時量。|戴氏九 矣。」尋鄭此論,非爲無當。案,乃令亦無九室之文,原其制置,不乖五室。其靑陽右个 是帝各有一室也,合於五行之數,周禮依數以爲之室。施行于今,雖有不同,時說然 襲近代妄作。且損益之極,極於三王,後來疑議,難可準信。鄭玄云:「周人明堂五室, 獨絕今古,自爲一代制作者,則所願也。若猶祖述舊章,規摹前事,不應捨殷、周成法, 室之言,蔡子廟學之議,子幹靈臺之說,裴逸一屋之論,及諸家紛紜,並無取焉。 即明堂左个,明堂右个即總章左个,總章右个卽玄堂左个,玄堂右个卽靑陽左个。如 其孝經援神契、五經要義、舊禮圖皆作五室,及除、劉之論,謂同考工者多矣。朝廷若 竊尋考工記雖是補闕之書,相承已久,諸儒注述,無言非者,方之後作,不亦優乎。

學者善其議

帝杜氏春秋。 後爲都官尚書。時崔光疾甚,表薦思伯侍講,中書舍人馮元興爲侍讀,思伯遂入授明 思伯少雖明經,從官廢業,至是更延儒生,夜講晝授。 性謙和,傾身禮士,雖

其 便驕 在 趣 「街途,停車下馬,接誘恂恂,曾無倦色。 勢云。 ,何常之有。」當世以爲雅言。 卒,贈靑州刺史,又贈尚書左僕射,諡曰文貞。 思伯與元興同事,大相友昵,元興時爲元叉所寵,論者譏 客有謂曰:「公今貴重,寧能不驕。」思伯曰:「衰至

子彦始,武定中,淮陽太守。

宮、封 尚書, 尋拜侍中。 州 刺 史, 思伯弟思同,字仕明,少勵志行,雅好經史,與兄思伯,年少時俱爲鄉里所重。 營 陵 雖無明察之譽,百姓安之。 緊男。 卒,贈尚書右僕射、司徒公,諡曰 後與國子祭酒韓子熙並 元顥之亂,思 爲侍講,授靜帝杜氏 文獻 同與廣州刺史鄭先護並不降。これ以莊帝還 春秋。 加散騎常侍,兼七兵 累遷

去職、州 諡,論者歎 初, 思同 里人 人物為 爲 尙 青州 思同恨之。 別駕,清河崔光韶先爲中從 及光韶亡,遺誡子姪不聽求贈。 事,自恃資地,恥居其下,聞思同還鄉,遂便 思同遂表訟光韶操業,

特蒙

冀隆 魏郡 乖錯 姚文安、 思 同 者一 之侍講也, 十餘條,互相 樂陵秦 國子博士遼西衞冀隆精服氏學, 道 靜復述思同意。 是非,積成十卷。 冀隆亦尋物故, 詔 下 或 學,集諸儒考之,事未 上書難杜氏春秋六十三事, 浮陽劉休和 又持冀隆說 竟 而 思 思同復駁 同 卒。 竟未能 後

列

傅

第

拜尙書左丞。卒,贈幷州刺史。祖嶷,字元達,以從征平原功進爵爲侯,位馮翊太守,贈幽州 祖瑩字元珍,范陽遒人也。 曾祖敏, 仕慕容垂爲平原太守。 道武定中山, 賜爵安固子,

刺史。 父季眞,多識前言往行,位中書侍郎、鉅鹿太守。

北 篇,不遺一字。 終當遠至。」時中書博士張天龍講過書,選爲都講。 聲譽甚盛,內外親屬呼爲聖小兒。尤好屬文,中書監高允每歎曰:「此子才器,非諸生所及, 藏火,驅逐僮僕,父母寢睡之後,燃火讀書,以衣被廠塞窗戶,恐漏光明,爲家人所覺。 旣切,遂誤持同房生趙郡李孝怡曲禮卷上座。博士嚴毅,不敢復還,乃置禮於前,誦尚書三 !裔之地那得忽有此子。],昶對曰:「當是才爲世生。」 瑩年八歲能誦詩書,十二爲中書學生,耽書,父母恐其成疾,禁之不能止。 常密於灰中 孝文聞之,召入,令誦五經章句幷陳大義。 生徒悉集,瑩夜讀勞倦,不覺天曉,催講 帝戲盧昶曰:「昔流共工於幽州, 由是

子良法曹,今爲汝用祖瑩,豈非倫匹也。」敕令掌勰書記。 以才 名拜太學博士。 徵署司徒彭城王勰法曹行參軍。 **瑩與陳郡袁翻齊名秀出,時人爲** 帝顧謂勰曰:「蕭賾以王元長爲 列傳第三十五 祖瑩

若不得卿,幾爲吳子所屈。」 有慚色。

瑩在座,即云:「悲彭城,王公自未見。」

肅云:「可爲誦之。」

陰應聲云:「悲彭城 庸更詠,乃失語云:「公可更爲誦悲彭城詩。」庸因戲勰云:「何意呼悲平城爲悲彭城也。」勰 詠悲平城詩云:「悲平城,驅馬入雲中,陰山 面 起,屍積石梁亭,血流睢水裏。」肅甚嗟賞之。 曰:「京師楚楚袁與祖,洛中翩翩祖與袁。」再遷尚書三公郎中。 常晦雪,荒松無罷風。」彭城王勰甚嗟其美,欲使 勰亦大悅,退謂瑩曰:「卿定是神口,今日 尚書令王肅會於省中 楚歌

起居事,又監 墨塗字觀之,果如瑩言,時人稱爲博物。 掘得古玉印,敕召瑩與黃門侍郎李琰之辨之。 李崇爲都督 爲冀州鎭東府長史,以貨賄事發,除名。 北討,引瑩爲長史,坐截沒軍資除名。 議 事 累遷國子祭酒, 後侍中崔光舉爲國子博士,仍領尚書左戶郎 瑩云:「此是于闐國 未幾,爲散騎侍郎。 領給事黃門侍郎、 王晉太康中所獻。」 孝昌中,於廣平王第 幽州大中正、監 乃以

略 及孝武登阼,瑩以太常行禮,封文安縣子。 中 無 正 存 一如故。 元 者, 敕瑩 顥入洛,以瑩爲殿中尚書。 以參議律歷,賜爵容城縣子。 與錄尚 書事 ,長孫承業、侍中元孚典造金石雅樂,三載乃就。 莊帝還宮,坐爲顯作詔罪狀介朱榮,免官。 坐事繫於廷尉。會介朱兆入,焚燒樂署,鐘石管弦 天平初,將遷鄴,齊神武因召瑩議之,以功進爵 遷車騎大將軍 後除秘書監

爲伯。卒、贈尙書左僕射、司徒公。

於袁、常焉。 世 人好竊他文以爲已用。而瑩之筆札亦無乏天才,但不能均調,玉石兼有,其製裁之體 瑩 以文學見重,常語人云:「文章須自出機杼,成一家風骨,何能共人同生活也。」蓋譏 性爽俠,有節氣,士有窮戹,以命歸之,必見存拯,時亦以此多之。 其文集行 減

於世。子珽襲。

爲時 類所賞。時神武送魏蘭陵公主出塞嫁蠕蠕,魏收賦出塞及公主遠嫁詩二首,珽皆和之,大 文宣爲幷州刺史,署斑開府倉曹參軍。神武口授珽三十六事,出而疏之,一無遺失,大爲僚 !曹郞中,典儀注。嘗爲冀州刺史万俟受洛製淸德頌,其文典麗,由是齊神武聞之。時 人傳詠 班字孝徵,神情機警,詞藻遒逸,少馳令譽,爲當世所推。起家祕書郎,對策高第,爲尚

冑、元士亮等爲聲色之游。 擲摴蒱賭之,以爲戲樂。 又自解彈琵琶,能爲新曲,招城市年少,歌舞爲娛,游集諸倡家,與陳元康、穆子容、任 既性疏率,不能廉慎守道。 倉曹雖云州局,及受山東課輸,CECI 由此大有受納,豐於財 參軍元景獻,故尚書令元世儁子也,其妻司馬慶雲女,是魏孝靜帝 諸人嘗就既宿,出山東大文綾幷連珠孔雀羅等百餘匹,令諸嫗

姑博陵長公主所生。[云] 斑忽迎景獻妻赴席, 與諸人遞寢,亦以貨物所致。 其豪縱淫逸如

此。常云:「丈夫一生不負身。」

送。神武親問之,斑自言不署,歸罪子先,神武信而釋之。 斑出而言曰:「此丞相天緣明鑒, **珽又委體附參軍事攝典籤陸子先,爲畫計,請糧之際,令子先宣教出倉栗十車。** 已文宣罷州,斑例應隨府,規爲倉局之間,致請於陳元康。 元康爲白,由是還任倉曹。 爲僚官捉

然實孝徵所爲。」

皆脫帽,於斑髻上得之,神武不能罪也。後爲祕書丞,領舍人,事文襄。州客至,請賣華林 娘子。」于時諠然傳之。後爲神武中外府功曹,神武宴僚屬,於坐失金叵羅,竇泰令飲酒者 裴讓之與斑早狎,於衆中嘲斑曰:「卿那得如此詭異,老馬年十歲,猶號騮駒,奸耳順,尙稱 懷中得之。見者以爲深恥。所乘老馬,常稱騮駒,又與寡婦王氏奸通。每人前相聞往復。 襄杖之四十。 遍略,[10]文襄多集書人,一日一夜寫畢,退其本曰:「不須也。」 斑以遍略數帙質錢摴蒱,文 性不羈,放縱。 會至膠州刺史司馬世雲家飲酒,遂藏銅疊二面,廚人請搜諸客,果於既

參軍。 又與令史李雙、倉督成祖等作晉州啓,請粟三千石,代功曹參軍趙彦深宣神武教,給城 事過 典籤高景略,景略疑其不實,密以問彥深。彥深答都無此事,遂被推檢,與卽

引伏。 武謂陳元康、溫子昇曰:「昔作芒山寺碑文,時稱妙絕,今定國寺碑當使誰作詞也。」元康因 薦珽才學幷解鮮卑語,乃給筆札,就禁所具草,二日內成,其文甚麗。一神武以其工而且速, 神武大怒,決鞭二百,配甲坊,加鉗刓,〔三〕其穀倍徵。未及科,會幷州定國寺成,神

特恕不問,然猶冤官,散參相府。

嚬眉答曰:「恐不益亡者。」因此得停。 盡自入,又盜元康家書數千卷。祖喜懷恨,遂告元康二弟叔諶、季璩等。 **喜邊有少許物,宜早索取。」與乃不通此書,喚祖喜私問,得金二十五挺,唯與祖喜二挺,餘** 文襄嗣事,以爲功曹參軍。及文襄遇害,元康被傷創重,倩珽作書,屬家累事,幷云「祖 叔諶以語楊愔,愔

名。|天保元年,復被召從駕,依除觅例,參於晉陽。 之,縛珽送廷尉。 親檢校催遣。如此,則既意安,夜當還宅,然後掩取。」既果如德正圖,遂還宅,薄晚就家掩 臺事,謀云:「斑自知有犯,驚竄是常。但宣一命向祕書,稱奉幷州約束,須五經三部,仰丞 錄既付禁,勿令越逸。淹遣田曹參軍孫子寬往喚。斑受命,便爾私逃。 書丞,兼中書舍人。還鄴後,其事皆發。文宣付從事中郎王士闕推檢,幷書與平陽公淹,令 文宣作相,斑擬補令史十餘人,皆有受納,而諮取教判,并盜官遍略一部。時又除斑祕 據犯枉法處絞刑,文宣以珽伏事先世,諷所司,命特寬其罰,遂奏免死除 黄門郎高德正副留

典御。〔三〕又奏造胡桃油,復爲割藏免官。文宣每見之,常呼爲賊。文宣崩,普選勞舊,除 密狀,列中書侍郞陸元規,敕令裴英推問,元規以應對忤旨,被配甲坊。除斑尚藥丞,尋遷 占候,醫藥之術,尤是所長。帝雖嫌其數犯刑憲,而愛其才伎,令直中書省,掌詔誥。 寒天性聰明,事無難學,凡諸伎藝,莫不措懷。文章之外,又善音律,解四夷語及陰陽 斑通

爲章武太守。會楊愔等誅,不之官。授著作郎。數上密啓,爲孝昭所忿,敕中書、門下二省

斷斑奏事。[言]

責,心常銜之。珽至是希旨,上書請追尊太祖獻武皇帝為神武,高祖文宣皇帝改爲威宗景 養、詔許之。會南使入聘、爲申勞使。尋爲太常少卿、散騎常侍、假儀同三司,掌詔誥。 琵琶,和士開胡舞,各賞物百段。士開忌之,出爲安德太守,轉齊郡太守。以母老乞還侍 王謂曰:「若然,當使兄大富貴。」及卽位,是爲武成皇帝,擢拜中書侍郎。帝於後園使珽彈 初,斑於乾明、皇建之時,知武成陰有大志,遂深自結納,曲相祗奉。武成於天保頻被 班善爲胡桃油以塗畫,爲進之長廣王,因言「殿下有非常骨法,孝徵夢殿下乘龍上天」。

「君之寵幸,振古無二。宮車一日晚駕,欲何以克終。」」土開因求策焉。既曰:「宜說主上云: 時皇后愛少子東平王儼,願以爲嗣,武成以後主體正居長,難於移易。斑私於土開曰: 五 젪

烈皇帝,以悅武成。武成從之。

萬全計也。君且微說,令主上粗解,珽當自外表論之。」士開許諾。因有慧星出,太史奏云 除舊革政。』今年太歲乙酉,宜傳位東宮,令君臣之分早定,且以上應天道。」弁上魏獻文禪 除舊布新之徵,斑於是上書,言:「陛下雖爲天子,未是極貴。案春秋元命苞云:『乙酉之歲, 襄、宣、昭帝子俱不得立,今宜命皇太子早踐大位,以定君臣。 若事成,中宮少主皆德君,此 子故事。帝從之。由是拜祕書監,加儀同三司,大被親寵。

帝大怒,執珽詰曰:「何故毁我士開。」)珽因厲聲曰:「臣由士開得進,本無心毁之。 其儉餓,故收養之。」斑曰:「何不開倉振給,乃買取將入後宮乎。」帝益怒,以刀鐶築口,鞭杖 意,臣恐大齊之業隳矣!」帝曰:「爾乃誹謗我。」與曰:「不敢誹謗,陛下取人女。」帝曰:「我以 通,共爲表裏,賣官鬻獄,政以賄成,天下歌謠,若爲有識所知,安可聞於四裔。陛下不以爲 問臣,臣不敢不以實對。士開、文遙、彥深等專弄威權,控制朝廷,與吏部尙書尉瑾內外交 僕射元文遙、侍中和士開罪狀,令逖奏之。逖懼,不敢通,其事頗泄。 以我爲項羽邪!」斑曰:「項羽人身亦何由可及,但天命不至耳。 金丹。」遂少獲寬放。 斑叉曰:「陛下有一范增不能用,知如何!」 帝又怒曰:「爾自作范增, 亂下,將撲殺之。 大呼曰:「不殺臣,陛下得名,殺臣,臣得名。若欲得名,莫殺臣,爲陛下合 旣見重二宮,遂志於宰相。先與黃門侍郞劉逖友善,乃疏侍中尚書令趙彥深、侍中左 項羽布衣,率烏合衆,五年 彦深等先詣帝自陳。 陛下今既

張良 曰:「牢者,地牢也。」乃爲深阬,置諸內,苦加防禁,桎梏不離其身,家人親戚不得臨視,夜中 遇之甚厚,別駕張奉禮希大臣意,上言斑雖爲流囚,常與刺史對坐。 怒,令以土塞其口,斑且吐且言,無所屈撓。乃鞭二百,配甲坊。 勸陛下禪位,使陛下尊爲太上,子居宸扆,於己及子,俱保休祚。蕞爾張良,何足可數!」帝愈 而成霸王業。 亦不能及。 陛下藉父兄資,財得至此,臣以謂項羽未易可輕。〔三〕臣何止方於范增。縱擬 張良身傅太子,猶因四皓,方定漢嗣。 臣位非輔弼,疏外之人,竭力盡忠, 尋徙於光州。 敕報曰:「牢掌。」奉禮 刺史李祖 勳

銀青光祿大夫、祕書監,加開府儀同三司。 雖薄,奇略出人,緩急眞可馮仗。且其雙盲,必無反意。請喚取,問其謀計。」帝從之。入爲 昭三帝,其子皆不得立,令至尊獨在帝位者,實由祖孝徵。 和 |媼弟||悉達書曰:「趙彥深心腹陰沈,欲行伊、霍事,儀同姊弟豈得平安!何不早用智士邪。] 士開亦以珽能決大事,欲以爲謀主,故棄除舊怨,虛心待之。 武成崩,後主憶之,就除海州刺史。 是時陸令萱外干朝政,其子穆提婆愛幸,斑乃遺陸 又有大功,宜重報之。 與陸媼言於帝曰:「襄、宣、 孝徴心行

以蕪菁子燭熏眼,因此失明。

漸被任遇。 和 士開死後,仍說陸媼出彥深,以既爲侍中。 又太后之被幽也、行意斑欲以陸媼爲太后、撰魏帝皇太后故事、爲太姬言之。行己 在晉陽通密啓,請誅琅邪王。 其計旣行,

列傅

謂人曰:「太姬雖云婦人,實是雄傑,女媧已來無有也。」太姬亦稱斑爲「國師」、「國寶」。由 是拜尙書左僕射,監國史,加特進,入文林館,總監撰書。封燕郡公,食太原郡幹,給兵七十 人。所住宅在義井坊,旁拓隣居,大事修築,陸媼自往案行,勢傾朝野。

氏」。帝以問韓長鸞、穆提婆、幷令高元海、段士良密議之,衆人未從。因光府參軍封士讓啓 告光反,逐滅其族。 語。」斑弁云「盲老公是臣」,自云與國同憂戚,勸上行,語「其多事老母、「言」似道女侍中陸 奏之。帝問珽,珽證實。又說謠云:「高山崩,槲樹舉,盲老公背上下大斧,多事老母不得 頗聞其言,因其女皇后無寵,以謠言聞上,曰「百升飛上天,明月照長安」。令其妻兄鄭道蓋 處分兵馬,趙令恒與吾等參論之。盲人掌機密來,全不共我輩語,止恐誤他國家事。」又既 斛律光甚惡之,遙見竊駡云:「多事乞索小人,欲作何計數」」嘗謂諸將云:「邊境消息,

府少卿李叔元、平準令張叔略等結別樹黨。遂除子華仁州刺史,叔元襄城郡守,叔略南營 云:「與元海素嫌,必是元海譖臣。」帝弱顏,不能諱,曰:「然。」 珽列元海共司農卿尹子華、太 斑不合之狀,幷書斑與廣寧王孝珩交結,無大臣體。 斑亦求面見,帝令引入。 斑自分疏,幷 海,元海語侯呂芬、穆提婆云:「孝徵漢兒,兩眼又不見物,豈合作領軍也。」明旦面奏,具陳 班叉附陸媼,求爲領軍,後主許之。 詔須覆述,取侍中斛律孝卿署名。 孝卿密告高元

州錄事參軍,陸媼又唱和之,復除元海鄭州刺史。

始奏罷京畿府併於領軍,事連百姓,皆歸郡縣,宿衞都督等號位從舊官名,文武服章並依故 士開執事以來,政體隳壞,斑推崇高望,官人稱職,內外稱美。 入,著紗帽直至永巷,出萬春門向聖壽堂,每同御楊,論決政事,委任之重,羣臣莫比。 又欲黜諸閹竪及羣小輩,推誠延士,爲致安之方。 班自是專主機衡,總知騎兵、外兵事。內外親戚,皆得顯位。 後主亦令中要數人扶侍出 復欲增損政務,沙汰 自和

問,乃下牀拜曰:「老婢合死,本見和士開道孝徵多才博學,言爲善人,故舉之。此來看之, 沖釋而不問。既日以益疏,又諸宦者更共譖毀之,無所不至。 斑固求面見,坐不肯行。 極是罪過,人實難容,老婢合死。」後主令韓鳳檢案,得其詐出敕受賜十餘事,以前與其重誓 方排毁,即出君瑜爲金紫光祿大夫,解中領軍,君璧還鎭梁州。 兄胡君瑜爲侍中、中領軍,又徵君瑜兄梁州刺史君璧,欲以爲御史中丞。 提婆,欲使贓罪相及,望因此坐,幷及陸媼。 不殺,遂解既侍中、僕射,出爲北徐州刺史。既求見分疏,韓長鸞積嫌於既,遣人推出栢閤 陸媼、穆提婆議頗同異。 長鸞乃令軍士牵曳而出,立既於朝堂,大加消責。上道後,復令追 既乃諷御史中丞麗伯律、CEO令劾主書王子沖納賂,知其事連 **麵思後主溺於近習,欲因后黨爲援,請以皇后** 後主問諸太姬,憫默不對,三 皇后之廢,頗亦由此。 陸媼聞而懷怒,百

列傳

還,解其開府儀同、郡公,直爲刺史。

於州。 不已,欲令城陷沒賊,雖知危急,不遣救援。斑且守且戰十餘日,賊竟奔走,城卒保全。卒 賊先聞其盲,謂爲不能拒抗,忽見親在戎行,彎弧縱鏑,相與驚怪,畏之而罷。 賊衆大驚,登時走散。後復結陳向城, 斑乘馬自出, 令錄事參軍王君植率兵馬, 仍親臨戰。 聽鳴吠。賊無所聞見,莫測所以,或疑人走城空,不設警備。至夜,既忽令大叫,鼓譟聒天, 至州,會有陳寇,百姓多反,與不閉城門,守陴者皆令下城靜坐,街巷禁斷人行,雞犬不 時提婆爈之

子君信,涉獵書史,多諳雜藝。位兼通直散騎常侍,聘陳使副,中書郎。斑出,亦見

廢発。

讓,因爲李密所得。密甚禮之,署爲記室,軍書羽檄,皆成其手。及密敗,爲王世充所殺。 君信弟君彦,容貌短小,言辭澀訥,少有才學。隋大業中,位至東平郡書佐。郡陷翟

常侍,迎梁使。時徐君房、庾信來聘,名譽甚高,魏朝聞而重之,接對者多取一時之秀,盧元 |斑弟孝隱,亦有文學,早知名。 詞章雖不逮兄,機警有口辯,兼解音律。 |魏末爲兼散騎

孝隱從父弟茂,頗有辭情,然好酒性率,不爲時所重。 大寧中,以經學爲本鄉所薦,除 景之徒,並降階攝職,更遞司賓。孝隱少處其中,物議稱美。

給事, 以疾辭,仍不復仕。 斑受任寄,故令呼茂, 茂不獲已, 暫來就之。 斑欲爲奏官,茂乃

逃去。

斑 族弟崇儒,涉學有辭,曰記少以幹局知名。 武平末,位司州別駕、通直常侍。 入周,為

容昌郡太守。隋開皇初,終宕州長史。

自立,休之加以藻思,可謂載德者焉。 良,孝徵儁才雖多,適足敗國。叔鸞器懷淸峻,元景才幹知名,並匡佐齊初, 論 曰:袁翻弟兄,可爲一時才秀, 聿脩行業,亦乃不殞家風。 思伯經明行修,乃惟門素。 景文學義見稱,敬安正情 祖瑩幹能 藝 一時推重,美 用, 實日 時

校勘記

矣哉。

廷尉 監張彪 魏書卷六九袁翻傳「彪」作「虎」、北史避唐諱改。

故鄭 今不 玄云周 同 是漢異問 人明堂五室是帝一室也合於五行之數周禮依數以爲之室本制著 也漢爲九室略可知矣 李慈銘云:「魏書『以爲之室』下有『德行於今,雖有不 存 是周 五 室 也於

列

傳

至『欲復 同 · 時 說 何責』, ,本制著存,而言無明文,欲復何責』,以下方接**『本**制著存』云云。 蓋是鄭君駁五經異義之文。『德行』當作『施行』, 魏書卷七二及北史本卷賈思伯 自『周 人明堂

傳可證。 其下句『本制著存』以下,乃是翻申釋鄭義。 北史删去數 語,便不可解。」

ヘミし 並 察察著明 盡 思窮 神不 確乎難 墜周公之舊法也 奪, 諒 足以扶幽闡微」三十一字,然後接「不墜周公之舊法也」。 按魏書 「神」下有「故得之遠矣。 覽其明堂圖義,皆有悟人意, 則袁翻 別分

[N] 又北京制置未皆允帖 諸本「未」訛「求」、據魏書改。

「不墜周公之舊法」,乃指明堂圖義而言。

北史删算

節失原

意

【五〕事移化變 魏書「化」作「禮」。按「化」疑是「礼」之訛

出 腸坂在晉陽 詰,南望龍門嵯峨」。據水經注汾水注:「汾水出汾陽縣北 爲平陽 太守 西北, 諸本「平陽」倒作「陽平」, 即在平陽今臨汾之北。 又龍門山 魏書作「平陽」。 在平陽 Щ 西南。 [中略) 按魏書載翻思歸賦有 Щ 陽平即今山東館 有羊腸坂 在晉陽 陶 「北眺羊腸 縣 四 附近 北。 洋 無 屈

てより 西海 掖、酒泉之間,與地理形勢不符。 按西海 郡本屬涼州今在酒泉直抵張掖西北千二百里 郡 在 居 延澤見晉書卷十四地理志涼州,其地正 但魏書殿本亦作「抵」、當是後人據北史妄改。 居酒泉之北。 魏書百衲本「抵」作「北」,「直北」從上 魏書作「北」是。 作「抵」則似在張 讀。

羊腸

龍門。

知是誤倒,今據乙。

- 脱先據西河 魏書「河」作「海」。按「西海」指西海郡、疑作「河」誤。
- [元] 不圖厥始而求憂其終 魏書無「求」字。按此衍文。
- 且西徼北垂卽是大磧 魏書「徼」作「海」。 按此專指西海郡。 北史改作「徼」,泛指西部邊界,

誤。

韶與趙郡王叡等議定五禮 按北齊書卷十三趙郡王琛附子叡傳,稱其於天統中「監議五禮」。五禮指吉、凶、賓、軍、嘉。 諸本「五」作「三」、北齊書卷四二、通志卷一五五袁聿脩傳作「五」。

「五」是、今據改。

- 尋除都官尚書 通志亦有「儀同三司」四字。 吏部尚書事、則下文語爲無根。疑此處有脫文。 北齊書此下有「仍領本州中正, 按下文云:「為吏部尚書以後, 轉兼吏部尚書、儀同三司,尚書尋卽眞」等語。 自以物望得之。」若此處不敍其官
- **彦深後重被沙汰停私** 尚書令攝令選,隱即意深以地寒,被出爲滄州別駕。」並無重被沙汰事。 北齊書無「重」字。按本書卷五五趙隱傳云:「超拜水部郞。 「重」字當是衍文。 及文襄爲
- 未會受升酒之遺 通志「升」作「斗」。 錢氏考異卷三一以爲當作「斗」。
- 二吾 我思古人心焉苦疾 魏書卷七二陽固傳「苦」作「若」。疑作「若」是。
- 俄而邢杲作亂 諸本「邢杲」上有「葛榮」二字。北齊醫卷四二陽休之傳無。 按葛榮義軍未曾

列

僔

到青州、此涉上文而衍、今據删。

二古 范陽盧 元伯 北齊書「伯」作「明」。 按盧元明附見本書卷三〇、魏書卷四七盧玄傳。本傳不言

其預撰起居注,但其時別無盧元伯,疑作「明」是。

河間邢子明 諸本「明」作「才」、北齊書作「明」。 按本書卷四三、魏書卷八五飛昕即子明 · 傳 云

「東部尚書李神儁奏昕修起居注。」本書卷四三邢卻 即子才傳並無與李神儁同修起居注事。 作

「才」誤,今據改。

[l元] 俄而魏武帝入關 李慈銘云:「『魏武』當作『孝武』。」

發晉陽至平陽郡 按由晉陽赴鄴,不會經過平陽。「平陽郡」當是「平城都」之訛。 事見本書卷

三一高德正傳。 但「平城都」又當作「平都城」。參見高德正傳校記。

武平初除中書監尚書右僕射 下云「正除尚書右僕射」, 則此處應有「兼」字。 北齊書作:「武平元年、除中書監。尋以本官兼尚書右僕射。」 北史删節、並「無」字删去、非。

按

六年正除尚書右僕射 諸本「右」作「左」,北齊書作「右」。 按本書卷八齊後主紀武平六年四月

稱:「以中書監陽休之爲尚書右僕射。」作「右」是,今據改。

秘書監源文宗 諸本脫「文」字、據北齊書補。 源文宗卽源彪,見本書卷二八源賀傳。北齊書卷

四三自有傳。

- 叉無藝 北齊書作「無文藝」。疑「又無」是「無文」之倒誤。
- C 語 石濟河溢 東燕縣故城北,河水於是有棘津之名,亦謂之石濟津。」戴校本注云:「今考,卽胙城縣 諸本「濟」作「齊」。北齊書卷四二陽斐傳作「濟」。 按水經注卷五河水注:「河水又逕 東北石濟
- 津。」下文云:「斐移津於白馬。」白馬津在石濟之東,亦見水經注河水注。 作「齊」誤,今據改。
- 三台 明帝時拜凉州刺史 乃「明」之訛、今據改。 諸本「明」作「昭」、魏書卷七二賈思伯傳作「肅宗」。 按肅宗諡「孝明」「昭」
- 思同與廣州 卷五六鄭義傳附見先護,並言其拒元顧。作「先」是,今據改。 刺史鄭先護並不降 諸本「先」作「光」、魏書百衲本作「先」。 按本書卷三五、 ₹魏 **書
- 三台 倉曹雖云州局及受山東課輸 呼應,作「乃」是。 但通志卷一五四祖延傳亦作「及」,今不改。 北齊書卷三九祖延傳百衲本「及」作「乃」。 按「乃」與「雖云」相
- 二元 是魏孝靜帝姑博陵長公主所生 諸本「姑」訛「故」,據北齊書、通志
- 後爲秘書丞領舍人事文襄州客至請賣華林遍略 與梁接境,故得商販往來。 客販之。 據隋書卷三四經籍志雜家類,華林遍路,梁綏安令徐僧權等撰。 襄州見魏書地形志下、及隋書地理志中潁川郡葉縣注。 此「文」字當是涉下文而行。 按疑行「文」字,「事」屬上讀,「襄」屬下讀。 當時東魏當無此書,故襄州商 其地在今河南西南部, 當時

列

傳第三

+

五

椌

勘記

加」之誤。

「加」即「髠」字。

- 配甲坊加鉗 刓 北齊書南、 殿二本及通志「別」作「錮」,其百衲本無此字。 按作「刓」費解、疑是
- **尋遷典御** 「典御及丞各二人,總知御藥事。」祖與是由丞升爲典御,作「遷」是,今據改。 諸本「遷」作「選」、北齊書、通志作「遷」。按隋書卷二七百官志中,門下省尚藥局有
- 敕中書門下二省斷珽奏事 諸本「二」訛作「三」、據北齊書、通志改。
- [NB] 臣以謂項羽未易可輕 汲本「謂」作「爲」,當是。
- 又太后之被幽也 帝胡后齊亡後死,無論。 諸本「太后」上有「靈」字,北齊書無。 當是原作「胡太后」,後人誤改。 今從北齊書删 按靈太后乃北魏宣武帝后, 北齊武成
- 撰魏帝皇太后故事爲太姬言之 魏太武帝、文成帝並以乳母爲保太后,陸媼正合保太后之例。 通鑑卷一七一五三〇一頁作「爲令萱言魏保太后故事」。 疑「皇」當作「保」。 按 北
- に記り 勸上行語其多事老母 李慈銘云:「語其」當是『其語』誤倒。」按李說是。
- 『麗伯律』是『鄭伯偉』之誤。」按鄭伯偉是鄭範之孫,見魏書卷四二酆範傳,又見本書卷三〇盧 斑乃諷御史中丞麗伯律 張森楷云:「案是時有酈伯偉,見崔暹北史卷三二、盧玄傳北史卷三〇。 疑
- 涉學有辭 北齊書「餅」下有「藻」字、通志有「章」字。疑北史脫一字。

潛傳、卷八一劉畫傳。

張說疑是。

北史卷四十八

列傳第三十六

介朱榮 子文暢 文略 從子兆 從弟彦伯 彦伯子敞 彦伯弟仲遠

世隆

榮從父弟度律 榮從祖兄子天光

居處曾有狗舐地,因而穿之得甘泉,因名狗舐泉。 曰:「家世奉國,給侍左右,北秀容旣在剗內,差近京師,豈以沃靖,更遷遠地。」帝許之。所 居秀容川,詔割方三百里封之,長爲世業。道武初,以南秀容川原沃衍,欲令居之。羽健 高 .祖羽健,魏登國初爲領人酋長,[I]率契胡武士從平晉陽,定中山,拜散騎常侍。

給復 百年,除立義將軍。 曾祖鬱德、祖代勤,繼爲酋長。 曾圍山而獵,部人射虎,誤中其髀,代勤仍令拔箭,竟不推問,曰: 代勤,太武敬哀皇后舅也。既以外親,兼數征伐有功,

第三十六 余朱榮

列

傳

「此旣過誤,何忍加罪。」部內咸感其意。 位肆州刺史、封梁郡公,以老致仕,歲賜帛百疋以

爲常。 卒,諡曰莊。 孝莊初,追贈太師、司徒公、錄尚書事

畜牧於川澤,射獵自娛。 亦報以名馬。 孝文嘉之。及遷洛,特聽冬朝京師,夏歸部落。 牛羊駝馬,日覺滋盛,色別爲羣,谷量之。 國、西河郡王 父新興,太和中繼爲酋長。 位散騎常侍、平北將軍、秀容第一領人酋長。新興每春秋二時,恒與妻子閱 明帝時,以年老,啓求傳爵於樂。卒,諡曰簡。 曾行馬羣,見一白蛇,頭有兩角, 呪之, 求畜牧蕃息。 朝廷每有征討,輒獻私馬,兼備資糧,助裨軍用。 每入朝,諸公王朝貴,競以珍翫遺之,新興 孝莊初、贈太師、相 自是

與榮游池上,忽聞簫鼓音,謂榮曰:「古老相傳,聞此聲,皆至公輔。 衆莫敢犯。 | 樂潔白美容貌,幼而神機明決。及長,好射獵,每設圍誓衆,便爲軍陣之法,號令嚴 秀容界有池三所,在高山上,清深不測,相傳曰祁連池,魏言天池也。 吾年老暮,當爲汝耳。」 父新興曾

執慶賓還秀容。 正光中,四方兵起,遂散畜牧,招合義勇。 時榮率衆至肆州,刺史尉慶賓閉城不納。 自是兵威漸盛,朝廷亦不能罪責。 以討賊功,進封博陵郡公,其梁郡前爵聽賜 際怒,攻拔之,乃署其從叔羽生爲 及萬榮吞杜洛周,榮恐其南逼鄴城,表 刺鬼,

際襲爵,後除直寢、游擊將軍。

求東援相州,帝不許。 傑以山東賊盛,慮其西逸,乃遣兵固守滏口以防之。 於是北捍馬邑,

東塞井陘。

迎莊 稱萬 嚴之徒,付之司敗。 都督,將於太行杜防。 孝文及咸陽王禧等五王子孫像,曰成者當奉爲主。 議廢立。 言,皆云大行皇帝鴆毒致禍,舉潘嬪之女以誑百姓,奉未言之兒而臨四海。 帝與帝兄彭城王劭、弟始平王子正。〔三武泰元年四月,莊帝自高渚度,至榮軍,將士咸 尋屬明帝崩,事出倉卒,榮乃與元天穆等密議,入匡朝廷。 天光乃見莊帝, 具論際心, 帝許之。 天光等還北, 榮發晉陽, 猶疑所立, 乃以 更召宗親,推其明德。」於是將赴京師。 **| 榮抗表之始,遣從子||天光、親信||奚毅及倉頭||王相入洛,與從弟||世隆密** 唯莊帝獨就。 靈太后甚懼,詔以李神軌爲大 抗表云:「今海內草草,異口 師次河內, 求以徐紇、鄭 重遣王相 銅鑄

及莊帝卽位,詔以榮爲使持節、都督中外諸軍事、大將軍、開府、尙書令、領軍將軍、領 及度河,太后乃下髮入道,內外百官皆向河橋迎駕

至南北長堤,悉命下馬西度,卽遣胡騎四面圍之。妄言丞相高陽王欲反,殺百官王公卿士 二千餘人,皆斂手就戮。 榮惑武衛將軍費穆之言,謂天下乘機可取。 又命二三十人拔刀走行宮,莊帝及彭城王、霸城王俱出帳。四際 乃譎朝士共爲盟誓, 將向河陰西北三里,

列

先遣幷州人郭羅察共西部高車叱列殺鬼在帝左右,相與爲應。 及見事起,假言防衞, 抱帝

自支持,遂便愧悔,至四更中,乃迎莊帝,望馬首叩頭請死。其士馬三千餘騎,旣濫殺朝士, 光殿重謝河橋之事,誓言無復二心。莊帝自起止之,因復爲榮誓,言無疑心。榮喜,因求酒 諸貴死散,無復次序,莊帝左右,唯有故舊數人。一榮猶執移都之議,上亦無以拒焉。又在明 我作不吉,當迎天穆立之。」靈助曰:「天穆亦不吉,唯長樂王有王兆耳。」榮亦精神恍惚,不 遂鑄金爲已像,數四不成。時樂所信幽州人劉靈助善卜占,言今時人事未可。**樂乃曰**「若 西李神儁、頓丘李諧、太原溫子昇並當世辭人,皆在圍中,恥是從命,俯伏不應。 畏懼,不肯更前。武衞將軍汎禮苦執不聽。復前入城,不朝戍,北來之人, [三皆乘馬入殿。 乃不敢入京,即欲向北爲移都之計。持疑經日,始奉駕向洛陽宮。及上北芒,視城闕,復懷 元則者,恐不免死,出作禪文。榮令人誡軍士,言元氏旣滅,尒朱氏興,其衆咸稱萬歲。榮 有朝士百餘人後至,仍於堤東被圍。遂臨以白刃,唱云能爲禪文者出,當原其命。時有隴 入帳,餘人卽害彭城、霸城二王。乃令四五十人遷帝於河橋,沈靈太后及少主於河。 一遍。及醉熟,帝欲誅之,左右苦諫乃止。卽以牀擧向中常侍省。燦夜半方寤,遂達旦不 有御史趙

| 傑女先爲明帝嬪,欲上立爲后,帝疑未決。給事黃門侍郎| 祖瑩曰:「昔文公在秦,懷嬴

眠,自此不復禁中宿矣。

入侍。事有反經合義,陛下獨何疑焉。」上遂從之,榮意甚悅。

直,朔望之日,引見三公、令、僕、尙書、九卿及同州牧、河南尹、洛陽河陰執事之官,參論國 號,諸王、刺史,乞贈三司,其位班三品,請贈令僕,五品之官,各贈方伯,六品已下及自身, 不一存,率皆逃竄,無敢出者,直衞空虚,官守廢曠。際聞之,上書謝愆。 贈以鎭郡。諸死者無後,聽繼,卽授封爵。均其高下,節級別科,使恩洽存亡,有慰生死。 政,以爲常式。 詔如所表。 于時人間猶或云樂欲遷都晉陽,或云欲肆兵大掠,迭相驚恐,人情駭震。京邑士子,十 又啓帝,遣使巡城勞問,於是人情遂安,朝士逃亡者,亦稍來歸闕。 無上王請追尊帝 榮又奏請番

軍,封上黨王。 五月,樂還晉陽,乃令元天穆向京,爲侍中、太尉公、錄尚書事、京畿大都督,兼領軍將 樹置腹心在列職,舉止所爲,皆由其意。七月,詔加際柱國大將軍

袖棒一枚,至戰時,慮廢騰逐,不聽斬級,使以棒棒之而已。乃分命壯勇,所當衝突,號令嚴 取。 數百騎,令所在揚塵鼓譟,使賊不測多少。又以人馬逼戰,刀不如棒,密勒軍士,馬上各齎 道兼行,東出滏口。而與萬榮衆寡非敵。 自鄴以北,列陣數十里,箕張而進。、榮潛軍山谷爲奇兵,分督將已上三人爲一處,處有 時萬樂向京師,衆號百萬,相州刺史李神儁閉門自守。「云」樂率精騎七千,馬皆有副,倍 **葛榮聞之,喜見於色,乃令其衆辦長繩,至便縛**

列傳

散盡。 從葛榮索千牛刀,葛榮初不肯與,此人自稱己是道武皇帝,葛榮乃奉刀,此人手持授榮。寤 者咸安。時人服其處分機速。乃檻車送萬榮赴闕。詔加燦大丞相、都督河北畿外諸軍事。 其疑懼,乃普令各從所樂,親屬相隨,任所居止。於是羣情喜悅,登卽四散,數十萬衆,一朝 明,將士同奮。 中 而 喜,自知必勝。 則 、否。」旣而並應弦而殪,三軍咸悅。 及後,命立碑於其所,號雙冤碑。 又將戰夜,夢一人 初,榮將討葛榮,軍次襄垣,遂大獵,有雙兔起於馬前,榮彎弓誓之曰:「中則禽葛榮,不 待出百里之外,乃始分道押領,隨便安置,咸得其宜。獲其渠帥,量才授用,[+]新附 榮身自陷陣,出於賊後,表裏合擊,大破之。於陣禽葛榮,餘衆悉降。 樂恐

幽州之漁陽 叉 「韶以冀州之長樂、相州之南趙、定州之博陵、滄州之浮陽、平州之遼西、燕州之上谷、 七郡,各萬戶,通前滿十萬,爲太原國邑。又加位太師。

孤 北 ,更圖後舉,黃門郎楊侃、高道穆等並固執以爲不可。屬馬渚諸楊云有小船數艘,求爲 ,永安二年春,詔元天穆先平齊地,然後征顥。 天穆克平邢杲,亦度河以會。 建 義初 樂聞之,馳傳朝行宮於上黨之長子,輿駕於是南趣。 ,北海王元顥南奔梁,梁立爲魏主,資以兵將。時邢杲以三齊應顥。朝廷以顥 車駕幸河內。 傑與顯相持於河上,無船不得即度。 顥乘虛徑進,榮陽、武牢並不守,車駕出 際為前驅,旬日之間,兵馬大 議

鄉導。 榮乃令都督分朱兆等率精騎夜濟。 顥奔,車駕度河,入居華林園。 韶加榮天柱大將

軍,增封通前二十萬戶,加前後部羽葆鼓吹。

決。」世 天下 令,神 以萬 用 朝貴見之,莫不 辭 如 事 須樂許,然後 何 ,上猶未許。 世隆攝選,上亦 訟。 乘爲 百官 啓數 榮 儁 隆 尋還晉陽,遙制朝廷,親戚腹心,皆補要職,百僚朝廷動靜,莫不以**申**。 帝遣世 又選司多濫,與吏部尚書李神儁議正綱紀,而榮乃大相嫌責。 以 理。」 人人為 曰:「兄止自不爲,若本自作,臣今亦得封王。」帝旣外迫强臣,內逼皇后,恒怏怏不 階 得用。 縣 **榮聞,大怒日** 隆語以大 [州,便停不用。]帝正 傾靡。 天穆日:「天柱旣 不 不違。 奏,別更擬 莊帝雖受制權臣,而勤政事,朝夕省納,孜孜不已。 及至闕下 通,后曰:「天子由我家置立, 榮曾啓北 「天子由誰 人。 ,未得通奏,恃燥威勢,至乃忿怒。 有大功,爲國宰相, 榮大怒, 色日:「天柱若不 人爲河內諸州,[<] 欲爲掎角勢,上不卽從。 得立? 卽遣其所補者往奪其任。 今乃 不用 爲 若請普代天下官屬, 今便如 人臣, 朕亦須代, 如其 我語」皇后復嫌 此。 我父本日卽自作, 神儁 **濼使入京** 遂上表遜位。 會關補定州曲陽縣 數自理寃獄,親覽 內妃嬪 恐陛下亦不得違 八猶存 至於除授,皆 天穆入見論 雖復微蔑, 一、甚有 臣節,無代 今亦復 妬 恨

先是,葛榮枝 黨韓婁仍據幽、平二州,榮遣都督侯深討斬之。 時万俟 醜奴、 蕭寶夤摊衆

列

傳

第

州,以衆少未進,榮大怒,遣其騎兵參軍劉貴馳驛詣軍,加天光杖罰。天光等大懼,乃進討, 甚喜,謂尙書令、臨淮王彧曰:「卽今天下便是無賊。」臨淮見帝色不悅,曰:「臣恐賊平以後, 難便盡。莊帝恒不慮外寇,唯恐榮爲逆,常時諸方未定,欲使與之相持,及告捷之日,乃不 連破之,禽醜奴、寶夤,並檻車送闕。天光又禽王慶雲、万俟道樂,關中悉平。於是天下大 豳、涇,榮遣其從子天光爲雍州刺史,令率都督賀拔岳、侯莫陳悅等入關討之。天光至雍 方勞聖慮。」帝畏餘人怪,還以他語解之,曰:「其實撫寧荒餘,彌成不易。」

搏之,不令復損,於是數人被殺,遂禽得之。持此爲樂焉。列圍而進,雖阻險不得廻避,其 曰:「欲求活邪」遂卽斬之。自此獵如登戰場。曾見一猛獸在窮谷中,乃令餘人重衣空手 |榮好射獵,不捨寒暑,法禁嚴重,若一鹿出,乃有數人殞命。 曾有一人,見猛獸便走,謂

平汾胡。 校獵嵩原,令貪汙朝貴,入圍搏虎。 仍出魯陽,歷三荆,悉擁生蠻,北塡六鎭。 迴軍之際,因 受國大寵,未能混一海內,何宜今日便言勳也。如聞朝士猶自寬縱,今秋欲共兄戒勒士馬, 推奉天子者,此是人臣常節。葛榮之徒,本是奴才,乘時作亂,譬如奴走,禽獲便休。頃來 太宰、元天穆從容言樂勳業,宜調政養人。際便攘肘謂天穆曰:「太后女主,不能自正, 明年簡練精騎,分出江、淮,蕭衍若降,乞萬戶侯,如其不降,徑度數千騎,便往縛

取。待六合寧一,八表無塵,然後共兄奉天子巡四方,觀風俗,布政教,如此乃可稱勳耳。

今若止獵,兵士懈怠,安可復用也。」

和中遷京故事,於是復有移都消息。 近,皆使由己。每因醉云,入將天子,拜謁金陵後,還復恒朔。而侍中朱元龍輒從尙書索太 望得殊禮,故以意諷朝廷。帝實不欲與之,因稱其忠。榮見帝年長明悟,爲衆所歸,欲移自 及見四方無事,乃遣人奏曰:「參軍許周勸臣取九錫,臣惡其此言,已發遣令去。」樂時

心,亦不忘卿忠款。」 親,不敢與之言情。一毅曰:「若必有變,臣寧死陛下難,不能事契胡。」帝曰:「朕保天柱無異 見書,以榮必來,色甚不悅。武衞將軍奚毅,建義初往來通命,帝每期之甚重,然以爲榮通 徒,已避之東出。《榮乃逼與朝士書,相任留。中書舍人溫子昇以書呈帝,帝恒望其不來,及 備,恐不可圖。 又欲殺其黨與,發兵拒之。 帝疑未定,而京師人懷憂懼,中書侍郎邢子才之 李彧、尚書右僕射元羅謀,皆勸帝刺殺之。唯膠東侯李侃晞、濟陰王暉業言榮若來,必有 **| 榮乃暫來向京,言看皇后娩難。帝懲河陰之事,終恐難保,乃與城陽王徽、侍中楊侃、**

|榮至京。有人告云,帝欲圖之。||榮卽具奏。帝曰:「外人亦言王欲害我,豈可信之。]|於是榮 三年八月,榮將四五千騎,發幷州向京。時人皆言其反,復道天子必應圖之。九月初, 召城陽王徽及楊侃、李彧,告以毅語。 聞。奚毅又見,求聞。[4]帝卽下明光殿與語。 光曰:「人言并州城上有紫氣,何慮天柱不應。」、榮下人皆陵侮帝左右, 安須王自索也。亦是天子不見機,」都督郭羅察曰:「今年眞可作禪文,何但九錫。」參軍褚 出中台,掃大角。 況何可保耶?」又北人語訛,語「尒朱」爲「人主」。上又聞其在北言,我姓人主。 不自疑,每入謁帝,從人不過數十,皆不持兵仗。 恒州人高榮祖頗明天文,榮問之曰:「是何祥也。」答曰:「除舊布新 帝又疑其爲際,不告以情。 帝欲止,城陽王曰:「縱不反,亦何可耐? 無所忌憚, 其事皆上 及知毅赤誠,乃 先是,長星 象也。

徽及楊侃。 指陳留語狀。帝旣有圖樂意,夜夢手持一刀自害,落十指節,都不覺痛。 **慮陛下終爲此患,脫有東宮,必貪立孩幼。若皇后不生太子,則立陳留以安天下。」 幷言榮** 樂小女嫁與帝兄子陳留王,小字伽邪,樂嘗指之曰:「我終當得此女婿力。」**徽又云:「**樂 徽解夢曰:「蝮蛇螫手,壯士解腕。 割指節與解腕何異。去患乃是吉祥。」聞者 惡之,以告城陽王

皆不習武,陛下宜將五百騎出獵,因省辭訟。」先是奚毅言燦因獵挾天子移都,至是,其言 九月十五日,天穆到京,駕迎之。、榮與天穆並從入西林園讌射。 榮乃奏曰:「近來侍官

相符。

陽王 死! 與天穆並入,坐食未訖,起出。 征伐,腰間有刀,或能狠戾傷人。臨事,願陛下出。」乃伏侃等十餘人於明光殿東。 允若即赦涼州 應詔王道 |及楊侃曰:「若世隆不全,仲遠、|天光豈有來理。」帝亦謂然,無復殺意。 城陽曰:「榮數 寧與高貴鄉公同日死,不與常道鄉公同日生。」上謂殺榮、天穆,卽赦其黨,便應不動。 至十八日,召中書舍人溫子昇告以殺榮狀,幷問以殺董卓事。子昇具通本,上曰:「王 習曰:「尒朱世隆、司馬子如、朱元龍比來偏被委付,具知天下虛實,謂不宜留。」城 人,必不應至此。」良久,語子昇曰:「朕之情理,卿所具知,死猶須爲,況必不 侃等從東階上殿,見際、天穆出至中庭,事不果。 其日,榮

動,頻日不入。 十九日是帝忌日,二十日榮忌日,二十一日,暫入,卽向陳留王家,飲酒極醉。 上謀頗泄,世隆等以告樂。 **榮輕帝,不謂能反。** 預帝謀者皆懼 遂言病

御牀 限。 拔千牛刀手斬之,時年三十八。 西北 帝曰:「豎子!若過今日,便不可制。」時又天穆與榮子菩提亦就戮,於是內外喜叫,聲 二十五日,旦,燦、天穆同入,其日大欲革易。 小牀上南坐,城陽入,始一拜,榮見光祿卿魯安等持刀從東戶入,卽馳向御坐,帝 得其手板上有數牒啓,皆左右去留人名,非其腹心,悉在出 上在明光殿東序中西面坐,榮與天穆並

滿京城。

旣

而

赦。

榮雖 ,威名大振,而舉止輕脫,正以馳射爲伎藝,每入朝見, 更無所爲, 唯戲上下馬。

令相觸,力窮不復能動,遂使傍人以頭相擊,死而後已。 蹋地,唱迴波樂而出。 <u>普</u>梨之曲。見臨淮王<u>彧從容閑雅,愛尙風素,固令爲敕</u>勸舞。[10]日暮罷歸,便與左右連手 卿士,悉皆盤旋,乃至妃主婦人,亦不免隨之舉袂。 西林園宴射,恒請皇后出觀,幷召王公妃主,共在一堂。每見天子射中,輒自起舞叫,將 右恒有死憂。 曾欲出獵,有人訴之,披陳不已,發怒,即射殺之。 性甚嚴暴,慍喜無恒,弓箭刀槊,不離於手,每有瞋嫌,即行忍害,左 及酒酣耳熱,必自匡坐唱廣歌,爲樹梨 會見沙彌重騎一馬,榮卽 相

曰:「卿合配。」季明曰:「下官預在議限,據理而言,不合上心,誅翦唯命。」衆爲之危,季明自 配饗,司直劉季明曰:「晉王若配永安,則不能終臣節。 給九旒鑾輅,武賁班劍三百人,輼輬車,準晉太宰、安平獻王故事,諡曰武。 世隆意不已,乃配享孝文廟庭。 節閔帝初,世隆等得志,乃詔贈假黃鉞、相國、錄尚書、都督中外諸軍事、晉王,加九錫, 以此論之,無所配。」「二世隆作色 又詔百官議祭

菩提位太常卿、開府儀同三司、侍中、特進。 死時年十四。 節閔帝初,加贈司徒,諡曰

菩提弟叉羅,武衞將軍、梁郡王。 尋卒,贈司空公。

叉羅弟文殊,封平昌郡王,孝靜初,轉襲榮爵太原王。薨於晉陽,時年九歲。

於袴中,因神武臨觀,謀竊發,事捷,共奉文暢。爲任氏家客薛季孝所告。以姊寵,止坐文 潛謀害齊神武。 客,窮極豪侈。 之敗,齊神武納之,待其家甚厚。文暢由是拜開府儀同三司、肆州刺史。家富於財,招致賓 文殊弟文暢,初封昌樂郡公。以榮破萬賊之勳,進爵爲王。其姊魏孝莊皇后,及韓陵 與丞相司馬任胄、主簿李世林、都督鄭仲禮、房子遠等相狎,外示盃酒交,而 自魏氏舊俗,以正月十五日夜爲打蔟戲,能中者卽時賞帛。 胄令仲禮藏刀

文暢死時年十八。

奏十餘曲,試使文略寫之,遂得八。文襄戲之曰:「聰明人多不老壽,梁郡其愼之」文略對 曰:「命之修短,皆在明公。」文襄愴然曰:「此不足慮。」 神武特加寬貸,奏発之。 弟文略,以兄叉羅卒無後,襲叉羅爵梁郡王。 文略聰明儁爽,多所通習。 文暢事當從坐,靜帝使人往晉陽,欲拉殺 齊文襄嘗令章永興馬上彈琵琶,

至宅,供設奢麗,各有贈賄。 初,神武遺令恕文略十死,恃此益横,多所陵忽。齊天保末,嘗邀平秦、武興、汝南諸王 其豪縱不遜如此。平秦王有七百里馬,文略敵以好婢,賭取之。 諸王共假聚寶物以要之,文略弊衣而往,從奴五十人,皆駿馬 明日,平秦王使人

列

傳

第三十

六

略彈 琵 文略 一琶,吹横笛,謠詠倦極,便臥唱挽歌。居數月,奪防者弓矢以射人,曰:「不然,天子不 殺馬及婢,以二銀器盛婢頭馬肉而遺之。平秦王訴之於文宣,繫於京畿獄。文

憶我。」有司奏,遂伏法。

文略嘗大遺魏收金、請爲父作佳傳、收論榮比章、彭、伊、霍、蓋由是也。

五十。 降者,兆必先之。手格猛獸,無所疑避。操以此特加賞愛,任爲爪牙。燥曾送臺使,見二 賀拔勝擊斬元顥子冠受,禽之,口三進破安豐王延明,顯乃退走。 鹿,授兆二箭,令取供今食,遂構火以待之。 兆字萬仁,CI三榮從子也。少善騎射,趫捷過人,數從榮游獵,至窮巖絕澗,人所不能升 |榮之入洛,|兆兼前鋒都督。 孝莊卽位、封潁川郡公。 俄而兆獲其一,際欲誇使人,責兆不盡取,杖之 後從上黨王天穆平邢杲。 莊帝還宮,論功除車騎大 叉與

將軍、儀同三司、汾州刺史。

失其所在。 令,爲之縮 兆遂輕兵倍道, **介朱榮** 水脈。」月餘,夢者死。 兆遂策馬涉度。 死, 兆自汾州據晉陽。 掩襲京邑。 是日暴風鼓怒,黃塵張天,騎叩宮門,宿衞乃覺。 先是河邊人夢神謂己曰:「分朱家欲 及挑至,有行人自言知水淺處,以草往往表 元曄立,授兆大將軍,進爵爲王。 兆與世隆等定謀,攻 度河,用爾作灅波津 插 彎弓欲射,袍 而 導焉,忽

皇子,汙辱妃嬪,縱兵虜掠。停洛旬餘,先令衞送莊帝於晉陽,兆後於河梁監閱財貨。 撥弦,矢不得發,一時散走。 莊帝步出雲龍門外,爲兆騎所繁,日四幽於永寧佛寺。 兆撲殺

孝莊 耕熟,唯有馬藺草株,往往猶在,吾父顧我,令下拔之,吾手所至,無不盡出。以此而言,往 君,其逆已甚。我今不往,恐彼致恨,卿可往申吾意,但云山蜀未平,不可委去。」騰乃詣兆, 兵河上,兆進不能度,必退還。吾乘山東下,出其不意,此徒可一舉而禽。」俄而兆克京師, 天子所在,當於路邀迎,唱大義於天下。騰遇帝於中路,神武時率騎東轉,聞帝已度, 具申意。 有利。」騰還,具報之。 神武曰:「兆等猖狂,舉兵犯順,吾勢不可反事念朱也。 今天子列 |幽縶,都督||尉景從||水南行,以書報神武。||神武大驚,召騰,令馳驛詣||兆,示以謁賀,密觀 初,兆將入洛,遣使招齊神武,欲與同舉。神武時爲晉州刺史,謂長史孫騰曰:「臣而伐 仍與兆書,具陳禍福,不宜害天子,受惡名於海內。 |兆不悅曰:「還白高兄弟,有吉夢,今行必克。吾比夢吾亡父登一高堆,堆傍地悉 **兆怒不納,而帝遂遇弑**

武。 人,令神武 神武 初 兆 所 以 不 ,樂旣死,莊帝詔河西人紇豆陵步蕃等,令襲秀容。 晉州僚屬 統領。 暇留洛,迴師禦之。 神武 一並勸 既分兵別營,乃引兵南出,避步蕃之銳。 不行。 神武揣其勢迫,必無他慮, 頻爲步蕃所敗,於是部勒 **兆入洛後,步蕃兵勢甚盛,南逼** 決策赴之。 士馬,謀出山 步蕃至樂平郡,神武與兆還 兆乃分三州六鎭之 東,令人 頻 徴 神

列

傅

第三十

六

尒

朱祭

討、破斬之。

史。

叉以 兆爲 及節閔帝立,授兆使持節、侍中、都督中外諸軍事、柱國大將軍,兼錄尚書事、大行臺。 |天柱大將軍,|兆以是||榮所終之官, 固辭不拜。 尋加都督十州諸軍事,世 襲幷州 刺

兆軍 還。 就 武廣縱反間,於是兩不相信,各致猜疑。 仲遠,同 仲遠遣 大敗 神武之克殷州也,兆與仲遠、度律約拒之。仲遠、度律次陽平,兆屯廣阿,衆號十萬。神 坐幕下。 椿、勝等追 兆性粗獷,意色不平,手舞馬鞭,長嘯疑望,深疑仲遠等有 而曉譬,兆遂拘縛將還,經 仲遠等頻使斛斯椿賀拔勝往喻之,兆 日放遣。 仲遠等於是奔退。 輕騎三百,來 神武乃進擊, 變,遂趨出馳

兆竄於 晉陽。 抗神武, 兆 其年秋 窮 與仲遠、 山、殺 乃降辭 ,神武自鄴進討之,兆遂大掠幷州,走於秀容。 所乘 厚禮, 度律遂相疑阻,久而不和。 馬,自縊於樹。 喻兆赴 洛。 兆與天光、度律更自信約 神武收葬之。 世隆請節閱納兆女爲皇后,兆乃大喜。 ,然後大會韓陵山。 神武 又追擊,度赤洪嶺,破之。 戦敗 世隆 、復奔

兆弟智彪, CIED節閱帝封為安定王,與兆俱走,神武禽之,後死於晉陽。 兆 勇於 戰勵,而 無將領之能。 榮雖奇其 、膽決,然每云:「兆不過將三千騎,多則亂矣。

樂從弟也。 祖侯真,文成時并安二州刺史、口心始昌侯。父買珍,宣武時武衞將

軍、華州刺史。

侍坐,彦伯曰:「源侍中比爲都督,與臣相持於河內。當爾之時,旗鼓相望,眇如天隔,寧期 陛下耳。」帝曰:「源侍中可謂有射鈎之心也。」遂令二人極醉而罷。 同事陛下,爲今日之忻也。」子恭曰:「蒯通有言,犬吠非其主。他日之事永安,猶今日之事 隆復令彦伯自往喻之,兆乃止。及還,帝麟彦伯於顯陽殿。時侍中源子恭、黃門郎竇瑗並 帝旣立,余朱兆以已不豫謀,大爲忿恚,將攻世隆。詔令華山王鷙慰兆,兆猶不釋。世 彦伯性和厚, 永安中, 爲榮府長史。節閔帝潛默於龍花佛寺, 彦伯敦喻往來, 尤有勤

儀 同三司、侍中,餘如故。彥伯於兄弟之中,差無過患。 後封博陵郡王,位司徒公。于時炎旱,有勸彦伯解司徒者,乃上表遜位,詔許之。俄除

一三月末,四月初,揚灰簸 天光等敗於韓陵,彦伯欲領兵屯河橋,世隆不從。及張勸等掩襲世隆,江北彦伯時在禁 長孫承業等啓陳神武義功旣振,將除分朱。 人所執。 尋與 世隆同斬於閶闔門外,縣首於斛斯椿門樹,傳於神武。先是洛中謠曰: (土覔真珠。) 叉曰:「頭去項,脚根齊,驅上樹,不須梯。」 至是並驗。 節閱令舍人郭崇報彥伯知,彥伯狼狽出

列傳

第三

十六

桀

子敞。

敞解所著綺羅金翠服,易衣而遁。 頗異之。嘗獨坐巖石下,泫然歎曰:「吾豈終此乎!伍子胥獨何人也。」乃奔長安。 由是免。遂入一村,見長孫氏媼,踞胡牀坐,敞再拜求哀,長孫氏愍之,藏於複壁之中。 之愈急,追且至,長孫氏資而遣之。 敞字乾羅。 彦伯之誅,敞小,隨母養於宮中。 年十二,敞自竇走至大街,見童兒羣戲, 追騎至,不識敞,便執綺衣兒。比究問知非,會日已暮, **遂詐爲道士,變姓名,隱嵩高山。** 略涉經史,數年間,人

内,卒于家。子最嗣。 廖州刺史,迎長孫氏至其第,置于家,厚資給之。隋文帝受禪,改封邊城郡公。 命敞討平之。 周文帝見而禮之,拜行臺郎中、靈壽縣伯。 師旋,拜金州總管,政號嚴明,吏人懼之。後以年老乞骸骨,賜二馬輅車歸河 保定中,遷開府儀同三司,進爵爲公。 黔安蠻叛,

書,又刻榮印,與尙書令史,通爲奸詐。 仲遠,彦伯弟也。 明帝末年, **尒朱榮兵威稍盛,諸有啓謁,率多見從。** 造際啓表,請人爲官,大得財貨,以資酒色。 而仲遠摹寫榮 落魄無

梁、死於江南。

莊帝之立,世隆預其謀,封樂平郡公。 滎陽,世隆懼而遁還,莊帝倉卒北巡。 非計之善。」 榮乃遣入。 榮舉兵南出,世隆遂走,會榮於上黨。 **◆世隆詣晉陽慰喻榮。榮因欲留之,世隆曰∶「朝廷疑兄,故令世隆來。** 世隆字榮宗,仲遠弟也。明帝末,兼直閤,加前將軍。亦朱榮表請入朝,靈太后惡之, 及車駕還宮,除尚書左僕射,攝選。 元顥逼大梁、詔爲前將軍、都督、日日鎮武牢。 建義初,除給事黃門侍郞。 今遂住,便有 顯旣克 內備,

侃、 長廣王曄爲主。曄小名盆子,聞者皆以爲事類赤眉。曄以世隆爲尚書令,封樂平郡王,加 及李苗燒絕河梁,世隆乃北遁。攻建州克之,盡殺人以肆其忿。日己至長子,與度律等共推 天柱受禍。〕案劍嗔目,詞色甚厲。 太傅,行司州牧,會兆於河陽。兆旣平京邑,讓世隆曰:「叔父在朝多時,耳目應廣,如何令 黄門高道穆等爲計,欲殺天柱。」還復自以此書與榮妻北鄉郡公主,幷以呈榮,勸其不 樂毀書唾地曰:「世隆無膽,誰敢生心」」世隆又勸其速發。 樂曰:「何忽忽。」皆不見從。 **| 榮死,世隆奉榮妻,燒西陽門夜走。** 莊帝之將圖尒朱榮,每屛人言。 世隆遜辭拜謝,然後得已,而深恨之。 世隆懼變,乃爲匿名書,自牓其門曰:「天子與侍中楊 北次河橋,殺武衞將軍奚毅。 率衆還戰大夏門外。

·騎如劫賊,於京巷殺之。公私驚愕,莫識所由。尋縣膀,以千萬錢募賊,百姓知之,莫不 時仲遠亦自滑臺入京。 世隆與兄弟密謀,慮元曄母干豫朝政,伺其母衞氏出行, 遣數

尋叉以曄疏遠,欲推立節閔帝。 而度律意在南陽王,乃曰:「廣陵不言,何以主天

下。」後知能語,遂行廢立。

隆爲之。贈其父買珍相國、錄尚書事、大司馬。 於是天下之人,莫不厭毒。世隆尋讓太傅。節閔特置儀同三師之官,位次上公之下,以世 賓客,遂有解了之名。榮死之後,無所顧憚,及爲令,常使尚書郎宋游道、邢昕在其宅聽事, 兄弟羣從,各擁强兵,割剝四海,極其貪虐。 東西別座,受納訴訟,稱命施行。旣總朝政,生殺自由,公行淫泆,信任羣小,隨情與奪。又 初,世隆之爲僕射,尚書文簿,在家省閱。性聰解,又畏榮,深自剋勉,留心几案,傍接 姦諂蛆酷,[110]多見信用;溫良名士,罕豫腹心。

狀,掩執世隆及兄彦伯,俱斬之。 韓陵,世隆請赦天下,節閔不許。斛斯椿旣據河橋,盡殺世隆黨附,令行臺長孫承業詣闕奏 及齊神武起義兵,仲遠、度律等愚戆恃强,不以爲慮,而世隆獨深憂恐。及天光等敗於

太守田帖家奴,告省門亭長云:「今旦爲令王借車牛一乘,終日於洛濱游觀。至晚,王還省, 又曾晝寢,其妻奚氏忽見一人持世隆首去,奚氏驚,就視,而世隆寢如故。旣覺,謂妻曰: 「向夢人斷我頭持去,意殊不適。」又此年正月晦日,令、僕並不上省,西門不開。忽有河內 初,世隆曾與吏部尚書元世儁握槊,忽聞局上詨然有聲,一局子盡倒立,世隆甚惡之。

傳

第三十六

尔朱 柴

將車出東掖門,始覺車上無褥,請爲記識。」亭長以令僕不上,西門不開,無跡入者。 陳不已,公文列訴。 尚書都令史謝遠疑,謂妄有假借,白世隆,付曹推驗。 時都官郎中穆子 此奴固

牛小,繫於闕下槐樹,至三更將一青牛駕車。 容究之。 奴言:初來時,至司空府西,欲向省。 令王著白紗、高頂帽,短小黑色,儐從皆裙襦袴 令王嫌遲,遣催車。 車入,到省西門, 王嫌

閉,奴云:入此屋中有板牀,牀上無席,大有塵土,兼有甕米。 褶,握板,不似常時服章。 逐遣一吏將奴送入省中廳事 東閣內,東廂第 奴拂牀坐, 兼畫 一屋中。 地戲, 其屋先 甕中米 常

亦握看之。 子容與謝遠看之,閉極久,全無開跡。 及入,狀皆符同。 具以此對世隆。 世

悵然,意以爲惡,未幾見誅。

世隆弟世承,莊帝時位侍中,領御史中尉。 人才猥劣,備員而已。 及元顥內逼,世承守

| 轘轅,爲顯所禽,顯讓而臠之。| 莊|帝還宮,贈司徒。

與左右割臂爲約。 世承弟廟,字輔伯,節閔帝時,封河間郡公。 阿帳下都督馬紹隆爲阿信待,乃說阿曰:「今方同契闊,宜當心瀝血,示 尋爲靑州刺史。 韓陵之敗,欲奔梁,數

衆以信。」剛從之,大集部下,剛乃踞胡床,令紹隆持刀披心。

紹隆因推刃殺之,傳首京師。

度律,榮從父弟也,鄙朴少言。 莊帝初,封樂鄉縣伯。 樂死,與世隆赴晉陽。

立,以度律爲太尉公、四面大都督,封常山王。與尒朱兆入洛。 節閔帝時,爲使持節、侍中、大將軍、太尉公,兼尚書令、東北道行臺,與仲遠出拒義旗 光還晉陽,行三留度律鎮京

齊神武間之,與分朱兆遂相疑貳,自敗而還。

之敗,斛斯椿先據河橋,遂西走灅波津,爲人執送。 母責之曰:「汝荷國恩,無狀而反,我何忍見他屠戮汝也 度律雖在軍戎、聚斂無厭,所經爲百姓患毒。 其母山氏聞度律敗,遂恚憤發病。 椿囚之,送齊神武,斬之都市 !」言終而卒,時人怪異之。 後韓陵 及至,

光為 還京 中,與元天穆東破邢杲。 公。 **兼尚書僕射,爲丼、肆等九州行臺,仍行幷州事。** 師、改封 | 樂將討葛榮,留天光在州,鎭其根本。 都將,總統肆州兵馬。 天光, 榮從祖兄子也。 廣宗郡公。 元顥入洛,天光與天穆會際於河內。 少勇決,榮特親愛之,常預軍戎謀。 明帝崩 師,委以後事。 謂曰:「我身不得至處,非汝無以稱我心。」永安 天光至||好州,部分約勒,所在寧輯。 建義初,爲肆州刺史,封長安縣 孝昌末,榮據并、肆,仍以天 顥破

鎭賊帥破六韓忉夤。[三]琛入據高平城,遣其大將万俟醜奴來寇涇州。 初 ,高平鎭城人赫貴連恩等為逆,江門共推敕勒酋長胡琛為主,江門號高平王,遙臣沃野 琛後與莫折念生交

列傳

通,侮侵忉夤。遣使人費律如至高平,誘斬琛。爲醜奴所幷,與蕭寶夤相拒於安定。 建義元年夏,醜奴擊寶夤於靈州,禽之,遂僭大號。時獲西北貢師子,因稱神獸元年,

遣軍士二千人赴天光。天光令賀拔岳率千騎先驅,至岐州,禽其行臺尉遲菩薩。醜奴棄岐 壯健。至確,又稅人馬,合得萬疋。以軍人寡少,停留未進。際遣責之,杖天光百下,榮復 |州走還安定。| 天光發雍至岐,與岳合勢,破醜奴,獲蕭寶夤。 於是涇、豳、二夏,北至靈州, 陳悅等討醜奴。天光初行,唯有軍士千人。時東雍赤水蜀賊斷路,天光入關擊破之,簡取 朝廷憂之,乃除天光使持節、都督、雍州刺史,率大都督武衞將軍賀拔岳、大都督侯莫

未決,當聽諸人今夜共議。又謂曰:「相知須水,今爲小退。」 賊衆安悅,無復走心。 天光密 水,衆聚熱渴。有人走降,言慶雲、道洛欲突出。天光恐失賊帥,乃遣謂慶雲,可以早降,若 以道洛爲大將軍。天光乃入隴,至慶雲所居水洛城,公式破其東城。賊遂併趣西城,城中無 戰敗,投略陽賊帥王慶雲。 慶雲以道洛驍果絕倫,得之甚喜, 便謂大事可圖, 乃自稱皇帝, 及賊黨結聚之類,並降。唯賊行臺万俟道洛不下,率衆西依牽屯山,據險自守。 使軍人多作木槍,各長七尺,至昏,布立人馬,爲防衞之勢,又伏人槍中。其夜,慶雲、道洛 <u></u>樂責天光不獲道洛,復遣使杖之百,詔削爵爲侯。 天光與岳、悦等復向牽屯討之,道洛

洛干等據有 西大行臺。 備之而已。 議 元曄又以爲隴西王。及聞介朱兆已入京,天光乃輕騎向都,見世隆等,尋便還確。世隆等 廢元曄,更舉親賢,遣告天光。 岳聞樂死,還涇州以待,天光亦下隴,與岳圖入洛之策。旣而莊帝進天光爵爲廣宗王, 叉除大司馬。 河西、未有所附。 天光北出夏州,遣將討宿勤明達,禽之爰洛。 天光以齊神武起兵信都,內懷憂恐,不暇他事伊利等,但微遣 天光與定策,立節閔帝。 時費也頭帥紇豆陵伊利、万俟受 又加開府儀同三司、尚書令、關

斬於 苦要天光云:「非王無以能定,豈可坐看宗家之滅。」天光不得已,東下,與仲遠等敗於韓陵。 、都市 時 神武軍旣振,介朱兆、 仲遠等並經敗退。世隆累使徵天光,天光不從。後令斛斯椿 神武送於洛,

仲遠,爲不同矣。 念朱專恣,分裂天下,各據一方,賞罰自出,而天光有定關西之功,差不酷暴,比之

此與

重,居官者肆其聚斂,乘勢者極其陵暴,於是四海囂然,已有羣飛之漸。逮於靈后反政,宣 論曰:魏自宣武之後,政道頗虧。及明皇幼沖,女主南面,始則于忠專恣,繼以元叉權

淫於朝,傾覆之徵,於此至矣。

亂弘多,遂至於此。 廢帝立主,迴天倒日,揃剝黎獻,割裂神州,刑賞任心,征伐自己。天下之命,縣於數胡,喪 使餘孽相糾,還成嚴敵。 以得罪人神者焉。至於末跡凶忍,地逼亦已除矣。덕也而朝無謀難之宰,國乏折衝之將,遂 茂矣。 驅除矣。 惡之功。 而始則希覬非望,睥睨宸極,終乃靈后、少帝,沈流不反,河陰之下,衣冠塗地,其所 及夫禽葛榮,誅元顥,戮邢杲,揃韓婁,醜奴、寶夤,咸梟馬市,然則榮之功烈,亦已 **豈非天將去之,始以共定,終於惡稔,以至殄滅。** 隆實指蹤,兆爲戎首,山河失險,莊帝幽崩。 宗屬分方,作威跋扈, 抑亦魏舒其難,齊以

校勘記

- 乃以銅鑄孝文及咸陽王禧等五王子孫像· 魏書卷七四公朱榮傳「五」作「六」。 按孝文兄弟七
- 弟始平王子正 彭城王勰傳,言子正於肅宗初封覇城縣公,莊帝卽位,封始平王。 通志卷一五一念朱榮傳、 通鑑卷一五二四七四一頁作「覇城公子正」。按魏書卷 又魏書卷十莊帝紀武泰

元年四月稱:「戊戌,南濟河,以兄彭城王劭爲 無上王, 弟覇城公子正爲始平王。」此在即位之

前 `則當作「覇城公」。 通志、通鑑是。

莊帝及彭城王覇城王俱出帳 **通**志 「覇城王」作「覇城公」。 通鑑四七四三頁作「帝與無上王劭、

正為 始平王子正 「始平王」,此復改稱「覇城王」, 俱出帳外」。 按此在莊帝即位之後、則作「無上王」「始平王」是。 更誤。 北史敍河陰事與魏書不同,當是別本 北史上文既已稱子 他書,故前後

不 相 照應。

- \neg 毭 復前 下 讀 入城不朝戍北來之人 ,但字形相去甚遠,今不改 張森楷 云:「『不朝成』不可解,疑有譌誤。」 按通志「戍」作「其」、從
- ハベン 以 將 相 神佛 州 軍 · , 行相州 刺史李 外戚之望 神儁閉門自守 事 一,拜散 於時萬樂南逼, 騎常侍,殿中尚書。」則神儁未嘗到任, 魏書「儁」作「軌」。 神傷憂懼 ,乃故墜馬傷脚, 按魏書卷三九李神儁傳云:「肅宗末, 仍停汲郡, 莊帝時乃在朝中。 有韶追還。 魏書卷六六李 莊帝纂統, 除鎭軍

列

於孝昌· **{崇傳** 都督 葛榮盡銳攻之,久不能剋。 源 ,言其子神軌於河陰被害,則此時已死,相州刺史必非李神軌。 子邕、 中行相州事、「建義初、除衞將軍。 裴衍 戰敗被害,朝野憂惶, 會介朱榮擒葛榮於鄴西,事平,除車騎將軍」。又魏書卷二一上北海 人不自保。 時葛榮充斥,民多逃散, 而神志氣自若,撫勞兵民,小大用命。 先是州將元鑒反叛引賊,後 考魏書卷七○李神傳、言其 旣而

王顥傳 池遵 行相州事, ,言顥於武泰初授相州刺史,行至汲郡,「以葛榮南侵, 代前刺史李神。 相州行臺甄密「恐遵爲變,遂相率廢遵,還推李神攝理州 尒朱縱害,遂盤桓顧望」,以其舅 事。

是後 據此 人以李神名較不顯 ,則守城抗拒葛榮義軍的相州 `妄增「儁」字、「軌」字。 刺史, 乃是李神。 北史作李神儁 魏書作李神軌,都誤。

. . . . 獲其 渠 帥 量 才授用 魏書「獲」作「擢」,疑「獲」是「擢」之訛。

榮 曾 欲 申 啓北 張 其 勢 人 爲河 力於黃河以南,故下云「欲 内諸州 魏書、通志、通鑑卷 為掎 角勢」。 二五. 四四七七七頁「內」作「南」。 疑北史作「河内」誤。 按當時榮據幷州,

ۍر ∪ 奚毅 是間 叉 之訛 見 水閒 通鑑卷 五四四七八一頁 作「奚毅又見帝, 求間 按「求間」卽 「請閒」~」聞」當

[10] 固令爲敕勒舞 諸本「勒」訛作「勤」,據通志改。

叉詔 百官議榮配饗司直劉季明曰晉王若配永安則不能終臣節以此論之無所配 |銭氏 卷

配孝明,親害其母,若配莊帝,爲臣不終。』語意完善。 三九云:「此述季明語,當有脫文。 通鑑卷一五五、四八〇〇頁載其議云:『若配世宗、 永安、孝莊年號也。 孝莊之諡、定於孝武。 於時無功,若

當 批: 隆 議 配享之日,不當即稱『莊帝』, 北史作『永安』爲得之。」按通鑑乃本之洛陽伽藍記卷二。

北史別有所本,但意思不全,疑是删節之失。

兆字萬仁 按本書卷三六薛孝通傳云:「吐萬仁猶在幷州。」「吐萬仁」卽指尒朱兆。 周書卷一

文帝紀又作「吐萬兒」, 梁書卷三二陳慶之傳又作「吐沒兒」。皆當時譯音之異。此作「萬仁」,當

是省稱,亦卽其漢字。

又與賀拔 (勝擊斬元顥子冠受禽之 魏書卷七五公朱兆傳云:「榮遣兆與賀拔勝等, 自馬渚西夜

渡數百 騎 ·擊顯子冠受,擒之。」按魏書卷二一上北海王顯傳亦云。「冠受戰敗被擒」。 此「斬」字

衍文。

爲兆 騎所繁 諸本「勢」訛「緊」,據魏書及通志卷一五一分朱兆傳改。

[三] 兆弟智彪 魏書[彪]作「虎」,北史避唐諱改。

二乙 袓 侯眞 文 成時幷安二州 刺史 按魏書卷七五 尒朱彥伯傳「文成」作「高 祖 」,則此當作「孝文」。

二古 及張 勸 等 掩 襲世 隆 張 森楷 云 :「『勸』當作 :『歡』, 即張忻也。 魏收 避諱 而 改。 按 本書卷四 九

भू भू {椿 (傳 卷六 ·齊神 武紀並 見張歡襲介朱世隆事。 張歡即張瓊之子, 本 書 卷 五 三張瓊傳作

列

北齊書卷二〇張瓊傳作「忻」,魏書卷七五众朱彥伯傳作「勸」,都是避高歡之諱而改。 這

裏是沿魏書舊文未改。

詔爲前將軍都督 魏書卷七五尒朱世隆傳無「將」字。按魏書言世隆先已爲車騎將軍。 據魏

書卷一一三官氏志太和後令,車騎將軍在第二品,前將軍在第三品。 **介朱氏權勢正盛,豈有降**

黜軍號之理?「將」字行。

(1元) 盡殺人以肆其忿 魏書「人」上有「城」字,是。

姦諂 蛆酷 通志卷一五一介朱世隆傳「蛆」作「讒」。 按「蛆」字當誤。

繫於闕下槐樹 諸本「闕」作「關」、魏書、通志作「闕」。 按「闕」指門闕,今據改。

兆還晉陽 諸本「還」訛「遷」,據魏書卷七五、通志卷一五一分朱度律傳改。

呈 初高平鎭城 人赫 貴 連恩等為逆 通志卷一五一尒朱天光傳、 通鑑卷一五〇四六七七頁無「貴」

字。 按「赫連」複姓,此疑衍「貴」字,或「連貴」誤倒爲「貴連」。

共推: 敕勒酋長胡琛爲主 諸本「勒」訛作「勤」、據通志、通鑑改。

(三) 遙臣沃野鎮 賊 帥破六韓忉夤 「忉夤」, 張森楷云:「此即拔陵也, 不知何以駁異。」 按通鑑 卷

溢出魏書材料較多,當是他書異譯,北史因襲不改,故有歧異。 五 |○作「拔陵」。「忉」疑是「怶」之訛,「饭」音「販」,與「拔」音相近,「夤」與「陵」同韻。北史天光傳

列 俘 第 三十六 校 勘 記

CIKJ至慶雲所居水洛城 諸本及魏書「水」作「永」。通鑑卷一五四四七七五頁作「水」。胡注云:「水經

注卷一七次水注:『水洛水導源隴山,西逕水洛亭西,南注略陽川。』九域志:『水洛城在德順軍西南 一百里。』范仲淹曰:『朝那之西,秦亭之東,有水洛城。』」按此城以水洛水爲名,自當作「水洛」,

今據通鑑改。

二世 至於末跡凶忍地逼亦已除矣

魏書卷七四 徐朱榮傳 史臣論作:「至於末迹見猜,地逼貽斃。」

按北史文意不貫,疑有脫文。

北史卷四十九

列傳第三十七

朱瑞 **业列延慶** 斛斯椿 子徵 孫政 賈顯度 弟智

樊子鵠 侯深 賀拔允 弟勝 勝弟岳 侯莫陳悅

念賢 梁覽 雷紹 毛遐 弟鴻賓 乙弗朗

駕於河陽,除侍中、兼吏部尚書,改封北海郡公。莊帝還洛,改封樂陵郡公,仍侍中。 爲介朱榮所委,而善處朝廷間。 **爍恐朝廷事意有所不知,故居之門下,爲腹心之寄。封陽邑縣公。及元顥內逼,從車** 瑞長厚質直,敬愛人士,亦朱榮引爲大行臺郎中,甚見親任。以爲黃門侍郎,仍中書舍 朱瑞字元龍,代郡桑乾人也。祖就,沛縣令。父惠,行太原太守。瑞貴達,並贈刺史。 帝亦賞遇之,嘗謂侍臣曰:「爲人臣,當須忠實,至如朱元龍 瑞雖

列

傳第三十

七

朱

瑞

者,朕待之亦不異餘人。」

河北,遂乞三從內並屬滄州樂陵郡。詔許之,仍轉滄州大中正。 瑞以青州樂陵有朱氏,意欲歸之,故求爲靑州中正。 又以滄州樂陵亦有朱氏,而心好

隆遂誅之。太昌初,贈開府儀同三司、靑州刺史,諡曰恭穆。 慰勞焉。旣達長安,會介朱兆入洛,復還京師。都督斛斯椿先與瑞有隙,數譖之於世隆,世 乃還,帝大悅。時众朱天光擁衆關右,帝招納之,乃以瑞兼尚書左僕射,爲西道大行臺,以

肯勠力致死,宜詭言西歸,可襲而禽。深從之,乃出頓城西,聲云將還,詰朝造靈助壘,遂破 未易可圖,欲還師入據關拒險,以待其變。延慶以靈助庸人,彼皆恃其妖術,坐看符厭,寧 途舉兵唱義,世隆白節閔帝,以延慶與大都督侯深於定州討之。深以靈助善占,百姓信惑, 隆得志,特見委重,兼尚書左僕射、山東行臺、北海郡公。時幽州刺史劉靈助以莊帝幽崩, <u>叱列延慶,代西部人也,世爲</u>會帥。延慶娶介朱世隆姊,故被介朱榮親遇。 普泰初,世

及韓陵戰敗,延慶與尒朱仲遠走度石濟。 仲遠南竄, 延慶北降齊神武,仍從幷州。 後

赴洛,孝武帝以爲中軍大都督。 孝武之西,齊神武誅之。

徐州刺史。 巧,甚得際心,軍之密謀,頗亦關預。 時河西賊起,牧人不安,椿乃將家投尒朱榮。 **斛斯椿字法壽,廣牧富昌人也。** 莊帝初,改封陽曲縣公,除榮大將軍府司馬。 其先世爲莫弗太人。父足,一名敦,明帝時爲左牧令。 征伐有功,稍遷中散大夫,署外兵事。 後為東 椿性佞

旋,椿復背悅歸兆。 授尚書左僕射、司空公,封靈丘郡公,又爲大行臺前驅都督。 及榮死,椿甚憂懼,時梁以汝南王悅爲魏主,資其士馬,次於境上,椿遂棄州歸悅。 會介朱兆入洛,悅知不逮,南 悦

在秀容,忽有傳其死問,椿請減已階以贈之。 以參立節閱謀,拜侍中、驃騎大將軍、儀同三司,封城陽郡公。 尋知其父猶存,詔復官,仍除其父爲車騎將 尋加開府。 時棒 父足先

軍、揚州刺史。

椿以分朱兆擅權,懼禍,乃與賀拔勝俱說世隆以正道。 列 傳 第 Ξ + 七 肥 列 延 慶 斛 斯 栫 世隆不悦,欲害椿,賴介朱天光 送於 佘朱約爲兄弟,今何忍縣其頭於家門。寧不愧負天地」
唐乃傳世隆等首,并囚度律、天光 隆、彦伯兄弟,並斬於閶闔門外。椿入洛,縣世隆兄弟首於其門樹。椿父出見,謂曰:「汝與 兆,各據一方,今俱禽爲難。」椿曰:「易致耳。」乃說世隆追天光等赴洛,討齊神武。及韓陵 倍道兼行。 之敗,椿謂都督賈顯智等曰:「若不先執众朱,我等死無類矣。」遂與顯智等夜於桑下盟約, 謝 而遣之。 得强。 齊神 及世隆、度律與兆自相疑,椿與賀拔勝和之,兆執椿、勝還營。 椿入北中城,收尒朱部曲,盡殺之。令弟元壽與張歡、長孫承業、顯智等襲世 棒謂勝曰:「天下皆怨毒众朱,吾等附之,亡無日矣,不如圖之。」勝曰:「天光與 椿又陳以正理,兆

意甚多, 至,圖 及 之不難。」勝曰:「彼有心於人,害之不祥。比數夜與歡同宿,具序往昔之懷,兼荷兄恩 神武入洛,椿謂賀拔勝曰:「今天下事在吾與君,若不先制人,將爲人所制。高歡初 何苦憚之」椿乃止。 孝武帝立,拜椿侍中、儀同開府、城陽郡公。父足亦加開府,

員 麾其間。 别 數 椿 自 百,日皆選天下輕剽 從此以後,軍謀朝政,一決於椿。 以 數 反,意常不安,遂密勸孝武帝置閤內都督部曲,又增武直人數,自直閤已下, 以充之。 叉說 常數出游幸,號令部曲,別爲行陣,椿自約勒指 又勸帝徵兵,詭稱南討,將以伐齊神武。帝從

子脫太中大夫,同日受拜,當時榮之。

計,豈天道乎! 寬說帝曰:「高歡以臣伐君,何所不至。今假兵於人,恐生他變。 之,以椿爲前驅大都督。椿因奏請率精騎二千,夜度河掩其勞弊。 |高歡復生一||高||歡矣。」帝遂敕||椿停行。||椿歎曰:「頃熒惑入南斗,今上信左右間搆,不用吾 今度河萬一有功,是滅一 帝始然之,黃門侍郎楊

臨於渭陽,止紼慟哭。 州刺史、常山郡王,諡曰文宣,祭以太牢。又詔改大將軍,贈大司馬,給輼輬車。及葬,車駕 詔賜東園秘器,遣尙書、梁郡王景略監護喪事。贈大將軍、錄尙書、三十州諸軍事、侍中、恒 命椿,因從入關。拜尚書令,侍中如故,封常山郡公。歷位司徒、太保,仍尚書令。 来息,內外戒嚴,唯<u>棒</u>得列威儀,鳴騶淸路。 遷太傅,薨,年四十三。 帝親臨弔,百僚赴哭。 帝勒兵河橋,命椿自洛而東,至武牢。 帝以賈顯智背叛,東師失律,將幸關中,乃遣使 時寇難

以饗軍士。及死,家無餘資。 帝嘗給椿店數區、耕牛三十頭、椿以國難未平,不可與百姓爭利、辭店受牛,日烹一頭、

有四子,悅、恢、徵、演。演爲齊神武所殺,三子入關。

徵字士亮,博涉羣書,尤精三禮,兼解音律。有至性,居父喪,朝夕共一溢米。少以父

列

勳 思爵城陽郡公。大統末,起家通直散騎常侍,稍遷兼太常少卿。

者、近代絕此器、或有自圖得之、皆莫之識。徵見之曰:「此錞于也。」衆弗信之、徵遂依于寶 周禮注,以芒筒捋之,其聲極淸,衆乃歎服。 徵仍取以合樂焉。 自 魏孝武遷西,雅樂廢缺,徵博采遺逸,稽諸典故,創新改舊,方始備焉。 又樂有錞于

衿,行束脩之禮,受業於徵。 仍並呼徵爲夫子,儒者榮之。 六年,除司宗中大夫,行內史,仍 攝樂部。 天和三年,周武帝以徵經有師法,詔令授皇諸子。 六官建, 拜司樂下大夫, 遷司樂中大夫, 進位驃騎大將軍、開府儀同三司, 轉內史下大 進封岐國公,尋轉小宗伯。除太子太傅,仍小宗伯。 宣帝時爲魯公,與諸皇子等咸服青

徵與內史字文孝伯等固請依禮七月,帝竟不許。 宣帝嗣位,遷上大將軍、大宗伯。時武帝初崩,梓宮在殯,帝意欲速葬,令朝臣議之。

管,總 起,本於人心,天之應人,有如影響。爲善者,天報之以福,爲惡者,天譴之以殃。 史 而奏之曰:「禮云,十二律轉相生,聲五具在十六焉,六律十二管,還相爲宮。 中 大夫,甚委任之。 帝之爲太子也,宮尹鄭譯坐不能以正道調護,被謫除名。 一百九十二管,旣無相生之理,又無還宮之義。臣恐鄭聲亂樂,未合於古。 譯乃獻新樂,十二月各一笙,每笙用十六管。 而帝雅親愛譯,至是,拜譯內 帝令與徵議之。 然詳 故舜彈五 夫音樂之 一笙十六 徴駁

七

斛 斯

笙? 關堦墀,增修廊宇,非急之務,寧可勞人。如謂笙管之外,不須加造,則樂之損益,豈繫於 風 俗,動 之琴,歌南風之詩,而天下化。 一笙,則鍾鼓諸色,各須一十有二。 進退無據,竊謂不可。」帝頗納之,且令停譯所獻 美 地,感鬼神,禍福所基,盛衰攸繫,安可不愼哉!案譯之所爲,不師古始。 | 斜爲朝歌、北里之音,而社稷滅。 雅樂之備,已充廟廷,今若益之,於何陳列? 是知樂也者,和情性,移 若以i 方須 更 月

況 作乎」鄭譯 及 武 一帝山陵回,帝欲作樂,復令議其可不。 日「旣云聞樂,明卽非無,止可不樂,何容不奏。」帝遂依譯議,譯因 徵曰: 「孝經云: 『聞樂不樂。』 聞尚不樂,其 此銜之。

納。 譯因 帝 後 「譖之,遂下徵於獄。 肆行非度,昏虐日甚,徵以荷武帝重恩,嘗備位師傅,乃上疏 徵懼不免,獄卒張元平哀之,乃以佩刀穿牆,送之出。 極 諫, 指 陳帝失,不 元平被

捶拷 百 數,而無所言。 徴旣 出,匿於 人家,後遇赦得免,然猶坐除 名。

隋文帝 隋文帝以此常恨之。 隋 爲大 文帝踐極,例 司 了馬,有 外姻喪,徵就第弔之, 復官爵、除太子太傅、 至是,韶 所 司 諡之曰 闇。 仍韶徵 而不出, 子該嗣。 修撰樂書。 徴怒, 徵所撰樂典十卷。 遂弗之待, 開皇 四年薨, 比出候、徵已去矣。 年五十六。

兄恢,散騎常侍,新蔡郡公。 子政嗣。

七九〇

大將軍宇文述請變常法行刑,帝許之。 窮玄縱黨與,政亡奔高麗。 意於政。 見委遇。 政明 悟 玄感兄弟,俱與之交。 **葬遷兵部侍郎,稱爲幹理。** 有器幹,隋開皇中,以軍功授儀同,甚爲楊素所禮。 明年,帝復東征,高麗請和,遂送政。鎖至京師以告廟,左翊 遼東之役,兵部尚書段文振卒,侍郎明雅復以罪廢,帝彌 玄感之反,政與通謀,及玄縱等亡歸,亦政之計。 以出金光門,縛之於柱,公卿百僚,並親擊射,臠其 大業中,位尚書兵曹郎,漸 及 帝 衞 屬

孝武踐阼,進爵爲公,除豫州刺史。 |椿弟元壽,性剛毅諒直,武力過 人,彎弓兩石,左右馳射。 及車駕西巡,爲部下所殺。 歷位吏部尚書,封桑乾縣伯。 贈司空公,諡曰景莊

肉,多有噉者,然後烹焚,揚其骨

灰。

賈顯度,中山無極人也。父道監,沃野鎭長史。

浮河 死,顯度奔梁。 而下,達秀容,爲尒朱榮所留。 顯度形貌偉壯,有志氣。 普泰初,還朝。 初爲 後隨分朱度律等敗於韓陵,與斛斯椿及弟智等先據河橋,誅 別將,防守薄骨律鎮。 隨樂破葛榮,封石艾縣公,累遷南兗州刺 正光末,北鎭擾亂,顯度乃率鎭 史。 **介朱榮之**

介朱氏。

家,其此人也!」武帝入關後,顯智果同於齊神武。 爲 雍 州 孝 刺 武帝初,除尚書左僕射, 史、西道 大行 臺。 親故祖餞於張方橋,顯度 尋加驃騎大將軍、開府儀 孝武帝怒,乃賜顯度死 執 酒 同三司、定州大中正。 日 「顯智性輕躁,好去就,覆敗吾 永熙三年,

律等敗於韓陵。 仲遠忿其乖背,議欲殺 史,智隸仲遠赴 |智字顯智,少有膽決,以軍功累遷金紫光祿 彭城。 智與顯度、 之。 余朱榮死,仲遠舉兵向洛,智不從之,莊帝 智兄顯度先爲世隆所厚,世隆 斛斯椿謀誅介朱氏, 大夫, 封義陽 顯度據守北中城, 爲解喻 縣伯。 得全。 聞而 善之。 令智等入京, 及分朱仲遠爲徐州 後進爵爲公。 普泰 初 禽世隆 ",還洛。 隨度 刺

中, 除濟州刺史, 孝武 智去就多端,後坐事 帝初,除開府儀同三司、 率衆達 死。 東郡,仍停不進。 滄州 刺史。 於長壽津爲相州刺史竇泰所破。 在州貪縱,甚爲 人害。 孝武 徴還京師, 天平初, 加侍

樊子鵠, 列 傳 第 代郡 Ξ + 平城 七 人也。 賈 顯 度 其先荆州蠻會,徙代。 樊 子 餬 父興,平城鎭長史、歸義侯。 普泰中,

子鵠貴,乃贈荆州刺史。

所部 州 尚書、 西荆州大中正。 以 安縣伯。 此 刺 獲安。 史。 爲都督。 鵠 應對稱旨。 逢北鎭擾亂,南至幷州,众朱榮引爲都督府倉曹參軍。 屬歲旱儉,子鵠恐人流亡,乃勒有粟家分濟貧者,幷遣人牛易力,多種二麥,州內 永安二年,以招納叛蜀,進封中都縣公。又兼尚書行臺,政有威信。 時余朱榮在晉陽,京師之事,子鵠頗預委寄,故在臺閣,征官不解。 太后嘉之,除直齋,封南和縣子,令還赴榮。 後兼右僕射,爲行臺。進封南陽郡公,四尚書如故,假驃騎將軍,率 建義初,拜晉州刺史,封永 使詣京師,靈太后問榮兵 尋徵授都官 後出爲殷

洛、既 八豫州刺史。 **介朱榮死,世隆等遣書招子鵠,子鵠不從。** 見,責以乖異之意,奪其部衆,將還晉陽。 行達汲郡,聞众朱兆入洛,乃度河見仲遠。 以母在晉陽,啓求移鎭河南。 元曄以爲侍中、御史中尉、中軍大都督 仲遠遺鎭汲郡。 莊帝嘉之,除 兆徵子鵠赴

歸南 其 部尙書,轉尙書右僕射。 、兵馬。 太昌初,兼尚書左僕射、東南道大行臺,總大都督杜德等追討尒朱仲遠, 地還魏,許之。 時梁遣元樹 入寇,陷據譙城,詔子鵠與德討之。 及樹衆半出,子鵠擊破之, 尋加驃騎大將軍、開府,典選。 禽樹及梁譙州刺史朱文開。 樹大敗,奔 入城門,遂圍之。 仲遠 班 師, 奔梁,收 樹請

後除兗州刺史。 子鵠先遣腹心,緣歷人間,採察得失。 及至境, 太山太守彭穆參候失

儀り 子鵠責讓穆,幷數其罪狀,穆皆引伏,於是州內震悚。

同 司婁昭等討之。 及孝武帝入關,子鵠據城爲應,南靑州刺史大野拔率衆就子鵠。 城久不拔,昭以水灌城。 而大野拔因與相見,令左右斬子鵠 天平初, 齊神武遣儀 以降。

城門。 去薊 右諫 設變,是其 妻兄念賢,背洛周 深日 莊帝卽位 侯深,言 百餘里,遇 時萬榮別帥韓樓、郝長等屯據薊城 韓樓果疑降卒爲內應,遂遁走,追禽之。 ["「我兵少,不可 所長,若總大衆,未必能 神武尖山 , 封) 賊帥 厭次 歸 太守盧文偉誘深出獵, 陳周馬步萬餘,大破之,虜其卒五 **介朱榮**。 縣子。 人也。 力戰,事須 從榮討萬榮於滏口,戰功尤多。 路中遇寇,身披苫褐。 機警有膽略。 用。」 爲計以) 樂令深討 止給騎七百。 閉門拒之。 離 孝明末年,六鎭飢亂,深隨杜洛周南寇。 隙之。」深度其已至,遂 以功 樓,配衆甚少。 賜爵爲侯,尋爲平州 千餘 際賜其衣帽,厚待之,以 深率部曲、屯於 深遂 人。 廣 張軍聲,率數百騎深入樓境。 除燕州 尋還其馬仗,縱令入城。 或以爲言,榮曰:「深臨機 刺史。 郡南,爲榮舉哀,勒兵 率騎夜進, 刺 史,仍鎭 爲 昧 中軍 范 日 副都 後與 陽。 加 其 左

列

山,行 陽 南 郡公。 向 臺 莊帝使東萊王貴平爲大使、慰勞燕、薊。 |僕射魏蘭根邀擊之,爲深所敗。 元曄立,授深儀同三司、定州刺史、左軍大都督、漁 節閔帝立、仍加開府。 後隨介朱兆拒齊神武於廣阿,兆敗走。 乃詐降,貴平信之,遂執貴平自隨。 深後從神武破分朱 進至 中

氏

於韓陵

所虜。 不時迎納。 來,以相連結。 永熙初, 城人劉桃符等潛引暹入,據西城。深爭門不克, 除齊州刺史。 又遣使通誠於神武。及孝武入關,復懷 孝武帝末,深與兗州刺史樊子鵠、青州刺史東萊王貴平使信往 顧望。 率騎出奔, 汝陽王暹旣除齊州刺史,深 妻兒部曲,爲暹

州 貴平自以斛斯椿黨,亦不受代。深襲高陽郡克之,置部曲家累於城中,親率輕騎,夜趣 人 /澆薄 城 行 人執貴平出降。 等,齊州 達廣里,會承制以深行靑州事,齊神武又遺深書曰:「卿勿以部曲輕少,難於東邁,齊 人尙能迎汝陽王,青州人豈不能開門待卿也。深乃復還,暹始歸其部曲。 深自惟反覆,慮不獲安,遂斬貴平,傳首于鄴,明不同於斛斯椿 而

情,攻掠郡縣。其部下督帥叛拒之,遂奔梁。 州 庫軍 及子鵠平,詔以封延之爲青州刺史。 反。[三遣騎詣平原,執前膠州 刺史賈璐,夜襲青州南郭,劫前 深旣 達南青州境,爲賣漿者斬之,傳首于鄴,家 不獲州任,情又恐懼,行達廣川 廷尉卿崔光韶 了圖遂劫光 以惑 П

賀拔允字可泥,神武尖山人也。其先與魏氏同出陰山。 有如回者、魏初爲大莫弗。 祖

<u>佘頭,驍勇絕倫,以良家鎭武川,因家焉。</u>獻文時,以功賜爵龍城縣男,爲本鎭軍主

父度拔,性果毅,襲爵,亦爲本鎭軍主。正光末,沃野人破六韓拔陵反,懷朔鎮將楊鈞

等,日招義勇,襲殺可褒。 拔父子並爲賊所虜。 聞度拔名,召補統軍,配以一旅。其賊僞署王衞可瓌徒黨尤盛,旣攻沒武川,又陷懷朔,度 度拔乃與周德皇帝合謀,率州里豪傑輿珍、念賢、乙弗庫根、尉遲檀 朝廷嘉之,未及封賞,度拔與鐵勒戰沒。孝昌中,追贈度拔肆州

允便弓馬,頗有膽略。 初度拔之死,允兄弟俱奔恒州刺史廣陽王深。

深敗,歸介朱榮。

公。魏長廣王立,除開府儀同三司,封燕郡公,「刊兼侍中,使蠕蠕。 允父子兄弟並以武藝稱,榮素聞其名,待之甚厚。建義初,封壽陽縣侯。永安中,進爵爲 出山東,允素知神武非常人,早自結託,神武以其北土之望,尤親禮之,遂與允出信都,參定 中興初,轉司徒,領尚書令。 神武入洛,進爵爲王,轉太尉,加侍中。 還至晉陽,屬齊神武將

列傳

第三十

七

賀拔

允

既忌 神武,以允弟岳據關中,有重兵,深相委託,潛使來往,當時咸慮允爲變。

引 及 岳 擬 死 魏 神 孝武 武 · 乃置 又委岳兄勝 於樓上餓殺之,年四十八。 心腹 之寄。 神武 重舊,尤全護之。 神武 親 臨哭之,贈太保。 天平元年,因與 八神武 獵,或告允

允三子,世文、 世樂、難陁。 興和末,齊神武並召與諸子同學。 武定中,敕居定州,賜田

宅。 允弟勝。

朔州 之,乃募 覘武 主,從父度拔 入,賊追之, 川。 勝字破胡,少有志操,善左右馳射,北邊莫不推其膽略。 白臨淮 勇敢 武 إال 射 鎭 干 少年,得十餘騎,夜潰圍 已陷, 殺數 守。 彧 以 ڔٞٚ 懷朔被圍 勝乃馳還報懷朔。 旣被圍經年而 至城 下, 一之急。 大呼日 外援 彧以 世。 不 懷朔亦潰,勝 了賀拔破胡 勝辭義 至,勝 賊追及 乃慷慨 ?怨至, 之,勝 父子 與官軍至 日... 許 白鎭將楊鈞, 逐為 以 我賀拔 出 衞可褒 賊 矣 師, 所 _1 還令 城中 虜 破 之圍懷朔,勝時亦爲 胡 請告急於 也。」 納 報 之。 命。 賊 大軍 乃復 鈞 不 復 敢 造勝出 攻圍 逼 鈞 至 而

鎭 以 恒州。 兵 事 0 時有鮮于阿胡擁朔州流人南下為寇,公恒州城人應之,勝與兄允弟后相失,勝南 時 廣 陽 王 深 在 五. 原,爲破六韓賊所圍 召 勝 爲 軍 主。 以 功 拜 統 軍 ٠, 又隸僕射元

而

襲

殺

可褒

衆令勝馳告朔州

,未反而

度拔

已卒。

刺

史

費

穆奇勝

才

略,厚禮

留之,

委

投肆州 允、岳投介朱榮。 樂與肆州刺史尉慶賓構隙,引岳攻肆州陷。 樂得勝,大悅曰:「吾

得卿兄弟,天下不足定。」勝兄弟三人,遂委質事榮。

石度,大破顥軍,禽其子

冠受,遂前驅入洛。 以 孝莊帝功,封易陽縣伯。 何 勝爲大都督,鎮中山。 畤 ·杜洛周據幽、定, 葛榮據冀、瀛。 樂謂勝曰:「井陘險要,我之東門,欲屈君鎭之, |樓響||勝威名,竟不敢南寇。 從元天穆北征萬榮,四大破之。 進爵眞定縣公。 元顥入洛陽,榮徵勝,使與 時杜洛周餘燼 及際入洛,以預定策立 韓樓在薊城結聚, **介朱兆自硤** 如

勝以為 至,與戰不利 東 「天子旣行 征 都 及樂死,勝 督, 臣 無讎君 率騎一千,會鄭先 大事,必當更有奇謀,吾衆旅 降之。 與田怡自己等奔赴樂第,時宮殿之門未加嚴 之義,逐勒所部還都。 復與 介朱氏 護討 之。 同謀立 爲 莊帝 不多,何輕 先護 一節閔 大悅。 帝,以 所疑,置之營外,人馬未得休息, 爾」恰乃 功拜 仲遠逼東郡,詔 右 衞 防,怡等議即 止 將軍 及世隆夜走,勝 以本官假 攻門。 驃騎 俄而 隨 勝 大將 止之曰: 至 仲遠兵 河橋,

與 角 也。 斯椿 及 介朱 天 詣 柱 薨 兆 氏 將討 營 後 和 不與 之,反爲 齊 ,神武 世 隆等俱來而 勝時從 兆 所執 **介朱度律**。 度律 東征仲遠, 大懼 度律 引 罪二也。 軍 與兆 還。 不平,勝以 兆將 我欲殺爾 斬 勝 臨敵 ,數之日 久矣」勝日 **搆隙**,取 爾殺 敗之道,乃 可褒作 可瓌,罪

列

傳

第

 \equiv

+

七

賀

拔

允

兆乃捨之。 事,生死在王。 勝旣免,行百餘里,方追及度律。 但去賊密邇,內搆嫌隙,自古迄今,未有不破亡者。 齊神武旣克相州, 兵威漸盛,於是兆及天光 勝不憚死、恐王失策。」

挑之驍悍,懼其陵已,勒兵不進。 仲遠、度律等衆十餘萬陣於韓陵。 勝以其攜貳,遂以麾下降齊神武。 兆率鐵騎陷陣, 出齊神武後, 將乘其背而擊之。 度律軍以此先退、江江 度律惡

遂大敗。

鋒。」續遂城守不敢出。 克捷,沔北盪爲丘墟。 勢援,乃拜都督、荆州 太昌初,以勝爲領軍將軍,尋除侍中。 刺史、驃騎大將軍、開府儀同三司、南道大行臺、尙書左僕射。 梁武帝敕其子雍州刺史續曰「質拔勝北問驍將, 尋進位尚書令,進虧琅邪 孝武帝將圖齊神武,以勝弟岳擁衆關 郡 公。 爾宜愼之,勿與爭 西,欲廣其 勝 多 所

淅陽, 陽,造右丞陽休之奉表入關,自己又令府長史元穎行州事,勝自率所部,將西赴關 及齊神武與孝武帝有隙,詔勝引兵赴洛,至廣州,猶豫未進,而帝已入 韶授勝太保、錄尙書事。 時齊神武已遣行臺侯景、大都督高敖曹赴之,勝敗,中流矢,奔梁。 聞齊神武已平潼關禽毛鴻賓,勝乃還荆州。 關。 州 人鄧誕執元 中。 勝還軍南 進至

穎,引齊師。 在南三年,梁武帝遇之甚厚。勝乞師北討齊神武,旣不果,乃求還。 梁武帝許之,親餞

於南 闕 謝 罪。 苑。 勝自是之後,每執弓矢,見鳥獸南向者,皆不射之,以申懷德之意。 魏帝握勝手,歔欷久之,曰:「初平西徙,永嘉南度,漢、晉皆爾,事乃關天,非公之 旣至長安,詣

咎也。」

乃

授

太

師

及齊 神武 配 勝 數 以 神 仍與 從 里,刃垂及之,神武汗流,氣殆 犯 武 周 (李弼 其軍。 率衆攻玉壁,勝以前軍大都 文帝禽竇泰於小關,攻弘農,下河北, 別攻河東,略定汾 勝適 與神武遇、連叱 絳。 督從周文。 盡。 而字之曰:「賀六渾,賀拔破胡必殺汝也」」時勝持稍追 河橋之役,勝大破東魏軍,周文令勝收其降卒而還。 會勝馬爲流矢所中,死,比副騎至,神武已逸去。 禽郡守孫晏, 摧破東魏軍於沙苑, 追奔至河 見齊神武旗鼓,識之,自己乃募敢勇三千人

勝歎 曰:「今日之事,吾不執弓矢者天也」」

書與 有 知 是歲 周文曰:「勝萬里杖策,歸身闕 ,勝諸子在東者,皆爲神武 飛賊庭,以報恩遇耳。」周文覽書,流涕 庭, 所害。 冀望與 勝憤恨,因動氣疾,大統十年,薨于位。 公掃除逋寇。 人 之。 不 幸殞斃,微志不申。 臨終,手 若死而

通率 動 ,唯賀拔公臨陣如 勝 重義 長 於 輕 一喪亂之中,尤工武藝,走馬射飛鳥,十 財 了身死 平常,眞大勇也。」 自居重任 之日,唯有隨身兵仗及書千卷而已。 ,始愛墳籍, 中共 八五六。 乃招引文儒,討論 周文每云:「諸將對 義理 敵,神色皆 性叉

初, 勝至關中,自以年位素重,見周文不拜。尋而自悔,周文亦有望焉。 後從宴昆明

因拜曰:「使勝得奉神武,以討不庭,皆如此也。」周文悅,因是恩禮日重, 池,時有雙鳬游池上,周文授弓矢於勝曰:「不見公射久矣,請以爲歡。」勝射之, 勝亦盡誠推奉焉。 一發俱中,

贈太宰、錄尚書事,諡曰貞獻。 明帝二年,以勝配饗文帝廟庭。

以弟岳子仲華嗣。 位開府儀同三司, 襲爵琅邪公。 大象末,位江陵總管。 勝

弟后。

以爲都督。 常之事,必俟非常之人,將軍士馬精强,位望隆重,若首舉義旗,伐叛匡救,何往不克!何向 之,箭中壤臂,賊大駭。後廣陽王深以爲帳內軍主,與兄勝俱鎭恒州。 不摧!古人云:『朝謀不及夕,言發不俟駕。』此之謂矣。」榮與天穆相顧良久,曰:「卿此言眞 兵書,而暗與之合,識者咸異之。與父兄赴援懷朔,賊王衞可瓌在城西三百餘步,岳乘城射 岳字阿斗泥,少有大志,愛施好士。 每帳下與計事,多與際意合。際與元天穆謀入匡朝廷,問計於岳。 初爲太學生,及長,能左右馳射,驍果絕人。 州陷,投介朱榮,榮 岳曰:「夫非 不讀

未幾,孝明帝暴崩,榮疑有故,乃舉兵赴洛。 配岳甲卒二千,爲先驅。 至河陰,榮旣殺 丈夫之論也。」

朝 士、因 欲稱帝,疑未能決。岳乃從容致諫,榮尋亦自悟,乃尊立孝莊。 以定策功,賜爵樊

城鄉男。 從榮破葛榮,平元顥,累遷左光祿大夫、武衞將軍

悦,乃以天光爲使持節、大都督、雍州刺史,以岳爲左廂大都督,又以征西將軍侯莫陳悅爲 岳往無功,罪責立至;假令克定,恐讒愬生焉。」乃請介朱氏一人爲元帥,岳副貮之。 右廂大都督,並爲天光之副,以討之。時赤水蜀賊兵斷路,天光衆不滿二千,及軍次潼關, 天光有難色。 岳乃進破之於渭北,軍容大振 時万俟醜奴僭稱大號,關中騷動,榮將遣岳討之。私謂其兄勝曰:「醜奴足爲勍敵,若

栅。 其多少。行二十許里,至水淺可濟處,岳便馳馬東出,似欲奔遁。 將百餘騎,隔水與賊相見,且並東行。岳漸前進,先所置騎,隨岳而集,騎旣漸增,賊不復測 弦而倒。 压 度渭水,輕騎追岳。岳東行十餘里,依橫岡設伏兵以待之,身先士卒,急擊之,賊便退走。 號令所部,賊下馬者皆不聽殺,賊顧見之,便悉投馬。俄虜三千人,馬亦無遺,遂禽菩薩。 時醜奴自圍岐州,遣其大行臺尉遲菩薩、僕射万俟行醜同向武功,南度渭水,攻圍趨 天光遣岳率千騎赴援。 菩薩攻棚已克,率步騎二萬至渭北。 岳以輕騎數十,與菩薩隔 岳稱揚國威,菩薩乃自驕,令省事傳語。省事恃水,應答不遜,岳怒,舉弓射之,應 時已逼暮,於是各還。岳於渭南傍水,分精兵數十爲一處,隨地形勢置之。明日, 賊謂岳走, 乃棄步兵, 南

列

仍度渭北、降步卒萬餘。

以歸。 進,自餘諸栅悉降。 尉侯伏侯元進據險立栅。 待至秋凉,更圖進取。 醜 奴 尋棄岐州,北走安定。 又輕騎追醜奴,及之於平涼之長坑,一戰禽之。 醜奴聞之,遂以爲實,分遣諸軍散營農於岐州北百里細川。日即使太 岳知其勢分,密與

天光嚴備。 天光方自雍至,與岳合勢。 昧旦,攻圍元進棚,拔之,卽禽元 宣言今氣候已熱,非征討之時, 高平城中又執蕭寶夤

叛,岳叉討禽之。 並禽之,餘衆皆悉坑之。 進爵爲公。 倫 ,得之甚喜,以**爲**將。 賊 行臺万俟道洛退保牽屯,岳攻之。道洛敗入隴,投略陽賊帥王慶雲。 天光雖爲元帥,而岳功効居多,進封樊城縣伯。 天光又與岳度隴,至慶雲所居水洛城。[三慶雲、道洛頻出城拒戰, 三秦、河、渭、瓜、凉、鄯州咸來歸款。 賊帥夏州人宿勤明達降復 尋韶岳都督、涇州刺史, 以道洛驍果絕

鼓 岳 吹。 一莫若且鎭關中,以固根本。」天光不從,後果敗。 助侯莫陳悅 天光入洛,使岳行雍州事。 普泰初,除都督、岐州刺史, 進清水郡公, 尋加侍中, 給後部 進位 開府儀同三司、兼尚書左僕射、隴右行臺、仍停高平。 ,所在討平之。 二年,加都督、雍州 刺史。 岳率軍下隴赴雍,禽天光弟顯壽以應 天光將拒齊神武,遣問計於岳。 後以隴 中猶有土 人不順, 岳

錄尚 事。悦詐云腹痛,起而徐行,令其婿元洪景斬岳於幕中。朝野莫不痛惜之。贈侍中、太傅、 下牀鳴其頰曰:「除吾病者卿也,何日忘之」」後岳部下收岳尸,葬於雍州北石安原, 曹泥,令悅前驅。 於齊神武。神武乃遣左丞翟嵩使至關中,間岳及侯莫陳悅。三年,岳召悅會於高平,將討 是皆款附。 計。先是,費也頭万俟受洛干、鐵勒斛律沙門、解拔彌俄突、디心紇豆陵伊利等擁衆自守,至 后懼,乃自詣北境,安置邊防,率衆趣平凉西界,布營數十里,託以牧馬於原州,爲自安之 書事、都督關中二十州諸軍事、大將軍、雍州刺史,諡曰武壯。 及孝武卽位,加關中大行臺。永熙二年,孝武密令岳圖齊神武,遂刺心血,持以寄岳。 秦、南秦、河、渭四州刺史又會平涼,受岳節度。唯靈州刺史曹泥不應召,通使 而悅受神武指,密圖岳。岳弗之知而先又輕悅,悅乃誘岳入營,共論兵 翟嵩復命于神武,神武 葬以

子緯嗣,拜開府儀同三司。 周保定中,錄岳舊德,進爵霍國公,尙周文帝女。

侯莫陳悦,代人也。 傳 第 Ξ + 七 侯 父婆羅門為駝牛都尉,故悅長於河西。 莫 陳 悅 好田獵,便騎射,會牧子作

亂,遂歸介朱榮。 榮引爲府長流參軍。 莊帝初,除金紫光祿大夫,封栢人縣侯。

秦州 初,加開府儀同三司、都督隴右諸軍事,仍兼秦州刺史。 除鄯州刺史。 刺史。 天光之東出,將抗齊神武,悅與岳下隴以應神武。至雍州,會介朱覆敗。永熙 西伐克獲,皆與天光、賀拔岳略同。

唯先謀殺岳者悅中兵參軍豆盧光,走至靈州,後奔晉陽。 中,令從者悉步,自乘一騾,欲往靈州。 數日之中,盤回往來,不知所趣。左右勸向靈州,而悅不決。言下隴後恐爲人見,乃放馬山 之。脫部衆離散,猜畏傍人,不聽左右近已。與其二弟幷兒及謀殺岳者八九人,棄軍进走, 欲還秦州,汝等何不裝辦。〕衆謂言實,以次相驚,皆散趣秦州。景和先馳至城,據門以慰輯 暮、景和乃勒其所部,使上驢駝,云:「儀同有敎,欲還秦州,守以拒賊。」復給帳下云:「儀同 衆遺奉迎。周文至,遂總岳部衆并家口入高平城,以自安固。乃勒衆入隴征悅。悅聞之, 豫,不卽撫納,乃還入隴,止水洛城。岳所部聚於平涼,規還圖悅。周文帝時爲夏州刺史, 棄城南據山水之險。悅先召南秦州刺史李景和。其夜,景和遣人詣周文,密許翻降。至 三年,岳召悅共討曹泥,悅誘岳斬之。岳左右奔散,悅遣人安慰,衆皆畏服。悅心猶 中路追騎將及,縊死野中。弟息部下,悉見禽殺。

悦 自殺岳後、精神恍惚、不復如常。 恒言:「我睡卽夢底語我『兄欲何處去』? 隨逐我不

相置。」因此彌不自安,而致敗滅。

念賢字蓋盧,金城枹罕人也。父求就,以大家子戍武川鎭,仍家焉。

未有題目,帝詔近侍各名之,對者非一,莫允帝心。賢乃爲「圓極」,帝笑曰:「正與朕意同。」 恩縣公。永熙中,孝武以賢爲中軍北向大都督,江北進爵安定郡公,加侍中、開府儀同三司。 往,笑謂諸生曰:「男兒死生富貴皆在天也,何遽相乎」」少遭父憂,居喪有孝稱。後以破衞 即名之。 軍。人之還朝,兼錄尙書事。後與廣陵王欣、扶風王字口〇等同爲正直侍中。時行殿初成, 可褒功,除別將,又以軍功封屯留縣伯。從介朱榮入洛,兼尚書右僕射、東道行臺,進虧平 大統初,拜太尉,爲秦州刺史,加太傅,給後部鼓吹。三年,轉太師、都督、河州刺史、大將 賢美容質,頗涉經史。爲兒童時,在學中讀書,有善相者過學,諸生競詣之。 河橋之役,賢不力戰,乃先還,自是名頗減。五年,除都督、秦州刺史,薨於州。 賢獨不

賢於諸公,皆爲父黨,自周文以下,咸拜敬之。

1昭定。

子華,性和厚,有長者風。 官至開府儀同三司、合州刺史。

城 歸吐谷渾,後又歸魏,封臨洮公。祖顥,爲尙書,封南安公。父釗,河華二州刺史,封新陽 梁覽字景叡,金城人也。其先出自安定,避難走西羌,世爲部落酋帥。會祖穆,以枹罕

息化

刺史。 州。 吐谷渾憚不敢出,皆曰:「梁公在,未可行也。」永安中, 詔大鴻臚琅邪王皓就策授世爲河州 從大軍平賊,歷涼、河二州刺史,封安德縣侯。覽旣爲本州刺史,盛修甲仗,人馬精銳。 覽家世豪富,貲累千金。孝昌初,秦州莫折念生、胡琛等反,散財招募,有三千人,鎭河 永熙中,改封郡公。大統二年,加太尉。其年,覽從弟仚定反,欲圖覽,覽與數戰未

能平,王師至,始破之。四年,遷太傅。

子鸛雀,位儀同三司、大都督,後坐事免,死。 及河橋之役,王師敗,時病留長安,趙青雀反北城,覽爲之謀主。 事平,乃見殺。

於孝,乃投卷嘆曰:「吾離違侍養,非人子之道。」卽還鄕里,躬耕奉養。遭母憂,哀毁骨立, 陽,見京都禮義之美,還謂同僚曰:「徒知邊備尙武,以圖富貴,不謂文學,身之寶也。 不學,其猶穴處,何所見焉。」遂逃歸,辭母求師,經年,通孝經、論語。 雷紹字道宗,武川鎭人也。 九歲而孤。有膂力,善騎射。年十八,給事鎮府。嘗使洛 嘗讀書,至人行莫大 生 世

紹乃勸岳迎孝武西都長安,以順討逆。 由是知名。鎭將召補鎭佐。 成敗、紹知計不用、請爲邊州、建功効。 後隨賀拔岳征討,爲岳長史。岳有大事,常訪而後行。及齊神武起兵,岳恥居其下。 岳曰:「吾本意也。」後岳信諸將言,欲保關中,坐觀 岳曰:「君有毗佐之力、當總大州。」遂以紹爲京兆太

守。 刺史,進爵昌國伯。初紹爲岳長史,周文爲岳左丞,及居相,常以恩舊接之。卒於州。 留所領兵以助東討,請單騎赴州。刺史李叔仁擁州逆命,紹遂歸。 及於難。紹乃棄郡,馳赴岳軍,與寇洛等迎周文帝。悦平,以功授大都督、凉州刺史。 清平理物,甚得人和。 在郡踰年,岳被害。初,紹見岳數與侯莫陳悅宴語,嘗謂岳曰:「公其愼之」」岳不從,果 、永熙三年,以紹爲渭州 紹請

法,必殺大馬,於亡者無益,汝宜斷之,斂以時服,事從約儉。」還葬長安,天子素服臨弔,贈 紹性好施,祿賜皆分贍親故,及死日,無以送終。 兼敬信佛道,遺敕其子曰:「吾本鄉葬

列

第

三十

七

北:

太尉、賜東園祕器。子渙。

毛遐字鴻遠,北地三原人也。世爲酋帥。曾祖天愛,太武時,至定州刺史、始昌子。

至遐,四世不絕。

寶夤敗還長安,三輔騷擾。遐因辭邃還北地,與弟鴻賓聚鄉曲豪傑,遂東西略地,氐、羌多 赴之,共推鴻賓爲盟主。旣而賊帥宿勤買奴自號京兆王於北地、遐詐降之,而與鴻賓攻其 正光中,蕭寶夤爲大都督,討關中諸賊,咸陽太守韋邃時爲都督,以遐爲都督府長史。

賊自相斫射、縱兵追擊、七栅皆平。

皆亂還。 將盧祖遷禽之。寶夤以是日拜南郊,竊號,禮未畢而告敗,寶夤懼,口乾色變,不遑部伍,人 將十數騎 二尙書,分掌機事,遐與周惠達始爲之。稍遷驃騎大將軍、儀同三司,卒。 後寶夤構逆謀,遐知之,乃寄書與鴻賓,索馬迎接,復於馬祗柵建旗鼓以拒寶夤,攻其 走巴中。 韶授遐南豳州刺史,江亞進爵爲伯。 遐又攻破其將侯終德。 冬,万俟醜奴陷秦州,詔以遐兼尚書,二州行臺。孝武帝入關,敕周文帝 寶夤知內外勢異,輕

遐少任俠,有智謀。

世爲豪右,貲產巨億,士流貧乏者,多被賑贍。故中書郎檀翥、尚

小節。 雍州,鴻賓爲刺史。 至於受賞,汝在吾前,當以德濟物,不及汝故。」明帝以鴻賓兄弟所定處多,乃改北地郡爲北 守一 鴻賓大鼻眼,多鬢鬚,黑而且肥,狀貌頗異,氐、羌見者皆畏之。 戰。 昆季之中,尤輕財好施。 後拜岐州刺史、散騎常侍、開國縣侯。 遐笑謂鴻賓曰:「擊賊之功,吾不居汝後, 韶曰:「此以畫錦榮卿也。」改三原縣爲建中郡,以旌其兄弟。[10] 遐雖云早立,而名出其下。 及賊起,鄉里推爲盟主,常與遐 加膽略騎射,俶儻不拘

逐逃匿 洛中素聞其名,衣冠貧冗者,競與之交。 資給衣食,與已悉同,私物不足,頗有公費。 後 人間。 余朱天光自關中還洛,夷夏心所忌者,皆將自隨。 月餘,特詔原之。 尋拜西兗州刺史。 轉南靑州刺史。 鴻賓亦領鄉中壯武二千人以從。 羇寓倦游之輩,四座常滿,鴻賓 未幾,徵還,爲有司所糾,鴻賓

草,所望於卿也。 日間 ,唯飲澗水,鴻賓奉獻酒食,迎於稠桑,文武從者,始解飢渴。 鴻賓弟鴻顯,位散騎常侍,封縣侯。遐乳母所產也,一字七寶。 及孝武帝與齊神武有隙,令鴻賓鎭潼關,爲西道之寄。 事平之日,寧忘主人。」仍留守潼關。 後神武來寇,見禽至幷州,憂恚卒。 車駕西幸,漿糗乏絕,侍官三二 武帝把其手曰:「寒松勁 遐養之爲弟,因姓毛

列傳第三十七 毛遐

- 八一〇

勁悍多力,後隨諸兄戰鬭,多先鋒陷陣。 大統四年,為廣州刺史,與駱超鎭東陽,陷東

魏。三三卒。子野叉。

乙弗朗字通照,其先東部人也。 世爲部落大人,與魏徙代,後因家上樂焉。

禦齊神武,授期閣內大都督。及帝西入,詔朗爲軍司,先驅靖路。至長安,封長安縣公。卒 重之,甚相接待,以功封蓮勺子。 朗少有俠氣,在鄉里以善騎射稱。

孝莊末,北邊擾亂,避地居戶、

肆間。

〔三〕

余朱榮見而 後隸賀拔岳,從余朱天光西討,爲岳左廂都督。 孝武帝之

於岐州刺史。

惟云「恨不見河、洛清平,重反京縣」,以此爲恨,三舉手搥牀,而便氣盡。 初,朗患積冷,周文賜三石東生散,令郞法服之,使人問疾,朝夕相繼,見重如此。 贈太尉。 臨終

子鳳,位宮伯、開府儀同三司。與周閔帝謀字文護,見殺。

論曰:朱瑞以向義受戮,延慶以違順遇禍,各其命焉。 **斛斯椿屢踐危機,終獲貞吉,豈**

無忘直道,抗辭正色,顚沛 人謀之所致也。徵洽聞强記,以廮、襄任己,終使減、英不墜,韶、濩惟新。 不渝,蓋有周之忠烈乎。 賈顯智、樊子鵠、侯深等並驅馳風塵之 加以盡心所事,

際,但自陷夷戮,觀其遺跡,雖獲罪於霸政,求之有魏,得失未可知 也。

勍敵 敖高氏,太昌之後,卽帝圖高,察其所由,固非守節之士。 戮,惜哉 翼關西 何以興? ,奮其智勇,克翦凶渠,雜種畏威,退方慕義,斯亦一 質拔允昆季以勇略之資,當馳競之日,並邀時投隙,展効立功。 ,感梁朝之顧遇,有長者之風矣。 信乎其然矣。 昔陳涉首事 不終,有漢因而創業,賀拔功成夙殞,周文籍以開基。 終能保榮持寵,良有以焉。 時之盛矣。 及勝垂翅江左,憂魏室之危亡,奮 始則委質介朱,中乃結 岳 卒以勳 以二千羸兵,抗三秦 高速 不有所廢,君 禍 ,無備嬰

終以 取禍,鮮克之義。 侯莫陳悅肆行殘慝,死不旋踵,觀其亡滅,蓋自取之。 雷紹馳騖雲雷之秋,毛遐兄弟致力經綸之日,乙弗朗展轉擾攘之中, 念賢有始有卒,取敬羣公。

校勘記

卒獲歸順,美矣!

叉增 列 傳 武直 第 Ξ 人數自 + 七 直閤已下員別 乙 弗 朗 校 數百 勘 記 諸本「自」作「百」,魏書卷八〇斛斯椿傳作「自」。 按「武

直 」卽指直閤、直齋、直寢等宿衞人員。「武直人數百」與「直閤已下員別數百」重複。「百」字誤,

今據魏書改。

ベニン 進封南陽郡公 諸本「南」作「西」、魏書卷八○樊子鵲傳作「南」。 按南陽爲樊氏郡望元和姓纂輯

本卷四,樊氏郡望,首舉南陽湖陽縣,故以封樊子鵠。「西」字誤,今據改。

行達廣川 諸本「川」作「州」, 魏書作「川」。 通志卷一五一侯深傳作「固」。按魏之廣州治魯

陽,距靑州、光州甚遠。 據魏書地形志中,青州齊郡有廣川縣,齊州有廣川郡。 侯深周旋於青、

齊、 光三州之間,則當以廣川爲是。 今據魏書改。 廣固卽益都, 亦屬青州。 字形相去甚遠,

疑非。

五五 逐劫光州庫軍反 宋本、大德本及通志「軍」作「車」,百衲本據南、北、汲、殿四本修作「軍」,魏

· 書作「兵」。按「庫兵」指庫中武器。但光州之武器庫何以在廣川?作「車」作「軍」並費解,疑

有誤。

. . . . 率州里豪傑輿珍念賢乙弗庫根尉遲檀等 諸本脫「輿」字,據周書卷十四賀拔勝傳補。 叉周書

「檀」上有「眞」字,這裏當是省稱。

الم 封燕郡公 諸本「公」作「王」、北齊書卷一九賀拔允傳作「公」。按下文云「進爵爲王」,又魏書

卷 出帝紀太昌元年八月稱:「燕郡開國公賀拔允進爵爲王」,則此時當是公。 今據改。

, Ш 時有鮮于阿 卷九肅宗紀 孝昌 .胡 擁朔州 二年四月稱 流 人南下為寇 「朔州城人鮮于阿胡、 諸本「阿」作「河」, 厙狄豐樂據城反」。「河」**乃「阿」之**訛, 周書卷十四賀拔勝傳作「阿」。 按魏書

據改。

へ 元 **ビ** 從元天 穆北征葛榮 諸本「從」訛作「後」,據周書改。

田 怡 張森楷 云:「魏書卷八〇『怡』作『怙』, **通** 卷一 五四、 四七八四頁同。 本書卷二六宋世良傳之

田 估 1、介朱世隆傳 之田帖,並即此人。 以字形相近 而誤,但未知其孰是。」

度律軍 以此先退 諸本「先」訛 作「免」,據周書改。 度律先退事見本書卷六齊神武紀。

遣右丞 陽休之奉表 入關 諸本 陽 作 楊 **通**法 卷一 五六賀拔勝傳作「陽」。 按事 見本書卷

四 七、挑 齊書卷四二陽休之傳,今據改。

及齊 與 壁 戰 勝以前 邙 神 武率衆攻玉 Щ 是 軍 兩次戰役。 大都督從太祖追之於汾北。 壁勝 不順。 以前軍 這裏「周文」下當脫「追之於汾北。 大都督從周文見齊神武旗鼓識之 武」諸本脫作「齊武」、據周書、通志 又從戰邙山 時太祖 又從戰邙山 見 齊神武 周書作「及齊神武悉衆攻玉 時 旗鼓、識 神」字。 周文」 之。 等 字。 按 攻 逐 使兩 玉 壁

分 遣 諸 軍 散 營農 於 岐 州 北 百里細 ĴΪ 諸 本「 細作 網」, 周書卷十四賀拔岳傳 作細 魏書卷

記

次

戰

役

混

淆

, 且

文理

又「齊

神

補

七五 | 尒朱天光傳作「涇」。按周書卷一五寇洛傳、通鑑卷一五四四七七三頁作「細」。 太平寰字記

卷三二涇州靈臺縣下有蒲川水,引水經注云:「蒲水出南山蒲谷」 東北合細川水。」 今本水經注缺

涇水, 即此。 其水入涇,作涇川亦不誤。 但「網」必是「細」之訛,今據周書改

諸本「水」訛「永」,今改正。

參見卷四八介朱天光傳校記。

二合 解拔彌 俄突 參見卷六齊神武紀校記

西面大都督」、疑作「面」是。

二吾

至慶雲所居水洛城

孝武以賢爲中軍北向大都督 周書卷一四念賢傳「向」作「面」。 按當時屢見「四面大都督」、

扶風王字 諸本「字」作「季」。張森楷云:「『季』當作『字』。 「季」乃「孚」之訛、今據改。 時有扶風王学,無名『季』者。」 按張

說是。

学見本書卷一六臨淮王譚傳。

二型 授遐南豳 州 刺史 諸本「豳」作「幽」。錢氏考異卷三九云:「『幽』當作『豳』。」 按魏書卷五九蕭寶

(金傳)言寶夤於孝昌三年四月曾授確、岐、涇、 後魏置豳州。」又於新平縣下注云:「舊曰白土」 西魏置豳州。」楊守敬隋書地理志考証卷 引

南豳四州諸軍事。

隋書地理志上北地郡注云:

太平寰宇記、魏書楊椿傳、蕭寶夤傳,以爲白土之豳州, 即南豳州, 不始置於西魏。 毛退所授之

州,即此地。 錢說是,今據改。

改三原縣為建中郡以旌其兄弟 隋書地理志上京兆郡三原縣下云:「後周置建忠郡。」 按隋書

記

〇二〇為廣州刺史與駱超鎭東陽陷東魏 駱超以城降東魏事。 據魏書地形志中,廣州治魯陽,則此「東陽」當是「魯陽」之訛。 按北齊書卷二二盧文偉傳附盧勇傳, 有元象元年廣州守將

孝莊末北邊擾亂避地居幷肆間 按「孝莊」當爲「孝明」之誤。

北史卷五十

列傳第三十八

辛雄 族祖琛 琛子術 術族子德源 楊機 高道穆 兄謙之 **蒸**儁

山偉 宇文忠之 費穆 孟威

辛雄字世賓,隴西狄道人也。父暢,汝南、鄉郡二郡太守。

用心平直,加以閑明政事,經其斷割,莫不悅服。懌每謂人曰:「必也無訟,辛雄有焉。」歷尚 書駕部、三公郎。 會沙汰郎官,唯雄與|羊深等八人見留,餘悉罷遣 雄有孝性,居父憂,殆不可識。清河王懌爲司空,辟爲左曹。懌遷司徒,仍授左曹。 雄

陛下任之以彈糾。當高肇之時,匡造棺致諫,主聖臣直,卒以無咎。假欲重造,先帝已容之 理匡曰:「竊惟白衣元匡,歷奉三朝,每蒙寵遇,諤諤之性,簡自帝心。故高祖錫之以匡名, 先是,御史中丞、東平王匡復欲輿棺諫諍,尚書令、任城王澄劾匡大不敬,詔恕死。雄奏

列

於前 「吾聞游僕射云:『得如雄者四五人共省事,足矣。』今日之賞,何其晚哉!」 ,陛下亦宜寬之於後。」未幾,匡除平州刺史。右僕射元欽稱雄之美,左僕射蕭寶夤曰:

疑議,雄與公卿駁難,事多見從。於是公能之名甚盛。 賞善罰惡,慇懃隱恤者也。古人唯患察獄之不精,未聞知寃而不理。」詔從雄議。自後每有 則失罪人,濫乃害善人。今議者不忍罪姦吏,使出入縱情,令君子小人,薰蕕不別,豈所謂 爲獄成,悉不斷理。詔門下、尙書、廷尉議之。雄議曰:「春秋之義,不幸而失,寧僭不濫。僭 初,廷尉少卿袁翻以犯罪之人,經恩競訴,枉直難明。遂奏曾染風聞者,不問曲直,推

養,不約其年。書奏,孝明納之。後除司空長史。時諸公皆慕其名,欲屈爲佐,莫能得也。 九十,家不從政。 鄭玄注云:「復除之。」然則止復庶人,非公卿士大夫之謂。 以爲宜聽祿 又為祿養論,稱仲尼陳五孝,自天子至於庶人,無致仕之文。禮記:八十,一子不從政,

彧 得失之責,要雄符下。雄以車駕將親伐,蠻夷必懷震動,乘彼離心,無往不破,遂符彧軍,令 臨 以處分道別,不欲應之。雄曰:「王執麾閫外,唯利是從,見可而進,何必守道。」」感恐後有 淮王彧,東趣葉城,別將裴衍,西通鷗路。衍稽留未進,彧師已次汝濱,逢北溝求救,日 時諸方賊盛,而南寇侵境,山蠻作逆,孝明欲親討,以荆州爲先。詔雄爲行臺左丞,與

速赴擊。賊聞,果自走散。

得已,去食就信,以此推之,信不可斯須廢也。賞罰,陛下之所易,尚不能全而行之;攻敵, 所以望敵奔沮,不肯進力者矣。若重發明詔,更量賞罰,則軍威必張,賊難可弭。臣聞必不 致令節士無所勸慕,庸人無所畏懾。進而擊賊,死交而賞賒,退而逃散,身全而無罪,此其 之早平、愍征夫之勤悴、乃降明韶、賞不移時。然兵將之勳、歷稔不決、亡軍之卒、晏然在家、 已多載。凡在戎役,數十萬人,三方之師,敗多勝少,跡其所由,不明賞罰故也。陛下欲天下 豈厭久生而樂早死也。利害縣於前,欲罷不能耳。自<u>秦、隴逆節,將歷數年,</u>蠻左亂常,稍 故賞必行,罰必信,使親疏貴賤,勇怯賢愚,聞鍾鼓之聲,見旍旗之列,莫不奮激,競赴敵場。 則畏刑罰,四則避禍難。 士之所難,欲其必死,寧可得也。」後爲吏部郎中。 在軍上疏曰:「凡人所以臨堅陳而忘身,觸白刃而不憚者,一則求樂名,二則貪重賞,三 非此數事,雖聖王不能勸其臣,慈父不能厲其子。明主深知其情,

雄不出,存亡未知。」孝莊曰:「寧失亡而用之,可失存而不用也。」遂除度支尚書。 及余朱榮入洛,河陰之難,人情未安,雄潛竄不出。孝莊欲以雄爲尚書,門下奏曰:「宇

年,死亡者衆,或父或子,辛酸未歇,見存耆老,請假板職,悅生者之意,慰死者之魂;五言喪 罷非時徭役,以紓人命,三言課調之際,使豐儉有殊,令州郡量檢,不得均一,四言兵起歷 後以本官兼侍中、關西慰勞大使。將發,請事五條,一言逋懸租調,宜悉不徵;一言簡

亂旣久,禮儀罕習,如有閨門和穆,孝悌卓然者,宜旌其門閭。莊帝從之,因詔人年七十者

授縣,八十授郡,九十加四品將軍,百歲從三品將軍。

責雄及尚書崔孝芬、劉廞、楊機等曰:「爲臣奉主、匡危救亂。 狩,雄兼左僕射,留守京師。 耽 '寵,急便竄避,臣節安在。']乃誅之。 永熙二年,兼吏部尚書。時近習專恣,雄懼其讒慝,不能守正,論者頗譏之。 永熙末,兼侍中。 帝入關右,齊神武至洛,於永寧寺大集朝士, 若處不諫諍,出不陪隨,緩則 孝武南

二子,士璨、士貞,逃入關中。

尚有舊。伯尚與咸陽王禧同逆,逃竄投纂,事覺,坐免官。 河王懌所賞。至定考,懌曰:「辛騎兵有學有才,宜爲上第。」 雄從父兄纂,字伯將,學涉文史,溫良雅正。初爲兗州安東府主簿,與祕書丞同郡李伯 後爲太尉騎兵參軍,每爲府主清

城,申以盟約。 崩 義宗禽之,入城,因舉酒屬篡曰:「微辛行臺之在斯,吾亦無由建此功也。」 諱至,咸以對敵,欲祕凶問。纂曰:「安危在人,豈關是也。」遂發喪號哭,三軍縞素,還入州 及 |梁將||曹義宗攻新野,詔纂爲||州軍司。||纂善撫將士,人多用命,賊甚憚之。 **尋爲義宗所圍,相率固守。** 孝莊卽位,除兼尚書,仍行臺。 後大都督費穆擊 會孝明

右,豪猾偷竊,境內患之。篡伺捕禽獲,梟於郡市,百姓欣然。篡僑屬洛陽,太昌中,乃爲河 亦北巡,東軍不守,豈卿之過。」轉滎陽太守。 永安二年,元顥乘勝至城下,爲顥禽。 [三]及孝莊還宮,纂謝不守之罪。帝曰:「於時朕 百姓姜洛生、康乞得者,舊是前太守鄭仲明左

蠻台樊大能應西魏,纂攻之不剋而敗,為西魏將獨孤信所害。 司馬子如曰:「吾行途疲弊,宜代吾執河內手也。」尋爲兼尚書、南道行臺、西荆州刺史。時 永熙三年,除河內太守。齊神武赴洛,兵集城下,纂出城謁,神武慰勉之。因命前侍中 贈司徒公。

南邑中正。

雄族祖琛。琛字僧貴。祖敬宗,父樹寶,並代郡太守。

使酒,琛每諫之。 麗後醉,輒令閉閣,曰:「勿使丞入也。」|孝文南征,麗從輿駕,詔琛曰:「委 踩少孤,曾過友人,見其父母無恙,垂涕久之。 釋褐奉朝請、滎陽郡丞。太守元麗性頗

卿郡事,如太守也。」

不問。 人耳。」 景明 琛對曰:「若萬 後 加 中,爲揚州征南府長史。 龍驤將軍、南梁太守。 一叨忝,得一 方正長史,朝夕聞過,是所願也。」崇有慚色。 **崇因置酒謂琛曰:「長史後必爲刺史,但不知得** 刺史李崇,多事產業,踩每諫折,崇不從,遂相糾舉,詔並 卒於官。 上佐 何如

琛寬雅 有度量,涉獵經史,喜慍不形於色。 當官奉法,所在有稱。

長子悠,字元壽,早有器業,爲侍御史,監揚 州軍。 賊平,錄 勳書,時李崇猶爲刺史,欲

寄人名,悠不許。 崇曰:「我昔逢其父,今復逢其子。」早卒。

悠弟俊,字叔義,有文才。 魏子建爲山南行臺,以爲郎中。 有軍國機斷。 還京,於榮陽

爲人所劫害。贈東秦州刺史。俊弟術。

有思 職。 清河 理,百工剋濟。 術字懷哲,少明敏,有識度,解褐司空胄曹參軍。 .父老數百人,詣闕上書,請立碑頌德。 再遷尚書右丞,出爲清河太守, 齊文襄嗣事,與尚書左丞宋游道、中書侍郎 政有能名。 與僕射高隆之共典營構鄴都宮室,術 追授幷州長史,遭父憂 去

李繪等並追詣晉陽,俱爲上客。累遷散騎常侍。

自今所統十餘州地、諸有犯法者、刺史先啓聽報、 東徐州刺史,爲淮南經略使。 武定六年,侯景叛,〔三〕除東南道行臺尚書,封江夏縣男。 還鎭下邳,人隨術北度准者三千餘家。 齊天保元年,侯景徵江 東徐州刺史郭志殺郡守,文宣聞之,敕術: 以下先斷, [西租稅,倘率諸軍度准斷之,燒其稻數 後表聞。 與高岳等破侯景,禽蕭明,遷 齊代行臺兼總 人事,

自術始也。

安州刺史、臨清太守、盱眙日」蘄城二鎮將犯法,術皆案奏殺之。

睢州刺史及所

聞。 部郡守,俱犯大辟,朝廷以其奴婢百口及貲財盡賜術。 邢 卻 聞之,遺術書曰:「昔鍾離意云:孔子忍渴於盜泉,便以珠璣委地。 三辭不見許,術乃送詣所司,不復以 足下今能如此,

可謂

異代一時。」

趙 中,濮陽 壽永昌。」二漢相傳,又歷魏、晉,晉懷帝敗,沒於劉聰,聰敗,沒於石氏,石氏敗,晉穆帝永 璽送鄴,文宣以璽告於太廟。 思賢以璽投景南兗州刺史郭元建,送于術,故術以進焉。 及 王僧辯破侯景,術招攜安撫,城鎭相繼款附,前後二十餘州。 太守戴僧施得之,遣督護何融送于建業,歷宋、齊、梁,梁敗,侯景得之,景敗,侍 此璽即湊所制,方四寸,上紐交盤龍,其文曰:「受命于天,旣 於是移鎭廣陵,獲傳 和

實,新 鄴 限末,文宣嘗令

術選百員官,參選者二三千人,

術題目士子, 密謹厚 以後,大選之職,知名者數四,互 尋徴 舊 ,所傷 参 爲殿中尙書,領太常卿。 學,管庫 者細 ,楊愔風流辯給, 必擢 ,門閥不遺。 一有得 仍與朝賢、議定律令。 取士失於浮華, 考之前後銓衡, 失,未能 盡美。 唯術性尚貞明, 在衛 文襄少年高 遷吏部尚書,食南兗州梁郡幹。遷 最 人無謗讟,其所旌 爲折衷, 朗,所弊也疏 取 甚爲當時所稱 士以才 以器, 擢 ,後亦皆致 ,袁叔德沈 循名 舉

|術清 列 傅 儉寡 第 Ξ 嗜欲,勤於所職,未嘗暫懈,臨軍以威嚴,牧人有惠政。 + 少愛文史,晚更勤學,

八

辛 雄 通

顯。

雖在 還朝,頗以饟遺貴要,物議以此少之。 監、青州 本,鳩集萬餘卷,幷顧、陸之徒名畫,二王已下法書,數亦不少,俱不上王府,唯 戎旅,手不釋卷。 刺 史。 及定
淮南,凡諸
貨物,一毫無犯。 十年卒,年六十。 皇建二年,贈開府儀同三司、中書 唯大收典籍,多是宋、 入私門。 齊、梁時佳 及

子閣卿,尚書郎。

閣卿弟衡卿,有識學,開府參軍事。 隋大業初,卒於太常丞。

術族子德源。 德源字孝基,祖穆,魏平原太守。 父子馥,尚書左丞。

有龍陽之重。 德源沈靜好學,十四解屬文,及長, 齊尚書僕射楊遵彦、殿中尚書辛術皆一時名士,並虛襟禮敬, 博覽書記。 美儀容,中書侍郎裴讓之特相愛好,兼 同舉薦之。

時論鄙 散騎侍 豔, 體調清華。 後為兼員 郎。 之。 後無通直散騎常侍,聘陳。 中書侍郎劉逖上表薦德源 《外散騎侍郎,聘梁使副。 恭愼表於閨門,謙撝著於朋執。 一弱齡好古,晚節逾厲,枕藉六經,漁獵 及還,待韶文林館,位中書舍人。 德源本貧素,因使,薄有資裝,遂餉執事,爲父求贈 實後進之辭人,當今之雅器。 百氏。 由是除員外 文章綺

|齊滅,仕周爲宣納上士。 因取急詣相州,會尉遲迥起逆,以爲中郎,德源辭不獲免,遂

隋受禪,不得調者久之。隱林慮山,鬱鬱不得志,著幽居賦以自寄。 素與武陽太守盧

思道友善,時相往來。 魏州刺史崔彦武奏德源潛爲交結,恐有姦計,由是謫令從軍討南寧。

注春秋三傳三十卷,注揚子法言二十三卷。 及還, 秘書監牛弘以德源才學顯著, 奏與著作郞王劭同修國史。 蜀王秀奏以爲掾,轉諮議參軍,卒官。 德源 每於務隙撰集, 有集一

十卷,又撰政訓、內訓各二十卷。有子素臣。

德源從祖兄元植,齊天保中,司空司馬。 學涉,有名聞於世。

德源族叔珍之,少有氣俠,歷位北海太守,後行平州事,卒於州。 贈驃騎大將軍、洛州

刺史、諡曰恭。

子慤,武定末,開府鎧曹參軍。

楊機字顯略,天水冀人也。 祖伏恩,徙居洛陽,因家焉。

賢、吾旣委得其才,何爲不可。」由是聲名更著。 曰:「弗躬弗親,庶人弗信,何得委事於機,高臥而已。」暉曰:「吾聞君子勞於求士, 機少有志節,爲士流所稱。 河南尹李平、元暉,並召署功曹。 時皇子國官多非其人,詔選淸直之士,機見 暉尤委以郡 逸於任 或謂 暉

識其名姓,幷記其事理。 舉爲京兆王愉國中尉,愉甚敬憚之。後爲洛陽令,京輦伏其威風。 歷司州別駕、淸河內史、河北太守,並有能名。 訴訟者一 永熙中,除度支尚 經其前,後皆

與辛雄等並爲齊神武所誅。 機方直之心,久而彌厲,奉公正己,爲時所稱。 家貧無馬,多乘小犢車,時論許其清白。

高恭之字道穆,自云遼東人也。 祖潛,獻文初,賜爵陽關男。 韶以沮渠牧犍女賜潛爲

妻,封武威公主,拜駙馬都尉。

痛 吏人畏其威風,發擿不避强禦,縣內肅然。 本生絕胤,遂以崇繼牧犍後,改姓沮渠。 <u> 父</u>崇,字<u>積善,少聰敏,以端謹稱。</u> 家資富厚,而崇志尙儉素。 卒,贈滄州 景明中,啓復本姓,襲爵,除洛陽令。 刺史、諡曰成。 初,崇舅氏坐事誅,公主 爲政淸斷,

史中尉元匡高選御史,道穆奏記求用於匡,匡遂引爲御史。 心立行,貴於見知,當使夕脫羊裘,朝佩珠玉。 道穆以字行於世,學涉經史,所交皆名流儁士。 若時不我知,便須退迹江海, 幼孤, 事兄如父。 毎謂人曰:「 自求其志。」御 人生厲

法,逼買人宅,廣 發其贓貨。 其所 糾擿,不避權豪。 **尒朱榮討蠕蠕,道穆監其軍事,榮甚憚之。** 、興屋宇,皆置鴟尾,又於馬埓堠上爲木人執節。 正光中,出使相州。 前刺史李世哲,卽尚書令崇之子,多有非 蕭寶夤西征,以爲行臺郎中,委以軍 道穆繩糾,悉毁去之,幷表

黄門計 遠近, 移謂 具, 關 詣 機之事 除御史中尉,仍兼黃 中 城侯,除太尉長史,領中書舍人。及元顥 可 ·殘荒,請車駕北度,循河東下,帝然之。 後屬兄謙之被害,情不自安,遂託身於孝莊。 於是四方知乘輿所在。 謂養虺成蛇, 社 稷 不安, 百萬之衆,輔天子而令諸侯, 可為 門 悔無及矣。」榮深然之。 於勸其酒,令醉。」際因陳其作監軍時,臨事能決,至實可任用,尋 尋除給事黃門侍郎、安喜縣公。 逼武牢,或勸帝赴關西者,帝以問道穆,道穆言 其夜到河內郡 及孝莊反政,因宴次謂介朱榮曰:「前若不用高 此桓、文之舉也。 孝莊時爲侍中,深相保護。及卽位,賜爵 北, 於時众朱榮欲迴師待秋,道 帝命道穆燭下作詔書,布告 今若還師,今顥 重完守

御史,皆當世名輩,李希宗、李繪 道穆 於時用錢稍薄,道穆表曰:「百姓之業,錢貨爲本,救弊改鑄,王政所先。 外執直繩,內參機密,凡是益國利人之事,必以奏聞。 、陽休之、陽斐、封君義、邢子明、蘇淑、宋世良等三十 諫爭盡言,無所顧憚。 自 頃以來,私 人。 選用

列傳第三十八 高道穆

設 餘,其中人功、食料、錫炭、鉛砂,「台縱復私營,不能自潤。直置無利,自應息心,況復嚴刑廣 今據古,宜改鑄大錢,文載年號,以記其始。 漢文帝以五分錢小,改鑄四銖。至武帝復改三銖爲半兩。 薄甚榆莢,上貫便破,置之水上,殆欲不沈。因循有漸,科防不切,朝廷失之,彼復何罪。昔 之以深利,又隨之以重刑,得罪者雖多,姦鑄者彌衆。 也?以臣測之,必當錢貨永通,公私獲允。」後遂用楊侃計,鑄永安五 「薄濫,官司糾繩,挂網非一。 在市銅價,八十一文得銅一斤,私鑄薄錢,斤餘二百。 則一斤所成,止七十六文。 今錢徒有五銖之文, 而無二銖之實, 此皆以大易小,以重代輕也。 蛛錢。 銅價至賤,五十有

落,可令道穆總集帳目,幷牒儒學之士,編比次第。」 免冠謝, 帝曰:「朕以愧卿,卿反謝朕!」尋敕監儀注。 所行者公事,豈可私恨責之也。」道穆後見帝,帝曰:「一日家姊行路相犯,深以爲愧。」 道穆 執赤棒卒呵之不止,道穆令卒棒破其車。公主深恨,泣以訴帝。 僕射尒朱世隆當朝權盛,因內見,衣冠失儀,道穆便卽彈糾。 又韶:「祕書圖籍及典書緗素,多致零 帝曰:「高中尉清直人,彼 帝姊壽陽公主行犯清路,

容有愛憎,姦猾之徒,恒思報惡,多有妄造無名,共相誣謗。御史一經檢究,恥於不成,杖木 見御史出使,悉受風聞,雖時獲罪人,亦不無枉濫。 道穆又上疏曰:「高祖太和之初,置廷尉司直,論刑辟是非,雖事非古始,交濟時要。 何者? 得堯之罰,不能不怨,守令爲政,

阿曲 取敗 覆問 肅。 罪吞聲者矣。」詔從之,復置司直 尉,令知 直十人,名隸 之下,以虛爲實。 若仍 一有不 事訖,與御史俱還。 ,不得稱枉。 人數。 更踵 ·盡理,聽罪家詣門下通訴,別加案檢。 廷尉,秩以五品,日選歷官有稱,心平性正者爲之。 「前失,或傷善人,則尸祿之責,無所逃罪。 廷尉遣司直與御史俱發,所到州郡,分居別館。 若御史、司直糾劾失實,悉依所斷獄罪之。 無罪不能自雪者,豈可勝道哉!臣雖愚短,守不假器,繡衣所指,冀以淸 中尉彈聞,廷尉科案,一如舊式。 如此則肺石之傍,怨訟可息,藂棘之下,受 如臣鄙見,請依太和故事,還置 庶使獄成罪定,無復稽寬,爲 聽以所檢,迭相糾發。 御史檢了,移付司直。 御史若出 「糾劾,即移 如二使 司 廷 直 悪 司

卿李苗 外託 隆以其忠於前 欲 以 其 子 征 及 、親黨 士鏡襲爵,為北豫州刺史。 · 余朱榮死,帝召道穆,付赦書,令宣於外。 蠻 斷橋之計,世隆等於是北道。 而 爲御史,故有此詔。 帝恐 朝,遂害之。 北 軍 不利,欲爲南巡之計。 太昌 中 ·,贈車騎大將軍 道穆兄謙之。 加衞將軍、大都督,兼尚書右僕射、南道 未發,會介朱兆 謂曰:「今當得精選御史矣。」先是際等常 、、儀同三司、雍州刺史。 入洛,道穆慮禍,託病去官。世 大行臺。 叉 〈贊成 時雖 太府

謙之字道讓,少事後母以孝聞。 專意經史,天文、算歷、圖緯之書,多所該涉。 好文章,

留心老、易。襲父爵。

史,亦有能名,世美其父子兄弟並著當官之稱。 家,各得其本物,具以狀告。尋正河陰令。在縣二年,損益政體,多爲故事。時道穆爲御 私議者。 必得以聞。 孝昌中,行河陰令。先是有人囊盛瓦礫,指作錢物,詐市人馬,因而逃去。 有二人相見忻然曰:「無復憂矣」,執送案問,悉獲其黨。并出前後盜處,失物之 謙之乃爲枷一囚,立於馬市,宣言是前詐市馬賊,今欲刑之。 密遣腹心,察市中 詔令追捕,

高祖 濟? 支屬,戚里親媾,縲紲所及,舉目多是。皆有盜懀之色,咸起惡上之心。縣令輕弱,何能 付外量聞 歛手,無敢干政。 以 無庸,謬宰神邑,實思奉法不撓,稱是官方。 先帝昔發明韶,得使面陳所懷。臣亡父先臣崇之爲洛陽令,常得入奏是非,所以朝 一、愚臣 舊制,二縣令得面陳得失,時佞幸之輩,惡其有所發聞,遂共奏罷。 謙之乃上疏曰:「臣 亦望策其駑蹇,少立功名。 近年已來,此制遂寢,致使神宰威輕,下情不達。今二聖遠遵堯、舜,憲章 乞行新典, [公] 更明往制, 庶姦豪知禁, 頗自屏心。」 詔 酬朝廷無貲之恩,盡人臣守器之節。但豪家

謙之又上疏,以爲「自正光以來,邊城屢擾,命將出師,相繼於路。 但諸將帥,或非其

微甄 役,不復 年之後,走者更多。 不可 使讒諂甘心,忠讜息義。 有淸貞奉法不爲回者,咸共譖毁,橫受罪罰。 多闕,賊虜何可殄除?忠貞何以勸誡也? ,多遣親者,妄稱入募,唯遣奴客充數而已。 侮。 則還者必衆,墾田增闢,數年之後,大獲課入。今不務以理還之,但欲嚴符切勒,恐數 顧其桑井,憚此刑書。 此 乃千載共遵,百王一致。 故有國有家者,不患人不我歸,唯患政之不立,不恃敵不我攻,唯恃吾 且頻年以來,多有徵發,人不堪命,動致流離,苟保妻子,競逃王 正由還有必困之理,歸無自安之路。 伏願 且近習侍臣,戚屬朝士,請託官曹,擅作威福。 少垂覽察」。 對寇臨敵,略不彎弓。則是王爵虛加,征夫 在朝顧望,誰肯申聞。蔽上擁下,虧 靈太后得其疏,以責左右近侍,諸寵 若聽歸其本業,徭役 風損政, 如

對其 行曆多未 之,稱佛是九流 以 父舅氏 見不 謙之與 **撻其父母,生三子便免其一世。** 盡善,乃更改元修撰,戶為爲一家之法。 沮渠蒙遜曾據涼土, 袁翻 之一家。 、常景、酈道元、溫子昇之徒,咸申款舊。 當世名流,競以佛理來難,謙之還以 國書漏闕, 乃修涼書十卷,行於世。 無髠黥奴婢,常稱:「俱稟 雖未行於世 好施贍恤、言諾無虧。 一識者歎其多能 佛義對 涼國 人體, 之, 竟不能屈。 |盛事 如 何 佛道, 殘害?」謙之 居家僮隸, 爲 以時所 論貶

要者

曲

是疾之。

乃啓太后,云謙之有學藝,除爲國子博士

時 朝 列 議 傳 **路**鑄錢, 第 Ξ + 以謙 八 之爲鑄錢都將長史,乃上表求鑄三銖錢日 高 道 穆

錢,以一當五。王莽攝政,錢有六等:大錢重十二銖,次九銖,次七銖,次五銖,次三銖, 帝五年,復爲四銖。 孝武時悉復銷壞,更鑄三銖。 至元狩中,變爲五銖。 鑄大錢,一當千。輕重大小,莫不隨時而變。 次一銖。魏文帝罷五銖錢,至明帝復立。孫權江左鑄大錢,一當五百。權赤鳥年,復 至景王時,更鑄大錢。秦兼海內,錢重半兩。漢興,以秦錢重,改鑄楡莢錢。至文 蓋錢貨之立,本以通有無,便交易,故錢之輕重,世代不同。太公爲周置九府圜 又造赤仄之

豐,上林饒積。外關百蠻,內不增賦者,皆計利之由也。 國,興利之計,納稅廟堂,市列権酒之官,邑有告緡之令,鹽鐵旣興,錢幣屢改,少府遂 身使臂者矣。昔漢之孝武,地廣財饒,外事四戎,遂虛國用。於是草茅之臣,出財助 海內之富,莫不腐紅粟於太倉,藏朽貫於泉府,儲畜旣盈,人無困弊,可以寧謐四海,如 竊以食貨之要,八政爲首,聚財之貴,詒訓典文。是以昔之帝王,乘天地之饒,御

以錢大,政衰不以錢小,唯貴公私得所,政化無虧,旣行之於古,亦宜效之於今矣。昔 郡淪敗,人物彫零,軍國用少,別鑄小錢,可以富益,何損於政,何妨於人也。且政興不 秋,桑兒言利之日。夫以西京之盛,錢猶屢改,並行大小,子母相權,況今寇難未除,州 今羣妖未息,四郊多壘,徵稅旣煩,千金日費,倉儲漸耗,財用將竭,誠楊氏<u>獻稅之</u>

禹遭大水,以歷山之金鑄錢,救人之困。 今百姓窮悴,甚於曩日,欽明之主,豈得垂拱而觀之哉。臣今此鑄,以濟交乏,五銖之 湯遭大旱,以莊山之金鑄錢,贖人之賣子者。

韶將從之,事未就,會卒。

錢,任使並用,行之無損,國得其益。

尉。 是世哲弟神軌爲靈太后深所寵任,會謙之家僮訴良,神軌左右之,入諷尙書,判禁謙之於廷 時將赦,神軌乃啓靈太后,發詔於獄賜死。 永安中,贈營州刺史,諡曰康。 初,謙之弟道穆,正光中爲御史,糾相州刺史李世哲事,大相挫辱,其家恒以爲憾。至 又除一子出身,以明寃屈。 朝士莫不哀之。 所著文章百餘篇,別有集

謙之弟謹之,字道脩。 父崇旣還本姓,以謹之繼沮渠氏。

蘭根等固執懷言,遂立孝武帝。 避席曰:「廣陵王雖爲永朱扶戴,當今之聖主也。」神武將從之,時黃門崔懷議不同,高乾、魏 專除太僕卿。及<u></u>
众朱世隆等誅,齊神武召文武百司,下及士庶,議所立,莫有應者。 **綦儁字檦顯,河南洛陽** 人也。 及帝入關,神武深思儁言,常以爲恨。 其先居代。 備孝莊時仕,累遷爲滄州刺史,甚爲吏人畏

奏之。 錢物。 拔勝皆與友善。性多詐,賀拔勝出鎭荆州,過儁別,因辭儁母,儁故見敗氈弊被,勝更遺之 尋除御史中尉,於路與僕射賈顯度相逢,顯度恃勳貴,排儁騶列倒,儁忿見於色,自入 後兼吏部尚書,復爲滄州刺史。徵還,兼中尉,章武縣伯。尋除殷州刺史,薨於州。贈 尋加散騎常侍、驃騎大將軍、左光祿大夫、儀同三司。儁佞巧,能候當塗,斛斯椿、賀

子洪寔字巨正,位尚書左右郎、魏郡邑中正。嗜酒好色,無行檢,卒官。

司空公,諡曰文貞。

五石,爲奏事中散。從獻文獵方山,有兩狐起於御前,詔强射之,百步內,二狐俱獲。位內 山偉字仲才,河南洛陽人也。其先居代。祖强,美容貌,身長八尺五寸,工騎射,彎弓

行長。父幼之,[10]位金明太守。

武門,其妻從叔爲羽林隊主,撾直長於殿門,偉卽劾奏。匡善之,俄然奏正,帖國子助敎,遷 **偉涉獵文史,孝明初,元匡爲御史中尉,以偉兼侍御史。入臺五日,便遇正會,偉司神**

員外郎、廷尉評。

時天下無事,進仕路難,代遷之人,多不霑預。 及六鎭、隴西二方起逆,領軍元叉欲用

|代來寒人爲傳詔,以慰悅之。而牧守子孫投狀求者百餘人,叉因奏立勳附隊,令各依資出 身,自是北人,悉被收敍。偉遂奏記,贊叉德美。叉素不識偉,訪侍中安豐王延明、黃門郎 元順,順等因是稱薦之。叉令僕射元欽引偉兼尚書二千石郎,後正名士郎,修起居注。 僕

射元順領選,表薦為諫議大夫。

之歎曰:「此輩緣業,同日而死。」謂偉曰:「君方近天子,當作好官。」而昇等四人皆於河陰遇 儀曹郎袁昇、屯田郎李延考、外兵郎李奐、三公郎王延業方駕而行,偉少居後,路逢一尼,望 先是偉與

男爵。 驃騎 顯密埋史書,故不遺落。偉自以爲功,訴求爵賞。偉挾附世隆,遂封東阿縣伯,而法顯止獲 害,果如其言。 大將軍、開府儀同三司、都督、幽州刺史、諡曰文貞公。 **障尋進侍中,孝靜初,除衞大將軍,中書令,監起居。後以本官復領著作,卒官。贈** 領著作郎,節閔帝立,除秘書監,仍著作。初,尒朱兆入洛,官守奔散,國史典書高法

籍。自己守舊而 上黨王 或 [史自鄧彥海、崔深、CII]崔浩、高允、李彪、崔光以還,諸人相繼撰錄。 綦儁及偉等諂 天穆及介朱世隆,以爲國書正應代人修緝,不宜委之餘人,是以儁、偉等更主大 已,初無述著,故自崔鴻死後,迄終偉身,二十許載,時事蕩然,萬不記一。後

列

人執筆,無所憑據,史之遺闕,偉之由也。

代人為黨,時賢畏惡之。而愛尙文史,老而彌篤。偉弟少亡,偉撫寡訓孤,同居二十餘載, 恩義甚篤。不營產業,身亡之後,賣宅營葬,妻子不免飄泊,士友歎愍之。長子昂襲爵。 外示沈厚,內實矯競。與綦儁少甚相得,晚以名位之間,遂若水火。與宇文忠之之徒

宇文忠之,河南洛陽人也。其先南單于之遠屬,世據東部,後居代都。 父侃,卒於書侍

御史。

侮忽之,以忠之色黑,呼爲「黑宇」。後敕修國史。元象初,兼通直散騎常侍,副鄭伯猷,使 忠之涉獵文史,頗有筆札,釋褐太學博士。天平初,除中書侍郎。裴伯茂與之同省,常

梁。武定初,爲尚書右丞,仍修史。未幾,以事除名。

丞職,大爲忻滿,志氣囂然,有驕物之色。識者笑之。旣失官爵,怏怏發疾,卒。子君山。 忠之好榮利,自爲中書郞六七年矣,遇尚書省選右丞,預選者皆射策,忠之試焉。旣獲

費穆字朗興,代人也。 祖于,位商賈二曹令、懷州刺史,賜爵松陽男。 父萬襲爵,位梁

州鎮將、三點冀州刺史。

史皇甫集,靈太后之元舅,恃外戚之親,多爲非法。穆正色匡諫,集亦憚之。 穆性剛烈,有壯氣,頗涉文史,好尚功名。 宣武初,襲爵,稍遷涇州平西府長史。 時刺

谷,使羸步之衆爲外營,以誘之。賊騎覘見,俄而競至,伏兵奔擊,大破之。 穆謂其所部曰:「夷狄獸心,見敵便走,若不令其破膽,終恐疲於奔命。」乃簡練精騎,伏於山 復叛,入寇凉州。除穆兼尚書右丞、西北道行臺,仍爲別將,往討之。穆至凉州,蠕蠕遁走。 後蠕蠕主婆羅門自涼州歸降,其部衆因飢侵掠邊邑,詔穆銜旨宣慰,莫不款附。 明年

州 之衝,賊之咽喉,若不全,則幷、肆危,選將鎭捍,僉議舉穆。 崇乃請穆爲朔州刺史。 走,投尒朱榮於秀容。旣而詣闕請罪,詔原之。孝昌中,以都督討平二絳反蜀,拜散騎常 刺史。穆招離聚散,頗得人心,北境州鎮皆沒,唯穆獨存。久之,援軍不至,穆乃棄城南 後妖賊李洪於陽城起逆,連結蠻左,詔穆兼武衞將軍擊破之。 及六鎮反叛,穆爲別將,隸都督李崇北伐。都督崔暹失利,崇將議班師,以朔州是白道 尋改雲

穆潛說榮曰:「公士馬不出萬人,長驅向洛,前無橫陳者,政以推奉主上,順人心故。 今 及介朱榮向洛,靈太后徵穆,令屯小平。榮推奉孝莊,穆遂先降。榮素知穆,見之甚

列

第三十八

字文

忠之

登 穆

榮入洛,穆爲吏部尚書、魯縣侯,進封趙平郡公。 之日,恐不得度太行而內難作矣。」口曰條心然之,於是有河陰之事。 以京師之衆,百官之盛,一知公之虚實,必有輕侮之心。 爲侍中、前鋒大都督,與大將軍元天穆討 若不大行討罰, 天下聞之,莫不切齒 更樹親黨,公還北

平邢杲。

穆遂降顥。 時元顥入京師,穆與天穆旣平齊地,將擊顥。 願以河陰酷濫,事起於穆,引入詰讓,殺之。 穆圍武牢,將拔,屬天穆北度,旣無後繼, 孝莊還宮,贈侍中、司徒公,諡曰武

明解 大鴻臚卿,卒。 北人語,敕在著作,以備推訪。 孟威字能重,河南洛陽人也。 贈司空公。 子恂嗣。 頗有氣尙,尤知北土風俗。 累遷沃野鎭將。 前後頻使遠藩,粗能稱旨。 歷東宮齋帥、羽 林監。 普泰中、除 後以

論 日辛雄吏能歷職,琛以公方行己,懷哲體有淸監,德源雅業無虧,並素門之所得也。

楊機淸斷在公。 而雅道蔑聞。 費穆出身効力,功名著矣,末路一言,禍延簪帶,其死也宜哉 道穆兄弟有政事之用。 **綦儁遭逢受職。山偉位行頗爽。忠之雖文史足用,** 一」孟威以方言陳

校勘記

力,其勤亦可稱矣。

逢北溝求救 征韶云:「北清懸危,南陽告急。」所指即辛雄 <u> 通志卷一五一辛雄傳「溝」作「渣」。按魏書卷九肅宗紀孝昌元年十二月載孝明親</u> 與元彧所參加的此次戰役。「北溝」、「北渣」疑並 是

南南陽之北,正在本傳裝衍進軍的鷗路上。

魏書地形志下荆州有北淸郡,

錢氏考異卷三〇考証言當爲「北清」。

其他在今河

「北淯」之訛。

ヘニ 永安二年元顥乘勝至城下爲顥擒 州 「中郎將」上脫「東」字。 指虎牢城。 ☆朱世隆傳:「元顥逼大梁」韶爲前將軍、都督,鎭虎牢。 卒至城下,介朱世隆狼狽退還,城內空虛,遂爲顯擒。」下文又有「還鎭虎牢」語。 魏書卷七七至纂傳,上文有「尋除平東將軍、中郞將」等語, 虎牢是北魏東中郎將的治所。 、北史則在「永安」前當脫「尋除平東將軍、東中郞將」等語。 按此 城 辛纂乃是遷東中郎將後, 承上文似指荆州的治所穰城。 題既克榮陽 然後云:「永安二年,元顥 一世隆懼而宵遁。」則此城乃 在虎牢為元顥所擒。 但元顥入洛,不由荆 據本書卷四八 **{魏** 乘勝

列

傳第

三

+

八

孟威

校勘記

- 武定六年侯景叛 按魏書卷一二、本書卷五東魏孝靜紀、 本書卷六齊文襄紀,侯景叛東魏在武
- 定五年正月,此作「六」年,誤。
- 盱眙 蓄本作「盱台」,據北齊書卷三八補辛術傳改。 魏書地形志中淮州、隋書地理志下江都郡

並作「盱眙」。

垂 卷七七 樂因陳其作監軍時臨事能決 高崇附子恭之傳云:「樂對曰: 臣本北征蠕蠕, 諸本「樂因」作「因樂」, 通志卷一五一高恭傳作「榮因」。 高黄門與臣作監軍, 臨事能決,實可任 按魏書

用。」則是介朱榮因莊帝命之勸酒而陳說舊事, 並非高恭之因众朱榮以陳述功績。 通志是,

據乙。

ハベン 錫炭鉛砂 諸本「鉛」作「松」、魏書作「鈆」、通志作「鉛」。 按「鈆」即「鉛」、爲鑄錢原料。 作「松」

誤,今據改。

- - 名隸廷尉秩以五品 諸本脫「秩」字,據魏書補。 大理司直班在從五品, 見隋書百官志中。
- 乞行 新 典 魏書高崇附子謙之傳作「乞新舊典」。 按高謙之是請恢復舊制、魏書是。
- [九] 乃更改元修撰 諸本「修」下衍「者」字,據魏書删。
- **父幼之** 魏書卷八一山偉傳「幼」作「稚」、北史避唐諱改。
- 崔深 魏書「深」作「琛」。按本書卷二一、魏書卷三五崔浩傳,本書卷四〇、魏書卷六二李彪傳、

[1] 是以儁偉等更主大籍 諸本「儁」誤作「纂」,據魏書改。

二 位梁州鎭將 魏書卷四四費于傳「州」作「國」。按魏書地形志中南兗州梁郡註云:「漢高帝爲

梁國,後改,治梁國城。」梁國鎮將當即鎮梁國城。 他處亦作「梁城鎭將」。 疑作「州」誤。

恐不得度太行 而內難作矣 諸本「作」訛作「行」,據魏書費于傳改。

北史卷五十一

列傳第三十九

齊宗室諸王上

趙郡王琛 子叡 清河王岳子勒 廣平公盛 陽州公永樂

襄樂王顯國 上洛王思宗 子元海 弟思好

平秦王歸彦 兄子普 長樂太守靈山 神武諸子

時年二十三。贈太尉、尚書令,諡曰貞。|天統三年,[1] 又贈假黃鉞、左丞相、太師、錄尚 書事,進爵爲王。 府政事。一天平中,除御史中尉,正色糾彈,無所回避,遠近肅然。尋亂神武後庭,因杖而斃, 史、六州大都督,甚有聲譽。及斛斯椿等釁結,神武帥師入洛陽,以晉陽根本,召琛留總相 趙郡王琛字元寶,齊神武皇帝之弟也。少便弓馬,有志氣。封南趙郡公,累遷定州刺 配享神武廟廷。子叡嗣。

從婚冠,彌用感切。」言未卒,嗚咽不自勝,文襄爲之憫然。勵之勤學,常夜久方罷 **幷敕左右,不許進水,雖絕淸漱,午輒不肯食,由是神武食必呼與同案。神武崩,哭泣嘔血。** 及壯,將婚,貌有戚容。。文襄謂曰:「我爲爾娶鄭述祖女,何嫌而不樂。」對曰:「自痛孤遺,方 后殷勤敦譬,方漸順旨。居喪長齋,骨立,杖而後起。神武令常山王與同臥起,日夜喻之。 歔欷。十歲喪母,神武親送至領軍府,爲發哀,舉聲殞絕,三日水漿不入口。神武與武明太 謂平秦王曰:「此兒至孝,吾子無及者。」遂爲休務一日。叡讀孝經,至「資於事父」,輒流涕 和中、襲爵南趙郡公。年至四歲、未嘗識母。其母魏華陽公主也、日其從母姊鄭氏戲謂曰: 有所生,欲得暫見。」神武驚,命元夫人至,就宮見之,叡前跪拜,因抱頸大哭。神武甚悲傷, 「汝是我姨兒,何倒親游氏。」叡因訪問,遂失精神。神武疑其感疾,叡曰:「兒無患苦,但聞 叡小名須拔,幼孤,聰慧夙成,特爲神武所愛,養於宮中,令游娘母之,恩異諸子。

咸謂一時之要。 叡對之歎曰:「三軍皆飲溫水,吾何義獨進寒冰!」 遂至銷液,竟不一嘗,兵 中屏蓋扇、親與軍人同勞苦。定州先常藏冰、長史宋欽道以叡冒熱、遣倍道送冰、正遇炎盛、 爲定州刺史、六州大都督,時年十七,稱爲良牧。六年,詔叡領兵監築長城,于時六月,叡途 |文宣受禪,進爵爲王。||叡身長七尺,容儀甚偉,閑習東事,有知人之鑒。||天保二年,出

人 咸 悦。 先是役 [罷,任其自歸,丁壯先返,羸弱多致僵殞。 叡於是親帥營伍,强弱相持, 賴

全者十三四焉。

書省 處 帝從容謂 禱 分 而 八 年 理 掘 常山 衆 ,除都督、北朔州刺史。 井,泉源 事 仍 王演等曰:「由來 湧 開府置佐史。 出,至今號 亦有如 日 文宣特崇其選、除叡侍中、攝 趙郡王泉。 叡撫慰新遷,量置烽戍,備有條法,大爲兵人所安。 此長史不?」 九年,濟南以太子監國,因立大 大都督府長史。 都督府, 叡後因 「侍宴, 與尙 無水

父琛假 錄 隆冬盛寒 尙 書 黄鉞, 建 事 叡 初 兼幷州 母 跣步號哭,面皆破裂,嘔血數升。 元氏 贈趙郡王妃、諡曰 事。 孝昭 帝 臨崩, 貞昭,華陽長公主 預受顧託,奉迎武成於鄴,拜尚書令。 及還,不堪參謝。 一如故。 有司 帝親就第看問,拜司空、攝 備禮 儀,就墓拜授。 天統 中,追 贈 時

突厥 六軍 孝先持重 乃鋪 答問 氊 進 加 以 止,並令取叡 三年,周 ,不與賊戰,自晉陽失道,爲虜所屠,無遺類焉。 度。 人曰:「爾言齊亂 胡馬 師及突厥至幷州,武成戎服,將以宮人避之,叡叩馬諫,乃止。 寒瘦,膝已下皆無毛,比至長 節度,而使段孝先 ,故來伐之,今齊人眼 總 焉。 帝與宮人被緋甲, 入城, 中 亦有 死 且 鐵,何可 盡, 斛律光自三堆還,帝以遭大寇,抱 乃截 當 登故 稍 邪 杖 一乃還,至 北城 之以 以望, 歸。 脛嶺 是役 帝 軍營甚整。 親 也,段 凍滑, 御戎,

列

傅

第

 \equiv

+

九

齊

宗

室

諸

王

上

典朝政、譽望日隆、漸被疏忌,乃撰古忠臣義士、號曰要言,以致其意。 以叡爲能,加尙書令,封宣城郡公,拜太尉,監五禮。〔三〕晚節頗以酒色爲和士開所構。 (頭哭。 任城王湝進曰:「何至此」乃止。光面折孝先於帝前曰:「段婆善爲送女客。」於是 叡久

臂丈餘,當門向牀,以臂壓叡,良久遂失。甚惡之,起坐歎曰:「大丈夫運命一朝至此」,且欲 叡,叡正色曰:「今論國家大事,非爲卮酒。」言訖便出。 其夜,叡方寢,見一人長可丈五尺, 大霧三日,朝野寃惜之。其年,詔聽以王禮葬,竟無贈諡 執之彌固。 至殿門,又有人曰:「願勿入。」叡曰:「吾上不負天,死亦無恨。」入見太后,太后復以爲言,叡 入朝,妻子咸諫止之。叡曰:「社稷事重,吾當以死効之,吾寧死事先皇,不忍見朝廷顯沛。」 内。」 **并入奏太后,因出**士開爲兗州刺史。 太后欲留過 百日, 叡正色不許。 太后令酌酒賜 武成崩,葬後數日,叡與馮翊王潤、安德王延宗及元文遙奏後主云:「和士開不宜仍居 出至永巷,被執送華林園,四於雀離佛院令劉桃枝拉殺之,三時年三十六。

子整信嗣,好學有行檢,位儀同三司,後終於長安。

中 贈假黃鉞、大將軍、太傅、太尉、錄尚書事,諡孝宣公。

武後起兵於信都, 筮,遇乾之大有。 止岳舍。 居幼孤貧,人未之知,長 岳 母 山氏嘗夜起,見神武室中無火 占者曰:一言,易稱『飛龍在天,大人造也』,貴不可言。」山氏歸報神武。 山氏謂岳曰:「赤光之瑞, 而敦直,姿貌嶷然,深沉 今當驗矣,汝可從之。」居遂往信都,神武見之 而有光, 有器量。 移於別室, 如前所見。 初居洛邑,神武每使入洛,必 怪之,詣卜者 神

武憂 大悅。 晉陽 后。 武 授使持節 因 岳 天 一之,每日遣 天平二年,除侍中、六州軍事都督,尋加開府。 及 破 、戰於韓陵、神武將中軍,高昂將左軍,岳將右軍。 與侍 賊。 、六州大都督、冀州六中 中孫騰等京師輔 以 人勞勉。 功除衞將軍、左光祿大夫,封淸河 尋起復本位,歷冀曆二州刺史、西南道大都督,有綏 政。 谟 岳性至孝,母疾,衣不解帶。 俄拜京畿大都督, 郡公。 岳辟引時賢, 中軍敗、岳舉麾大呼、横衝賊陣、神 其六州事悉隸京畿。 母山氏 及遭喪去職,哀毀骨立 封郡君,授女侍中,入侍皇 以爲僚屬, 論者美之。 邊之稱。 時神武統 一,神 務 萪

破之。 |岳總諸| 及 神 軍 以功除太尉。 南 武 討, 崩, 與行臺慕容紹宗擊破 侯景叛, 又統慕容紹宗、劉監等攻王思政於長社,岳引洧水灌城。 梁武 乘間 遣其貞陽侯明於 明 禽之。 景仍於渦陽與 寒山 擁泗 水 左衛將軍 灌 彭 城 與景為 劉豐 等 掎 相 持 角聲援。 岳叉

八四七

列

爲思政所 獲 ,西魏出兵援思政,岳內外防禦,城不沒者三板。 會文襄親臨,數日剋城,獲思

以功別封眞定縣男。文襄以爲己功,故賞典不弘。

年,加太保,尋爲西南道大行臺,統司徒潘相樂等救江陵。 文襄崩,文宣出撫晉陽,令岳以本官兼尚書左僕射,留鎭鄴。 天保初,進封淸河郡王

師次義陽,四魏克荆州。

地,克野州,獲梁野州刺史陸法和,送鄴。詔岳旋師。

五

其姊 年三十四。[六] 韶大鴻臚護喪事,贈太宰、太傅、假黃鉞、給輼輬車,諡曰昭武。 也。」帝益 無闕 擊鍾,諸王皆莫及。初,高歸彥少孤,神武令岳撫養。輕其年幼,情禮甚薄,歸彥內銜之。 及歸彥爲領軍,岳謂其德己,更倚仗之。 莊嚴寺。 耳。 也。 | 岳自討寒山、長社及出隨、陸,並有功,威名彌重。 |怒,使高歸彥就宅賜以鴆。|岳曰:「臣無罪。」|彥曰:「飮之」」飮而薨。 帝縣薛氏姊而鋸殺之,讓后,以爲姦人女。后曰:「臣本欲取之,嫌其輕薄,非姦 帝後夜行,見壯麗,意不平。仍屬帝召鄴下婦人薛氏入宮,而岳先嘗迎之至宅,由 歸彥密構其短,奏岳造城南大宅,僭擬爲永巷,但 性華侈,尤悅酒色,歌姬舞女,陳鼎 朝野惜之,時 敕以城南宅

相 任,不許。」文宣時,亦頻請納,又不許。將薨,遺表謝恩,幷請上甲。葬畢,方許納焉。 初,岳與神武經綸天下,家有私兵戎器,儲甲千餘領。 文襄末,岳表求納之,文襄推心

建中,配享文襄廟庭。 後歸彥反,武成知其前譖,以歸彥良賤百口贈岳家。 贈岳太師、太

保、餘如故。子勱。

書、開府儀同三司,改封安樂侯。「も」性剛直, 勘字敬德,幼聰敏,美風儀,以仁孝聞。 有才幹,斛律光雅敬之,每征伐則引爲副。 七歲襲爵淸河王,十四爲靑州刺史,歷祠部尚 遷

侍中、尚書右僕射。

不自勝,帝爲改容。授開府儀同三司。 從,遂棄鄴東遷。勵恒後殿,爲周軍所得。 品已上家累,悉置三臺上,四角之曰:若戰不捷,則燒之。 侵,朝貴多叛,正由此輩弄權。 若今日殺之,明日就誅,無恨。」 文殊甚愧之。 救之,乃得釋。 及後主爲周師所敗,勱奉太后歸鄴。 劉文殊竊謂勵曰:「子溢之徒,言成禍福,何得如此」」勵攘袂曰:「今西軍日 時宦官放縱,儀同苟子溢尤幸,勵將斬以徇,太后 武帝與語,大悅,因問齊亡所由,勱發言流涕,悲 此輩必死戰,乃可捷也。 **勘勸後主**,五 後主不

「勱,亡齊末屬,不能扶危定傾,旣蒙獲宥,已多優幸,況濫叨名級,致速官謗。」帝甚器之。 隋文帝爲丞相,謂曰:「齊亡由任邪佞,公父子忠良,聞於隣境,宜善自愛。」勵拜謝曰: 勱歎曰:「子胥賢

列傅

第三

者,豈宜損百姓乎」告諭所部,自是遂止,百姓賴之。

舉伐陳,以勵爲行軍總管,從宜陽公王世積下陳江州,以功拜上開府,賜物三千段。 時。若戎車雷動,戈船電邁,臣雖駑怯,請劾鷹犬。」幷上平陳五策,帝嘉之,答以優詔。及大 荐發。臣以庸才,猥蒙朝寄,頻歷蕃守,與其隣接,密邇仇讎,知其動靜。天討有罪,此卽其 空襄時有大聲,或行路共傳鬼怪,或刳人肝以祠天狗,或自捨身以厭妖訛。人神怨憤,怪異 開皇七年,轉光州刺史。上表曰:「陳氏數年已來,荒悖滋甚,天厭亂德,妖實人興。或

奏勵亡戶口,坐免,卒于家。大唐褒顯前代名臣,追贈都督四州諸軍事、定州刺史。 猾屏迹,路不拾遺,以善政稱。後吐谷渾來寇,勵時遇疾,不能拒戰,賊遂大掠而去。 時龐右諸羌,數爲寇亂,朝廷以勵有威名,拜洮州刺史。下車大崇威惠,人夷悅附,豪

子士廉最知名。

督,封廣平郡公。歷位司徒、太尉。天平三年,薨於位,贈假黃鉞、太尉、太師、錄尚書事。 無子,以兄子子瑗嗣。 廣平公盛,神武從叔祖也。「亞寬厚有長者風。神武起兵於信都,盛來赴,以爲中軍大都 天保初,改封平昌王,卒於魏尹。

竟不知死所。

河橋之戰,司徒高昂失利奔退,永樂守河陽南城,二二昂走趣城南,西軍追者將至,永樂不開 陽州公永樂,[10]神武從祖兄子也。太昌初,封陽州縣伯,進爵爲公,累遷北豫州刺史。

門,昂遂為西軍所禽。神武大怒,杖之二百。

小小義取莫復畏。」永樂至州、監、公正諫不見聽,以狀啓神武。神武封啓以示永樂,然後知 酒隻雞不敢入。」神武乃以永樂爲濟州,仍以監、公正爲長史、別駕。謂永樂曰:「爾勿大貪, 二人清直,並擢用之。永樂卒於州,贈太師、太尉、錄尚書事,諡曰武昭。 後罷豫州,家產不立。神武問其故,對曰:「裴監爲長史,辛公正爲別駕,受王委寄,斗

無子,從兄思宗以第二子孝緒爲後,襲爵。天保初,改封脩城郡王。

獄,天恩等十餘人皆棄市,長鸸鞭一百。 尋爲南營州刺史,在州無故自鶩走,叛亡入突厥, 室封廣武王。 |永樂弟長廟,小名阿伽。 性粗武,出入城市,好毆擊行路,時人皆呼爲阿伽郎君。 以宗 時有天恩道人,至凶暴,橫行閭肆,後入長鹇黨,專以鬭爲事。文宣並收掩付

一八五二

襄樂王顯國 「神武從祖弟也。 無才伎,直以宗室謹厚,天保元年,封襄樂郡王。 位右衛

將軍,卒。

上洛王思宗,神武從子也。 性寬和、頗有武幹。 天保初,封上洛郡王,歷位司空、太傅,

薨於官。

子元海,累遷散騎常侍,願處山林,修行釋典,文宣許之。乃入林慮山,經二年,絕棄人

志不能固,自啓求歸。 徵復本任,便縱酒肆情,廣納姬侍。 又除領軍將軍。 器小志大,

頗以智謀自許。

皇建末,孝昭幸晉陽,武成居守,元海以散騎常侍留典機密。 初,孝昭之誅楊愔等,謂

武成 云, 事成,以汝爲皇太弟。及踐位, 乃使武成在鄴主兵,立子百年爲皇太子, 武成甚

不平。

先是,恒留濟南於鄴,除領軍庫狄伏連爲幽州刺史,以斛律豐樂爲領軍,以分武成之

列傳第三十九 齊宗室諸王上

懼誅入關事,請乘數騎入晉陽,先見太后求哀,後見主上,請去兵權,以死爲限,求不干朝 徐步。 寺也,鳧翁謂雄鷄,蓋指武成小字步落稽也,道人,濟南王小名也,打鐘,言將被擊 權。 自有大慶。武成乃奉詔,令數百騎送濟南於晉陽。 則吉。」又召曹魏祖問之國事,對曰:「當有大凶。」又時有林慮令姓潘,曰己知占候,密謂武成 討逆,此萬世一時也。」武成大悅,狐疑,竟未能用。乃使鄭道謙卜之,皆曰:「不利舉事,靜 世嫡,主上假太后令而奪之,今集文武,示以此敕,執豐樂,斬歸彥,尊濟南,號令天下,以順 史,沉靖自居,必不招物議,此中策也。更問下策,曰:「發言卽恐族誅。」因逼之,答曰:「濟南 政,必保太山之安,此上策也。若不然,當具表云威權大盛,恐取謗衆口,請靑、齊二州刺 先告元海,幷問自安之計。元海曰:「皇太后萬福,至尊孝性非常,殿下不須別慮。」武成曰: 曰:「宮車當晏駕,殿下爲天下主。」武成拘之於內以候之。 又令巫覡卜之,多云不須舉兵, 「此豈我推誠之意邪?」元海乞還省一夜思之。」武成卽留元海後堂,元海達旦不眠,唯遠床 太史奏言,北城有天子氣,昭帝以爲濟南應之,乃使平秦王歸彥之鄴,迎濟南赴幷州。 云:「中興寺內白鳬翁,四方側聽聲雍雍,道人聞之夜打鐘。」 時丞相府在北城 武成留伏連而不聽豐樂視事。 夜漏未盡,武成遽出曰:「神算如何。」答云:「夜中得三策,恐不堪用耳。」因說梁孝王 乃與河南王孝瑜偽獵,曰三謀於野,暗乃歸。 中, 即舊 也。 先是童謠 中興 武 旣

開譖,被馬鞭六十,責云:「爾在鄴城說我以弟反兄,幾許不義!以鄴城兵馬抗幷州,幾許無 及孝昭 崩 ,武成即位,除<u>元海</u>侍中、開府儀同三司、太子詹事。 河清二年, 元海爲 和

智 不 義 無智,若爲可使。」出爲兗州刺史。

語告班, 元海後妻,陸太姬甥也, 斑求領軍 一元海 七年,於鄴城謀逆,伏誅 不可,斑乃以其所告報太姬。 故尋被追任使。 武平中,與祖珽共執朝政。 姬怒, 出元海爲鄭州 元海多以太姬 刺史。 鄴 城 將 密

皆元 海所爲。 元 海 好亂樂禍,然詐仁慈,不飲酒噉肉。 及爲右僕射,又說後主禁屠宰,斷酤酒。 文宣 天保末年,敬信內法, 然本心非靖,故終致覆敗。 乃至宗廟不血食,

敗,徵爲尙書令。

周建德

爲 思 好事 左 衞 後主 思宗弟思好,本浩氏子也,思宗養以爲弟,遇之甚薄。 大將 時,斫骨光弁口巴奉使至州, 故改名焉。 軍。 本名思孝,天保五年討蠕蠕,文宣悅其驍 累遷尙書令、朔州 思好迎之甚謹,光弁倨傲,思好因心銜恨。 道行 臺 一一朔州 刺史、開府、南安王。 勇,謂 少以騎射事文襄。 曰:「爾擊賊 甚得 如鶻 及文宣受命, 邊朔人心。 武平 入鵐 五年, 羣,宜

遂 鋸刑餘,貴溢軒階,商胡醜類,擅權帷幄。 舉 兵反, 與幷州 諸貴書曰:「主上少 、長深宮,未辨人之情僞,昵近 剝削生靈,劫掠朝市,闇於聽受,專行忍害。 凶狡,疏遠忠 良。 遂使刀 幽母

實曰宗英,社稷惟寄,左丞相斛律明月,世爲元輔,威著隣國:並非有辜,奄見誅殄。 忝預皇枝,實蒙殊獎,今便擁率義兵,指除君側之害,幸悉此懷,無致疑惑。」行臺郎<u>王行思</u> 駮龍得儀同之號,逍遙受郡君之名。犬馬班位,榮冠軒冕,人不堪役,思長亂階。趙郡王叡, 深宮,無復人子之禮;二弟殘戮,頓絕孔懷之義。仍縱子立奪馬於東門,光弁掣鷹於西市。

之辭也。

使唐邕、莫多婁敬顯、劉桃枝、中領軍厙狄士文馳之晉陽,帝勒兵續進。 時倉卒,不暇奏,矯詔發兵拒之。軍士皆曰:「南安王來,我輩唯須唱萬歲奉迎耳。」帝聞變, 投水而死。 思好至陽曲,自號大丞相,置百官,以行臺左丞王尚之爲長史。武衞趙海在晉陽掌兵, 其麾下二千人,桃枝圍之,且殺且招,終不降,以至於盡。 思好軍敗,與行思

其妃於宮內,仍火焚殺之。 坐食!於是賞孝卿而免世安罪。暴思好屍七日,然後屠剝焚之,烹尚之於鄴市,令內參射 時帝在道,叱奴世安自晉陽送露布,於城平都遇斛斯孝卿,口思孝卿誘使食,因馳詣行 帝大歡,左右呼萬歲。良久,世安乃以狀自陳。 帝曰:「告爾何物事?」以乃得

思好 無以息後,乃斬之。 反前五旬,有人告其謀反。 思好旣誅,死者弟伏闕下訴求贈兄,長鸞不爲通也。 韓長鸞女適思好子,故奏言有人誣告諸貴,事相擾動,

列

一八五六

軍 功得免流。 平秦王歸彦字仁英,神武族弟也。父徽,魏末坐事當徙涼州。 因於河州積年,以解胡言爲西域大使,得胡師子,以功行河州事,日也遂死焉。 行至河、渭間,遇賊,以

明初 樂郡 稍 徽 也,貌不美而甚嬌妬,數忿爭,密啓文宣求離,事寢不報。天保元年,封平秦王,嫡妃康及所 生母王氏,並爲太妃。こ己善事二母,以孝聞。徵爲兼侍郎,稍被親寵。以討侯景功,別封長 於神武,舊恩甚篤。及神武平京洛,迎徽喪,與穆同營葬。日己贈司徒,諡曰文宣。 遷徐州刺史。歸彥少質朴,後更改節,放縱,好聲色,朝夕酣歌。妻魏上黨王元天穆女 7,拜司 公、除領軍大將軍。 初 ,徽嘗過長安市,與婦人王氏私通而生歸彥,至是年已九歲,神武追見之,撫對悲喜。 徒,仍總知禁衞。 領軍加大,自歸彥始也。 文宣誅高德正,金寶財貨,悉以賜之。乾

内, 亦口許 歸彥諭之,然後得入。 由是陰怨楊、燕等。 濟南 心違,馳告長廣。 自晉陽 之鄴,楊愔宣敕,留從駕兵五千於西中,陰備非常。 楊、燕等欲去二王,問計 長廣於是誅楊、燕等。 進向栢閤、永巷亦如之。 於歸彦。 孝昭將入雲龍門,都督成休寧列仗拒 孝昭踐作,以此彌見優重,每入,常在平 歸彥詐喜,請共元海量 至鄴數日,歸彥乃知 之。 元 而不 海

列傳第三十九 齊宗室諸王上

原王段韶上。以爲司空,兼尚書令。齊制,宮內唯天子紗帽,臣下皆戎帽,特賜歸彦紗帽以 孝昭崩,歸彥從晉陽迎武成於鄴。及武成卽位,進位太傅,領司徒,常聽將私部曲三

人,帶刀入仗。從武成還都,諸貴戚等競要之。其所往處,一坐盡傾

藥,事事周備。又敕武職督將,悉送至淸陽宮。拜而退,莫敢共語。唯與趙郡王叡久語,時 縱酒,經宿不知,至明欲參,至門知之,大驚而退。及通名謝,敕令早發,別賜錢帛、鼓吹、醫 無聞者。 可復加此號。」乃拜太宰、冀州刺史。卽乾和繕寫。晝日,仍敕門司不聽輒內。時歸彥在家 御作詔草,[110]欲加右丞相。|收日:「至尊以右丞相登帝位,今爲歸彦威名太盛,故出之,豈 尋其前翻覆之迹,漸忌之。

高元海、畢義雲、高乾和等成數言其短,上幸歸彦家,召魏收對 歸彥旣地居將相,志氣盈滿,發言陵侮,傍若無人。 議者以威權震主,必爲禍亂;上亦

彦登城大叫云:「孝昭皇帝初崩,六軍百萬衆,悉由臣手,投身向\\\\ 迎陛下,當時不反,今日 異,使連名密啓,至三歸彥追而獲之,遂收禁仲鸞等五人。仍並不從,皆殺之。軍已逼城,歸 冀州長史宇文仲鸞、司馬李祖挹、別駕陳季璩、中從事房子弼、長樂郡守尉普興等疑歸彥有 思禮所告,詔平原王段韶襲之。歸彥舊於南境置私驛,聞軍將逼,報之,便嬰城拒守。先是 至州不自安,謀逆,欲待受調訖,班賜軍士。望車駕如晉陽,乘虛入鄴。爲其郎中令呂

豈有異心? 正恨高元海、畢義雲、高乾和誑惑聖上,疾 忌 忠 良。 但爲殺此三人,卽臨城

É勿 」

并子孫十五人,皆棄市。贈仁州刺史。 語,望活。帝命議其罪,皆云不可赦。乃載以露車,銜枚面縛,劉桃枝臨之以刃,擊鼓隨之, 臣爲蕃王、太宰,仍不得鼓吹。正殺元海、義雲而已。」上令都督劉桃枝牽入,歸彥猶作前 時,又詎懷怨。」於是帝又使讓焉,對曰:「高元海受畢義雲宅,用作本州刺史,給後部鼓吹; 頷 少兒牽挽我,何可不反。」曰:「誰邪。」」歸彥曰:「元海、乾和,豈是朝廷老宿。如趙家老公 其後城破,單騎北走。至交津,見獲,鎖送鄴。帝令趙郡王叡私問其故,歸彥曰:「使黃

事常山不得反,事長廣得反,反時,將此角嚇漢。」歸彥額骨三道,着幘不安,文宣見之怒,使 以馬鞭擊其額,血被面曰:「爾反時,當以此骨嚇」漢。」其言反,竟驗云。 魏時山崩,得石角二,藏在武庫。文宣入庫,賜從臣兵器,特以二石角與歸彥,謂曰:「爾

道行臺尚書令。後主奔鄴,就加太宰。周師逼,乃降。卒於長安,贈上開府、豫州刺史。 洛、江三神武使與諸子同游處。天保初,封武興郡王。武平二年,累遷司空。六年,爲豫州 武興王普字德廣,歸彥兄歸義之子也。性寬和,有度量。 九歲與歸彥自河州俱入

日文宣。子懿,卒於武平鎭將。 長樂太守靈山,字景嵩,神武族弟也。 無子,文宣以靈山從父兄齊州刺史建國子伏護爲靈 從神武起兵信都,終長樂太守,贈大將軍、司空,

山後。 諡

國侯。 酒,每多醉失。末路逾劇,乃至連日不食,專事酣酒,神識恍惚,遂以卒。 伏護字臣援,粗有刀筆。 孫乂襲。三言 天統初,累遷黃門侍郎。 伏護歷事數朝,恒參機要,而性嗜 贈兗州刺史。 建

|火少謹,||武平末,給事黃門侍郎。 隋開皇中爲太府少卿,坐事死。

思王浟、華山王凝。韓氏生上黨剛肅王渙。小尒朱氏生任城王湝。游氏生高陽康穆王湜。 皇帝、博陵文簡王濟。王氏生永安簡平王浚。 神武皇帝十五男。武明婁皇后生文襄皇帝、文宣皇帝、孝昭皇帝、襄城景王淯、三司武成 穆氏生平陽靖翼王淹。大介朱氏生彭城景

鄭氏生馮翊王潤。馬氏生漢陽敬懷王洽。

列傳第三十九 齊宗室諸王上

邪? 戲不節,曾以屬請受納,大見杖罰,拘禁府獄,旣而見原。 類,不甚愛之。而沒早慧,後更被寵。年八歲,謂博士盧景裕曰:曰己「祭神如神在,爲有神 無神邪?」對曰:「有。」沒曰:「有神、當云祭神神在,何煩如字。」景裕不能答。及長、嬉 永安簡平王浚字定樂,神武第三子也。初神武納浚母,當月而有孕,及產浚,疑非己 後稍折節,頗以讀書爲務。

|州刺史,雖頗好畋獵,聰明矜恕,上下畏悅之。 |天保初,進爵爲王。[云] 時洟出。 元象中,封永安郡公。 沒恒責帝左右:「何因不爲二兄拭鼻。」由是見銜。 累遷中書監、兼侍中。 豪爽有氣力,善騎射,爲文襄所愛。 文宣性雌懦,每參文襄,有 出爲青

彦懼,以奏帝。 大怒曰:「小人由來難忍」」 置北城地牢下,飲食溲穢,共在一所。 沒,沒懼禍,謝疾不朝。 非人主所宜,帝甚不悦。浚又於屛處召楊遵彦,譏其不諫。 白帝,又見銜。八年,來朝,從幸東山。 德,朝臣無敢諫者,大敵未滅,吾甚以爲憂。欲乘驛至||鄱面諫,不知用吾不了||人有知, 文宣末年多酒,沒謂親近曰:「二兄舊來,不甚了了,自登阼已後,證解頓進。 上怒,馳驛收沒,老幼泣送者數千人。至,盛以鐵籠,與上黨王渙俱 帝裸裎爲樂,雜以婦女,又作狐掉尾戲。 逐罷 酒還宮。 **浚尋還州,又上書切諫。** 帝時不欲大臣與諸王交通,遵 浚進言,此 今因酒敗 韶令徵 密以

爲害,乃自刺渙,又使壯士劉桃枝就籠亂刺。 小字曰:「步落稽,皇天見汝!」左右聞者,莫不悲傷。 泣,將赦之。 明 《年,帝親將左右,臨穴歌謳,令凌等和之。 長廣王湛先與浚不睦,進曰:「猛獸安可出穴。」帝默然。 **槊每下,浚、渙輒以手拉折之,號哭呼天,於是** 浚等惶怖且悲,不覺聲戰。 浚等聞之,呼長廣王 帝爲愴然,因

準字茂則 後數日,帝以陸氏先無寵於沒,敕與離絕。 後帝以其妃陸氏配儀同劉郁捷,舊帝蒼頭也,以軍功見寵,時令郁捷害浚,故以配焉。 嗣 乾明元年,贈太尉。 無子,韶以彭城王浟第二子

薪

火亂投籠,燒殺之,塡以石土。後出,皮髮皆盡,屍色如炭,天下爲之痛心。

王並 初, 云以耽終。 進
臂爲王,歷位尚書令、
三司開府儀同三 平陽 一給仗身羽林百人。 婦翼王淹字子邃,神武第四子也。 還葬鄴,贈假黃鉞、太宰、錄尚書事。 大寧元年,遷太宰。 司、司空、太尉。 元象中,封平陽郡公,累遷尚書左僕射。 性沉謹,以寬厚稱。 子德素嗣。 皇建初,爲太傅,與彭城、河間 河淸三年,薨於晉陽。

彭城景思王浟字子深,神武第五子也。 列 傅 第 \equiv + 九 齊 宗 室 諸 王 Ŀ 元象二年,拜通直散騎常侍,封長樂郡公。 八六

博

心」敞正色答曰:「昔甘羅爲秦相,未聞能書。凡人唯論才具何如,豈必勤勤筆迹。 一韓毅教浟 書,見浟筆迹未工,戲浟曰:「五郎書畫如此,忽爲常侍開國,今日後,宜更用 博士當

被 州 守令畢集,敝對衆曰:「食雞羹何不還他價直也。」達卽伏罪,合境號爲神明。又有一人從幽 得 右 自 叉 :此賊,定神矣。」浟乃詐爲上符,市牛皮,倍酬價直。 使牛主認之,因獲其盜。 建等歎服。 盗 及府僚吏分市鹿脯,不限其價。其主見脯識之,推獲盜者。轉都督、定州刺史。時有人 來,驢馱鹿脯,至滄州界,脚痛行遲,偶會一人爲伴,遂盜驢及脯去。明旦告州,敝乃令左 ·齎糧食。|敝纖介知人間事,有濕沃縣主簿張達,CEO賞詣州,夜投人舍食雞羹,敝察知之。 老母姓王,孤獨,種菜三畝,數被偸。敝乃令人密往書菜葉爲字,明日,市中看菜葉有 黑牛,背上有白毛。長史章道建謂中從事魏道勝曰:「使君在滄州日,禽姦如神。若捉 武定六年,出爲滄州刺史。爲政嚴察,部內肅然。守令參佐,下及胥吏,行游往來,皆 爾後境內無盜,政化爲當時第一。

未食百姓食,聊獻疏薄。」敝重其意,爲食一口。七年,轉同州牧,選從事皆取文才士明剖斷 「自殿下至來五載,人不識吏,吏不欺人。百姓有識已來,始逢今化。 天保 初,封彭城王。四年,徵爲侍中,人吏送別悲號。有老公數百人,相率具饌白敝 殿下唯飲此鄉水,

南 浟 加 特進 嗣 使 了。 當時1 告日 位 除 兼 稱爲美選。 一百直道 開 司空、太尉,州 府儀同 而行,何憚 三司、尚書令,領大宗正 州舊案五 牧如故。 權 一百餘, 戚? 太妃薨,解任。 卿 浟未期悉斷盡。 等當成 卿。 人之美,反以權成 皇建 尋詔復本官。 初,拜大司 別駕羊脩等恐犯權戚, 馬,兼尚書令,轉 爲言」脩等慚 俄拜司空,兼尚 乃詣 悚 太保。 書 而 閤 令。 退。 諮 陳 後 濟

成

入承

大業

、遷太師

、錄尙

書

初 敕 鐌 訴 卽 浟 尙 呼浟,牽 御史中丞崔昂從父姊,兼 所司以昂 書 未 浟 河清三年三月,羣盜白子 事 被 明 ,給輼 練 劫 上馬,臨以白刃 前 世 、收故 務,果於斷決, 輬 其妃鄭氏夢 車 崔遂 獲 ′,欲引 発。 右 人斬浟頭持去, 事無大小,咸悉以情。 禮等數 僕 射 液 摘 向 魏收 南 發 殿。 十人,謀劫浟 其事,昂等以罪除 之內妹也。 浟 惡之。 大呼不從,遂遇害,時年三十二。 爲 依令: 數 主。 趙郡李公統預高歸彥之逆, 日 而 **詐稱** 名。 年出六十,例 浟 見殺。 使者 自後車駕巡幸,敝常 1,徑向 贈假黃鉞 免 浟 入官。 第 **至** 朝野 、太師 其母崔氏, 崔 內 痛 增年 、太尉、 室, 惜 鄴

稱

陳

寶德 嗣。 位 一開府,兼尚 書左僕射。

上 黨 剛 傅 第 肅 Ξ 王 渙字 十 九 敬壽, 齊 宗 神武 室 誻 第七子 王 上 也。 天姿雄傑,俶儻不羣, 雖在童幼, 八六三 恒 以將略自

學,但要不爲博士耳。」故讀書頗知梗概,而不甚耽習。 神武壯而愛之,曰:「此兒似我。」及長,力能扛鼎,材武絕倫。 每謂左右曰:「人不可無

數人,換亦被譴。六年,率衆送梁王蕭明還江南,仍破東關,斬梁特進裴之橫等,威名甚盛。 帝。鐵籠盛之,與永安王浚同置地牢下。歲餘,與浚同見殺,時年二十六。 之,乃使庫眞都督破六韓伯昇之鄴徵渙。渙至紫陌橋,殺伯昇以逃,憑河而度,土人執以送 也。 僕射。與常山王演等築伐惡諸城。遂聚鄴下輕薄,陵犯郡縣,爲法司所糾。文宣戮其左右 矣」,彎弓而出。」武定末,除冀州刺史,在州有美政。下保初,封上黨王,歷中書令、尚書左 是時文宣幸晉陽,以所忌問左右曰:「何物最黑。」對曰:「莫過漆。」帝以渙第七,爲當 八年,錄尙書事。初,術士言亡高者黑衣,由是自神武後每出行不欲見桑門,爲黑衣故 元象中,封平原郡公。文襄之遇 賊,渙年尙幼,在西學,聞宮中讙,驚曰:「大兄必遭難

幸蒙恩韶,得反藩闈。汝是誰家孰奴?猶欲見侮!」於是杖之一百,流血灑地 詣字。<u>|李盛列左右,引文洛立於階下,數之曰:「遭難流離,以至大辱,志操寡薄,不能自盡。</u> 至乾明元年,收二王餘骨葬之,贈司空,諡曰剛肅。有勑李氏還第,而文洛尙以故意,修飾 以其妃李氏配馮文洛,是帝家舊奴,積勞位至刺史。帝令文洛等殺渙,故以其妻妻焉。

|換無嫡子,庶長子寶嚴,以河淸二年襲爵。 位終金紫光祿大夫、開府儀同三司。

寧、蘭陵王等,頗引文藝清識之士,當時以此稱之。」乾明元年二月,贈假黃鉞、太師、太尉、 封襄城郡王。 襄 城景王清,神武第八子也。 二年春,薨。 齊氏諸王選國臣府佐,多取富商羣小,鷹犬少年。 容貌甚美,弱年有器望。 元象中,封章武郡公。 唯襄城、廣 天保初

門皆入,亮軍方退走。 鄴 分配遠邊,卒於龍州 ,亮從焉。 **亮字彥道,性恭孝,美風儀,好文學。** 遷兼太尉、太傅。 **虎入太廟行馬內,慟哭拜辭,然後爲周軍所執。** 周師入鄴,亮於啓夏門拒守,諸軍皆不戰而敗,周軍於諸城 爲徐州刺史,坐奪商人財物,免官。 入關,依例授儀同, 後主敗,奔

錄尙書事。

無子,詔以常山王演第二子亮嗣

晉陽 任 城 王湝,神武第十子也。 o 歷司 少明慧,天保初封。 天統三年,拜太保,幷州 自孝昭、武成時,車駕還鄴,嘗令潜鎭 刺史, 別 封正 平

郡公。

諸嫗 ,以靴示之, 時 有婦 人臨汾水院衣,有乘馬人換其新靴馳而去者,婦人持故靴詣州言之。 紿曰 有 乘馬 人於路被賊劫害,遺此靴,焉得無親屬乎。」一 嫗撫膺哭曰: 潜召居城

列傳第三十九 齊宗室諸王上

「兒昨着此靴向妻家。」如其語,捕獲之,時稱明察。

大蕃,雖不潔已,然寬恕,爲吏人所懷。 武平初、遷太師、同州牧。 出爲冀州刺史,加太宰,遷右丞相、都督、靑州刺史。 五年,青州人崔蔚波等夜襲州城。 潜部分倉卒之 潜頻牧

際,咸得齊整,擊賊大破之。拜左丞相,轉瀛州刺史。

宗廟旣重,羣公勸迫,權主號令。 及後主奔鄴,加湝大丞相。及安德王稱尊號於晉陽,使劉子昂修啓於湝:「至尊出奔, 事寧終歸叔父。」潛曰:「我人臣,何容受此啓。」執子昂送

|鄴

帝至濟州,禪位於湝,竟不達。

|鄴城,潛馬上大哭,自投于地,流血滿面。 韶,潜並沉諸井。 子,兄弟十五人,幸而獨存。 潜與廣寧王孝珩於冀州召募,得四萬餘人,拒周軍。 戰敗,湝、孝珩俱被禽。 逢宗社顚覆,今日得死,無愧墳陵。」憲壯之,歸其妻子。將至 至長安,尋與後主同死。 憲曰:「任城王,何苦至此!」 潜曰:「下官神武帝 周齊王憲來伐,先遣送書,幷赦

妃盧氏,賜斛斯徵。盧蓬首垢面,長齋不言笑,徵放之,乃爲尼。 隋開皇三年,表請文

帝,葬潜及五子於長安北原。

高陽康穆王湜,神武第十一子也。天保元年封。 十年,稍遷尚書令。 以滑稽便辟,有

凝一百,其愚如此。

籠於文宣,在左右行杖,以撻諸王,太后深銜之。其妃父護軍長史張晏之, 嘗要道拜提, **湜** 不禮焉。帝問其故,對曰:「無官職漢,何須禮」」帝於是擢拜晏之爲徐州刺史。文宜崩,湜

兼司徒,導引梓宮。吹笛云:「至尊頗知臣不?」又擊胡鼓爲樂。太后杖煶百餘,未幾薨。太 后哭之哀,曰:「我恐其不成就,與杖,何期帶創死也」」乾明初,贈假黃鉞、太師、司徒、錄尙

書事。子士義襲領。

逃歸。 人云:「計次第,亦應到我。」後主聞之,陰使人殺之。贈假黃鉞、太尉、錄尚書事。子智襲爵。 博陵文簡王濟,神武第十二子也。天保元年封。濟嘗從文宣巡幸,在路忽憶太后,遂 帝怒,臨以白刃,因此驚怳。歷位太尉。河淸初,出爲定州刺史。天統五年,在州語

爲孱弱,妃王氏,太子洗馬王洽女也,與蒼頭姦,凝知而不能限禁。 山。岳志歷位中書令、齊州刺史,就加太傅。薨於州,贈左丞相、太師、錄尙書。 華山王凝,神武第十三子也。天保元年,封新平郡王。九年,改封安定。十年,封華 後事發,王氏賜死,詔杖 凝諸王中最

八六八

歷位東北道行臺右僕射、都督、定州刺史。 馮翊 王潤字子澤,神武第十四子也。 幼時,神武稱曰:「此吾家千里駒也。」天保初封, 潤美姿儀,年十四五,母鄭妃與之同寢,有穢雜

杖一百。 之熟矣。登高遠望,人之常情,鼠輩欲輕相間構,曲生眉目。」於是回洛決鞭二百,獨孤枝決 南望歎息,不測其意。」武成使元文遙就州宣敕曰:「馮翊王少小謹愼,在州不爲非法,朕信 都督獨孤枝侵竊官田,受納賄賂,潤按舉其事。 二人表言:王出送臺使,登魏孝文舊壇,[110] 及長,廉愼方雅,習於吏職。 至於摘發隱偽,姦吏無所匿其情。開府王回洛,與六州大

別封文成郡公,太師、太宰,復爲定州刺史。薨,贈假黃鉞、左丞相。子茂德嗣。 尋爲尙書令,領太子少師,歷司徒、太尉、大司馬、司州牧、太保、河南道行臺、錄尙書,

太保、司空。無子,以任城王第二子建德爲後。 漢陽敬懷王洽字敬延,神武第十五子也。天保元年封,五年薨,年十三。乾明元年,贈

朝劉賈,魏室曹洪,俱未足諭其風烈,適足以彰文宣之失德焉。〔三〕思好屬昏亂之機,歸彥因 莫懼,以斯忠義,取斃凶慝。 海,受辱牢穽,以英俠之氣,迫悲歌之思,欲食藜藿之羹,處茅茨之下,其可得乎!馮翊廉愼 猜嫌之釁,咫尺鄴都,以速其禍,智小謀大,理則宜然。 然,則邦國殄瘁,何若斯之速歟? 遇禍,固齊室之比干。彭城涖人布政,乃與循良比迹,求之近古,未爲易遇。 論曰:趙郡王以跗蕚之親,當顧命之重,安夫一德,固此貞心,踐畏途而不疑,履危機而 豈道光四海,不遇周成之明,將朝去三仁,終見殷墟之禍。 不 清河屬經綸之期,青雲自致,出將入相,翊成鴻業。雖漢 神武諸王,多有聲譽。永安以諫爭 上黨申威淮

校勘記

閑明,妄被讒慝,以武成陰忌之朝,而見免夫角弓之刺,已爲幸矣。

天統三年 八齊後主紀天統三年十二月,又見下文其子叡傳,今據改。 諸本「統」作「平」,北齊書卷一三趙郡王琛傳作「統」,按琛追贈配享事見本書卷

其母魏華陽公主也 跋言公主卽高叡之母。 諸本「陽」作「山」。 作「陽」是。 今據北齊書卷一三及通志卷八五高叡傳改。 按下文作「陽」。 趙明誠金石錄卷二二北齊華陽公主碑

列傳第三十九 校勘記 "上"是。

- [] 被執送華林園 諸本脫「執」字,據北齊書、通志補。
- 於雀離佛院令劉桃枝拉殺之。諸本「雀」訛作「崔」,據北齊書改。雀離佛圖見本書卷九七西域傳

乾陁國。當時鄴都蓋仿其形制建塔,故有雀離佛院。

時年三十四 北齊書卷一三清河王岳傳作「四十四」。張森楷云:「案岳從高歡起兵在魏永安末

年,距齊天保六年凡二十六年,若岳卒年三十四,則起兵時只八歲,無是理也。 北史蓋誤。」按

高歡起兵實在普泰元年六月,張說誤提前一年,但結論不錯,當從北齊書作「四十四」。

- 改封安樂侯 『安樂侯』者誤。」按通志卷八五及隋書卷五五高勵傳並作「樂安王」。但册府卷二七一三二六頁 作「安樂王」。作「侯」必誤了「樂安」,「安樂」未知孰是,今不改。 錢氏考異卷四〇云:「按齊書卷一三高勵傳:『以淸河地在畿內,改封樂安王。』此云
- 「CO 五品已上家累悉置三臺上 諸本「已上」作「已下」,北齊書、隋書作「已上」。按北齊書上文云: 「今所翻叛,多是貴人,至於卒伍,猶未離貳。」作「已上」是,若五品以下,則人數甚多,安能悉

置三臺上。今據改。

- 廣平公盛神武從叔祖也 高歡世系可疑。 魏書、北齊書之不同,或卽史臣編造失檢所致。 按魏書卷三二高湖傳,盛父各拔與高歡祖謐爲兄弟,則盛乃歡從叔。
- 陽州公永樂 按本書卷七齊文宣紀天保元年見楊州縣開國公高孝緒,即永樂嗣子。册府卷四

五〇五三四〇頁亦作「楊州」。 唯册府卷二八四三三四八頁 作「陽周」。 陽周縣見魏書地形志下幽州

趙興郡。 「陽州」「楊州」皆當是「陽周」之訛。

傳及通鑑卷一五八四八九五頁並作「河陽南城」。 永樂守河陽南城 諸本「河」訛作「洛」, 據北齊書卷一四補陽州公永樂傳改。 此役洛陽為西魏將獨孤信所據,高永樂不得在 本書卷三一高昂

洛陽。

傳改。

乃與河 南王孝瑜偽獵 諸本「南」誤作「陽」, 據通志卷八五 高元海傳及本書卷五二孝瑜本

又時有林慮令姓潘 頁 作「林慮令潘子密」。 諸本「潘」訛作「藩」, 據北齊書卷一四高元海傳改。 通鑑卷一六八五二二六

斫骨光弁 骨』,字相似而譌也。 錢氏考異云:「廣韻入學十八葉 漢複姓有斫胥氏。 恩倖傳本書卷九二作『研胥光弁』,『研』又『斫』之譌,卽一人。」 何氏 姓苑 云:『今平陽人。』此作

二吾 於城平都遇斛斯孝卿 高 ··德政傳校記。 又本書卷五三、 北齊書卷一四高思好傳無「城」字。按「城平都」當作「平都城」,參卷三 北齊書卷二〇斛律羌舉傳, **羌舉子名孝卿** 於後主時與機

密。「斛 斯」當是「斛律」」之訛。

告爾 列 傳 何 第 物事 Ξ + 九 {北 · 齊書「告爾」作「告示」,通志卷八五高思好傳作「爾告」。 校 勘 記 疑通志是。

- 以功行河州事 諸本「州」作「東」,通志卷八五高歸彥傳作「州」。按魏書卷三二高湖傳附見高
- 言其出使還、至河州、遇莫折念生起義,河州刺史元祚以憂死、因被推行河州事、後為梁景
- 進所殺。 此事亦見魏書卷九肅宗紀孝昌元年十月。作「州」是,今據通志改。
- 迎徽喪與穆同營葬 通志「與穆同營葬」作「爲之營葬」。按上文不見穆事迹、疑有脫誤。
- (三0) 上幸歸彦家召魏收對御作韶草 嫡妃康及所生母王氏並爲太妃 通鑑卷一六八五二一九頁云:「帝亦尋其反覆之迹,何歸彥還家, 張森楷云:「上『妃』當作『母』,若如此文,則似歸彦妃矣。」
- 彦在家縱酒,經宿不知,至明欲參,至門知之。」足証作詔必不在歸彦家。 召魏收於帝前作詔草。」按欲出歸彥,安得至其家作詔。下文云:「仍敕門司,不聽輒納,時歸 此「歸彦」下當脫「還」
- [三] 使連名密啓 通志「使」作「亦」。按疑是「便」之訛。
- [三] 九歲與歸彥自河州俱入洛 諸本脫「與」字,據通志補。
- 建國侯孫乂襲 义。 又以爲「侯」當作「從」。按伏護本生父名建國,不當贈爵建國侯,趙說疑是。 墓誌集釋補遺高虬墓誌圖版六〇三稱「虬字龍叉」,趙萬里以爲龍叉卽此傳之
- [IB] 襄城景王淯 紀天保元年及二年,册府卷二七七三三七五頁並作「淯」。「淸」乃「淯」之訛,今據改。 諸本「清」作「淸」。按北齊書卷一〇高祖十一王傳,本書卷七、北齊書卷四文宣

- 天保初進爵爲王 諸本「天保」作「保定」。按「保定」乃周武帝年號、誤。高浚封永安王見本書卷
- 七、北齊書卷四文宣紀天保元年。今據改。
- 歷位尚書令 諸本脫「令」字,據北齊書、通志補。 高淹遷尚書令見本書卷七文宣紀天保元年七
- 有濕沃縣主簿張達 諸本「濕」訛「隰」,據北齊書改。 濕沃見魏書地形志上滄州樂陵郡及漢書

地理志千乘郡。

月。

- 十年封華山 諸本「十」下有「五」字。按天保只十年,「五」字衍文,今删去。
- 侯使樂羊伐中山,疑中山之魏文舊壇,是因魏文侯得名,與魏孝文無涉。 登魏孝文舊壇 北齊書無「孝」字。按魏孝文帝不聞會在中山即定州治築壇。 史記魏世家言魏文
- 俱未足諭其風烈適足以彰文宣之失德焉 不長、易生悔吝、固不可掩」十五字。否則「適足以彰文宣之失德」無所承。 辰,易生悔吝,固不可掩其風烈,適足以彰顯祖之失德云」。疑此在「諭」字下脫「其高下,天保 北齊書卷一三史臣論作「俱未足論其高下。 天保不

北史卷五十二

列傳第四十

齊宗室諸王下

文襄諸子 文宣諸子 孝昭諸子 武成諸子 後主諸子

陵王長恭不得母氏姓。 陳氏生安德王延宗。 燕氏生漁陽王紹信。

文襄六男、文敬元皇后生河間王孝琬。

宋氏生河南王孝瑜。

王氏生廣寧王孝珩。

蘭

令、司州牧。 河南康獻王孝瑜,字正德,文襄長子也。初封河南郡公,齊受禪,進爵爲王。 初,孝瑜養於神武宮中,與武成同年相愛。將誅楊愔等,孝瑜預其謀。及武成 歷位中書

即位、禮遇特隆。 孝瑜容貌魁偉,精彩雄毅,謙愼寬厚,兼愛文學,讀書敏速,十行俱下,覆棊不失一道。 帝在晉陽手敕之曰:「吾飲汾淸二盃,勸汝於鄴酌兩盃。」其親愛如此。

列傳

第

四十

齊

宗室諸王下

一八七五

初,文襄於鄴東起山池游觀,時俗眩之,孝瑜遂於第作水堂龍舟,植幡矟於舟上,數集諸弟, 宴射爲樂。武成幸其第,見而悅之,故盛興後園之翫。於是貴賤慕數,處處營造。

弘節嗣 使婁子彥載以出,酖之於車。至西華門,煩熱躁悶,投水而絕。贈太尉、錄尙書事。 通,後因太子婚夜,孝瑜竊與之言。武成大怒,頓飮其酒三十七盃。體至肥大,腰帶十圍, 納之。後又言趙郡王父死非命,不可而親。由是叡及士開皆側目。士開密告其奢僭,叡又 言山東唯聞河南王,不聞有陛下。帝由是忌之。亦朱御女名摩女,本事太后,孝瑜先與之 武成嘗使和土開與胡后對坐握槊,孝瑜諫曰:「皇后天下之母,不可與臣下接手。」帝深

殺之。 爲太妃。 孝瑜母,魏吏部尚書宋弁孫也。本魏潁川王斌之妃,爲文襄所納,生孝瑜。孝瑜還第, 孝瑜妃盧正山女,武成胡后之內姊也。孝瑜薨後,宋太妃爲盧妃所譖訴,武成

孝珩愛賞人物、學涉經史、好綴文,有技藝。嘗於廳事壁自畫一蒼鷹,見者皆以爲眞。 廣寧王孝珩,文襄第二子也。歷位司州牧、尚書令、司空、司徒、錄尚書、大將軍、大司

又作朝士圖,亦當時之妙絕。

幽州道兵入土門,揚聲趣幷州 滏口,鼓行逆戰。 後主自晉州敗,奔鄴,詔王公議於含光殿。 敵聞南北有兵,自然潰散。又請出宮人寶物賞將士,帝不能用 ·獨孤永業領洛州道兵趣潼關,揚聲取長安,臣請領京畿兵出 孝珩以大敵既深,事藉機變,宜使任城王領

豈不畏孝珩反邪?破宇文邕遂至長安,反時何與國家事?以今日之急,猶作如此猜!高· 韓恐其變,出孝珩爲滄州刺史。 秋門斬高阿那肱,相願在內,以禁兵應之,族與敬顯自游豫園勒兵出。 取便路入宮,事不果。乃求出拒西軍,謂阿那肱、韓長鸞、陳德信等云:「朝廷不賜遣擊賊, 承光卽位,以孝珩爲太宰,與呼延族、莫多婁敬顯、尉相願同謀,期正月五日,孝珩於千 旣而阿那肱 從別宅

高阿那肱小人,吾道窮矣」」齊叛臣乞扶令和以矟刺孝珩墜馬,奴白澤以身扞之,孝珩猶傷 數處,遂見虜。 至州,以五千人會任城王於信都,共爲匡復計。 周齊王憲來伐,兵弱不能敵。怒曰:「由

諸父兄弟無一人得至四十者,命也。 傳藥,禮遇甚厚。孝珩獨歎曰:「李穆叔言齊氏二十八年,今果然矣! 廟算,展我心力耳。」至長安,依例受開府、縣侯。 齊王憲問孝珩齊亡所由,孝珩自陳國難,辭淚俱下,俯仰有節。 嗣君無獨見之明,宰相非柱石之寄,恨不得握兵符,受 憲爲之改容,親爲洗瘡 自神武皇帝以外,吾

葬鄴。

八七八

固 命之,舉笛裁至口,淚下嗚咽,武帝乃止。其年十月疾甚,啓歸葬山東,從之。 後 周 武帝在雲陽宴齊君臣,自彈胡琵琶,命孝珩吹笛。 辭曰:「亡國之晉,不足聽也。」 **尋卒,還**

太原 出,帝使追還之。 ,武成將避之而東,孝琬叩馬諫,請委趙郡王部分之,必整齊,帝從其言。 河 間王孝琬,文襄第三子也。 周軍退,拜幷州 刺史。 天保元年封。 天統中,累遷尚書令。 初,突厥與周師入 孝琬発青將

兜鍪 又怨 樹 頭 執政 金雞 抵 孝琬以文襄世嫡,驕矜自負。 地 鴻。」 ,爲草人而射之。 云:『豈是老嫗,須着此!』此言屬大家也。」初魏世謠言:「河 斑以說日:「河南河北,河間 和士開與祖珽譖之云:「草人擬聖躬也。 河南 王之死,諸王在宮內,莫敢舉聲,唯孝琬大哭而出。 也,金雞鳴,孝琬將建金雞而 又前突厥至州,孝琬脫 南 大 種穀 赦。」帝頗惑之。 河北 生,白楊

之。 塡庫 怒 稍 然實是文襄像,孝琬時時對 時 「誰是爾叔? 幡數 孝琬 百。 得佛牙,置於第內,夜有神光。 帝聞,以爲反狀。 敢喚我作叔! 孝琬日 前武皇帝嫡孫, 之泣。 訊其諸姬,有陳氏者,無寵,誣對曰:「 帝怒,使武衞赫連輔玄倒鞭撾之。 昭玄都法順請以奏,行 文襄皇帝嫡子,魏孝靜皇帝外 不從。 孝琬 孝琬呼 帝聞,使搜之,得 畫 作陛 阿叔 下形哭 帝

甥,何爲不得喚作叔也。」帝愈怒,折其兩脛而死。 瘞諸西山,帝崩後乃改葬。

子正禮嗣。幼聰穎,能誦左氏春秋。齊亡,遷綿州卒。

前後以戰功,別封鉅鹿、長樂、樂平、高陽等郡公。 司州牧、靑瀛二州,頗受財貨。後爲太尉。與段韶討栢谷,又攻定陽。韶病,長恭總其衆。 識,長恭免冑示之面,乃下弩手救之,於是大捷。武士共歌謠之,爲蘭陵王入陣曲是也。 芒山之敗、「III 長恭爲中軍,率五百騎再入周軍,遂至金墉之下,被圍甚急。城上人弗 蘭陵武王長恭,一名孝瓘, 文襄第四子也。累遷幷州刺史。突厥入晉陽, 長恭盡力擊 歷

以毒藥。長恭謂妃鄭氏曰:「我忠以事上,何辜於天而遭鴆也。」妃曰:「何不求見天顏。」長 恐復爲將,歎曰:「我去年面腫,今何不發。」自是有疾不療。」武平四年五月,帝使徐之範飮 旣有勳,今復告捷,威聲大重,宜屬疾在家,勿預時事。」長恭然其言,未能退。及江淮寇擾, 若忌王,於此犯便當行罰,求福反以速禍。」 長恭泣下,前膝請以安身之術。 相願曰:「王前 未答。相願曰:「豈不由芒山大捷,恐以威武見忌,欲自穢乎。」長恭曰:「然。」相願曰:「朝廷 帝嫌其稱家事,遂忌之。及在定陽,其屬尉相願謂曰:「王旣受朝寄,何得如此貪殘。」長恭 芒山之捷,後主謂長恭曰:「入陣太深,失利悔無所及。」對曰:「家事親切,不覺遂然。」

列

|恭曰:「天顏何由可見」」遂飮藥而薨。贈太尉。

譴罰。

武成賞其功,命賈護爲買妾二十人,唯受其一。

有千金責券,臨死悉燔之。 在瀛州,行參軍陽士深表列其贓,免官。及討定陽,士深在軍,恐禍及。長恭聞之曰:「吾本 無此意。」乃求小失,杖深二十,以安之。嘗入朝而出,僕從盡散,唯有一人,長恭獨還,無所 長恭貌柔心壯,音容兼美。爲將,躬勤細事,每得甘美,雖一瓜數果必與將士共之。 初

宣問楊愔,悟曰:「天下無此郡名,願使安於德。」於是封安德焉。爲定州刺史,於樓上大便, 置腹上,令溺己臍中。抱之曰:「可憐,止有此一箇。」問欲作何王,對曰:「欲作衝天王。」文 成使撻之,殺其昵近九人,從是深自改悔。 州杖之一百。道德以延宗受杖不謹,又加三十。又以囚試刀,驗其利鈍。驕縱多不法。武 使人在下,張口承之,以蒸猪糝和人糞以飼左右,有難色者鞭之。孝昭帝聞之,使趙道德就 安德王延宗,文襄第五子也。母陳氏,廣陽王妓也。延宗幼爲文宣所養,年十二,猶騎

書以諫,而淚滿紙。河間死,延宗哭之,淚赤。又爲草人以像武成,鞭而訊之曰:「何故殺我 入。使延宗當此勢,關西豈得復存!及蘭陵死,妃鄭氏以頸珠施佛,廣寧王使贖之,延宗手 蘭陵王芒山凱捷,自陳兵勢,諸兄弟咸壯之。延宗獨曰:「四兄非大丈夫,何不乘勝徑

兄」奴告之,武成覆臥延宗於地,馬鞭撾之二百,幾死。後歷司徒、太尉。

麾下再入,周軍莫不披靡。 諸軍敗,延宗獨全軍。 後主將奔晉陽,延宗言:「大家但在營莫 |幷州刺史,總山西兵事。謂曰:「幷州阿兄取,兒今去也。」延宗曰:「陛下爲社稷莫動,臣爲 動,以兵馬付臣,臣能破之。」帝不納。及至幷州,又聞周軍已入觑鼠谷,乃以延宗爲相國、 下出死力戰。」駱提婆曰:「至尊計已成,王不得輒沮。」后主竟奔鄴。 及平陽之役,後主自禦之,命延宗率右軍,先戰城下,禽周開府宗挺。及大戰,延宗以

之 子亦乘屋攘袂,投甎石以禦周軍。 藏及後宮美女以賜將士,籍沒內參千餘家。後主謂近臣曰:「我寧使周得幷州,不欲安德得 貌充壯,坐則仰,偃則伏,人皆笑之,及是,赫然奮發,氣力絕異,馳騁行陣,勁捷若飛。 傾府 將軍相里僧伽、開府韓骨胡、侯莫陳洛州爲爪牙。衆聞之,不召而至者前後相屬。延宗容 年,以晉昌王唐邕爲宰輔,齊昌王莫多婁敬顯、沭陽王和阿于子、四右衞大將軍段暢、武衞 之業、將墜於地。王公卿士、猥見推逼,今便祗承寶位,可大赦天下。」改武平七年爲德昌元 左右曰:「理然。」延宗見士卒,皆親執手陳辭,自稱名,流涕嗚噎。 衆皆爭爲死,童兒女 下韶曰:「武平孱弱,政由宦竪,釁結蕭牆,盜起疆場。斬關夜遁,莫知所之,則我高祖 在抖將帥咸請曰:〔三〕「王若不作天子,諸人實不能與王出死力。」延宗不得已,卽皇帝

列傳第四

得出,齊人奮擊,幾中焉。 皆死於陣。 婁敬顯、韓骨胡拒城南; 和阿于子、段暢拒城東; 延宗親當周齊王於城北。 奮大稍往來督 周武帝崩於亂兵,使於積屍中求長蠡者,不得。 照天地。 戰,所向 周武帝左右略盡,自拔無路,承御上士張壽輒牽馬頭,賀拔佛恩以鞭拂其後,以崎嶇僅 特進、開府那盧安生守太谷,以萬兵叛。 無前。 延宗與敬顯自門入,夾擊之,周軍大亂,爭門相塡,齊人從後斫刺,至死者二千餘 和阿于子、段暢以千騎投周軍,周軍攻東門,際昏遂入。進兵焚佛寺門屋,飛焰 尚書令史沮山亦肥大多力,捉長刀步從,殺傷甚多。 武衞蘭芙蓉、綦連延長 城東阨曲,佛恩及降者皮子信爲之導,僅免。 周軍圍晉陽,望之如黑雲四合。延宗命莫多 時四更也。 延宗謂

收兵,俄傾復振。詰旦,還攻東門,克之。又入南門。 惡,直爲百姓來耳!勿怖,終不相害。」使復衣帽,禮之。 王憲及柱國王誼諫,以爲去必不免。延宗叛將段暢亦盛言城內空虛,周武帝乃駐馬,鳴角 周武帝自投下馬,執其手。 時齊人旣勝,入坊飮酒、盡醉臥,延宗不復能整。 延宗辭曰:「死人手何敢迫至尊」,帝曰:「兩國天子,有何怨 周武帝出城,飢甚,欲爲遁逸計。 延宗戰,力屈,走至城北,於人家見

者改亡爲上。至是應焉。延宗敗前,在鄴廳事〔見兩日相連置。〕〔云以十二月十三日晡時受 先是,高都郡有山焉,絕壁臨水,忽有墨書云:「齊亡延宗。」 洗視逾明。 帝使人就寫,使

敕守幷州,明日建尊號,不間日而被圍,經宿至食時而敗。年號德昌,好事者言其得二日云。

旣而周武帝問取潔計,辭曰:「亡國大夫不可以圖存,此非臣所及。」强問之,乃曰:「若

任城王援鄴,臣不能知,若今主自守,陛下兵不血刃。」

諫而止。未幾,周武誣後主及延宗等,云遙應穆提婆反,使並賜死。 及至長安,周武與齊君臣飲酒,令後主起舞,延宗悲不自持。 屢欲仰藥自裁,傅婢苦執 皆自陳無之,延宗攘袂,

泣而不言。以椒塞口而死。明年,李妃收殯之。

言:高王諸兒,阿保當爲天子,至高德之承之,當滅。阿保謂天保,德之謂德昌也,承之謂後 後主之傳位於太子也,孫正言竊謂人曰:「我昔武定中爲廣州士曹,聞襄城人曹普演有

|主年號承光,其言竟信云。] [+]

富人鍾長命同牀坐,太守鄭道蓋來謁,長命欲起,紹信不聽曰:「此何物小人,主人公爲起」」 乃與長命結爲義兄弟,妃與長命妻爲姊妹,責其闔家長幼皆有贈賄,鍾氏因此遂貧。齊滅, 漁陽王紹信,文襄第六子也。歷特進、開府、中領軍、護軍、靑州刺史。行過漁陽,與大

死於長安。

文宣五男:李后生廢帝及太原王紹德。 馮世婦生范陽王紹義。 裴嬪生西河王紹仁。顏

嬪生隴西王紹廉。

太原王紹德, 文宣第二子也。天保末,爲開府儀同三司。 武成因怒李后,駡紹德曰:

武平元年,詔以范陽王子辯才爲後,襲太原王。

爾父打我時,竟不來救。」以刀環築殺之,親以土埋之游豫園

飲,擅致內參打殺博士任方榮。 范陽王紹義,文宣第三子也。 及後主奔鄴,以紹義爲尚書令、定州刺史。 武成嘗杖之二百、送付昭信后、后又杖一百。 初封廣陽,徙封范陽。歷位侍中、淸都尹。 周武帝克幷州,以封 輔相爲北朔州總管。此 好與羣小同

至新興而肆州已爲周守,前隊二儀同,以所部降周。 不果,迎紹義。 地齊之重鎭,諸勇士多聚焉。 二百八十餘,盡從輔相, 紹義至馬邑。 及紹義至,皆反焉。 輔相及其屬韓阿各奴等數十人,皆齊叛臣,自肆州 前長史趙穆、司馬王當萬等謀執輔相,迎任城王於瀛州。 紹義與靈州 周兵擊顯州,執刺史陸瓊,又攻陷諸 刺史袁洪猛引兵南出,欲取幷州。 以北城戍

城。 紹義還保北朔。 周將宇文神舉軍逼馬邑,紹義遣杜明達拒之,兵大敗。紹義日:「有死 衆三千家,令之曰:「欲還者任意。」於是哭拜別者太半。

旌旗 紹義 將宇文神舉攻滅昌期。 雲陽,將親北伐,遇疾暴崩。 聞寶寧得平州,亦招諸部,各舉兵南向,云共立范陽王作齊帝,爲其報讎。 而已,不能降人。」遂奔突厥。 ,登燕昭王冢,乘高望遠,部分兵衆。 突厥他鉢可汗謂文宣爲英雄天子,以紹義重踝似之,甚見愛重。 高寶寧在營州,表上尊號,紹義遂卽皇帝位,稱武平元年,〔八〕以趙穆爲天水王。他鉢 其日,紹義適至幽州 紹義聞之,以爲天贊己。 神舉遣大將軍宇文恩將四千人馳救幽州,半爲齊 聞周總管出兵于外, 盧昌期據范陽,亦表迎紹義。 欲乘虛取薊城。 凡齊人在北者,悉隸 周武帝大集兵於 饿 列天子 而 周

鉢猶不忍,遂爲與紹義獵於南境,使<u></u> 度說執之,流于蜀。 軍所殺。 紹義聞范陽城陷,素服舉哀,回軍入突厥。 周人購之於他鉢,又使賀若誼往說之。 紹義妃,勃海封孝琬女,自突厥逃歸

義在蜀,遺妃書云:「夷狄無信,送吾於此。」竟死蜀 中。

西河王紹仁,文宣第四子也。 天保末,為開府儀同 三司。 尋 薨 。

廐,閉門拒之。 隴 西王紹廉,文宣第五子也。 紹義初爲淸都尹,未及理事,紹廉先往,喚囚悉出,率意決遣之。 初封長樂,後改焉。 性粗暴, 嘗拔 刀逐紹義, 能飲酒, 紹義走入

列傳第四十 齊宗室諸王下

舉數升,終以此薨。

孝昭七男:元皇后生樂陵王百年。 桑氏生襄城王亮,出後襄城景王。 諸姬生汝南王彦

理、始平王彥德、城陽王彥基、定陽王彥康、汝陽王彥忠。

許。 曰:「百年無罪,汝可以樂處置之,勿學前人。」大寧中,封樂陵王。 都下百僚又請,乃稱太后令,立爲皇太子。 樂陵王百年,孝昭第二子也。〔弘〕孝昭初卽位,在晉陽,羣臣請建中宮及太子,帝謙未 河清三年五月,白虹圍日再重,叉橫貫而不達。 帝臨崩,遺詔傳位於武成,并有手書。其末 赤星見,帝以盆水承星影而蓋之,一夜

百年書敕字,驗與德胄所奏相似。 發怒,使召百年。 盆自破。 血皆編地。 欲以百年厭之。 氣息將盡,曰:「乞命,願與阿叔作奴。」遂斬之,棄諸池,池水盡赤,於後園親看 百年被召,自知不免,割帶玦,留與妃斛律氏。見帝於玄都苑凉風堂,使 會博陵人賈德胄教百年書,百年嘗作數敕字,德胄封以奏。 遣左右亂捶擊之,又令人曳百年遶堂且走且打,所過處, 帝又

埋之。

妃把玦哀號, 不肯食, 月餘亦死。 玦猶在手, 拳不可開,時年十四,其父光自擘之,

乃開。

後主時,改九院爲二十七院,掘得小屍,緋袍金帶,一髻一解,一足有靴。 諸內參竊言,

百年太子也。或以爲太原王紹德。

韶以襄城王子白澤襲爵樂陵王。齊亡入關,徙蜀死。

汝南王彥理,武平初封王,位開府、淸都尹。齊亡入關,隨例授儀同大將軍、封縣子。女

入太子宫,故得不死。隋開皇初,卒於幷州刺史。

始平王彥德、城陽王彥基、定陽王彥康、汝陽王彥忠四到與汝南王同受封,並加儀同三

司,後事闕。

王貞、高平王仁英、淮南王仁光、西河王仁機、樂平王仁邕、潁川王仁儉、安樂王仁雅、丹楊 武成十三男:胡皇后生後主及琅邪王儼。李夫人生南陽王綽。後宮生齊安王廓、北平

王仁直、東海王仁謙。

夫人 非正嫡,故貶爲第二。初名融,字君明,出後漢陽王。河淸三年,改封南陽,別爲漢陽 南 陽王綽字仁通,武成長子也。以五月五日辰時生,至午時,後主乃生,武成以綽母李

避入草,綽奪其兒飼波斯狗。婦人號哭,綽怒,又縱狗使食,狗不食,塗以兒血,乃食焉。 與綽臨觀、喜噱不已。 後池,在樓上彈人。好微行,游獵無度,恣情强暴,云學文宣伯爲人。有婦人抱兒在路,走 不敢復言。 極樂。」[11]後主即夜索蠍一斗,比曉,得二三升,置諸浴斛,使人裸臥浴斛中,號叫宛轉。帝 **綽始十餘歲,留守晉陽。愛波斯狗,尉破胡諫之,欻然斫殺數狗,狼藉在地,破胡驚走,** 後主聞之,詔鎖綽赴行在所。至而宥之,問在州何者最樂。對曰:「多取蠍,將狙混看, 後爲司徒、冀州刺史。好裸人、畫爲獸狀、縱犬噬而食之。 謂綽曰:「如此樂事,何不早馳驛奏聞。」。綽由是大爲後主寵,拜大將 左轉定州,汲井水爲

赦。」後主不忍顯戮,使寵胡何猥薩後園與綽相撲, 捡殺之。 瘞於興聖佛寺, 經四百餘日乃 大歛,顏色毛髮皆如生。 韓長鸞間之,自己除齊州刺史。 俗云五 月五日生者,腦不壞。 將發,長鸞令綽親信誣告其反,奏云:「此犯國法,不可

軍,朝夕同

戲

|静兄弟皆呼父爲兄兄,嫡母爲家家,乳母爲姊姊,婦爲妹妹。
(111)

大將軍 琅 邪王儼字仁威,武成第三子也。初封東平王,拜開府、侍中、中書監、京畿大都督、領 ·,領御史中丞,遷大司徒、CIED尚書令、大將軍、錄尙書事、大司馬。

胡后 從北宮出,將上中丞,凡京畿步騎,領軍之官屬,中丞之威儀,司徒之鹵簿,莫不畢備。 丞 聲碎其鞍,馬驚人墜。 過。 在 魏 氏 華林園東門外,張幕隔青紗步障觀之。 其或遲違,則赤棒棒之。 舊制 ,中丞出,千步清道,與皇太子分路行,王公皆遙住車,去牛頓軛於地,以待中 帝大笑,以爲善。 自都鄴後,此儀浸絕。武成欲雄寵儼,乃使一依舊制。儼初 更敕令駐車,傳語良久,觀者傾京邑。 遣中貴驟馬趣仗,不得入,自言奉敕,赤棒應 帝與

成憶儼、 至晉陽 后猶 綠李,還,怒曰:「尊兄已有,我何意無。」從是,後主先得新奇,屬官及工匠 稱曰:「此黠兒也,當有所成。」以後主爲劣,有廢立之意。 以爲不足。 嚴恒在宮中,坐含章殿以視事,諸父皆拜焉。 乃還。 爲之下泣,舍師羅不問。 王師羅嘗從駕,後至,武成欲罪之。 嚴嘗患喉,使醫下針,張目不瞬。又言於帝曰:「阿兄懊,何能率左右」帝每 嚴器服翫飾皆與後主同,所須悉官給。 辭曰:「臣與第三子別, 帝幸幷州,儼恒居守,每送駕,或半路,或 武成崩、改封琅邪。 必獲罪。 留連 於南宮嘗見新冰 不覺晚。」武 太上、胡

列

傳第

四

+

齊

宗室諸

尙不然。」由是忌之。 何 太遲也。二二人相謂曰:「琅邪王眼光弈弈,數步射人,向者暫對,不覺汗出。天子門奏事, 以和士開、駱提婆等奢恣,盛修第宅,意甚不平。嘗謂曰:「君等所營宅,早晚當就,

奏。」伏連信之,伏五十人於神獸門外,口心詰旦,執士開送御史。嚴使馮永洛就臺斬之。 伏連曰:「奉敕, 令領軍收士開。」伏連以諮子琮, 且請覆奏。子琮曰:「琅邪王受敕, 何須重 令子宜表彈士開罪,請付禁推。子琮雜以他文書奏之,後主不審省而可之。儼誑領軍厙狄 也。」儼謂侍中馮子琮曰:「士開罪重,兒欲殺之。」子琮心欲廢帝而立儼,因贊成其事。 儼乃 右開府高舍洛、中常侍劉辟强說儼曰:「殿下被疏,正由士開間構,何可出北宮,入百姓叢中 帶中丞,督京畿。[1三以北城有武庫,欲移儼於外,然後奪其兵權。書侍御史王子宜與儼左 武平二年,出儼居北宮,五日一朝,不復得無時見太后。 四月,詔除太保,餘官悉解,猶

姊來迎臣, 臣卽入見。」姊姊卽陸令萱也, 儼欲誘出殺之。 令萱執刀帝後, 聞之戰慄。 又使 擁兵馬欲坐着孫鳳珍宅上。臣爲是,矯詔誅之。 尊兄若欲殺臣,不敢逃罪,若放臣,願遣姊 走。帝又使馮子琮召儼。儼辭曰:「土開昔來實合萬死,謀廢至尊,剃家家頭使作阿尼,故 人, 屯千秋門外。 帝使劉桃枝將禁兵八十人召儼。 桃枝遙拜,儼命反縛,將斬之,禁兵散 |儼徒本意,唯殺||士開。 及是,因逼||儼曰:「事旣然,不可中止。」 | 儼遂率京畿軍士三千餘

王適從 韓長鸞召嚴。嚴將入,劉辟强牽衣諫曰:「若不斬提婆母子,殿下無由得入。」廣寧、安德二 一西來,欲助成其事,曰:「何不入?」辟强曰:「人少。」安德王顧衆而言曰:「孝昭殺楊遵

彦, 止八十人, 今乃數千, 何言人少?」

請帝 琅邪 帝駐 築辮頭,良久乃釋之。收伏連及高舍洛、王子宜、劉辟强、都督翟顯貴於後園,帝親射之而後 甲將出。 斬,皆支解,暴之都街下。 云「春秋責帥」,於是罪之各 撫掌大笑曰:「龍子作事,固自不似凡人。」入見後主於永巷。帝率宿衞者步騎四百,授 馬橋 必 後主泣啓太后曰:「有緣,更見家家,無緣,永別。」乃急召斛律光,儼亦召之。 : 「琅邪王年少,腸肥腦滿,輕爲 不敢動。」皮景和亦以爲然,後主從之。 光曰:「小兒輩弄兵,與交手卽亂。鄙諺云:『奴見大家心死』,至尊宜自至千秋門, 上,遙呼之,儼猶立不進。 文 有差。 武職吏,盡欲殺之。光以皆勳貴子弟,恐人心不安,趙彦深亦 光就謂曰:「天子弟殺一漢,何苦。」執其手,强引以前。 舉措,長大自不復然,願寬其罪。」帝拔儼帶刀環,亂 光步道,使人走出曰:「大家來。」嚴徒駭散。 光聞殺士

浮圖,北城失主。」不從,破至第二級,得白 嚴之未獲罪 也,鄴北城 有白馬佛塔,是石季龍為澄公所作。 [蛇,長數丈,回旋失之,數旬 儼將修之, 巫曰:「若動此 而 敗。

自是,太后處嚴於宮內,食必自嘗之。 陸令萱說帝曰:「人稱琅邪王聰明雄勇,當今無

下

時年十四。不脫靴,裹以席,埋於室內。帝使啓太后,臨哭十餘聲,便擁入殿。明年三月, 請殺之。未決,以食轝密迎祖珽問之。既稱周公殺管叔,季友耽慶父,帝納其言。以儼之 嚴呼曰:「乞見家家、尊兄」,桃枝以袖塞其口,反袍蒙頭負出,至大明宮,鼻血滿面,立殺之, 是夜四更,帝召儼,儼疑之,陸令萱曰:「兄兄喚,兒何不去。」儼出至永巷,劉桃枝反接其手。 行。」帝出元侃爲豫州刺史。九月下旬,帝啓太后曰:「明旦欲與仁威出獵,須早出早還。」「日公 晉陽,使右衞大將軍趙元侃誘執儼。元侃曰:「臣昔事先帝日,見先帝愛王,今寧就死,不能 敵,觀其相表,江刊殆非人臣。自專殺以來,常懷恐懼,宜早爲計。」何洪珍與和士開素善,亦 葬於鄴西,贈諡曰楚恭哀帝,日也以慰太后。

居宣則宮,齊亡乃嫁焉。 有遺腹四男,生數月皆幽死。以平陽王淹孫世俊嗣。儼妃李祖欽女也,進爲楚帝后,

|齊安王||廓字||仁弘,||武成第四子也。性長者,無過行,位特進、開府儀同三司、

刺史。

畿大都督、兼尚書令、錄尚書事。帝行幸,總留臺事。積年,後主以貞長大,漸忌之。 北平王貞字仁堅,武成第五子也。沈審寬恕,帝常曰:「此兒得我鳳毛。」位司州牧、京 阿那肱

承旨,令馮士幹劾,繫貞於獄,奪其留後權。

高平王仁英,武成第六子也。 舉止軒昂,精神無檢格。 位定州刺史。

次樂平王仁邕,次潁川王仁儉,次安樂王仁雅,從小有瘖疾,次丹楊王仁直,次東海王 淮南王仁光,武成第七子也。 性躁又暴,位淸都尹。次西河王仁機,生而無骨,不自支

仁謙:皆養於北宮。

踪、陳叔寶修其本宗祭祀。 多與後主死於長安。 後主窮蹙,以廓爲光州,貞爲靑州,仁英爲冀州,仁儉爲膠州,仁直爲濟州刺史。自廓已下, 琅邪王死後,諸王守禁彌切。 仁英以清狂,仁雅以瘖疾,獲免,俱徙蜀。隋開皇中,追仁英,詔與蕭 未幾而卒。 武平末年,仁邕已下,始得出外,供給儉薄,取充而已。尋

後主五男。穆皇后生幼主。 諸姬生東平王恪。 次善德,次買德,次質錢。 胡太后以恪

嗣琅邪王,葬夭折。

齊滅。 周武帝以任城已下大小三十王歸長安,皆有封爵。其後不從戮者,散配西土,皆

死邊。

傅之資,而早聞氣尙,士開淫亂,多歷歲年,一朝勦絕,慶集朝野,以之受斃,深可痛焉。 之酷、蓋濟南之濫觴、其云「莫效前人」之言、可爲傷歎。各愛其子、豈其然乎。琅邪雖無師 逆,禍起昭信,遂及淫刑。嗟乎!欲求長世,未之有也。 情,理至淪亡,無所歸命。廣寧請出後宮,竟不獲遂,非孝珩辭致有謝李同,自是後主心識 時艱主暗,晦迹韜光,及平陽之陣,奮其忠勇,蓋以臨難見危,義深家國。 去平原已遠。存亡事異,安可同年而說。」武成殘忍姦穢,事極人倫,太原跡異猜嫌,情非釁 賜劍,殲覆有徵,若使蘭陵獲全,未可量也。而終見誅翦,以至土崩,可爲太息者矣。 論曰:文襄諸子,咸有風骨。雖文雅之道,有謝閒、平,然武藝英姿,多堪禦侮。 贈帝諡恭,矯枉過直,觀過知仁,不亦異於是乎? 以孝昭德音,庶可慶流後嗣, 德昌大舉,事迫羣 安德以 縦咸陽 百年

校勘記

專戮之釁,未之或免。

夜有神光昭玄都法順請以奏 稱「昭玄統」,又名「昭玄都」。本書卷三二崔暹傳,北齊書卷二四杜弼傳,並見此名。「昭」,北 諸本「昭」作「照」。按北齊管理佛教機關名昭玄寺、置大統一人,

朝人常寫作「照」、屢見碑誌、今改「照」作「昭」。

ヘミン 芒山之敗 芒山之戦, 齊軍得勝,見北齊書卷一六段韶傳、卷一七斛律光傳。 本傳下文亦言「大捷」。「敗」 (通志卷八五文襲諸子傳「敗」作「役」、册府卷二一八二六二六頁作「戰」。按河清三年

字必誤、

在幷將帥咸請日 諸本「帥」作「卒」, 北齊書卷一一文襄六王傳作「率」,通鑑卷一七二五三六二

頁作「帥」。按「率」即「帥」、「卒」乃「率」之訛、今從通鑑改。

29 _/ 沭陽王和阿于子 諸本「沭」訛 「沐」,據通志及通鑑同上卷頁改。 流陽見隋書地理志下東海

郡。

[至] 齊人從後斫刺 諸本脫「從」字,據北齊書、通志補。

✓ 延宗敗前在鄴廳事〔見兩日相連置〕 言其得二日」亦指此。 北齊書高延宗傳本是用北史補、北史原文當有此六字。 諸本脱「見兩日相連置」六字,據北齊書補。下文「好事者

「より 後主之傳位於太子也至其言竟信云 按此段文字又見於卷八九綦母懷文傳,前後複出。

稱武平元年 錢氏考異云"「『元年』當作『九年』。 蓋後主以武平八年失國,紹義逃奔突厥,至

乃云『改元武平』,殊失其實。 次年,因高寶寧上表勸進,乃稱帝, 然因此知北宋本已誤『九』爲『元』,而溫公亦未能校正也。」按錢 仍用武平之號、不自改元也。 通鑑卷一七三書此事於前一年,

傳第四十 校勘記

列

說是。 但北齊書、通志及册府卷二八九三四〇五頁並作「元年」,今不改。

へたし 樂陵王百年孝昭第二子也 張森楷云:「百年不聞有兄而云第二子,殊不可解。 且襄城景王清

·傳云『以孝昭第二子亮嗣』。據序,亮在百年之次。 亮第二,則百年益不得爲第二。此『第二』疑 當爲『嫡長』之誤。」按下文南陽王綽傳云:「武成以綽母李夫人非正嫡,故貶爲第二。」高亮之爲

第二,當是同一原因。本傳就實際言,故云百年第二。

汝陽王彦忠 諸本「陽」訛作「南」,據北齊書卷一二孝昭六王傳及本卷孝昭六王序改。 諸本「狙」作「蛆」,通鑑卷一七一五三三七頁作「多聚蠍於器,置狙其中,

觀 之極樂」。按狙卽猴, 與人類似,故下文後主改用人,以發洩其封建統治者的暴虐狂。今據通

鑑改。

多取蠍

將狙混看極樂

韓長鸞間之 諸本「間」訛「聞」,據北齊書卷一二武成十二王傳改。

綽兄弟皆呼父爲兄兄嫡母爲家家乳母爲姊姊婦爲妹妹 按此數語與前後文不連屬,疑是琅邪

王儼傳文、誤移於此。 「綽」亦當是「儼」之訛。 又儼傳云: 「兄兄喚,兒何不去。」「兄兄」指後

主 了即儼之兄,與此云「呼父爲兄兄」不同。

遷大司徒 按北齊司徒不加大了大」字衍文。

二吾 **猶帶中丞督京畿** 諸本「督」訛作「且」,據北齊書改。下文言儼以京畿兵反,可知其仍爲京畿大

都督。

二合 伏五十人於神獸門外 「神獸門」卽「神虎門」, 北史避唐諱改。 本書卷九二和士開傳又作「神

武門」。

[4] 觀其相表 諸本「相」訛「根」。據北齊書、通志改。

須早出早還 諸本脫「早出」二字,據北齊書、通志補。下文言後主四更召儼,卽爲欲早出。

按本書卷八齊後主紀武平三年正月「追贈故琅邪王儼爲

楚帝」。此「三」字當是「正」之訛

明年三月葬於鄴西贈諡曰楚恭哀帝

北史卷五十三

列傳第四十一

万俟普 子敬顯 蔡儁 薛 尉摽 孤 延 摽子 韓賢 子洛 厙 相貴 狄 斛律羌舉 、廻洛 康德 可朱渾元 尉長命 韓建業 子孝 厙 狄盛 卿 封輔相 王懷 劉豐 張 張保洛 瓊 范舍樂 任祥 破六韓常 宋 賀拔仁 子胄 顯 牒 含樂 王則 莫多婁貸文 麴珍 金 侯莫陳相 祚 段琛 慕容紹宗 劉貴

 彭樂

暴顯

皮景和

秦連猛

元景安

獨

孤永業

业

列平

步大汗薩

薛

脩義

慕容儼

厙狄伏連

潘樂

爲侯莫陳悅所殺。 太守,山鹿縣公,靈州鎭城大都督。 周文帝遣行臺趙善、大都督万俟受洛干復來攻圍,引河灌之,遲與豐堅 賀拔岳與靈州刺史曹埿不睦,豐助遲守。 岳將自討遲,

有暴風 武忠。 至。 遏洧水灌城,水長,魚鱉皆游焉。 西人鉤之,並爲敵所害。 豐乃東奔神武,神武以豐爲南汾州刺史。 及王思政據長社,豐與高岳等攻之。先是訛言大魚道上行,百姓苦之。 子曄 從 東北來,正晝昏暗,飛沙走礫,船纜忽絕,漂至城下。 嗣 豐壯勇善戰,死日,朝野駭惋。 城將陷,豐與行臺慕容紹宗見「北有白氣,同入船。」「三忽 河陰之役,豐功居先,神武執其手嗟賞之。 贈大司馬、司徒公、尚書令、諡 豐拍浮向土山,爲浪激,不時 豐建水攻策,

第三子龍,有巧思,位亦通顯。隋開皇中,歷將作大匠,卒於領軍大將軍。 八子俱非嫡妻所生,云云每一子所生喪,諸子皆爲制服三年。 武平中,障所生喪,行話

破六韓常,單于之裔也。〔六〕初呼厨貌入朝漢,〔六〕爲魏武所留,遣其叔父右賢王去卑監

弟 並請解官,朝廷義而不許。

摧之。神武聞其來,遣平陽太守高崇持 **墾女婿劉豐**生與元深相結,遂資遣元。 三千戶,發渭 元 既早爲神 州 一 武知遇,兼其母兄在東,恒表疏與神武往來。 北度烏蘭津 ,歷河、源二州境, 金環一枚賜元,并 元從靈州東北入雲州界。 乃得東出。 運資糧候接。 E 周文帝有疑心。 靈州 周文每遣兵邀元,元戰必 刺史曹埿待元甚厚。 元至,引見執 元乃率所部 手。 後

天保初,封扶風 郡王、位太傅、太師。 薨,贈假黃鉞、太宰、太師、錄尙書。 元用兵務持

功拜司

字。

拜/州刺史,以貪汚被劾,特見原。[四] 累以軍

重,未嘗敗。 皇建初 ,配享文襄廟庭。 子長舉襲。

道元弟天元,亦有將略,便弓馬,封昌陽縣伯。 天保初,位殿中、七兵二尚書。 卒,贈都

督、滄州刺史,諡 日恭武

空。

開府 儀 天元弟天和,以道元勳重,尚東平長公主,賜爵宜安鄉男。 同三司,封成皐郡公。 濟南即位, 加特進,改封博陵郡公。 文宣受禪,加駙馬 與楊愔同被殺,追贈司 都尉, 位

列 傳 第 破六韓拔陵之亂,以守城功,除普樂

劉豐

字

豐生

一一普樂

人也。

有雄姿壯氣,果毅絕人。

爲侯莫陳悅所殺。周文帝遣行臺趙善、大都督万俟受洛干復來攻圍,引河灌之,遲與豐堅 太守,山鹿縣公,靈州鎭城大都督。 賀拔岳與靈州刺史曹埿不睦,豐助遲守。 岳將自討遲,

豐乃東奔神武,神武以豐爲南汾州刺史。 河陰之役,豐功居先,神武執其手嗟賞之。

有暴風 武忠。 至。 遏洧水灌城,水長,魚鱉皆游焉。 西人鉤之,並爲敵所害。 及王思政據長社,豐與高岳等攻之。先是訛言大魚道上行,百姓苦之。豐建水攻策, 子|曄 從東北來,正畫昏暗,飛沙走礫,船纜忽絕,漂至城下。 嗣。 豐壯勇善戰,死日,朝野駭惋。 城將陷,豐與行臺慕容紹宗見「北有白氣,同入船。」「邑忽 贈大司馬、司徒公、尚書令、諡 豐拍浮向土山、爲浪激、不時

第三子龍,有巧思,位亦通顯。隋開皇中,歷將作大匠,卒於領軍大將軍。

八子俱非嫡妻所生,「弘每一子所生喪,諸子皆爲制服三年。 武平中,暐所生喪,日語

弟並請解官,朝廷義而 不許。

破六韓常,單于之裔也。〔六〕初呼厨貌入朝漢,〔六〕爲魏武所留,遣其叔父右賢王去卑監

于魏,其子孫遂以潘六奚爲氏。 本國戶。 魏氏方興,率部南轉, 後人訛誤,以爲破六韓。世領部落。父孔雀,少驍勇,背其 去卑遣弟右谷蠡王潘六奚率軍北禦。 軍敗,奚及五子俱沒

宗人拔陵,率部降介朱榮。 韶封永安縣侯,第一領人酋長。

贈尚書令、司徒公、太傅、第一領人酋長、假王,諡曰忠武 受洛干等東歸,神武上爲武衞將軍。齊受禪,封廣川縣公,拜太子太保。 常,孔雀少子,沈敏有膽略,善騎射。分朱榮死,常歸河西。天平中,與冀州刺史万俟 卒於滄州刺史。

還,岳爲侯莫陳悅所殺。祚克仇池還,莫知所歸。俄而神武遣行臺侯景慰諭,祚遂解甲而 果,歷經、

岐二州刺史。後大行臺賀拔岳表授

東雍州刺史,令討仇池

氏楊紹先於百頃。 還,封安定縣公。 金祚字神敬,安定人也。 性驍雄,尚氣俠。魏末,以軍功至太中大夫,隨元天穆討平邢 未

晉州刺史,入據東雍州。 文宣受禪,加開府儀同三司,別封臨濟縣子。 後隨魏孝武西入,周文帝以祚爲兗州刺史。歷太僕、衞尉二卿。 神武遣尉景攻降之。芒山之戰,以大都督從破西軍,除華州刺史。 卒,贈司空公。 尋除東北道大都督、

使多愜榮心。 劉貴、秀容陽曲人也。 普泰初,行汾州事,棄戍歸齊神武。 剛格有氣斷。 歷介朱榮府騎兵參軍。 累遷御史中尉、肆州大中正,加開府、西 際性猛急,貴尤嚴峻,任

道行臺僕射。

其墓。 功,然與神武布衣舊,特見親重。 貴所歷莫不肆其威酷,非理殺害,視下如草芥。 皇建中,配享神武廟庭。 卒,贈太保、太尉公、錄尚書事,諡忠武。齊受禪,韶祭告 性峭直,攻訐無所回避。 雖非佐命元

次子洪徽嗣樂縣男。[10]卒,贈都督、燕州刺史。

蔡儁,廣寧石門人也。父普,北方擾亂,走奔五原,守戰有功,拜寧朔將軍。 卒、贈燕州

刺史。

神武謀誅洛周,儁預其計。 **儁豪爽有膽略,齊神武微時,深相親附。** 事泄奔葛榮。 仍背榮歸介朱榮。 儁初爲 杜洛周 所虜。 從入洛。 時神武亦在洛周軍中, 及從破葛榮,平元

其經 此致禍。 屍間,見將至,忽起斫賢,斷其脛而卒。 以賢素爲 右。 配享神武廟庭。 爲政嚴暴,又多受納。 顥,封烏洛縣男。 啓,得停。 韓賢字普賢,廣寧石門人也。 函傳於此寺,形制厚朴,世以古物,歷代寶之。 天平初,爲洛州 天平中,卒於揚州刺史,贈尚書令、司空公,諡曰威武。 神武所知,恐有變,遣使徵之。 贈尙書令、司空公。 賢仍潛使人通誠於神武。 隨神武舉義,及平鄴,破韓陵,並有戰功,進爵爲侯。 刺史。 然亦明解,有部分,吏人畏服之。 州人韓木蘭等起兵,賢破之。 子裔嗣。 壯健有武用。 後拜建州 始漢 不願去,乃密遣羣蠻多舉烽,若有寇至。 明帝時,西域以白馬負佛經送洛,因立白馬寺。 刺史。 初隨葛榮作逆。 賢知,故斫破之,未幾而死。 後為廣州 性好賓客,頗稱施惠 親自案檢收甲仗,有一 齊受禪,詔祭告其墓。 刺史。 榮破後, 及齊神武 出為濟州刺史。日日 **介朱榮擢充左** 起義 賊窘迫藏 論者謂因 使者遂為 皇建初, 度律

列

傳

第

尉長命,太安狄那人也。父顯,魏代郡太守。

州反,除東南道大都督,與諸軍討平之。徙幽州刺史,督安、平二州。雖多聚歛,然以恩撫 長命性和厚,有器識。參預齊神武起兵,破众朱氏於韓陵,拜安南將軍。 樊子鵠據克

人,少得安集。卒,贈司空,諡曰武壯。

子興,字敬興。自己便弓馬,有武藝,位冠軍將軍。

光於廣阿,又從破四胡於韓陵,以功封盧鄉縣侯。 克西夏州。 懷以武藝勳誠,爲神武所知。 王懷字懷周,不知何許人也。少好弓馬,頗有氣尙。 還,爲大都督,鎭下館。 志力未申,論者惜其不遂。 除車騎大將軍、儀同三司。卒、贈司徒公、尚書僕射。 天平中,爲都督、廣州刺史。 隨齊神武於冀州起兵,討破公朱 皇建初,配饗神武廟庭。 後從神武襲

任祥字延敬、廣寧人也。 少和厚,有器度。 初從葛榮,榮署爲王。 榮敗, 擁所部先降,

初 司。 拜廣寧太守,賜爵西河縣公。 史田迅,口司據城降西魏,祥戰失利,還北。口四與行臺侯景、司徒高昂共攻拔潁川。 5,拜侍中,遷徐州刺史。 在州大有受納,然政不殘,不爲人所疾苦。 祥位望旣重,能以寬和接物,人士稱之。及斛斯椿釁發,祥棄官北走,歸 隨神武起兵, 封魏郡公。後兼尚書左僕射, 進位 潁州長史賀若徽 一開府儀 神 武 元象元 執刺 天平 同三

實,神武特免之。冑內不自安,乃與儀同尒朱文暢、參軍房子遠、鄭仲禮等陰圖弑逆,伏誅。 冑隸之。 動極豪華,賓客往來,將迎至厚。興和末,神武攻玉壁還,留淸河公岳爲行臺,鎭守晉州,以 年,卒於鄴。贈太尉公、錄尚書事 子胄,性輕俠,頗敏慧,少在神武左右。天平中,擢爲東郡太守。 **青飲酒游縱,不勤防守,神武責之。懼,遂潛遣使送款於周。爲人所糾,推勘未得** 家本豐財,又多聚歛,

從破四胡於韓陵,進爵爲侯。 莫多婁貸文,太安狄那人也。 從平余朱兆於赤谼嶺,兆自縊,貸文獲其屍。 聽果有膽氣。從神武起兵,破余朱兆於廣阿,封石城縣 天平中,進

元象初,除車騎大將軍、儀同三司、南道大都督,與行臺侯景攻獨孤信於金墉城。 列 傅 第 + 尉 長 命 王 懷 任 祥 莫 多 婁 貸 文 九〇七

鹤爲公,晉州刺史。

帝出函谷,景與高昂議待其至,貸文請率所部擊其前鋒,景等固不許。 命,以輕騎一千,軍前斥堠,死於周軍。贈尙書左僕射、司徒公。 貸文性勇而專,不受

敬顯走還鄴,授司徒。 平七年,從後主平陽敗歸,在幷州與唐邕等推立安德王稱尊號。安德敗,武將皆投周軍,唯 置營,中夜巡察,或達旦不眠,臨敵置陣,亦命部分將士,深見重。位至開府儀同三司。 子敬顯嗣,强直勤幹,少以武力見知。恒從斛律光征討,數有戰功。光每令敬顯前驅 周武帝平鄴,執之,斬於閶闔門外,責其不留晉陽也。 武

於信都,迴洛雅衆來歸。 封順陽郡王。 **厙狄迴洛,代人也。少有武力,儀貌魁偉。初事念朱榮。榮死,隸尒朱兆。** 大寧初、爲朔州刺史、轉太子太師。卒、贈太尉、定州刺史。 從破四胡於韓陵,以軍功封順陽縣子,累遷夏州刺史。 昭帝卽位, 神武舉兵

刺史,封長廣縣公。齊受禪,改封華陽縣公,後拜特進。卒,贈太尉公。 **厙狄盛字安盛,懷朔人也。性和柔,少有武用。初爲神武親信都督,從征伐,累遷幽州**

襄 阿及韓陵戰。元象初,爲西夏州刺史,以前後功,封安武縣伯。又從戰芒山,進爵爲侯。 從葛榮。 | 嗣事,歷梁州刺史,進虧爲公。齊受禪,加開府,仍爲刺史。 張保洛,自云本出南陽西鄂。家世好賓客,尚氣俠,頗爲北土所知。保洛少便弓馬。初 **榮敗,仍爲 公朱榮統軍。** 後隸齊神武。 神武起兵、保洛爲帳內。從破余朱兆於廣 聚歛,爲百姓所患。 濟南初,

從神武出山東,又有賀拔仁、麴珍、段琛、尉摽、子相貴、康德、二五韓建業、封輔相 、范舍

樂、牒舍樂,並以軍功至大官,史失其事。

兼侍中,尋出爲滄州刺史,封敷城郡王。

以聚歛発官,奪王爵。卒,贈前官,追復本封。

錄尚書、十二州諸軍事、朔州刺史、諡曰武。 定郡王、歷數州刺史、太保、太師、右丞相、錄尙書事。 仁字天惠,善無人。こ以帳內都督從神武破众朱氏於韓陵,力戰有功。 武平元年薨,贈假黃鉞、相國、太尉、 天保初,封安

初,爲豫州道行臺尚書令、豫州刺史。 1珍字舍洛,西平酒泉人。 壯勇善騎射,Clay以帳內從神武。 卒,贈太尉 天統中,封安康郡王。

傳第四

+

犀 狄 迴

洛

犀

狄盛

張保

洛

|琛字懷寶,代人。少有武用,從起兵。 天保中,開府儀同三司、兗州刺史。

摽,代人。大寧初,位司徒,封海昌王。 卒,子相貴嗣

密啓周武帝請師,求爲內應。周武自率衆至城下。 相貴,武平末,開府儀同三司、晉州道行臺尚書僕射、晉州刺史。 子欽等夜開城門,引軍入,鎖相貴送長 及行臺左丞侯子欽等

「大事去矣,知復何言」」 立計將殺高阿那肱,廢後主立廣寧王,事竟不果。 弟相願,强幹有膽略。」武平末,開府儀同三司、領軍大將軍。自平陽至幷州及到鄴,每 及廣寧被出,相願拔佩刀斫柱而歎曰;

安,卒。

德,代人。 歷數州刺史、烊省尙書左僕射、開府儀同三司,封新蔡王。 范舍樂,代人。有武藝,筋力絕人。位東雍州刺史、開府儀同三司,封平舒侯。 建業、輔相俱不知所從來。建業位領軍大將軍、幷州刺史。以輔相爲朔州總管。

縢舍樂,武威人。開府儀同三司、營州刺史,封漢中郡公,戰歿關中。[15]

侯莫陳相,代人也。 祖社伏頹,魏第一領人酋長。父斛古提,朔州刺史,白水公。

陽平縣伯,後改封白水郡公。 兼瀛 州刺 相七歲喪父,號慕過人。 史,歷太保、朔州 刺史,又授太傅,別封義寧郡公。 及長,性雄傑。 天保初,累遷司空公,進爵白水王。 後從神武起兵,破四胡於韓陵,力戰有功, **薨於州,贈假黃鉞、** 又遷大將軍,拜太尉 右丞相、太 封

宰、太尉、都督、朔州 刺史。

|儉、行 活。 周,授上大將軍,封信安縣公。 次子晉貴, 嚴重有文武幹略, 子仲宣,太常丞。 襲爵白水王, 武衞將軍、開府儀同三司、 子弘穎、弘信,雍州司 士参軍。 梁州 子行方、行 刺史。

歸

皆焦。 失利 震地 受禪,別賜 以酒醉,爲敵 ,火燒浮圖,神武令延視之。 薛 神武班 孤延,代 神武歎其 爵 師 所襲據。 都昌縣公 延後 人也。 勇決, 曰:「延乃能與霹靂鬭」後封平秦公, 與諸將討潁 殿,且戰且行,一日斫 少驍果,從神武起兵,以功累加儀同三司。 潁川平,諸將還京師,讌華林園,文襄啓魏帝,坐延階下以辱之。 延案稍直前,大呼繞浮圖走,火遂滅。 折十五刀。 神武嘗閱馬於北牧,道逢暴雨,大雷 從西征,至蒲津。 川,延專監造土山, 延還,鬚及馬鬃尾 及竇泰

延性好酒,率多昏醉。 以善戰,每大軍征討,常爲前鋒。 位太子太保、太傅。

斛律羌舉,太安人也。 世爲部落酋長。羌舉少驍果,從众朱兆。 **兆破,乃歸誠神武**

神武以其忠於所事,亦加嗟賞。 |天平中,除大都督。

燒殺誰復信之。」諸將議旣有異同,遂戰於渭曲,大軍敗績 不戰而剋。拔其根本,則黑獺之首,可懸軍門。」神武欲縱火焚之,侯景曰:「當禽以示百姓, 死決,有同猘犬,或能噬人。且渭曲土濘,無所用力。若不與戰,徑趣咸陽,咸陽空虛,可 後從神武戰於沙苑,時議進趣計,羌舉曰:「黑獺若欲固守,無糧援可恃。 今揣其情,欲

後封密縣侯,爲東夏州刺史。有疫疾,刺胸,竹筩吮之,垂愈,因怒,創裂而卒。 贈儀同

三司。子孝卿嗣。

作承光韶,禪位任城王。令孝卿齎韶策及傳國璽往瀛州,孝卿便詣鄴。仍從周武帝入關, 穢。後主至齊州,以孝卿爲尙書令,又以中書侍郎薛道衡爲侍中,封北海王。二人勸後主 兵、騎兵機密。時政由羣竪,自趙彦深死後,朝貴典機密者,唯孝卿一人差居雅道,不至貪 孝卿少聰敏,機悟有風檢。」武平末,位侍中、開府儀同三司,封義寧王,知內省事,典外

位濟州刺史。及介朱氏敗,歸神武,拜滄州 神武襲克夏州,以瓊爲慰勞大使,留鎭之。 張瓊字連德,代人也。少壯健,有武用。初隨葛榮爲亂。 尋爲周文帝所陷,卒。 刺史,加驃騎大將軍、開府儀同三司。 榮敗,余朱榮以爲都督。 贈司徒、都督、恒州刺史。 天平中, 後歷

險,遂與公主情好不篤,尋爲孝武所害。 伯。 瓊常憂其太盛,每謂親識曰:「凡人官爵,莫若處中。 瓊子欣,尙魏平陽公主,四日除駙馬都尉、驃騎大將軍、開府儀同三司、建州刺史, 時人稱瓊先見。 於位秩太高,深爲憂慮。」而欣豪 南鄭

幹,檢御左右,咸得其心力。及河陰之戰,深入,沒于行陣。贈司徒公。 世隆等以爲晉州刺史。 朱顯字仲華,敦煌効穀人也。性果毅,有幹用。 後歸神武爲行臺左丞,拜西兗州刺史。 初事介朱榮,稍遷爲記室參軍。 在州多所受納,然勇決有氣 榮死,

列傳第

四十一

斛律

疑老生 戰功。 ,遂殺之。 老生爲朝廷所知,則頗有力。 則奔廣州刺史鄭先護,與同拒顥。 初以軍 功賜白水子。 顥敗,爲東徐州防城都督。 元顥入洛,則與老生俱降顥。 **介朱榮之** 顥

境上,椿遂降悦。 死 也,東徐州刺史斛斯椿是其枝黨,內懷憂懼。 則與朦陵太守李義擊其偏師,破之。 時梁立魏汝南王悅爲魏主,資其士馬,送之 魏因以則行北徐州事,隸分朱仲遠。

仲遠敗,乃歸神武。

受狼籍。 性貪,在州不法,舊京諸像,毁以鑄錢,于時號河陽錢, 逼 ,棄城奔梁。 天平初,頻以軍功,都督、 令送晉陽,文襄恕其罪。 梁尋放還,神武恕而不責。 荆州刺史。 卒,贈司空,諡烈懿。 元象初,洛州刺史。 則有威武,邊人畏伏之。 皆出其家。 以前後勳,封太原縣伯。 以武用,除徐州刺史,取 渭曲之役,則爲西師圍 則

則弟敬寶,位東廣州刺史,與蕭軌攻建業,不剋,死焉。

慕容紹宗字紹宗,晃第四子太原王恪之後也。 曾祖騰,歸魏,遂居代。 祖郁, 岐州刺

史。父遠,恒州刺史。

史。及兆敗,紹宗於烏突城見神武,曰曰遂攜尒朱榮妻子幷兆餘衆自歸神武。 下共棄。 士繁盛,驕侈成俗,不除翦,恐難制。 紹宗容貌恢毅,少言,深沉有膽略。 公旣執忠義,忽欲殲夷多士,實謂非策。」不從。後以軍功封索盧侯,遷介朱兆長 吾欲因百官出迎,悉誅之,若何。」對曰:「太后淫虐,天 神武仍加恩

除方,授徐州刺史,執烏黑殺之。還,除尚書左僕射。日言 宗,以其兄爲州主簿,紹宗不用。 搴譖之神武曰:「紹宗嘗登廣固城長歎,謂所親云:大丈夫 有復先業理不。」由是徵還。一元象初,以軍功進爵爲公,累遷御史中尉。屬梁人劉烏黑入寇 及遷鄴,令紹宗與高隆之共知府庫、圖籍諸事。累遷青州刺史。時丞相記室孫搴屬紹

禮,所有官爵並如故,軍謀兵略,時參預焉。

然,高王未死邪。」及與景戰,諸將頻敗,無肯先者。紹宗麾兵徑進,諸將從之,因大捷 往,曰:「此兵精人凡爾。」諸將被輕。及聞紹宗至,扣鞍曰:「誰敎鮮卑小兒解遣紹宗來?若 於寒山。 侯景反,命紹宗爲東南道行臺,加開府,改封燕郡公,又與大都督高岳禽梁貞陽侯 廻軍討侯景於渦陽。時景軍甚盛,初聞韓軌往討之,曰:「噉猪腸小兒。」聞高岳 蕭明

列傳第四十一 王則 慕容紹宗

西魏遣王思政據潁川。

又以紹宗爲南道行臺,與太尉高岳、儀同劉豐圍擊之,堰洧水

算也,其算盡乎!」未幾,與劉豐臨堰,見北有塵氣,乃入艦同坐。暴風從東北來,纜斷 灌城。 徑向敵城。 時紹宗數有凶夢,每惡之,私謂左右曰:「吾自數年已還,恒有蒜髮,昨來忽盡。 紹宗自度不免,遂投水卒。三軍將士,莫不悲惋,朝廷嗟傷焉。贈太尉,諡曰 飄艦, 蒜者

長子士肅,以謀反伏法。朝廷以紹宗功,罪止士肅身。 皇建初,配享文襄廟庭。

弟三藏。

見,恩禮甚厚,授儀同大將軍。 師入鄴,齊後主東遁,委三藏留守鄴宮。齊王公已下皆降, 三藏幼聰敏,多武略,頗有父風。 武平初,襲爵燕郡公。 三藏猶拒戰。 以軍功、歷位武衞大將軍。 及齊平,武帝引

周

繁滋 刺史、淮南郡太守,所在有惠政。 所。 藏檢校廣州道行軍事。 其日景雲浮於上,雉兎馴壇側。 ,獲醍醐奉獻,賚物百段。十三年,州界連雲山響,稱萬歲者三,詔頒郡國,仍遣使醮 隋開皇元年,授吳州刺史。 以功授大將軍。 九年,副襄陽公韋洸討平嶺南。 改授金紫光祿大夫。 使還以聞,上大悅,改封河內縣男。 後遷廓州刺史,人歌頌之,文帝數有勞問。 大業七年卒。 至廣州,洗中流矢卒,詔三 歷疊州總管、和州 叉畜 產 山

薩

<u>叱列平字殺鬼,代郡西部人,世爲</u>會帥。 平有容貌,美鬚髯, 善射馭。 襲第 一領人

長、臨江伯。 魏末,以軍功至武衞將軍。 隨尒朱榮破葛榮,平元顥,封癭陶縣伯。 榮死, 佘

朱氏陵僭,平懼禍,後歸神武。從破四胡於韓陵。以軍功,天保初累遷兗州刺史,開府儀同

三司。卒,贈都督、瀛州刺史,諡曰莊惠。子孝冲嗣。

孝冲弟長叉,武平末,侍中、開府儀同三司,封新寧王。 隋開皇中,位上柱國,卒於涇州

刺史。長叉無他才技,在官以清幹稱。

步大汗薩,代郡西部人。祖榮,代郡太守。 ` 父居,龍驤將軍、領人別將。

薩初從分朱榮入洛。及平萬榮,累功爲都督。榮死,又從兆入洛。及韓陵之敗,以所

部降神武。 稍遷車騎大將軍,封行唐縣公,晉州刺史。齊受禪,改封義陽郡公。

薛脩義字公讓,河東汾陰人也。 會祖紹,魏七兵尚書。祖壽仁,秦州刺史、汾陰公。父

寶集,定陽太守。

|義得七千餘人,假安北將軍、西道別將。 脩義少而姦俠,輕財重氣。魏正光末,天下兵起,特詔募能得三千人者,用爲別將,脩 以軍功,拜龍門鎭將

等並見拘防。 珍孫討之,軍未至,脩義慚悔,遣表乞一大將招慰,乃降。 乃授鳳賢龍驤將軍,陽夏子,改封汾陰縣侯。日國命朱榮以脩義反覆,錄送晉陽,與高昂 後宗人鳳賢等作亂,圍鎭城,脩義以天下紛擾,遂爲逆,自號黃鉞大將軍。詔都督宗正 榮赴洛,並以自隨,置於駝牛署。 鳳賢等猶據險不降,脩義與書,降

相待甚厚。及韓陵之捷,以脩義行幷州事。 濟河,招下西魏北華州刺史薛崇禮 <u></u>樂死,魏孝莊以脩義爲弘農、河北、河東、正平四郡大都督。 孝武帝入關,神武以脩義爲關右行臺,自龍門 時神武爲晉州刺史,見之,

定州 敗,徙秦、南汾、東雍三州人於幷州,又欲棄晉,以遣家屬向英雄城。 「若失守,則請誅。」斛律金曰:「還仰漢小兒守,收家口爲質,勿與兵馬。」神武從之,以脩義 一方不可保。」神武怒曰:「爾輩皆負我,前不聽我城幷州城,自己使我無所趣。」脩義曰: 初,神武欲大城晉,中外府司馬房毓曰:「若使賊到此處,雖城何益?」乃止。及沙苑之 脩義諫曰:「若晉州敗,

行晉州事。 及西魏儀同長孫子彦圍逼城下,脩義開門伏甲待之,子彦不測虛實,於是遁去。

神武嘉之,就拜晉州刺史。

後除齊州刺史,以黷貨除名。追其守晉州功,復其官爵。 俄以軍功,進正平郡公,加開

府。天保中,卒於太子太保,贈司空。子文殊嗣。

脩義從弟嘉族,性亦豪爽。從神武平四胡於韓陵。 歷華、陽二州刺史、卒官。子震、字

,位廉州刺史,CIKD亦著軍功。 又歷南汾、譙二州刺史。

罪,乃謂儼曰:「府君,少爲羣下屈節。」儼攘袂曰:「吾狀貌如此,行望人拜,豈可拜人」」神武 氏敗、歸神武。 聞二人在邊不和,Clab微相樂還朝,以儼代爲刺史。 人所執,將投山賊張儉,爲守人王崇祖 慕容儼字恃德,淸都人,廆之後也。容貌出羣,衣冠甚偉,不好讀書,頗學兵法。 以勳,累遷五城太守。 私放、獲免。 見東雍州刺史潘相樂,長揖而已。丞尉已下,數罹其 神武仍授以軍司,共擊平儉,始得達州。 遷東荆州刺史,行次長社,忽爲其部下

沙苑之敗,時諸州多翻陷,唯儼獲全。

列傳

第

四

+

薛

脩

義

慕容嚴

天保初, 以軍 功, 除 開 府儀 同三司。 六年,梁司徒陸法和、儀同宋茝等以郢州城內附。

大都督 荻葓。 史。 自勝。 等及靴、皮帶、筋角等食之。 時 喜,以爲神助。 悅以安之。 正月至 淸 河王岳 侯瑱 一六月,人無異志。 約復以鐵鎖連緝,防禦彌切。 帝親執其手,捋儼鬚,脫帽看髮,歎息久之。 城中先有神祠一所、俗號城隍神、儼於是順士卒心祈請,須臾、衝風驚波、漂 、任約率水陸軍奄至城下,於上流鸚鵡洲造荻葓,竟數里,以塞船路。 師師江上,議以城在江外,求忠勇過人者守之,衆推儼,遂遣鎭郢城。 嚴出城奮擊,大破之。 後蕭方智立,請和。 人死,卽 嚴還共耐請,風浪夜驚, 燕復斷絕。 火別分食,唯留骸骨。 **璵、約**又幷力圍城。 文宣以城在江表,有詔還之。 曰:「自古忠烈, 豈過此也 唯煑槐楮葉幷紵根、水葒、葛、艾 儼 猶 信賞必罰,分甘同苦。 如此再三,城人大 及至,望帝悲不 一、除趙州 始入而 衆懼 嚴 自 斷 刺

平元 年,爲光州 天統四年,別封寄氏縣公,幷賜金銀酒鍾各一枚、胡馬一疋。 刺 史。 儼 少從 征討,經略雖非所長,而 有將帥之節。 五年,進爵爲義安王。 所歷諸州,雖 不能 清白 武

云行 臺武王已降,子會乃與僚屬北面慟哭,然後奉命。 子子會 」, 位 野 州 刺史。 周武帝平鄴,使其 、子送敕喩之,子會枷其子,付獄。 **尋赦書至** 守道,亦不貪殘害物。

卒,贈

司

徒。

蠅,杖 宮闕 直 冠 士族、皆加 閤 將軍 門者曰:「何故聽入」」其妻病,以百錢買藥,每自恨之。 曉タ 不離帝所,頗以 後從 捶撻,逼遣築牆。 神武,賜爵蛇丘男。 此 見知。 武平中、封宜都郡王、除領軍大將軍。 然鄙吝愚狠。 天保初,儀同三司,尋加開府。 爲鄭州 刺史,好聚歛。 不識士流,開府參軍,多是衣 性質朴,勤公事,直 尋與琅邪王矯 又嚴酷,居室患 殺 和

在別 設 而 積絹 豆 庫 餅。 伏連 遣 至二萬疋,簿錄並 問 家口百餘,盛夏,人料倉米二升,不給鹽菜,常有饑色。 豆餅得處,云於馬豆中分減。 婢 專掌管籥。 歸天府。 每入庫 檢閱 ,必語妻子,此官物,不得輙用。 伏連 大怒,典馬、掌食人並加杖罰。 冬至日,親表稱賀,其妻爲 至死時,唯着 積 年 賜 「敝褌; 物,藏

開

,伏誅,被支解。

潘 樂字 相貴,廣寧石門人也。 本廣宗大族、魏世分鎭北邊、因家焉。 父永, 有 技藝,襲

爵廣宗男。

樂初 生,有 雀止其母左肩,占者咸言富貴之徵,因名相貴,後始爲字。 及長, 寬厚有

列

膽 略。 初 歸葛榮, **榮授京兆王,時年十九。** 爲別將討元顥 ,以功封敷城

縣男。

武善之,以衆之不同而 也、遂如故。 功 ,拜東雍州刺史。 齊 、神武 出牧晉州,引樂爲鎭城都將。 後從破周師於河陰,議欲追之, 神武嘗議欲廢州,樂以東雍地帶山河,境連胡、蜀,形勝之會, 此。 改封金門郡公。 後從破分朱兆於廣阿,進爵廣宗縣伯。 令追者在西,不願者東,唯樂與劉豐居西。 累以 不可棄 神 軍

樂 以軹關要害,必須防固,乃更修理,增置兵將而還。 文宣嗣事 頻河陽 ,破西將楊樹等。時帝以懷州刺史平鑒等所築城深入敵境,欲棄之。 還鎭河陽,拜司空。 齊受禪、樂進璽

綬,進封河東郡王,遷司徒。

陷 孤 公戍。 |周 文 東至崤、陝,遣其行臺侯莫陳崇自齊子嶺趣軹關,自己儀同楊樹從鼓鍾道出建州, 詔樂 總大衆禦之。 樂畫夜兼行,至長子,遺儀同韓永興從建州 西趣崇,崇遂遁。

爲 淮 州。 又 爲 樂獲其 南道大 都督討侯景。 地,仍立涇州。 樂發石鱉,南度百餘里,至梁涇州。 又克安州 之地。 除瀛州刺史,仍略淮、漢。 涇州舊在石梁,侯景改 天保六年,薨於

懸瓠。贈假黃鉞、太師、大司馬、尙書令。

子 子晃嗣。 諸將子弟,率多驕縱,子晃沈密謹憝,以清靖自居。 **尚公主**,拜駙馬都尉。

武平末,爲幽州道行臺右僕射、幽州刺史。 周師將入鄴,子晃率突騎數萬赴援,至博陵,知

鄴城 不守,詣冀州降周齊王軍 授上開府。 隋大業初卒。

於滏 先登陷陣,賊衆大崩,封樂城縣公。後以軍功,進爵汨陽郡公,除肆州刺 口。 及余朱榮遣大都督侯深擊樓,樂又叛樓降深。 彭樂字興,安定人也。 又爲都督,從神武與行臺僕射于暉討破羊侃于瑕丘。 驍勇善騎射。 初隨杜洛周賊,知其不立,降众朱榮。 神武出山東,樂又隨從。 後叛投逆賊韓樓, 史。 韓陵之役,樂 從破葛榮 封北平

創,軍勢遂挫,不利而還。神武每追諭以戒之。 百人取一,差不可失也。」神武從之。 天平四年,從神武西討,與周文相拒。 樂因醉入深,被刺腸出,內之不盡,截去復戰,身被數 神武欲緩持之,樂氣奮請決戰,曰:「我衆賊少,

叛 北 曰:「自應渴死,何待我殺」」乃勒陣以待之。 西軍至皆喉慘。 樂以數千精騎爲右甄,衝西 入西。 垂,所向奔退,遂馳入周文營。人告樂叛,神武曰:「樂棄韓樓事分朱榮,背分朱歸我,又 高仲密之叛也,周文援之,神武迎擊於芒山。 事成敗豈在一樂。 但念小人反覆爾。」 俄而西北塵起,樂使告捷,虜西魏臨洮王 候騎言賊去洛州四十里,蓐食乾飯,神武

東、蜀郡王榮宗、江夏王昇、鉅鹿王闡、譙郡王亮、詹事趙善,督將僚佐四十八人,皆係頸反

接手,臨以刃,歷兩陣而唱名焉。 諸將乘勝,斬首三萬餘。

復言捉邪。」取絹三千疋壓樂,因賜之。 <u></u> **并數沙苑之失,舉刀將下者三,噤魪良久,乃止。更請五千騎取周文。神武曰:「爾何放而** 以周文言對。且曰:「不爲此語放之。」神武雖喜其勝,且怒,令伏諸地,親稱其頭,連頓之, 不急還前營收金寶。」樂從其言,獲周文金帶一束以歸。言周文漏刃破膽矣。神武詰之,樂 西軍退,神武使樂追之。 周文大箸而走,曰:「癡男子!今日無我,明日豈有汝邪? 何

累遷司徒。天保初,封陳留王,遷太尉。二年,謀反,爲前行襄州事劉章等告,伏誅。

暴顯字思祖,魏郡斥丘人也。祖喟,仕魏,爲朔州刺史,因家焉。 **父誕,恒州刺史、樂**

安公

騎射,曾從魏孝莊獵,一日中,手獲禽獸七十三。後從齊神武起義信都,累遷北徐州刺史, 封屯留公。 顯幼時,見一沙門指之曰:「此郎子好相表,大必爲良將,貴極人臣。」語終失之。 顯善 天保中,以贓貨解州、「川〇」大理禁止。處判未訖,爲合肥被圍,遣顯與步大汗薩

皮景和、琅邪下邳人也。父慶賓、魏淮南王開府中兵參軍。 正光中,因使遇亂,遂家廣

寧之石門縣。

景和少通敏,善騎射。初以親信事神武。 後征步落稽,疑賊有伏、「三」令景和將五六騎

箭獲之,深見賞異。除庫直正都督。 深入一谷。遇賊百餘人,便戰,景和射數十人,莫不應弦而倒。神武嘗令景和射一野豕,一

定稽胡、討蠕蠕,每有戰功。累遷殿中尚書、侍中。 故頻有美授。周通好後,冠蓋往來,常令景和對接。 天保初,授通州刺史,封永寧縣子。景和趫捷,有武用,從襲庫莫奚,度黃龍,征契丹, 景和於武職中兼長吏事,又性識平均, 每與同射,百發百中,甚見推重。

進,封廣漢郡公,遷領軍將軍。琅邪王之殺和士開,兵指西闕,內外莫知所爲。 武平中,詔獄多令中黃門等監之,恒令景和案覆,據理執正,由是過無枉濫。後除特 景和請後主

出千秋門,自號令。事平,除尚書右僕射。〔三〕

列

第四十

暴顯

皮

景和

陳將吳明徹寇淮南,令景和拒之。 除領軍大將軍,封文城郡王。 又有陽平人鄭子

(饒,〔三〕詐依佛道設齋會,用米麪不多,供贍甚廣, 密從地藏, 漸出餅飯。 愚人以爲神力,見 破之,禽子饒,送鄴烹之。 信於魏、衞之間。 將爲逆亂,謀泄。 及吳明徹圍壽陽,敕景和與賀拔伏恩救之。是時,拒明徹者多傾 乃潛度河聚衆,自號長樂王,已破乘氏縣。景和遣騎擊

覆,唯景和全軍而還。除尚書令。

武平六年,卒。贈太尉、錄尚書。

長子信,機悟有風神。 位開府儀同三司、武衞將軍,於勳貴子弟中,稱其識鑒。 降 |周

軍,授上開府、軍正中大夫。隋開皇中,卒於洮州刺史。

少子宿達,開皇中,通事舍人。母憂起復,將赴京,辭靈,慟哭而絕,久而獲蘇,不能下

食,三日而死。

綦連猛宇武兒,C圖代人也。 其先姬姓,六國末,避亂出塞,保耐連山,因以山爲姓。 北

人語訛,故曰綦連。 父元成,燕郡太守。

東,余朱京纏欲投神武,召之與俱。舉矟謂曰:「不從我者死」」乃從之。 猛少有志氣,便弓馬。 初爲介朱榮親信。 |榮被害,從余朱兆入洛。 猛父母兄弟皆在山 去城五十餘里,猛

以猛 佘朱文暢將為逆,猛曰:「昔事其父兄,寧今日受死,不忍告而殺之。」神武聞之曰:「事人當 以素蒙兆恩,卽背京纏復歸兆。 配尉景,貴和配婁昭。 **羌舉以故酋長子,故無所配。** 兆敗、猛與斛律羌舉、乞伏貴和逃亡。及見獲、各杖一百。 旣而三人並爲神武親信。 後都督

如此。」舍其罪而益親之。

除東秦州刺史。河淸三年,加開府。突厥侵逼晉陽、三剌猛覘賊。中一騎將超出來關,猛 射。 即斬之。 校挽强弓,梁人引弓兩張,皆三石,猛遂併取四張,疊挽之,過度。 以軍功,封廣興縣侯。 梁使來聘,云求角武藝。 文襄遣猛就館接之,雙帶兩難,左右馳 梁人嗟服。 天保初,

史。後除大將軍。齊亡入周,卒。 寬惠淸愼,吏人稱之。淮陰王阿那肱與猛有舊,每欲攜引之,韓長鸞等沮難,復授膠州刺 先是,謠曰:「七月刈禾太早,九月噉餻未好,本欲尋山射虎,激箭旁中趙老。」至是,其言乃 猛與彥深前推琅邪王,事有意故。 於是出猛爲定州刺史,彥深爲西兗州刺史,卽日首途。 與奪,咸亦咨禀。趙彥深以猛武將之中,頗疾姦佞,言議時有可采,故引知機事。 猛行至 牛 蘭,有人告和士開被害時,猛亦知情,遂被追還,削王爵,以開府赴州。 天統五年,除件省尚書令、領軍大將軍,封山陽王。 猛自和士開死後,漸預朝政,疑議 祖珽奏言

列傳第四

尉、謝無官。」及芒山之役,興慶救神武之窘,爲軍所殺。 初 猛與尉 興慶、謝猥餒並善射小心,給事神武左右。 神武嘆曰:「富貴定在天也」」猛竟 神武使相者視之,曰:「猛大貴,

圖,世謂高王浮圖云。於是超贈儀同、涇州刺史,諡曰閔壯。 興慶事見齊本紀。「景〕興慶每入陣,常自署名於背,神武使求其尸,祭之。於死處立浮

如相者言,卒以榮寵自畢。

景安臨陣東歸。芒山之戰,以功賜爵西華縣男,代郡公如故。景安妙閑馳騁,有容則,每梁 高氏、累遷兼七兵 使至,恒與斛律光、皮景和等對客騎射,見者稱善。天保初,別封興勢怕,帶定襄縣令,賜姓 工騎射,善於事人。父永啓迴代郡公授之。隨魏孝武帝西入關。天平末,周、齊交戰,〔計〕 元景安,河南洛陽人,魏昭成皇帝之五世孫也。高祖虔,陳留王。景安沈敏有幹局,少 (佾書。

賜之,以彰淸節。〔三〕孝昭嘗與功臣西園宴射,侯去堂一百三十步,中的者賜以良馬及金玉 物,遂賄貨公行。文宣聞之,遣使推檢,唯景安纖毫無犯。 時初築長城,鎭戍未立,詔景安與諸將緣塞以備守。督領旣多,且所部軍人,富於財 帝深嘉歎,乃以所歛贓絹五百匹

錦綵。 有一人射中獸頭,去鼻寸餘,唯景安最後,有矢未發。 帝令景安解之,景安引滿,正

中獸鼻。帝嗟異稱善,特賞馬二匹,玉帛雜物,又加常等。 天統四年,除豫州刺史,加開府儀同三司。武平三年,授行臺尚書令,刺史如故,封歷

陽郡 王。景安久在邊州,人物安之。又管內蠻多華少,景安被以恩威,咸得寧輯。武平末,

徵拜領軍大將軍。入周,以大將軍、義寧郡公討稽胡,戰沒。

初,永兄祚襲爵陳留王,祚卒,子景皓嗣。天保時誅諸元親近者,如景安之徒疏宗,行是己

文宣,乃收景皓誅之,家屬徙彭城。由是景安獨賜姓高氏,自外聽從本姓。 議請姓高氏。景皓云:「豈得棄本宗,逐他姓?[80]大丈夫寧可玉碎,不能瓦全。」景安以白

永弟种子豫,字景豫,美容儀,有器幹。景安告景皓慢言,引豫,云相應和。 豫占云

爾時以衣袖掩景皓口,云:莫妄言。」問景皓,與豫同,獲免。卒於東徐州刺史。

獨孤永業字世基。本姓劉,中山人也,母改適獨孤氏,永業幼隨母,爲獨孤家養,遂從 天保初,除中書舍人。永業解書計,善歌舞,甚爲文宣所知。

後爲洛州刺史、河陽行臺左丞,甚有威信。遷行臺尚書。永業久在河陽,善於招撫,周

永業

一九三〇

伏貴和代之,於是西境蹙弱,河洛人情騷動。」武平三年,遣永業取斛律豐洛,因以爲北道行 臺僕射、幽州刺史。河洛人庶多思永業,又除河陽道行臺、洛州刺史。 人憚之。性鯁直,不交權勢。一斛律光求二婢弗得,毁之於朝廷。河淸末,徵爲太僕卿,以乞

|幷州亦陷,乃遣子須達告降於周。授上柱國、應公。宣政末,爲襄州總管。大象二年,爲行 去。進位開府、臨川王。有甲士三萬,聞晉州敗,請出兵北討,奏寢不報,永業慨憤。又聞 軍總管崔彥睦所殺。 不出看客。」「永業日:「客行怱怱,故不出看。」乃通夜辦馬槽二千,周人聞之,以爲大軍至,乃 周武帝親攻金墉,永業出兵禦之,問是何達官,作何行動。周人曰「至尊自來,主人何

大將軍、太子太傅。及周武帝入代,四门送馬腦酒鍾與之,得便撞破。周兵入鄴,諸將皆降, 統二年,累加開府儀問三司,除鄭州刺史。武平中,以領軍從平高思好,封義陽郡王,領軍 世榮少沈敏,有器幹。興和二年,爲神武親信都督,稍遷平西將軍,賜爵石門縣子。天 鮮于世榮,漁陽人也。父寶業,懷朔鎭將。武平初,贈儀同三司、祠部尚書。

世榮在三臺之前,獨鳴鼓不輟。及被執不屈,乃見殺。

世榮雖武人無文藝,以朝危政亂,每常竊歎。 見徵稅無厭,賞賜過度,發言歎息焉。

子貞、武平末、假儀同三司。

自永橋夜入中潬城。南城陷,被圍二旬不下。救兵至,周師還。 傳伏,太安人也。少從戎,以戰功,稍至開府、永橋領人大都督。 周武帝前攻河陰,伏

轉,授特進、永昌郡公。」周武謂後主曰:「朕前三年,決意取河陰,正爲傅伏不可動。公當時 羊肋,以骨賜伏,曰:「骨親肉疏,所以相付。」遂引與同食。令於侍伯色宿衞,授上儀同,敕 革命不能自死,羞見天地。」周武親執手曰:「爲臣當若此。 朕平齊,唯見公一人。」乃自食一 前,北面哭良久,然後降。周武見曰:「何不早降。」伏流涕曰:「臣三世衣食齊家,被任如此, 君,有死無二。 此見爲臣不能竭忠,爲子不能盡孝,人所讎疾,願卽斬之,以號令天下。」 周 伏子世寬來招伏,授上大將軍、武鄉郡公,卽給告身,以金馬腦二酒鍾爲信。 伏不受曰:「事 之曰:「若卽與公高官,恐歸投者心動。勿慮不富貴。」又問:「前救河陰得何官。」曰:「蒙一 後除東雍州刺史。周剋晉州,執行臺尉相貴。招伏,伏不從。 周剋幷州,遣韋孝寬以

第四十一

鮮于世

祭

傅伏

賞授,何其薄也了賜伏金酒巵。 後以爲岷州刺史,尋卒。

齊軍晉州敗後,兵將罕有全節者。四三其殺身成仁者,有儀同叱干苟生。四三鎮南兗州。

周武破鄴,赦書至,苟生自縊死。

激沈吟。顏之推重其勤學,甚加開獎。後遂通顯。後主之奔靑州,遣其西出參同動靜,爲 周軍所獲。問齊主何在,紿云已去。毆捶服之,每折一肢,辭色愈厲,竟斷四體而卒。 隙便周章詢請。每至文林館,氣喘汗流,問書之外,不暇他語。及視古人節義事,未嘗不感 又有開府、中侍中、宦者田敬宣,本字鵬,蠻人也。年十四五,便好讀書。旣爲閣寺,伺

又有雷顯和,晉州敗後,爲建州道行臺左僕射。 周武帝使其子招焉,顯和禁其子而不

受。聞鄴城敗,乃降。

臣。唯乞一刀,以顯示遠近。」他鉢嘉之,贈馬七十疋,歸之。 渾使下。永安抗言曰:「本國旣敗,永安豈惜賤命? 後主失幷州,使開府紇奚永安告急於突厥他鉢略可汗。及聞齊滅,他鉢處永安於吐谷 欲閉氣自絕,恐天下不知大齊有死節

慰,不受敕書。范陽王紹義在突厥中,寶寧上表勸進。范陽王署寶寧爲丞相。及盧昌期據 又有代人高寶寧,武平末,爲營州刺史,鎭黃龍。 夷夏重其威信。周武帝平齊,遣信招

蔡儁有先見之明,匡贊霸業,配饗淸廟,豈徒然也。 能各立功名,終極榮寵。一神敬力屈東雍,未虧臣節,「智力其被恩化,蓋亦明主之仁焉。 策名。日的並乘幾獨運,異夫盜寶竊邑者也。 兄之戀,荷知遇之恩,思親懷舊,固其宜矣。 神武 生不屈西朝,**(智)**歸誠河朔,保年之於開,義異 招攜,理殊納叛,諸將擇木,情非背恩。故 劉貴、

斛 律 韓賢、尉長命、王懷、任祥、莫多婁貸文、厙狄迴洛、厙狄盛、張保洛、侯莫陳相、薛孤延、 .覉旅,馮附末光,申其志力, 化爲 王侯,固

爲宜矣。 孝卿功臣之胤,自致公卿,立履之地,亦足稱 也

禍。 逢斯禍 侯景 慕容紹宗兵機武略,在世 狼戾,固非後主之臣,神武 酷,悲夫! 三藏連屬危亡,四型貞概自處,可謂不 見重,昔事介朱,固執忠義,不用范增之言,「图〇終見烏江之 遺言,實表 知人之鑒。 隕門節 寒山、渦水, 矣 往若摧枯。 算盡數

叱列 平、步 大汗薩 、薛脩義、慕容儼、潘樂、彭樂、暴顯、皮景和、綦連 猛、元景安等,策名

戎幕,備開夷險, 位高任重, 咸邃本誠。 永業、世樂之徒,國危方見忠節。不然,則丹青節

校勘記

册,安所貴乎。

「二」累遷第二鎭人酋長 北齊書卷二七補万俟普傳「鎭」作「領」。 按隋書百官志中殺魏齊官制有

領人酋長、不領人酋長、領人庶長、不領人庶長等。作「領」是。

神武名其所營地爲廻洛城 諸本脫「城」字,據北齊書補

發渭州西北度烏蘭津歷河源二州境乃得東出 按魏無「源州」,疑「源」爲「涼」之訛。

以貪污被劾特見原 諸本脫「被」字、據通志卷一五二可朱渾元傳補。

五 豐與行臺慕容紹宗見「北有白氣同入船」 諸本脫「北有白氣,同入船」七字,據北齊書卷二七

劉豐傳補。

Cボン八子俱非嫡妻所生 按疑「八」上脱「豐」字。

武平中暐所生喪 通志卷一五二劉豐傳「暐」作「曄」。按上文不見暐名,若非有脫文,卽是

「曄」之誤。

「八」 破六韓常單于之裔也 錢氏考異卷四〇云:「按齊書卷二七,常字保年,附化人。延壽削而不書,

則總論中「保年之於關右、義異策名」二句,殊無謂矣。」按錢說是。 又北齊書「單于」上有「匈

奴」二字,亦不應删。

ハカリ 初呼廚貌入朝漢 歸漢,見後漢書卷八九南匈奴傳。 錢氏攷異云:「『貌』當作『泉』,『泉』 譌爲『皃』,後人又妄加豸旁。」按呼廚泉 錢說是。

次子洪徽嗣樂縣男 按北齊書言貴封敷城縣公,不云封「樂縣男」。此云「嗣樂縣男」,當是別封。但地志無「樂 北齊書卷十九劉貴傳無「樂縣男」三字,通志卷一五二劉貴傳作「樂安縣

縣」,疑通志作「樂安」是。

出為濟州刺史 元年見「濟州刺史蒸傷」。魏書卷十一孝武紀太昌元年七月、言儁爲濟州刺史,與齊州刺史尉景 共同鎭壓郭遷。 諸本「濟」作「齊」,北齊書卷十九蒸傷傳作「濟」。按本書卷六齊神武紀天平 永熙二年六月,又見「濟州刺史大都督蔡儁」。作「濟」是,今據改。

子興字敬興 猛傳之「尉興慶」。作「敬」是北齊史臣避北齊廟諱改高數五世祖名慶。這裏作「敬興」,是轉寫倒誤。 按錢說是。 金石錄卷二二北齊大安樂寺碑跋言碑文載長命子名興敬,與北齊書合。 北齊書卷十九尉長命傳「敬興」作「興敬」。錢氏改異以爲「興敬」卽附見本卷綦連

潁州 [][是郡 長史賀若徽 不得 有 長 執刺史田迅 史 也。一 按張說是, 諸本「州」作「川」。 本書卷六○宗文貴傳、卷二○堯雄傳正作「州」。今據 張森楷云:「『川』乃『州』之誤。州有長史,類

傳

改。

治虎牢 祥戰失利還北 與潁川甚近,所以下文說他與侯景、高昂「共攻拔潁川」。 北齊書卷一九任延敬傳「還北」作「收還北豫」。 按這裏疑脫「豫」字。 北豫州

二吾 康德 德, 則有『王』字是也,此誤脫文。」按本書卷八齊後主紀武平七年十二月亦見「王康德」。 北齊書卷十九張保洛傳作 「王康德」。 張森楷云:「據周書卷一二齊王憲傳有新蔡王王康 但本

傳下文單稱「德」。卷五八周宗室諸王傳稱「新蔡王康德」。

仁字天惠善無人 諸本「善無」倒作「無善」,據通志卷一五二張保洛傳乙。 善無郡見魏書地形

[1十] 壯勇善騎射 諸本脫「善」字,據北齊書、通志補。

志上恒州。

建業 輔相俱不 知所從來建業位領軍大將軍幷州刺 史以輔相為朔州總管 李慈銘云:「按建業、

輔相 俱 由 齊 降 周。 建業之爲領軍大將軍、幷州刺史者,齊官也。 輔相之爲朔州總管者,周官也。

北齊書言建業授上柱國,封郇國公,隋開皇中卒, 朔州總管。 所敍建業、輔相兩人之官、皆入周所授。 輔相授上柱國,封郡公, 此傳當有脫文。」按李說是,「幷州刺史」下 周武平幷州 ,卽以爲

當脫建業、輔相降周授官經過。

二九 戰歿關中 按北齊書卷二〇慕容嚴傳附牒舍樂事迹云:「天保初,封漢中郡公。 後因戰 沒於

關中。」北齊自沙苑之戰後, 從未入關作戰。 天保距沙苑之戰天平四年已十餘年,不得有戰死於

關中的事。「歿」當是「沒」之訛、卽爲周軍所俘虜之意。

授儀同大將軍宣納上士 北齊書卷二〇斛律羌舉傳「宣納」作「納言」。按此官不見於通典卷

三九後周官品。 唯通典卷二一侍中條,稱周武帝保定四年改御伯爲納言,御伯下大夫爲納言下

大夫。這是侍中和黃門侍郞的改名。 通典後周官品有「御伯上士」,按例也當改名爲「納言上

士」。這裏「宣納」當作「納言」。

瓊子欣尚魏平陽公主 北齊書卷二〇張瓊傳「欣」作「忻」。 錢氏考異云:「按后妃傅本書卷十四,

魏孝武帝妹平原公主適開府張歡,歡遇之無禮。帝殺歡,改封爲馮翊公主以配周文帝。 卽此公

也。 齊史避諱,改『歡』爲『欣』。」按錢說是。 魏書卷七五余朱彦伯、 **尒朱世隆傳又改作「勸」**

都是避高歡諱。參見卷四八公朱彦伯傳校記。

主

紹宗於烏突城見神武 武』下,亦當有『追至』二字。」 李慈銘云:「北齊書:『紹宗行到鳥突城,見高祖追至。』云云,此處『見神

還除尚書左僕射 似紹宗還朝除左僕射在前,侯景之反在後。但北齊書卷二四陳元康傳言侯景叛時,「紹 北齊書卷二〇慕容紹宗傳無此語。按下文云:「侯景反,命紹宗爲東南道行

宗在 世宗欲召之,恐其驚叛」。 則紹宗尚在徐州未還。 考魏書卷十二孝靜紀武定五年正月

侯景叛,五月「以徐州刺史慕容紹宗爲尚書左僕射」,十月「以尚書左僕射慕容紹宗爲東南道行

臺」。與陳元康傳相合。 這裏敍述失次。

乃授鳳賢龍驤將軍陽夏子改封汾陰縣侯 北齊書卷二〇薛循義傳「陽夏」作「夏陽」,又云:「封

薩端傳所說的「馮翊之夏陽」,爲薛氏族居的地方。 循義汾陰縣侯。」按魏書地形志下華州華山郡有夏陽縣。即本書卷三六薛辯傳及周書卷三五 按當時慣例,地方豪强的封邑,多在本地。

疑作「夏陽」是。「陽夏」見於地形志中梁州、合州、霍州、與薛氏無關、疑誤。又據北齊書、「汾

陰侯」是薛循義即脩義的封爵。這裏「封」下當脫「脩義」二字。

前不聽我城幷州城 按上文「神武欲大城晉」,及「叉欲藥晉」兩「晉」字下,通志卷一五二薛脩

義傳都有「州」字。以上文「若晉州敗,定州亦不可保」及下文「以脩義行晉州事」証之,通志

是。幷州卽晉陽,自尒朱榮以後,爲高歡根本重鎭,城池堅固,高歡豈有輕易放棄之理?當時

這裏「幷州」疑是「晉州」之誤。

位廉州刺史 所欲築城和準備放棄的,應是晉州,卽平陽城。 北齊書「廉」作「廣」。按隋書地理志中趙郡臺城縣下注云:「開皇十年置廉州。」

則魏、齊之際尚未有廉州。 廣州治魯陽,見魏書地形志中。「廉」疑是「廣」之訛

神武聞二人在邊不和 諸本「二」作「三」、通志卷一五二慕容儼傳作「二」。按上下文都只涉及

嚴與相樂兩人,別無第三者,今從通志改。

- 本名伏憐訛音連 諸本「訛」作「語」、據通志卷一五二慕容儼附厙狄伏連傳
- 二元 遣 其 行 臺 侯莫陳崇自 齊子嶺 趣 軹 關 諸 本 脫 「自」 字, 據北 齊書卷十五、 通志卷一五二潘樂
- 累遷: }傳 叉 歷 廣州 北 徐 州 潁州 刺史封屯留公天保中以贓貨 鄭州 竿 刺史,到 天保三年 解 以贓 州 貨解鄭州。 按北齊書卷四一 删 暴顯傳, 節、似 所解 顯任北徐州 爲 徐州 誤。 刺史後,
- 2 初以 誤 信 都 督。 親 信 武定二 事 神 武 年 後 ·, 征 征 步落稽疑 步落 稽 成賊有伏 世宗疑 賊 北齊書卷四 有 伏。」 則 「疑賊 皮景 有伏」 和傳 者, 作:「初 非 高 以 歡 親 信事 乃高 高祖 後 疑 北北史 補 親
- 僕 僕 事平除尚書右僕射 行 射 臺 射 故棄 立,故 爲 州 本紀不書。 趙州 如後 刺史。 世 使 相 張森楷 {\delta 齊書 非 眞 云:「北 下 揆 文 也。 更 有「尋遷河南行 齊書下有 此 删 去之, 趙州 便似 臺尚 眞 刺史』四字,據本紀 爲僕射者然。」 書右 僕射、洛州 按 無景和為僕射 刺史」語 所除疑 是一行 則 此當 臺 文。 尙 是 河 書 蓋 以
- 荷澤 又有陽平 在 Щ 則 四 作 陽 臨 人鄭子 汾。 平」是。 陽平 饒 屬 諸本「陽 且 皮景和 司 州 ,在今山東 平」倒作「 出 · 拒陳師,順道鎭壓,必不得繞至平陽。 幸縣。 平陽」, 下文言「見信於魏、 北齊書作「 陽 平。 按魏書 衛之間 今據乙。 **{地** ر ' 形志 叉 曾 破 平陽 乘氏 屬晉州 縣今山東

列

傅

第

四

+

校

勘

記

- 綦連猛 字武兒 通志卷一五二綦連猛傳「武」作「虎」。 按北齊書卷四一 **綦連猛傳亦作「武」,當**
- 是避唐諱改
- 〇 言 き 河清三年 加開府突厥侵逼晉陽 北齊書卷四一綦連猛傳「三」作「二」。 按本書卷八齊武成紀,
- 突厥圍 晉陽在河淸二年底至三年初。 猛加開府在前、則當作「二年」。
- 興慶事 見齊本紀 北齊書卷四一元景安傳「周齊交戰」作「大軍西討」。 按尉興慶卽 尉長命子興敬,見本卷尉長命傳校記。 北史誤分爲兩人。

按

天平乃東魏靜帝

號。 其 時只 有東西魏,並無周、齊。 北史誤改。

是出

天平末

周齊交戰

- }傳 補 乃以所歛 贓絹五百匹賜之以彰淸節 諸本脫「之」字, 據北齊書卷四一、 通志卷一五二元景安
- へ言むし 如景安之徒疏宗 諸本「徒」訛「徙」、據北齊書、通志改。
- 豈得棄本宗逐他姓 諸本「逐」訛作「遂」、據北齊書、通志改。
- 及周武帝入代 按|周 師滅齊、未嘗至代今山西大同、「代」字疑誤。
- 兵將罕 有 全節者 諸本「者」訛作「有」,據北齊書卷四一傳伏傳改。
- 有儀] 同 此 干 · 荷 生 諸本「干」訛作「于」,據北齊書卷四一、通志卷一五二傅伏傳改。參卷 (道武

紀校記

名,莫知所指,疑上有脱文。

生不屈西朝 按此論劉豐。 豐字豐生、疑上脫「豐」字。

にはない 保年之於開義異策名 按此論破六韓常。 常字保年,本傳删去,遂使人莫解。「開」,錢氏考異

作「關右」,未知所據何本。 常會仕西魏,作「關右」疑是。

公司 之。」北齊書卷二七可朱渾元傳云:「討西魏儀同金祚、 神敬力屈東雍未虧臣節 諸本「雍」作「維」。按金祚本傳云:「入據東雍州、 皇甫智達於東雍、擒之。」「維」乃「雍」之 神武遣尉景攻降

不用范增之言 諸本「增」作「曾」,據北齊書卷二〇史臣論改

訛,今據改。

三藏連屬危亡 按「連」當爲「運」之訛。

列

傅 第

北史卷五十四

列傳第四十二

孫騰 高隆之 司馬子如 子消難 裴藻 兄子膺之 竇泰 尉景

婁昭 兄子叡 **庫狄干** 孫士文 韓軌 段榮 子韶 孝言

斛律金 子光 羨

孫騰字龍雀,咸陽石安人也。 祖通, 仕沮渠氏,爲中書舍人。 沮渠氏滅,因徙居北

及騰貴,魏朝贈司徒。父機,贈太尉。

晉州, 中,尋兼尚書左僕射。 騰少質直,明解皮事。 又引爲長史,封石安縣伯。 時魏京兆王愉女平原公主寡,騰願尚之,而公主欲侍中封隆之。 魏正光中,北方擾,歸介朱榮。尋爲齊神武都督長史。 及起兵於信都,常以誠款預謀策。累遷郡公,「」入爲侍 神武為

一九四三

列

傳

第四十二

孫

腦

一九四四

武 妬隆之,遂相 入討椿、留騰行幷州事。 間 .構。 神武啓免騰官,俄而復之。與斛斯椿同掌機密,見忌慮禍,奔晉陽。 入爲尙書左僕射,內外之事,騰咸知之。 **兼司空,除侍中,兼尚** 浦

初北 、冀得其女。 境亂,騰亡一女,及貴,推訪不得,疑其爲 時西魏攻南兗州、詔騰率諸將討之。騰性怯無威略、失利而還。 神武知之大怒,解司徒。 尋爲尚書左僕射、太保,仍侍中,遷太傅。 人婢。 及爲司徒,奴婢訴良者皆免之,願免千 又除司徒,餘官如故。

有色,騰納之爲 初,博陵崔孝芬取貧家子賈氏爲養女。 妾。 其妻袁死,騰以賈有子,正以爲妻,詔封丹楊郡君。 孝芬死,其妻元更適鄭伯猷,攜賈於鄭氏。 復請以袁氏爵回授

其女。其違禮肆情,多此類也。

騰

早依

如,號 紀 極 四貴,非 官贈 非財不行,餚藏銀器,盜爲家物,親 法專恣,騰爲甚焉。 神武、文襄、屢加 狎小人,專爲聚歛。 誚 讓,終不悛改,朝野深非笑之。 與高岳、高隆之、 司 馬子

神武、神武深信待之、置於魏朝、寄以心腹。遂志氣驕盈,與奪自己。

納賄

不知

武定六年薨,贈太師、開府、錄尙書事,諡曰文。 天保初,以騰佐命,詔祭告其墓。 皇建

中,配饗神武廟庭。

子鳳珍嗣、性庸暗、卒於儀同三司。

高隆之字延興,洛陽人也。 爲閹人徐成養子。少時,以賃升爲事。或日,父幹爲姑壻

起兵於山東,累遷幷州刺史,入爲尚書右僕射。時初給人田,權貴皆占良美,貧弱咸受堉 高氏所養,因從其姓。隆之後有參定功,神武命爲弟,仍云勃海隋人。 隆之身長八尺,美鬚髯,深沉有志氣。初,行臺于暉引爲郎中,與神武深相結託。 幹贈司徒公。 後從

隆之。 薄,隆之啓神武,更均平之。 增築南城,周二十五里。以漳水近帝城,起長堤以防汎溢;又鑿渠引漳水,周流城 又領營構大將,以十萬夫徹洛陽宮殿,運於鄴,構營之制,皆委

郭,造水碾磑。並有利於時。

隆之奏請檢括,旬日獲五萬餘人。 表解侍中,幷陳諸假侍中服者,請亦罷之,詔皆如表。自軍國多事,冒名竊官者,不可勝數, 擾。 隆之請非實在邊要,見有兵馬者,自悉斷之。 魏自孝昌之後,天下多難,刺史、太守皆爲當部都督,雖無兵事,皆立佐僚,所在頗爲煩 而羣小讙囂,隆之懼而止。 又朝貴多假常侍以取貂蟬之飾,隆之自 詔監起居事,進位司徒。

武定中,除尚書令,遷太保。 齊受禪,進爵爲王。 尋以本官錄尙書事,領大宗正卿,監國史。 文襄作宰,風俗肅淸,隆之時有受納,文襄於尚書省大加 隆之性好小巧,至於

列傳第

四十二

高隆

之

文宣曾至東山,因射,謂隆之曰:「堋上可作猛獸,以存古義,何爲終日射人。」隆之無以對。 公家羽儀,百戲服制,時有改易,不循典故,時論非之。於射堋上立三人像,回為壯勇之勢。

拳 太保、陽夏王,竟不得諡 禪,大臣咸言未可,隆之又在其中,帝深銜之。因此大怒,罵曰:「徐家老公。」令壯士築百餘 狀,便宜申滌,何過要名,四非大臣義。天保五年,禁止尚書省。隆之曾與元昶宴,至語 隆之舊齒,委以政事。隆之子淫於楊遵彦前妻,帝妹也,故遵彦讒毁日至。崔季舒等仍以 |昶曰:「與王交遊,當死生不相背。」人有密言之者。 又帝未登庸日, 隆之意常侮帝,帝將受 前隙,潛云:「隆之每見訴訟者,輒加哀矜之意,以示非己能裁。」文宣以其受任旣久,知有冤 ,放出。渴,將飲水,人止之,<u>隆之曰:「今日何在」遂飲之。因從駕,死於路中。贈太尉、</u> 先是,文襄委任崔暹、崔季舒等。及文襄崩,隆之啓文宣,並欲害之,不見許。文宣以

隆之雖不學涉,而欽尙文雅,搢紳名流,必存禮接。寡姊爲尼,事之如母。訓督諸子,

必先文義。世以此稱之。

棄於漳流。天下寃之。隆之嗣遂絕。乾明中,詔其兄子子遠爲隆之後,襲爵陽夏王,還其 曰:「不得已。」以鞭扣鞍、一時頭絕、並投之漳水。 文宣末年,多猜害,追忿隆之,執其子司徒中兵慧登等二十人於前。慧登言乞命,帝 發隆之冢,出屍,其貌不敗,斬骸骨焚之,

財産。

相乖異,瀛州刺史元晏請託不遂。 隆之見信神武,性陰毒,儀同三司崔孝芬以結婚姻不果,太僕卿任集同知營構,於頭 並構成其罪、誅害之。 終至家門殄滅,論者謂有報應焉。

騰、高隆之等共知朝政,甚見信重。神武鎭晉陽,子如時往謁見。及還,神武、武明后俱有 武入洛,以爲大行臺尚書,朝夕左右,參知軍國。天平初,除尚書左僕射、 行臺郎。樂死,隨榮妻子與念朱世隆等走出京城。節閔帝立,以前後功,進爵陽平郡公。神 武 相結託,分義甚深。。孝昌中,北州淪陷,子如南奔肆州,爲永朱榮所禮,封平遙子,稍遷大 司馬子如字遵業,自云河內溫人也,徙居雲中,因家焉。 子如初爲懷朔鎭省事,與齊神 開府,與高岳、孫

不合旨者,便令武士頓曳,白刃臨頸。士庶惶懼,不知所爲。 諸州守令已下,行五定州,斬深澤令,至冀州,斬東光令,皆稽留時刻,致之極刑。 **齎遺,率以爲常。** 子如性旣豪爽,兼恃恩舊,簿領之務,與奪任情,公然受納。 轉尙書令。 興和中,以北道行臺巡檢 進退少

及文襄輔政,以賄爲御史中尉崔暹劾,在獄一宿而髮皆白。 列 僔 第 四 + 司 馬 子 如 辭曰:「司馬子如本從夏州 九四七

書敕 羊五 策一杖投 事,能自改厲 非作事邪?」於是,除削官爵。 文襄 百 口,粳米五百石。 曰:「馬令是吾故舊,汝宜寬之。」文襄駐馬行街,以出子如,脫其鎖。 相王,王給露車一乘,觠牸牛犢。 ,甚有聲譽。 子如曰:「無事尚被囚幾死,若受此,豈有生路邪?」未幾,起行冀州 詔復官爵,別封野王縣男。齊受禪,以翼贊功,別封須昌縣公。尋 神武後見之,哀其顦悴,以膝承其首,親爲擇蝨,賜酒百瓶, 犢在道死,唯觜角存。 此外,皆人上 取得。」神武 子如懼

俱被 以馬 並 加 任 欽愛,復以此稱之。 度關,爲有司 子 如 用。 **久之**,猶以先帝之舊,拜太尉。 性滑稽,不事檢裁,言戲穢褻,識者非之。 文襄崩 所奏。 ,暹等赴晉陽,子如 文宣讓之曰:「崔暹、季舒事朕先世,有何大罪,卿令我殺之」」因此 然素無鯁正,不能以平道處物。 以糾劾之釁,乃啓文宣,言其罪,勸帝誅之。後子如 尋以疾薨,贈太師、太尉,諡曰文明。 而事姊有禮,撫諸兄子慈篤,當時名士, 文襄時,中尉崔暹、黃門郎崔季舒 長子消難嗣。

除司

空。

亦愛賓客,邢子才、王元景、魏收、陸卬、崔瞻等皆遊其門。 消難 字道融。 幼聰慧,微涉經史,有風 一神,好自矯飾,以求名譽。 稍遷光祿卿,出爲北豫州 子如旣當朝貴盛,消 刺

史。

難

使者東奔,鄴中大擾,後竟獲於濟州。 史所劾。 文宣末年,昏虐滋甚,消難常有自全之謀,曲意撫納,頗爲百姓所附。 又尚公主,而情好不睦,公主愬之。屬文宣在幷州,驛召上黨王渙,公渙懼害,斬 渙之初走,朝士疑赴成臯,云:「若與司馬北豫連謀, 不能廉潔,爲御

於陳,以求援。 爲靜帝后。 必 「爲國患。」 此言達於文宣,頗見疑。 入周,封滎陽郡公,累遷大司寇。從武帝東伐,還除梁州總管。大象初,遷大後丞,女 尋出爲邳州總管。及隋文帝輔政,消難乃與蜀公尉遲迥合勢舉兵,使其子永質 隋文帝命襄州總管王誼討之,消難奔陳。位司空,隨郡公。 消難懼,密令所親人河東裴藻間行入關,請降。

初 ,隋武元帝之迎消難,結爲兄弟,情好甚篤,隋文每以叔禮事之。及平陳,消難至,特

発死 配爲樂戶,二旬而免。 **獪以舊恩,特被引見。** 尋卒於家。

妻子,願 敬,入關便相棄薄。 消難性貪淫,輕於去就,故世言反覆者,皆以方之。 防慮之。」及消難入陳,高母子因此獲免。 及赴邳州,留妻及三子在京,妻言於文帝曰:「滎陽公攜寵自隨,必不顧 子譚,即高氏所生,以消難勳,拜儀同大 其妻高,齊神武女也,在鄰極加禮

將軍,坐消難除名。

裴藻字文芳。 少機辯,有不覊之志,爲子如太傅主簿。 消難鎭北豫,又以爲中兵參軍。

入周,封聞喜縣男,除晉州 刺史。

列

傳 第

四

+ _

司

馬

子

一九五〇

猶以子如恩舊, 免其諸弟死罪, 徙北邊。 世雲以侯景敗於渦陽, 復有異志, 爲景所殺。 子如兄纂。 纂長子世雲,輕險無行。 累遷潁州刺史,肆行姦穢,將見推,懼,遂從侯景。

世雲弟膺之。

才、王元景等 53 並爲莫逆之交。及兄世雲陷於逆亂,期親皆應誅。 膺之及諸弟並有人才, 中, 爲朝廷所惜,文襄特減死徙近鎭。文宣嗣業,得還。齊受禪,子如別封須昌縣公,迴授膺 叔父子如執鉤當軸。膺之旣宰相猶子,兼自有名望,所與遊集,盡一時名流。與邢子 膺之字仲慶。 美鬚髯,有風貌,好學,厚自封植,神氣甚高。歷中書、黃門侍郎。

之。 保間 謂 積 書卿尹皆跪弔,膺之執手而出。 年不起。 淪滯 ··「兄何意避弟。」膺之曰:「我自避赤棒,本不避卿。」悟甚重之,然以其疏簡傲物,竟天 子如撫愛甚慈,膺之昆季,事之如父。 性方古,不會俗舊。與楊愔同爲黃門郎,至愔爲尚書令,抗禮如初。悟嘗有從姊慘,尙 不齒。 武平中,就家拜儀同三司。 乾明中,除衞尉少卿,遷國子祭酒。 **齊路逢悟,威儀道引,乃於樹下側避之。悟於車望見,令呼** 班台之貴,近世專以賞勳勤,膺之雖爲猥雜,名器猶 河淸末,拜金紫光祿大夫。患泄痢,

永日。名士有素懷者,時相尋候,無雜言,唯論經史。好讀太玄經,又注揚雄蜀都賦。 已` 棊遂輟。 園宅閑素,門無雜客,性不飲酒,而不愛重賓遊。 病久,不復堪讀書,或以奕綦 直言:「我患痢久,太常不得致怪。」黃門郎陸杳,貴遊後進,膺之嘗與棊。 杳忽後至,寒溫而 之弟也,位望甚隆,嘗詣其弟幼之,舉座傾敬。 云「我欲與揚子雲周旋。」患痢十七年,竟不愈。 齊亡歲,以痢疾終。[11] 士輻湊,膺之自念,故被延請,永不至門,每與相見,捧袂而已。太常卿段孝言,左丞相孝先 重。[10]初,司徒趙彦深起自孤微,爲子如管記,膺之甚相忽略,不爲之禮。及彦深爲宰相,朝 **膺之時牽疾,在外齋馮几而坐,不爲動容。**

直常侍。同遊終爲佳吏、隋開皇中,爲尙書戶部侍郎,卒於遂州刺 儀同三司、瀛州刺史,諡曰文節。 子瑞妻,陸令萱妹。 及令萱得寵於後主,重贈子瑞開府儀 同三司、中書監、溫縣伯。諸子亦並居顯職:同遊、給事黃門侍郎,同回,太常少卿,同憲,通 **膺之弟子瑞,爲御史中丞,正色舉察,爲朝廷所許。以疾去職,就拜祠部尚書。** 子瑞弟幼之,清貞有行。武平末,爲大理卿。 開皇中,卒於眉州刺史。 史。 卒,贈

竇泰字世寧,太安捍殊人也。 本出淸河觀津胄。祖羅、魏統萬鎭將、因居北邊。 父樂,

魏末破六韓拔陵爲亂,與鎮將楊鈞固守,遇害。秦貴,追贈司徒。

京畿大都督,尋領御史中尉。泰以勳戚居臺,雖無多糾舉,而百僚畏懼。 期而不產,大懼。有巫曰:「度河湔裙,產子必易。」便向水所,忽見一人曰:「當生貴子,可徙 而南。」泰母從之,俄而生泰。及長,善騎射,有勇略。泰父兄戰歿於鎮,泰身負骸骨歸介朱 初,泰母夢風雷暴起,若有雨狀,出庭觀之,見電光奪目,駛雨霑灑,寤而驚汗,遂有娠 累遷侍中、

非人、皆知其必敗。贈大司馬、太尉、錄尚書事、諡曰武貞。 殺。初,泰將發鄴,鄴有惠化尼,謠云:「竇行臺,去不迴。」未行之前夜,三更,忽有朱衣冠幘 數千人入臺,云收竇中尉。宿直兵吏皆驚。其人入數屋,俄頃而去。旦視關鍵不異,方知 天平三年,神武西討,令泰自潼關入。四年,泰至小關,爲周文帝所襲,衆盡沒,泰自

泰妻,武明婁后妹也。泰雖以親見待,而功名自建。齊受禪,祭告其墓。皇建初,配享

子孝敬嗣,位儀同三司。

神武

南庭。

尉景字士眞,善無人也。 秦、漢置尉堠官,其先有居此職者,因以氏焉

戯之。 坐,請作 懷 進封爲公。 與爾計生活孰多,我止人上取,爾割天子調。」神武笑不答。 財利,神武每嫌責之。 封博野縣伯。 景 |董桶剝景衣曰:「公剝百姓、董桶何爲不剝公。」神武誠景曰:「可以無貪也。」景曰: 、性溫 御史中尉。 景妻常山 厚,頗有俠氣。 後從神武起兵信都。 神武曰:「何意 君 神武 轉冀州刺史,又大納賄,發夫獵,死者三百人。 魏孝昌中,北鎮反,景與神武 之姊也。 下求卑官了一一日一一一欲捉尉景。」神武大笑,令優者石董 以勳 韓陵之戰,唯景所統 |戚,每有軍事,與厙狄 入杜洛周 失利。 中,仍共歸介朱榮。 神武 干常被委重。 厙狄 入洛,留景鎭 干與景 而 不能 在 鄴。 以 浦 尋 軍

腹,何須乾啼濕哭,不聽打邪! 屈 而 日 **驃騎大將軍、開府儀同三司。** 貴,欲殺 膝。 …「老人去 索也了神武對景及常山君責文襄而杖之。 改封長樂郡公,歷位太保、太傅。 先是,景有果下馬,文裏求之,景不與,曰:「土相扶爲牆,人 我邪。」神武聞之泣,詣闕曰:「臣非尉景無以至今日。」三請,帝乃許之。 死近, 何忍煎迫至此」又曰 神武 造景,景恚,臥 坐匿亡人,見禁止。 : 「我爲爾汲水,胝生。」因出其掌。 常山 不動,叫曰:「殺我時趣邪 ·居泣救之,景曰:「小兒慣去, 使崔暹謂文襄曰:「語阿惠,兒富 相扶爲王]常山 一,一馬亦不 神武 撫景,爲之 放使作心 君 於是黜 謂 得 神

武

列

受禪,以景元勳,詔祭告其墓。 尋授靑州刺史,操行頗改,百姓安之。 皇建初,配享神武廟庭,追封長樂王 徵授大司馬,遇疾,薨於州。 贈太師、尚書令。齊

起,江三謂是西軍旗幟,卽馳還,比至紫陌橋,不敢顧。隋開皇中,卒於淅州刺史。 不答一言。文宣親詣其宅慰之,方復朝請。尋追封景長樂王,粲襲爵。位司徒、太傅,薨。 閉門不朝。帝怪,遣使就宅問之。 「須開門受敕。」「槃遂彎弓隔門射。使者以狀聞之,文宣使段韶諭旨。」桑見韶,唯撫膺大哭, 子世辯嗣。 子燦,少歷顯職,性粗武。天保初,封庫狄干等爲王,燦以父不預王爵,大恚恨,十餘日 周師將入鄴,令世辯率千餘騎覘候。 ' 隔門謂使人曰:「天子不封燦父作王,燦不如死。」 使云: 出滏口,登高阜西望,遙見羣烏飛

馬以谷量。性好周給,士多歸附之。魏太武時,以功封眞定侯。父內干,有武力,未仕而 婁昭字菩薩,代郡平城人也,武明皇后之母弟也。祖父提,雄傑有識度,家僮千數,牛

卒。昭貴,魏朝贈司徒。齊受禪,追封太原王。

禮敬。數隨神武獵,每致請,不宜乘危歷險。神武將出信都,昭贊成大策,卽以爲中軍大都 昭方雅正直,有大度深謀,腰帶八尺,弓馬冠時。 神武少親重之, 昭亦早識人雄, 曲盡

督。 從破余朱兆於廣阿,封安喜縣伯,改濟北公,又徙濮陽郡公,授領軍將軍。 魏孝武將貳

於神武,昭以疾辭還晉陽。後從神武入洛。

薨於州,贈假黃鉞、太師、太尉,諡曰武。 爲定州 「此州無狀,橫被殘賊,其賊是怨,其人何罪。」遂皆捨焉。後轉大司馬,仍領軍。 **兗州刺史樊子鵠反,以昭爲東道大都督討之。** 刺史。 昭好酒,晚得偏 風,雖愈,猶不能處劇務。在州,事委僚屬,昭舉其大綱 齊受禪, 韶祭告其墓, 封太原王。 子鵠旣死,諸將勸昭盡捕誅其黨,昭曰 皇建初, 遷司 、配享神 徒,出 而已。

長子仲達嗣,改封濮陽王。

武廟庭。

通至州,以贓貨事劾定遠。 婆令臨淮國郎中令告定遠陰與思好通。二三 鄙 同受顧命,位司空。 如 此。 次子定遠,少歷顯 尋除瀛州刺史。 趙郡王之奏黜和士開,定遠與其謀。 職。 初,定遠弟季略,穆提婆求其伎妾,定遠不許。 外戚 定遠疑有變,遂縊而死。 中,偏爲武成愛狎,別封臨淮郡王。 後主令開府段暢率三千騎掩之,令侍御史趙秀 遂納

土開賄賂,成

趙郡之禍,其貪 武成大漸,與趙郡王等 因高思好作亂,提

昭兄子叡。 叡字佛仁。 **父拔,魏南部尚書。** 叡幼孤,被叔父昭所養。 為神武帳內都

尚書左丞宋仲羨彈奏,經赦乃免。尋爲太尉,以軍功進大司馬。武成至河陽,仍遣總偏師 初,封東安王。大寧元年,進位司空。平高歸彥於冀州,還拜司徒。河淸三年,濫殺人,爲 軍將軍,別封安定侯。叡無他器幹,以外戚貴幸,縱情財色。爲瀛州刺史,聚斂無厭。皇建 赴縣瓠。 督,封掖縣子。 子子彥嗣,口巴位開府儀同三司。 叡在豫境、留停百餘日,專行非法。 累遷光州刺史,在任貪縱,深爲文襄所責。後改封九門縣公。齊受禪,除領 韶発官,以王還第。尋除太尉,薨,贈大司馬。

厙狄干,善無人也。曾祖越豆眷,魏道武時,以功割善無之西臘汗山地方百里以處之。

後率部落北遷,因家朔方。

捷,唯一兵退。神武以其舊功,竟不責黜。尋轉太保、太傅。 暑,冬得入京師,夏歸鄉里。孝昌元年,北邊擾亂,奔雲中,爲刺史費穆送于今朱榮。以軍 主隨樂入洛。後從神武起兵,破四胡於韓陵,封廣平縣公,尋進郡公。河陰之役,諸將大 汗鯁直少言,有武藝。。魏正光初,除掃逆黨,授將軍,宿衞於內。以家在寒鄉,不宜毒

及高仲密以武牢叛,神武討之,以干爲大都督,前驅。干上道不過家,見侯景,不遑食,

繼至,遂大破之。還爲定州刺史,不閑吏事,事多煩擾,然淸約自居,不爲吏人所患。遷太 景使騎追饋之。時周文自將兵至洛陽,軍容甚盛。諸將未欲南度,干決計濟河,神武大兵

師。|天保初,以||一元勳佐命,封章武郡王,八三轉太宰。

友大慚,時人稱善。薨,贈假黃鉞、太宰,給輼輬車,諡曰景烈。 而 最爲嚴猛。 干尙神武妹樂陵長公主,以親地見待。自預勤王,常總大衆,威望之重,爲諸將所伏, 會詣京師,魏譙王元孝友於公門言戲過常,公然無能面折者,干正色責之,孝

後成其外。二人至孫,始並知書。干,皇建初配享神武廟庭。 干不知書,署名爲干字,逆上畫之,時人謂之穿鎚。 又有武將王周者,署名先爲吉,而

子伏敬,位儀同三司。卒,子士文嗣。

齊,山東衣冠多來迎,唯士文閉門自守。帝奇之,授開府儀同三司、隨州刺史。 士文性孤直,雖鄰里至親,莫與通狎。 在齊,襲封章武郡王,位領軍將軍。 周武帝平

外境。 子嘗噉官廚餅,士文枷之於獄累日,杖之二百,步送還京。 僮隸無敢出門。 隋文受禪,加上開府,封湖陂縣子,尋拜貝州刺史。性清苦,不受公料,家無餘財。其 凡有出入,皆封署其門,親故絕迹,慶弔不通。法令嚴肅,吏人股戰,道不拾遺。有細 所買鹽菜,必於

列

過,必深文陷害。 兩手各持一匹。上問其故,士文曰:「臣口手俱足,餘無所須。」上異之,別賞遺之。 嘗入朝,遇上賜公卿入左藏,任取多少。人皆極重,士文獨口銜絹

暴過猛獸!」「目的竟坐免。未幾,為雍州長史。謂人曰:「我向法深,不能窺侯貴要,無乃必死 惠政。時人語曰:「刺史羅殺政,司馬蝮蛇瞋,長史含笑判,清河生喫人。」上聞,歎曰:「士文 令人捕搦,捶楚盈前而哭者彌甚。司馬京兆章焜、淸河令河東趙達,二人並苛刻,唯長史有 此官」及下車,執法嚴正,不避貴戚,賓客莫敢至門,人多怨望。 相送,哭聲遍於州境。至嶺南遇瘴厲,死者十八九。於是父母妻子,唯哭士文。士文聞之, 士文至州,發摘姦諂,長吏尺布斗粟之贓,無所寬貸,得千人,奏之,悉配防嶺南。

史劾。士文性剛,在獄數日,憤恚而死。家無餘財,有三子,朝夕不繼,親賓無贍之者。 士文耻之,不與相見。後應州刺史唐君明居母憂, 娉以爲妻。由是君明、士文並爲御 士文從妹爲齊氏嬪,有色,齊滅後,賜薛公長孫覽。覽妻鄭氏妬,譖之文獻后,令覽離

都督。及起兵於信都,軌贊成大策。從破分朱兆於廣阿,又從韓陵陣,封平昌縣侯。仍督 韓軌字伯年,太安狄那人也。少有志操,深沈,喜怒不形於色。神武鎭晉州,引爲鎭城 郡。 縱,招引賓客,一席之費,動至萬錢,猶恨儉率。朝廷欲處之貴要地,必以疾辭,告人云:「廢 拜 中書令、司徒。齊受禪,封安德郡王。 封安德郡公、遷瀛州刺史。在州聚斂、爲御史糾劾、削除官爵。 戶別絹布兩疋,州人田昭等七千戶皆辭不受,唯乞留軌。 中軍、從破分朱兆於赤谼嶺。 人飲美酒,對名勝。 文襄廟庭。 大司馬,從文宣征蠕蠕,在軍暴疾,薨。贈假黃鉞、太宰、太師,諡曰肅武。 献妹爲神武所納,生上黨王渙,復以勳庸,歷登台鉉,常以謙恭自處,不以富貴驕人。後 父連,安北府 段榮字子茂,姑臧武威人也。 子晉明嗣。 天統中,改封東萊王。晉明有俠氣,諸勳貴子孫中,最留心學問。 司馬。 安能作刀筆吏,披反故紙乎。」武平末,除尚書左僕射,百餘日,便謝病 再遷秦州刺史,甚得邊和。 祖信,仕沮渠氏。後入魏,以豪族徙北邊,仍家於五原 神武嘉歎,乃留焉。 神武巡秦州,欲以軋還,仍賜城 未幾,復其安德郡公。 頻以軍 皇建初、配享 好酒誕

·功,進

列 傳 第 四 +

韓 軌

段 樂

> 九 五 九

情。 長子韶嗣。 曲敗,神武 推諸將,竟不之州。 入洛,論 亂 兵,榮贊成 起此 卒,贈太尉,諡曰昭景。 地, 功封姑臧縣侯,轉授瀛州刺史。 之。 曰:「不用段樂言,以至於此。」尋除山東大行臺,領本州流人大都督,口以甚得物 天下因此横流,無可避也。」未幾如言。際初之杜洛周,因奔众朱榮。 神武 尋歷相、 南討鄴,留榮鎭信都,仍授定州 皇建初、配享神武廟庭。 濟、秦三州,所在百姓愛之。 **|榮妻,武明皇后長姊也, |榮恐神武招私親** 刺史。 二年,重贈大司馬、尙書令、武威王 時攻鄴未克,榮轉輸無闕。 神武將圖關右,榮稱未可。 及神武 之議, 及渭 神武 固 起

韶字孝先,少工騎射,有將領才略。 以武明皇后甥,神武益器愛之,常置左右,以爲

腹,領親信都督。

曰:「聞小能敵大,小道大淫,皇天無親,唯德是輔。 心。 而 九 神武拒尒朱兆於廣阿,憚兆兵衆。 王躬昭德義, 誅君側之惡, 何往而 |韶曰:「所謂衆者、得衆人之死,所謂强者、得天下之 不克哉」,神武日:「吾雖以順 今||徐外賊天下,內失善人,智者不爲 朔。 討逆,恐無天命。」 天下從亂,十室

韶

男,後 謀,勇者不爲鬭。 迴 賜 父爵姑臧 不肖失職,賢者取之,復何疑也!」遂與挑戰,敗之。頻以軍功,封下洛縣 縣侯。 芒山之役,爲賀拔勝所窘,口也韶從傍馳馬反射,斃其馬,追騎不

敢進, 遂発。

賜鞍馬幷金,回逃爵爲公。

軍 文襄以孝先 事 毎 一若何 謂孝先 及 征 加 · ^] 金等咸曰:「知臣莫若君,實無出孝先者。」仍令韶從文宣鎭鄴,召文襄赴軍 論兵,殊有英略,若比來用其謀,可無今日之勞矣。吾患危篤, 驃 玉壁,攻城未下,神武不豫,謂大司馬斛律金、司徒韓軌、左衞將軍劉豐等曰:「吾 騎 爲託,令軍旅大事,並與籌之。 大將軍、開府儀同三司。 文宣受禪,除尙書右僕射,遷冀州 及神武崩,侯景反,文襄還鄴,留韶守晉陽, 刺 欲委孝先以鄴下 史。 顧命。

州 就 先 師。 馬,仍爲 宿 將 豫 攻廣陵 塗出 封 霸 天 平原 先 保 尙 辯 盱 外 四 書令, 土喩 沙尹 胎, 年,梁將 託 郡王,歷 同 令思 白額 令思 遷錄 一德,內有離心,吾揣之熟矣。」乃留儀 司 謀襲盱眙,三軍咸懼。 東方白額 不虞大軍卒至,望旗而 白 尙 空、 書事 額 司 開 、幷州刺史。 徒、大將 門請盟。 潛至宿豫,韶韶討之。旣至,會梁將嚴超達等軍逼涇州 軍、尚書令、太子 盟訖, 後與東安王婁叡平高歸彥,遷太傅,仍涖幷州。爲 韶 奔。 度白額 謂諸將曰:「自梁氏 進破 終 大師。 超達 同三司 不 爲 流用, 斬 軍 以 敬顯儁等圍 繼 迴 赴 之, 母 喪亂,國 憂,去 廣陵,霸先 弁其 宿豫,自倍道 職 八諸弟, 無定主,人懷 尋 遁 並傳 起爲 走。 首京 陳霸 大司 赴 旋 涇 去

列

傳

雪,諸將或欲逆之,韶曰:「不如陣以待之,彼勞我逸,破之必矣。」 遂大破之。 進位太師 政 甚得人和。 周文遣將率羌夷與突厥合衆逼晉陽,武成自鄴倍道赴之。 時大

陽,五日便濟河。遇周軍於大和谷,與諸將陣以待之,韶爲左軍,蘭陵王爲中軍,斛律光爲 厥爲慮。 韶曰:「北虜侵邊,事等疥癬;西羌闚逼,是膏肓之病。」帝仍令韶督精騎一千發晉 蘭陵王長恭、大將軍斛律光擊之。軍次芒山下,逗留未進。武成召韶,欲赴洛陽圍,但以突 宰,封靈武縣公。天統三年,除左丞相。四年,別封永昌郡公,食滄州幹。 右軍。上山逆戰,自己韶且却引,待其力弊,下馬擊之,周人大潰。洛城圍亦卽奔遁。除太 之,待通和往復,放之未晚。 不聽,遂遣使以禮將送。 護得母,仍遣將尉遲迥等襲洛陽。 以爲護外託爲相,其實王也。爲母請和,不通一介之使,據移送書,恐示以弱。曰己且外許 周冢宰宇文護母閻氏,先配中山宮,護聞尙存,乃因邊境移書,請還其母,幷通隣好。韶

郡公。是月,周又遣將攻邊,斛律光先率軍禦之,韶亦請行。五月,到服秦城。西人於姚襄 城勢雖高,其中甚狹,火弩射之,一旦可盡。」遂攻之,城潰。仍城華谷,置戍而還。 北河東,勢爲國家之有,若不去栢谷,事同痼疾。計彼會兵在南道,今斷其要路,救不能來, 斛律光、太尉蘭陵王長恭往。行達西境。有栢谷城者,敵之絕險,諸將莫肯攻圍。 武平二年,出晉州道,到定隴,築威敵、平寇二城而還。二月,周師來寇,遣韶與右丞相 部日:「汾 封廣平

策,伏兵擊之,大潰。韶竟以病薨。賜溫明祕器、輼輬車。軍校之士,陣送至平恩墓所,發 城三面重澗,並無走路,唯慮東面一處耳。 賊若突圍,必從此出。」長恭乃設伏,其夜,果如 秦,併力圖之。」從之。六月,徙圍定陽。七月,屠其外城。 咸欲攻其新城,韶曰:「此城一面阻河,三面地險,不可攻。 城南更起城鎮,韶抽壯士從北襲之,使人潛度河告姚襄城中,內外相應,進戰大破之。 時韶病在軍中,謂蘭陵王曰:「 不如更作一城,壅其要道。 破服 諸將 此

卒起冢。贈假黃鉞、相國、太尉、錄尚書事,諡忠武。

其子深尙公主, 幷省丞郎在家佐事十餘日, 事舉辭還, 人唯賜一盃酒。 官。韶美之,上啓固請,文襄賜之。別宅處之,禮同正嫡。尤嗇於財,親戚故舊,略無施與。 家,罕有及者。然僻於好色,雖居要重,微服問行。魏黃門郎元瑀妻皇甫氏,緣瑀謀逆,沒 得將士之心。又雅性溫愼,有宰相之風。敎訓子弟,閨門雍肅,事後母以孝聞。 韶出總軍旅,入參幃幄,功旣居高,重以婚媾之故,望傾朝野。而長於計略,善於御衆, 齊代勳貴

元妃所生三子懿、深、亮,皆宦達。

懿字德猷, 尚潁川長公主, 拜駙馬都尉, 襲封平原王。位行臺右僕射, 兼殿中尚書,

李

列

四

十 二

段

子寶鼎,尚中山長公主。 隋開皇中,開府儀同三司。大業初,卒於饒州刺史。

深字德深,美容貌,寬謹有父風。 天保中,受父封姑臧縣公,尚東安公主,位侍中。 韶

病篤,詔封深濟北王,以慰其意。入周,拜大將軍、郡公,坐事死。

亮字德堪。隋大業初,位汴州刺史。卒於汝南郡守。

韶弟孝言,少警發,有風儀。齊受禪,其兄韶以別封霸城縣侯授之。歷中書黃門侍郎,

典機密。又歷祕書監、度支尚書、淸都尹。

賄 僕射,仍掌選。 唯厲色遣下。尋除 分向其私宅種植。又殿內及園中須石,差車從漳河運載,復分車迴取。事發,出爲海州 殺之。又與諸淫婦密遊,其夫覺,又拷掠而殞。時苑內須果木,課人間及僧寺備輸,孝言悉 元士將、太府 則 累遷吏部尚書。祖珽執政,將廢趙彥深,引孝言爲助,加侍中。孝言待物不平,抽擢非 有將作丞崔成於衆中抗言:「尚書,天下尚書,豈獨段家尚書也」。孝言無辭以對, 恣情用捨,請謁大行。敕浚京城北隍,孝言監作。 以少卿酈孝裕、尚書左戶郎中薛叔昭、司州中從事崔龍子、淸都 中書監,加特進。 又託韓長鸞共構祖珽之短。 儀同三司崔 及斑出後,孝言除尚書右 日別置酒高會,諸人膝 尹丞李道隆 士順、將作大 刺

富貴豪侈,尤好女色。 授。 行跪伏,稱觴上壽,或自陳屈滯,更請轉官。 富商 大賈,多被銓擢,所進用人士,咸是險縱之流。尋遷左僕射,特進、侍中如故。 後取婁定遠妾董氏,大耽愛之。 孝言意色揚揚,以爲已任,皆隨事報答,許有加 爲此內外不和,更相糾列。又於晉

陽監作,坐事除名,徙光州。 隆化主敗後,有敕追還。

以此多之。 以 盡歡 孝言雖贖貨無厭,恣情酒色,然舉止風流,招致名士,美景良辰,未嘗虛棄,賦詩奏伎, 洽。 齊亡入周,位上開府。 雖草萊之士,粗關交藝,多引入賓館,與同興賞。 其貧躓者,亦時乞遺。 時論復

公。 祖幡 斛律金字阿六敦,朔州敕勒部人也。 地斤,殿中尚書。 父那瓖,光祿 大夫,贈司 高祖倍侯利,魏道武時內附,位大羽眞,賜爵孟都 空。

懐朔 鎭 金 將楊鈞送蠕 性敦直 ,善騎射,行兵用匈奴法,望塵知馬步多少,嗅地知軍度遠近。 蠕主 阿那褒。 **瓌見金獵射,歎** 英工。 及破六韓拔陵構逆, 初爲 金 擁

軍主,與

衆屬焉,

署 金 爲 日雁 芸。 臣 金 度陵終敗,乃統所 仍稍引南 出 黃瓜堆,爲杜洛周所破。 部叛陵,詣雲州。 魏除爲第二領人酋長,秋朝 與兄平二人脫身歸 **介朱榮,爲別將。孝** 京 師,春還部

立,賜爵阜城男,位金紫光祿大夫。 神武密懷匡復,三三金贊成大謀。 太昌初,爲汾州刺

史,進爵爲侯。 沙苑之役,神武以地阨少却,軍爲西師所乘,遂亂。 從神武破蛇豆陵於河西。 張華原以簿帳歷營點兵,莫有應

甲厚,射之不入,賀拔仁候其轉面,射,一發斃之。 金以鞭拂馬,神武乃還。於是大崩,喪甲士八萬。 密西叛,周文攻洛陽,從神武破之。還,除大司馬,改封石城郡公。 神武將集兵更戰,[12]金曰:「衆散將離,其勢不可復用,宜急向河東。」神武據鞍未動, 是役也,無金先請還,幾至危矣。 侯景斂。三三西魏力人持大棒守河橋,衣 及高仲

敎 爲金字,作屋況之,其字乃就。神武重其古質,每誠文襄曰:「爾所使多漢,有讒此人者, 金性質直,不識文字。 本名|敦,苦其難署,改名爲|金,從其便易,循以爲難。 司馬子如

勿信之。」

樂爲武 如 仍 州,以太師還晉陽。 此 詔 金 及文襄嗣事,爲肆州刺史。 後蠕蠕爲突厥破散,慮其犯塞,詔金屯兵白道以備之。 **衞大將軍,賜帛五千匹。** 孫 武 都 尚義 寧公主。 車駕幸其第,六宮及諸王盡從,置酒極 成禮之日,帝從皇太后幸金宅,皇后、太子、諸王皆從。 謂曰:「公元勳佐命,父子忠誠,朕當結 文宣受禪,封咸陽郡王。天保三年,就除太師。 夜方罷。帝欣甚,詔金 多所俘獲,幷表陳虜可取狀。 以 婚 姻,永爲藩衞。」 第二子豐 四年,解 其見待

文宣 |乃與|金共討之。進位右丞相,食<u>齊</u>州幹。 遷左丞相。 帝晚年敗德,嘗持矟走馬以擬金

胸者三,金立不動,於是賜物千段。

合殺 又納 侍中高 其孫女爲太子妃。 孝昭踐阼,納其孫女爲皇太子妃。 亦 文遙將羊車引之。 不 加 罪 金會遣人獻食,中書舍人李若誤奏,云金自來。 **塔知事誤,更不敢出映廊下。** 韶金朝見,聽乘步挽車至階。 文遙還覆奏,帝罵若云:「空頭漢, 武成卽位、禮遇彌重, 武成出昭陽殿,敕

錢百 富貴 外戚 達。一門一皇后,二太子妃,三公主,尊寵,當時莫比。 萬。 梁冀等,無不 ,豈藉女也?」 金 長子光,大將軍,次子羨及孫武都,並開府儀同三司,出鎭方岳,其餘子孫,皆封侯貴 諡曰武。 傾滅。 一辭不獲免,常以爲憂。 子光嗣。 女若有寵,諸貴 人妬,女若無寵,天子嫌之。 天統三年薨,年八十,贈假黃鉞、相國、太尉公,贈 金嘗謂光日: 「我雖不讀書,聞 我家直以立勳抱忠致 古來

律家 之,以二矢俱落焉。 小兒,不可 光字明月,馬面彪身,神爽雄傑,少言笑,工騎射。初爲侯景部下,彭樂謂高敖曹曰:「斛 三度將行,後奪人名。」以庫直 後 從 金西征,周文帝長史莫孝暉在行間,云云光年十七,馳馬射中之,因 事文襄。 從出 野,見雁 雙飛來,文襄使光 馳射

列傳

其頸,形如車輪,旋轉而下,乃鵰也。丞相屬邢子高歎曰:「此射鵰手也。」當時號落鵰都督。 神武卽擢授都督,封永樂子。又嘗從文襄於洹橋校獵,雲表見一大鳥,射之正中

|昭以||光世載醇謹,納其長女爲太子妃。 歷位太子太保、尚書令、司空、司徒。 齊受禪,別封西安縣子。皇建元年,進爵鉅鹿郡公。時樂陵王百年爲皇太子,求妃。孝

於芒山,迥等大敗。光親射雄殺之,迥、憲僅而獲免。仍築京觀。武成幸洛陽策勳,遷太 河淸三年,周大司馬尉遲迥、齊公憲、庸公王雄等衆十萬攻洛陽。光率騎五萬馳往,戰

及弟羡,並復位。秋,除太保,襲爵咸陽王,遷太傅。 光第二女爲太子妃,天統元年,拜皇后,光轉大將軍。三年六月,父喪去官。其月,詔起光 冰,懼周兵之逼。光憂曰:「國家常有吞關、隴之志,今日至此,而唯翫聲色」先是,武成納 初,文宣時,周人常懼齊兵之西度,恒以冬月,守河椎冰。及帝卽位,朝政漸紊,齊人椎

鎭戍十三所。周柱國枹罕公普屯威、柱國韋孝寬等來逼平隴,光與戰於汾水,大破之。周 冬,光又率步騎五萬於玉壁築華谷、龍門二城,與憲相持,憲不敢動。二年,率衆築平隴等 將宇文桀衆大潰,直到宜陽。軍還,擊周齊王憲等衆大潰。詔加右丞相、幷州刺史。其年 十二月,周軍圍洛陽,壅絕糧道。」武平元年正月,韶光率步騎三萬禦之,鋒刃纔交,周

還。

旨,軍仍且進。 軍未至鄴,敕令便放兵散。 朝廷發使遲留, 軍還將至紫陌,光駐營待使。 光以功勳者未得慰勞,若散,恩澤不施。乃密表,請使宣 帝聞光軍營已逼,心甚惡之,

字 ; 萬,其人訴焉。 光庶女,不許。 內省,言聲高慢,光過聞之,又怒。 急令舍人追光 非真,堰却津中水,將留何處人。」以告斑。 斑占之曰:「角斗,斛字;津却水,何留人,合成律 膝歎曰:『盲人用權,國必破矣! 今賜,無乃闕軍務也。」帝又以鄴淸風園賜提婆租賃之。 非眞者,解斛律於我不實。」士達又言所夢狀,乃其父形也。 「高山不推自崩, 周將韋孝寬懼光,乃作謠言,令間諜漏之於鄴曰:「百升飛上天,曰可明月照長安。」 光嘗在朝堂,垂簾而坐,祖珽不知,乘馬過其前。 入見,然後宣勞散兵。 拜左丞相,別封淸河郡公 帝賜提婆晉陽之田,光言於朝曰:「此田,神武以來,常 光曰:「此菜園賜提婆,是一家足,若不賜提婆,便百官足。」由是祖 槲樹不扶自豎。」 斑續之曰:「云」「盲老公背上下大斧,饒舌老母不得 』」斑省事褚士達夢人倚戶授其詩曰:「九升八合粟,角斗定 斑知光念, 賂其從奴搕頭。 光怒,謂人曰:「此人乃敢爾」後既在 於是官無菜, 曰:「自公用事,相王每 斑由是懼。 種禾飼馬,以擬寇難 赊買於人, 負錢三百 又穆提婆求娶 、穆積怨。 夜抱

不誅, 求 其穴膩滑。 是三日, 然洪珍言,而猶預未決。既令武都妾兄顏玄,告光謀爲不軌,又令曹魏祖奏,言上將星盛, 此理,未 賜數萬 可畏。」帝以問韓長鸞。 以 語。」令小 謠言 見,帝使以庫車載入,與因請問,唯何洪珍在側,帝曰:「前得公啓,卽欲施行,長鸞以爲無 恐有 啓帝 匹,府藏稍空,此是何理。」受賜者聞之,皆曰:「天子自賜我,關相王何事。」既又通啓 可。」斑未對。洪珍進曰:「若本無意,則可,旣有此意,不決行,萬一事泄,如何」帝 鼠 見歌之於路。 災禍。 常畫見光寢室,常投食與之,一朝三鼠俱死。又牀下有二物如黑猪,從地出走, 大蛇屢見。 日 :「斛律累世大將,明月聲震關西,豐樂威行突厥,女爲皇后,男尙公主,謠言 先是天狗 鸞以爲不可,事寢。光又嘗謂人曰:「今軍人皆無褲袴,後宮內參,一 屋脊有聲,如彈丸落。 提婆聞,以告其母。 洒流, 占日秦地。 令萱以饒舌爲斥己, 盲老公謂祖斑也, 遂協謀, 案秦即咸陽也。 叉大門橫木自焚。 自太廟及光宅,並見血。先 擣衣石自移。

不果 帝謂 又恐追光 何 而 旣 光將上馬,頭眩。 洪 止。 而 珍 丞 家 日:「人心亦大聖,我前 相府佐封士 藏弩甲, 不從命,珽因 奴僮千數,每使豐樂、武都處,陰謀往來。 |讓密啓云:「光前西討還,敕令便放兵散,光令軍逼帝京,將爲不軌, 及至,引入凉風堂,劉桃枝自後撲之,不倒。 「請賜其一駿馬,令明日乘至東山遊觀,須其來謝,因 疑其欲反,果然。」帝性怯,恐即 若不早圖,恐事不可測。」 有變,令洪珍馳召 光曰:「桃枝常作如此 執之。 祖 斑告 帝

事,我不負國家。」桃枝與力士三人,以弓絃罥其頸,遂拉殺之,年五十八。血流於地,剗之

迹終不滅。於是下詔稱其反,族滅之。

詣庶,謂庶曰:「暫來見卿,還辭卿去。」庶父諧杖庶而謝焉。 者,不問曲直,卽以杖之一百。」與大慚,乃下聲曰:「朝廷已加重刑,郎中何可分雪。」及出, 百,貝刀七口,賜矟二張。」與又厲聲曰:「更得何物。」曰:「得棗子枝二十束,擬奴僕與人鬭 人尤其抗直。祖信慨然曰:「好宰相尙死,我何惜餘生」祖信少年時,父遜爲李庶所卿,因 使二千石郎邢祖信掌簿籍其家。 斑於都省問所得物,祖信曰:「得弓十五張,宴射箭一

鄴,追贈上柱國、崇國公。 指詔書曰:「此人若在,朕豈得至鄴。」 嘗失律,深爲膦敵懾憚。罪旣不彰,一旦屠滅,朝野惜之。

周武帝聞光死,赦其境內。後入 取地皆如其言,拓地五百里而未嘗伐功。板築之役,鞭撻人士,頗稱其嚴。自結髮從戎,未 脫介胄,常爲士卒先。有罪者,唯大杖撾背,未嘗妄殺。衆皆爭爲之死。宜陽之役,謂周人 占之,務從省實。行兵用匈奴卜法,吉凶無不中。軍營未定,終不入幕,或竟日不坐。身不 曰:「歸我七年人,不然取爾十倍。」周人卽歸之。在西境築定誇諸城,曰己馬上以鞭指畫,所 賓客,罕與朝士交言,不肯預政事。每會議,常獨後言,言輒合理。將有表疏,令人執筆,口 光居家嚴肅,見子弟若君臣。雖極貴盛,性節儉,簡聲色,不營財利,杜絕饋餉。

一九七二

長子武都 ,位特進、開府儀同三司、梁<u>克二州刺史,所在唯事聚</u>歛。 光死,遣使於州斬

Ż

小子鍾,年甫數歲,獲免。 周朝襲封崇國公。 隋開皇中,卒於車騎將軍。

請朝貢,自是歲時不絕,羨有力焉。 謂之南面可汗。 冰、北合易京、東會於潞,因以灌田,公私獲利。 海,〔10〕一千餘里,其間凡有險要,或斬山築城,斷谷起障,幷置立戍邏五十餘所。 羨總諸將禦之,突厥望見軍容齊整,遂不敢戰,遣使求款附。 羡字豐樂,少機警,善騎射。 四年,遷行臺尚書令,公司別封高城縣侯。 河淸三年,爲都督、幽州刺史。 詔加行臺僕射。 在州養馬二千匹,部曲三千,以備邊,突厥 羡以虜屢犯邊塞,自庫推戍 天統元年五月,突厥可汗遣使 其年,突厥十餘萬寇州境, 又導高梁 東 拒 於

書推 其夢曰:「枷者加官,鎖者鎖鎖吉利。」「言〕及光誅,敕中領軍賀拔伏恩等十餘人馳驛捕之,遣 領軍大將軍鮮于桃枝、洛州行臺僕射獨孤永業便發定州騎卒續進。 不得音問。 讓,乞解所職,詔不許。 |羨歷事數帝,以謹直稱,雖極榮寵,不自矜尙。以合門貴盛,深以爲憂。 後二日鄴使不至,家人乞養憂之。 其年秋,進爵荆山郡王。 又夢著枷鎖,勸豐樂速奔突厥,羨不從。 羡慮禍,使人騎快騾迎至鄴,言三無日 伏恩等旣至,門者白羨 武平元年,乃上 占

驢出城,合家泣送之至閤,日晚而歸。 兵,何得不敗?」幷害五子,年十五已下者宥之。 其妻曰:「啓太后,臣兄弟死自當知。」臨刑歎曰:「富貴如此,女爲皇后,公主滿家,常使三百 日 …「使人衷甲馬汗,宜閉城門。」羨曰:「敕使豈可疑拒!」出迎之,遂見執,死於長史廳事。謂 吏人莫不驚異。 羡未誅前,忽令其在州諸子五六人,鎖頸乘 行燕郡守馬嗣明,道術之士也,為羨

雖多,去兄遠矣。」聞者服其言。 非要害之所。 孫又不及明月、豐樂,世衰矣。」每日令出田,還卽効所獲。 羡及光並工騎射。 。光恒蒙賞,羨或被捶。 少時獵,父金命子孫會射而觀之,泣曰:「明月、豐樂用弓不及我,諸 人問其故,云:「明月必背上著箭,豐樂隨處即下手,數 光獲少,必麗龜達腋,羨獲雖多,

所欽,竊問之,答云:「須有禳厭。」數日而有此變。

金兄严,少便弓馬。神武起,以都督從。 皇建初,封定陽郡公。 後為青州刺史。 卒,贈

太尉。

孫騰、高隆之、司馬子如等俱不能淸貞守道,以康亂爲懷,而厚歛貨財,塡彼溪壑。 論曰:齊神武以晉陽戎馬之地,霸圖攸屬,練兵訓旅,遙制朝權,鄴都機務,情寄深遠。 昔蕭何

列

坐致台輔。 然則君子屬厭,豈易聞焉。子如徒以少相親重,情深昵狎,義非草昧,恩結寵私,勳德莫聞, 之鎭關中,荀彧之居許下,不亦異於是乎!賴文襄入輔,責以驕縱,厚遇崔暹,奮其霜簡,不 消難去齊歸周,義非殉國,向背不已,晚又奔陳,一之謂甚,胡可而再。 膺之風

附翼攀鱗,鬱爲佐命之首。定遠以常人之才,而因趙郡忠正,將以志除朝蠹,謀逐佞臣,而 信納姦凶,反受其亂。 竇泰、尉景、婁昭、厙狄干、韓軌等,並以外戚近親,屬雲雷之舉,位非寵進,功籍勢成, 遂使庸豎肆毒,賢戚見誅,敗政害時,莫大於此。 鄙語曰「利以昏

素可重,幼之淸簡自立,有足稱者。

段榮以姻戚之重,遇時來之會,功伐之地,亦足稱焉。

智」,況定遠非智者乎。

警,爲有齊上將。豈其然乎!當以志謝矜功,名不渝實,不以威權御物,不以智數要時,欲 求覆餗,其可得也。禮云「率性之謂道」,此其効歟! |韶光輔七君,克隆門業,每出當閩外,或任處留臺。 以猜忌之朝,終其眉壽,屬亭候多

其盈滿之戒,動之微也,纔及後嗣,遂至誅夷。旣處威權之重,蓋符道家所忌。 | 斛律金以| 神武撥亂之始,翼成王業,忠款之至,成此大功,故能終享遐年,位高百辟。 視

光以上將之子,有沈毅姿,戰將兵權、「邑」暗同韜略,臨敵制勝,變化無方。自關、河分

牧死趙滅。其議誅光者, 豈秦之反間歟? 震主之威;主暗時艱,自毁藩籬之固。 昔李牧之爲趙將也,北翦胡寇,西却秦軍,郭開譖之, 戰則前無完陣,攻則罕有全城,齊氏必致拘原之師,秦人無復啓關之策。而世亂讒勝,詐以 隔,年將四紀,以高氏霸王之期,屬宇文草創之日,出軍薄伐,屢挫兵威。而大寧已還,東隣 浸弱,關西前收巴蜀,又殄江陵,叶建瓴而用武,成并吞之壯志。光每臨戎誓衆,式遏邊鄙, 嗚呼!後之君子,可爲深戒者歟 何同術而同亡也! 一內令諸將解體,外爲强隣滅

校勘記

「一」累遷郡公 按「累遷」通常指官職,不指封爵,「遷」下當有脫文。北齊書卷一八孫騰傳云:「及

隆之請非實在邊要見有兵馬者 有「在」字。「有」字作「掌」。 諸本脫「在」、「有」二字、據北齊書補。通志卷一五三孫騰傳亦

平鄴,授相州刺史,改封咸陽郡公。」

於射堋上立三人像 諸本「堋」下有「土」字。李慈銘云:「『土』字行, 卷一五三高隆之傳亦無「土」字,此涉「上」字形似而衍,今捌去。 北齊書卷一八無。」按通志

何過要名 北齊書卷一八高隆之傳作「何得委過要名」。疑此脫「得委」二字。

列傳第四十二 校勘記

五 隆之曾與元昶宴 已死於天平二年五二五年,下距隆之死時天保五年,五五四已十九年。 元旭見魏書卷一九城陽王長

是連坐同 死。 疑通鑑! 是。

太僕卿任集同 知營構 北齊書、 太府掌金帛、府庫、營造器物均見隋書百官志中。疑作「太府」是。 通志及通鑑卷一五七四八六八頁「僕」作「府」。按太僕掌車輦、 叉諸本

「知」訛作「加」、據北齊書、通志改。

馬牛、畜產,與營構無關,

以北道行臺巡檢諸州守令已下 北齊書卷一八、通志卷一五三司馬子如傳「已下」下有「委其

點陟」四字,此疑脫。

驛召上黨王渙 諸本「渙」作「煥」,據周書卷二一司馬消難傳改。 高歡諸子,名皆從水,見卷五

神武諸子傳。

へたし 與邢子才王元景等 諸本脱「元」字、據北齊書、通志司馬子如傳補。 王元景卽王昕,見本書卷

C107 齊亡歲以痢疾終 班台之貴近世專以賞勳勤膺之雖爲猥雜名器猶重 諸本脱「齊」字、據北齊書及御覽卷七四三三二九九頁引北史補 按「膺之」二字疑術、「重」下亦當有脫文。

- 遙見羣烏飛起 注云:「西軍旗幟皆黑,齊人時恇懼,望見烏飛,以爲周師已至。」 諸本「鳥」作「鳥」、御覽卷九二〇四〇八一頁、通鑑卷一七三五三六九頁作「鳥」。 胡 按北周服色尚烏,見周書卷三
- 閔帝紀。胡注是,今據改。
- 十五、通志卷一五二婁昭傳改補。 提婆令臨淮國郎中令告定遠陰與思好通 諸本「令告定」三字訛脫作「金造」二字,據北齊書卷
- 子子彦嗣 「產」乃「彥」之訛,今據改。 法,稱碑側題名有王世子子彦, 諸本「彦」作「産」。 第二子仲彥。又本書卷五二北齊宗室河南王孝瑜傅見婁子彥。 按八瓊室金石補正卷二一司徒公婁叡華嚴經碑跋引安陽金石
- 天保初以干元勳佐命封章武郡王 天保元年六月。作「天平」誤,今從北齊書卷十五厘狄干傳改。 諸本「保」作「平」。按干封章武郡王,見本書卷七齊文宣紀
- 魏譙王元孝友於公門言戲過常 譙』疑誤。」按元孝友傳見本書卷十六臨淮王譚傳,「譙」疑是「淮」之訛,又脫「臨」字。 張森楷云:「按孝友始爲臨淮王,齊世爲臨淮公,未常改封譙,
- 士文暴過猛 「猛獸」。 **運狄士文傳作「猛」。** 選 百衲本、南本「猛」作「獨」、北、汲、 按「獨」乃「猛」之訛,今據改。「猛獸」即「猛虎」,隋書、北史避唐諱,故作 殿三本作「毒」。隨書卷七四、通志卷一七一

領本州流人大都督 字。 爲「六州」之訛。北齊書省「六州流民」四字,非。參周一良:領民會長與六州大都督。 見「六州大都督獨孤枝」,趙郡王琛傳琛及其子叡並曾爲「定州刺史、六州大都督」。此「本州」當 按北齊書卷一八孫騰傳「尋加六州流民大都督、北道大行臺」。本書卷五一馮翊王潤傳 通志卷一五二段榮傳「人」作「民」。 北齊書卷一六段榮傳無「本州流人」四 見魏晉南北朝史

C1:5〕 芒山之役爲賀拔勝所窘 }傳。 爲西魏將賀拔勝所識,率銳來逼。」是受窘者乃高歡。此事亦見卷六齊神武紀、卷四九賀拔勝 這裏「爲」上當脫「神武」二字。 按北齊書卷一六段韶傳云:「從高祖禦周文於邙山」高祖身在行間,

論集

賜鞍馬幷金 「下」字行文,今據删。 諸本「鞍」下有「下」字,北齊書無「鞍下」二字,通志卷一五二段榮傳無「下」字。按

據移送書恐示以弱 「母」字之誤,或是「書送」二字誤倒。 北齊書、 ·通志並作「仍據移書,即送其母,恐示之弱」。 按這裏「書」 疑是

神武密懷匡復 上山逆戦 按文義不當删,疑是脫文。 北齊書、通志此上有「周軍仍以步人在前」八字。 按此不當删,疑是脫文。 北齊書卷十七、 通志卷一五二解律金傳「神武」上有「及今朱兆等逆亂」七字。

〇三〕侯景斂 按語意未完,當有脫文。

三台 周文帝長史莫孝暉在行間 北齊書三朝本「孝」作「者」。 按册府卷三九五四六八七頁作

「莫暉

者」,乃是「莫者暉」之誤倒。「莫者」複姓,見元和姓纂輯本卷十、廣韻卷五及通志卷二九氏族

略代北複姓。 本書卷九三西秦乞伏氏傳見莫者胡。此「孝」字當是「者」之訛。

[計] 百升飛上天 諸本「升」作「斗」、北齊書、通志及本書卷四七祖斑傳作「升」。按百升爲一斛、暗

寓「斛」字、今據改。

〇只 遊續之日 諸本「續」訛作「讀」,據北齊書、通志改。

[元] 在西境築定誇諸城 「誇」字疑誤。

自庫推戍東拒於海 北齊書、通志「推」作「堆」。疑「推」誤。

遷行臺尙書令 諸本「遷」訛作「遣」,據北齊書、通志改。

[1]] 使人騎快驟迎至鄴 通志「迎」作「遞」〕疑是。

CIED 鎖者鎖鎖吉利 「鎖鎖」當是誤叠。

CIBD 戰將兵權 北齊書卷一七史臣論「將」作「術」。 疑是。

列

僔

